

SUPPLEMENTORVM  
LIVIANORVM  
*ad*  
CHRISTINAM  
REGINAM  
*Decas*  
*Auctore*  
I. FREINSHEMIO



HOLMIÆ  
*Apud Joh. Janssonium*  
1649.





*Serenissima Potentissimaque Principi  
ac Domina Domina*


CHRISTINÆ,

Dei Gratia Suedorum,  
Gotthorum, Vandalorum,  
contributarumque Provincia-  
rum Regina, ac Domina,  
Domina suæ Clementissimæ,

J. FREINSHEMIUS S.P.D.

DOMINA,

**P**Erquam evenit commode,  
quod duobus è capitibus,  
quæ in dedicationibus libro-  
rum paginam utramque fa-  
ciunt, alterum mihi supervacuum  
in tantæ Majestatis fastigio pariter  
admirabilis humanitas Tuâ & eru-  
ditio fecit. Tot enim causas, cur  
Tibi Supplementum istud inscri-  
bam exsequendas habeo: ut si etiam  
argumentum opusculi, & quo fine  
quoque modo sit concinnatum, ex-  
ponere necessum foret, non nisi lon-  
gissi-



gissima possem epistola defungi.  
Nunc autem duæ virtutum Tua-  
rum quas dixi ista me necessitate li-  
berant: quando humanitas Tua ef-  
fecit, ut opusculum dum nasceba-  
tur, perlegere velles; eruditio, ut  
quid adesset ei, quidve deesset, ple-  
nius intelligeres, quam aut ego po-  
tuissem ostendere, aut quisquam.  
Itaque nec ingenii mei, nec crudi-  
tionis mediocritatem accusabo;  
remque nullam criminabor, quod  
institutum istud meum non feli-  
cius cessit: brevitatem temporis, ne-  
gotiorum impedimenta, valetudi-  
nis incommoda excusent, qui aliam  
quam obsequi gloriam quærunt.  
mihi conscientia suffecerit, quod  
& scribendo ista, studiorum Tuo-  
rum commodis, & edendo volun-  
tatis Tuæ significationi sum obse-  
quutus. Quippe quum ad Historiæ  
Livianæ committendas reliquias, in  
quibus eo tempore studiose versa-  
baris, hunc velut tumultuarii ope-  
ris pontem construxissem, pro exi-  
mia illa orbique nota bonitate Tua,  
pla-

placere Tibi conatum meum testa-  
ta es, ad eum finem, ut, tamquam  
Tibi profuisset, ad aliorum etiam  
utilitatem publici juris fieri oportere judicares. Qua in re nonnul-  
lum & prudentiæ Tuæ & benigni-  
tatis specimen visus sum animad-  
vertere: hujus in eo, quod volebas  
opinium servire usibus, quæ pro-  
prie in Tuos erant nata; prudentiæ,  
quod in recentibus his literarum in-  
crementis, quæ Tua opera Tuoque  
exemplo Septemtrio Tuus feliciter  
& cupide accipit, provocabas inge-  
nia diligentiamque hominum, li-  
mata & erudita scripta prompte  
edituris auctoribus, si etiam incul-  
ta ista & horrida clementer acce-  
pta fuisse didicissent. Quum igitur  
videam non eos modo, qui Tuum  
ad obsequium nati sunt, sed ex di-  
versissimis hominum atque popu-  
lorum generibus permultos, man-  
data Tua cupidissime suscipere &  
exsequi: ego in obediendo segnis-  
simus, qui in tanto fidelissimorum ad-  
dictissimorumque famulorum nu-

mero, aut solus, aut inter paucos  
certe, peculiari quodam modo me  
Tuum esse intelligo. Sum ego qui-  
dem ejusdem, cujus sunt & omnia:  
nec aliunde veram felicitatem &  
sine fine duraturam opperior: ne-  
que miror es plerumque quam pro  
tanta spe animos gero. Sed quan-  
tum ad hujus vitæ officia pertinet,  
uti certissimis nec Tibi ignotis, ar-  
gumentis depræhendi, ab eo Tibi  
sum donatus. Unde mihi constans  
certusque vivendi scopus est, quem  
si non, uti vellem deberemque con-  
sequor sequor certe: in iis quorum  
jussus vetitusve modus est, nemi-  
nem præter D E U M; in arbitrariis  
autem actionibus; neminem præ-  
ter Te respicere. idque maxime co-  
nari perficere, quod Tibi maxime  
placere animadverto. Atque hoc  
satis firmum erat obedientiæ vene-  
rationisque vinculum, etiamsi præ-  
terea nullis aut virtutibus alliceres  
animos, aut meritis obligares. Jam  
vero in utrisque tantum est, ut dif-  
ficile dictu sit, plusne ob illas inser-  
vire

vire Tibi velim, an ob ista debeam.  
Sento incidisse me in locum an-  
cipitem, & utrimque perplexum. Sive  
enim quod cupio, quodque justum  
est, dico quæ constitui, Tibi fiam in-  
jucundus, quæ lubentius virtutem  
& merita præstas, quam audis præ-  
stitisse: sive aliquid ex ea comme-  
moratione detraho, detraho ali-  
quid officio meo debitoque, de-  
traho Tuis laudibus, quas etiam  
ardens desiderio & favore quanto-  
vis adjutus & liberis permissus spa-  
tiis, nedum in unius epistolæ co-  
actus angustias, pro dignitate ne-  
quirem exequi. Confido tamen  
temperamentum rei quod neque  
Tu vituperes, quum ex instituto  
præsentis, tum ex moribus utrius-  
que fore. Nam & ego profecto adu-  
lationem omnem Tecum detestor,  
neque sane suavius loquar aliquid  
assentatorie, quam Tu audias. Et  
pro acumine judicii Tui non igno-  
ras, me hoc esse ingenio (quod pau-  
ci privati præstare, & pauci Reges  
ferre possunt) ut si detur optio,  
\*      ↑      pro-

prodesse Tibi cum periculo offensionis, an placere per adulationem malim, citra magnam hæsitationem illud videar electurus. Itaque secunda hanc in partem peccari non posse, ne intercedas desiderio meo. Liceat fateri quæ patimur, & si miseros plerumque nemo queri vetat, cur nos Te Principe felices vetes modestè gloriari? perire certe non debet aut Tibi rectè factorum sola merces, aut nobis grati animi fructus. iterum accipimus beneficia, dum accepta prædicamus. Sed video quid accidat: dum impetro scribendi veniam, amitto spatium & locum. Quod igitur unum superest, quidquid eram prolaturus id omne in paucas periodos congeram: ex unoquoque genere summa tantum capita delibando. Ergo quod ad virtutes illas Tuas, quibus hoc imperium magnifice illustratur, attinet: ut breviter de iis quæ sentio demonstrem; aliquid à Tacito nostro mutuandum esse video. Scis apud illum auctorem C. Cæsarem

farem à Tiberio increpari, quasi  
qui nullam ex L. Syllæ virtutibus  
esset habiturus, & omnia vitia.  
Ego vere puto in Te hoc inverti  
posse, ut omnes prædecessorum  
Tuorum habeas virtutes, vitiis, si  
quæ fuerunt; relictis: atque adeo  
ut pristina illarum decora novis &  
antehac regno huic incognitis vir-  
tutibus augeas. Equidem prioribus  
etiam sæculis non defuisse præcla-  
ros Reges arbitror; sed tamen ne-  
scio quomodo rem Sueticam num-  
quam ad celebrem aliquam dura-  
bilemve magnitudinem evexerunt.  
Laus ista tota GUSTAVIDARUM  
est: quorū nemo sine ingenti aliqua  
patriæ utilitate regnavit: Nam &  
errores quorundam profuerunt:  
Ericique & Sigismundi casus, quid  
offendere Reges possint, documen-  
to sunt; quemadmodum & alios,  
quam sit intutum proritare Princi-  
pis iracundiam, Caroli severitas ad-  
monuit. Duos vero GUSTAVOS, &  
eorum immortalia beneficia, quis  
calamus, aut quæ oratio satis cele-  
bre?



bret? quorum uterque tantus fuit,  
ut si cum aliis contendas, facile præ-  
feras: sin compares inter se, facilius  
dicas & hunc & illum fuisse maxi-  
mum, quam uter major fuerit de-  
finias. Neque enim parum fallax  
& obnoxium errori est, amplitu-  
dinem Regum ex rerum gestarum  
externo splendore arbitrari. nam  
has qui solas respiciunt, eas ad vera  
judicia cæcutire necessum est. Eve-  
nit enim interdum in his quæ ter-  
ram illustant sideribus, non secus  
atque in cœlestibus, ut alia majora  
sint, alia videantur. Hoc tamen ap-  
paret, per duos maxime Principes  
omnem hujus Regni gloriam extol-  
lere Deum constituisse, GUSTA-  
VUM MAGNUM, & CHRISTI-  
NAM GUSTAVI FI-  
LIAM. Sed illi quidem bellicas  
magis virtutes tribuerat, ut tamen,  
quoties per bella posset, domesti-  
cas quoque res accuratissime peri-  
tissimeque tractaret: Te vero, DO-  
MINA, quoniam ad majus opus,  
pacem videlicet reducendam, sta-  
bilien-



biliendam, perornandam servabat,  
sic instruxit, ut his tantis rebus ef-  
fes modis omnibus aptissima; &  
nihilominus donec bellandum fuit,  
nihil etiam in isto negotio ad sum-  
mam laudem desiderari in Te pate-  
rere. Quum enim in corpore sit mi-  
nimus, omnes eas virtutes, quibus  
summorum Imperatorum animi  
censentur Tibi superfuere; consi-  
lium in dubiis, constantia in ad-  
versis, moderatio in prosperis, la-  
bor, prudentia, fides, in omnibus. Ita  
factum est, ut per multas ac illustres  
victorias, primo regni tui anno,  
cum Daniae Rege, quarto cum Im-  
peratore Romano pacem longe  
gloriosissimam & utilissimam Tibi  
Tuisque comparares. quam quibus  
exornare modis institueris, quis  
queat in transcurso dicere. nomi-  
nabo tamen Urbem crescentem, op-  
pida constituta, justitiam firmatam,  
levatum oneribus populum, mores  
emendatos, studiorum honorem  
& fructus auctos, locupletatas Aca-  
demias, erecta Gymnasia, merca-  
turam

curam invalescentem, opificia multa recens introducta, agrum supra veterem simplicitatem excultum, curam Tuam ad commoditatem itinerum, demensionem viarum, constructionem diversorum, denique ad ea omnia quæ videmus, quæ sentimus, quorum utilitate fruimur, prolatum. Ut merito beatos dicere possim populares illos meos Germaniæ populos, qui Tua sub tutela in posterum adquiescent. Quos necum & cum universis subditis suis sic existimare velim, propitii aut irati DEI non temere signum certius habituros esse, quam prout Te talem Principem tarde celeriterve Tuis adimet. Quod si quidam vel miseria præteriti temporis oculos attollere non ausi, vel objectu nubecularum impediti serenum illud sidus intueri, & exhilarari adspectu ejus, refoverique calore nondum potuerunt; eos læta & optata omnia ex propinquo sperare non magnitudo solum tam benignæ lucis, sed etiam constantia jubet.

jubet. Non enim illi tamquam lych-  
no aut faculæ adscititius fulgor est,  
quo deflagrante fœdius appareat,  
quidquid relictum est; sed ad Solis  
exemplar purus & proprius, qui ne-  
que consumatur tempore, neque  
casuum injuria evanescat. Quem  
ego certum habeo jam jam longis-  
sime quibusque dissitis notissimum  
fore, omnesque illas quæ visui co-  
rum officiunt nebulas ita discussu-  
rum, ut neminem repetire aut tam  
cæcum possis, qui lucem illam vi-  
dere nequeat, aut tam impudenter  
existimationis suæ prodigum, qui  
videre se neget. Ceterum ego, licet  
sane molestum est à cogitatione  
tam pulchra jucundaque animum  
abducere; tamen Virtutum istarum  
commemorationem justis volumi-  
nibus, sæculis gentibusq; debitam,  
hujus chartæ, temporis, ingenio-  
li, spatiis iniquis coërcere desino.  
At in Tuis erga me beneficiis com-  
memorandis, quando neque tam  
nota sunt omnibus, & ad causas  
hujus dedicationis propius perti-  
nent,

ment, præterea Virtutum Tuarum non indigna scitu monumenta sunt, audebo esse prolixior. Sed prius DEI nostri de prædicanda mihi providentia est, quam in omni isto negotio præsentissimam semper manifestissimamque cognovi. Quum enim ex ea vivendi formula, quam certas ob rationes sequi constitueram, per aliquot annos in Germania sederem uti nullius functionis appetens, ita suscepturus quamlibet, si legitime oblata fuisset; toto illo tempore nemo libertatem meam ullo vocationis nexu occupavit. Ego interim otium illud non segnitie contrivi; sed illis operatum habui studiis, quibus me ab ineunte ætate fuisse destinatum, ex iis quæ postea evenerunt, evidentius intellexi. Maturuit interea tempus, quo Tuo ministerio debebar, DOMINA, venitque Argentoratum BENEDICTUS SKYTTE, quem Tu multis beneficiis, & postremo Senatoria dignitate, per justissimum favorem decorasti. Sic vo-

vocatus, in Academiam Tuam accessi: ubi juventutem Tuam cum fide & cura docens, quamquam arderem Te videndi desiderio, dulcedini felicitatis nondum debitæ præsentis muneris necessitatem anteposui. Quum ita tertium jam annum alloquio Tuo caruissem, suscepta nuper administratione Regni Tui, per occasionem exsequiarum Ubsaliam Te contulisti. Atque ex eo tempore collata proprie in me beneficia numerare ordiar. Supremus enim honor habebatur Patrono olim meo, **J O H A N N E S K Y T T E** Senatori, cujus eximias laudes Oratione, quæ tum ex Professionis meæ debito habenda fuit, celebrare sum conatus. Atque hæc prima fuit Orationum, quas Te audiente habui: quo tempore quum serenissimi vultus hilaritate, Te & intelligere omnia quæ dicerentur, & favere dicenti testareris, adeo sum voluptate & admiratione captus, ut exinde non jam ut meam tantummodo Regnorumque

que Tuorum, sed ut omnium virtutum ingeniorumque Principem colendam esse statuerem. Atque eundem sequenti biennio favorem sum expertus, quoties Ubsaliam regressa, de rebus quas mandaveras verba facientem audivisti. Subinde vero majoribus me cumulatura beneficiis, nihil tale non sperantem modo, sed ne cogitantem quidem, in aulam evocasti: ubi quæ statim aut mox à Te acceperim, vix longo sermone possem enumerare. Præfecisti me Bibliothecæ Tuæ, qua nulla sub initia statim sua fuit locupletior; cujusque auxilio etiam in his concinnandis Supplementis maximopere sum adjutus. Historiographi titulum imposuisti, ut res nostra memoria gestas gerendasque, quum Tibi videretur, posteritati traderem. Habitationem in Regia Tua, non commodissimam modo, sed etiam (quod majus, ut in loco celeberrimo, mirum est) tranquillissimam; salarium, ut re ipsa experior, invia-

dio-



diolum tribuisti. Et quum hæc longe maxima viderentur, effecisti ut præ illis quæ sequuta sunt, possint leviora censer. Quum enim Græcarum literarum amore flagrares, sensus eminentissimorum in civili sapientia hominum ab ipsorum ore cupiens haurire, nescio quomodo ignarum quid ageretur, sed sensim irretitum, ad istud magisterium ita propulisti, ut tum demum me serio docere intelligerem, quum Te jam multa serio viderem didicisse. Ista Tua arte factum est, ut eo tempore, quod intra proximum bienium ( Regina regnans, & belligerans, & Comitia sæpe, & Senatum quotidie, & negotia alia plurima indefinenter habens ) huc impendere potuisti, jam eo processeris, ut post experimenta in Polybio, in Plutarcho facta, Platonem, at quem virum! ita legas, ut operæ meæ vix leviter egens, cursim exponas elegantiori latinitate verbisque significantissimis: adeoque nonnumquam vitia versionis ab eruditissimis hominibus

minibus magno labore procuratæ  
per Te animadvertas, atque veris  
rationibus coarguas. Quibus ex re-  
bus omnibus tantum tamque va-  
rium purissimæ voluptatis fructum  
capió, ut apud intimos familiarium  
simpliciter fateri soleam, me, si  
quid ad officium istud impendi  
temporis, aut laboris, aut denique  
cogitationum & fidelis curæ (mo-  
lestias enim, conscientiam restor-  
sensi numquam) id omne mihi cu-  
jussibet horæ precio, quam apud  
Te exigere licuit, abunde pensatum  
arbitrari. Ut enim alia taceam,  
quantum in hoc uno est. Clarissimæ  
Regum adesse quotidie, apud Te  
conspici, à Te respici, familiaris  
speciem, locum, gratiam obtinere?  
Certe tanta mihi felicitas mea visa  
est, ut non injuria, timere jam ipsam  
inciperem. Quamquam enim per  
gratiam D E I quotidie me his o-  
mnibus exspolio, deserere aut de-  
seri certus, tamen imbecillitate ani-  
mi, & felicitate nimia poteram in-  
solescere, nisi certis argumentis in-  
tem-



tempore docuisses, tantam fortunam non tam alieni meriti, quam Tuæ voluntatis & gratiæ donum esse. Ceterum in hoc ipso, quod tantum esse dixi, quot sunt eximia & propria? Tantum vocationi meæ & studiis mancipatus, hoc est, ut qui optimo jure, liber, nullis ab officio meo alienis ministeriis deteror: nec tempori modo valetudinique, sed etiam modestiæ ac pudori meo consulis. non appareo, nisi quum studia tractantur, ne ad hæc quidem injussus. irrumpo, ut otiosus & mutus spectator adstem, cum temporis deperditi detrimento subiturus etiam ludibrium stolide ostentatæ familiaritatis. Nec operam meam vilem habes. Nihil tractamus quod regi, nihil quod excusari sit opus. Dignas eas curas homine, dignas Rege, fateri cogitur, quisquis non mavult imperitiæ suam incitiæque confiteri. Atq; hætenus eorum retuli partem, quæ mihi præstitisti. Sed urgent locumque residuum postulant quæ quum in alios con-  
tule-

ruleris, tanto magis in me collata  
esse judico, quod etiam pro aliis  
meæ preces valuerunt. Quam in con-  
fessione profecto subvercor, non  
modo ne mihi possit esse invidiosa:  
sed etiam ne Tuam quoque Maje-  
statem incescere audeant homines,  
quasi ad concedenda quæ peteren-  
rentur, æquo fueris indulgentior.  
Quibus respondeo, me haud dubie  
agnoscere & mirari bonitatem  
Tuam, quæ meritis meis longe ma-  
jora tribuerit; sed tamen illos etiam  
facile æqualia aut potiora impetra-  
turos, si respicere velint, quæ ego  
respexi. At quænam ista sunt? Pri-  
mum, ne quid peterem, quod in se  
non esset æquum. alterum, ne, quod  
officio Majestatique Principis meæ  
non congrueret. tertium illud erat,  
quod per omnia ista commoda,  
quæ aliis impetravi, ne unius qui-  
dem, quod sciam, oboli precio fa-  
ctus sum locupletior. Ceterum in his  
angustiis, ubi cogitare plura quam  
scribere licet, multa veniunt in  
mentem, quæ cogor præterminite-  
re.

re. Hoc tamen dicam, me dubitare, utrum ob parva beneficia, quæ me deprecante hominibus tribuisti, an ob magna plus Tibi debeam. nam ut in his precium rerum, ita in illis humanitatis, majus est, quod animum istum quantælibet magnitudinis capacem, interdum ad tam exigua demisisti. Regem fuisse accepimus, qui philosopho petente drachmam, conveniens hoc Regi munus esse negaverit: atque eodem mox petente talentum, negaverit hoc conveniens esse philosopho. Tu eodem illo sophismate magnificentius usa es; in parvis, quæ me deceret accipere respiciens, in majoribus, quæ Te dare. Ergo pari clementia & miserorum aliquot hominum (quos ob hoc ipsum Tibi commendavi, quod quia miseri erant, eorum nemo miserebatur) habuisti rationem: & id fecisti, quod adhuc vix proferre audeo, tum ob magnitudinem rei, tum ob magnitudinem gratiarum, quas Tibi, quum debeam amplissimas, in præ-

sentia



sentia minime possum explicare. Sed fortassis ego sum ineptus, qui Tua beneficia putem ullius oratione disertius, quam Tuis factis operibusque laudari posse: aut mea egere commendatione, quod Vangionum tibi maiorem pecuniæ, in milium stipendium debitæ, partem clementissime remisisti. quo beneficio conservatam illam esse reor, & rite atque ordine facturam, si Te, tamquam alteram Conditricem suam, in omne deinceps ævum, quam poterit exquisitissimis honoribus colendam arbitretur. Habebis igitur & Vangionum Rempublicam, & me privatim, in perpetuum hac obligatione devinctos, & in solidum debendi reos. nec enim dicere queam, uter majori Tibi iure omnia debeat, quæ accepit hoc beneficium, an qui impetravit. Potestne adhuc superesse quidquam, quod his omnibus quæ dicta sunt, æquandum, aut etiam præferendum videatur? Est certe. Meliorem enim me facere promisisti, non modo ut

omnes,

omnes, legibus moribusque; neque  
ut multos, exemplo; sed ut nemi-  
nem adhuc alium, quadam quasi  
conversandi sollicitudine curaque.  
Spondidisti namque mecum in-  
quisituram, hoc est ostensuram,  
quales oporteat esse viros pruden-  
tes, quibusque possint vestigiis  
deprehendi. Hoc autem quum di-  
dicero, multo me quam sim in præ-  
sentia meliorem fore confido. Istud  
igitur promissum tanti facis? in-  
quies. Tanti, DOMINA, ut isthac  
obligatione Te ne regni quidem  
accepta parte cupiam liberare. ne-  
que vero Tibi, quandocumque jus-  
seris, mentem illam veris clarisque  
rationibus adprobare defugio. At-  
que hoc Tibi præstare neque inju-  
cundum erit, ut conjicio, ne-  
que difficile, quæ ad ejus prudentiæ  
fastigium eniteris, qualem inter eos  
qui volunt erudiri videri, facilius  
invenias, qui doceant, quam qui  
noverint. Hac igitur re merito glo-  
riar, qua non alios modo hominum  
felicitate videor supergredi, sed Sa-  
lo-

Iomonis etiam ministros, quos ob  
auditam Regis sapientiam merito  
beatos prædicari sentio, beatiores  
tamen futuros, si etiam peculiari  
quadam cura, quod non legitur, in-  
stituere ipsos ac edocere voluisset.  
Verum, ut animadverto, quem mi-  
hi nec animus, nec argumentum fe-  
cisset, eum charta facit scribendi  
modum. Desinam igitur, DOMI-  
NA, quum Tuam Majestatem sup-  
pliciter fuero veneratus, ut non tam  
libellum istum Tibi dedicari putes,  
quam totum meum animum, ad-  
fectum, studium, quidquid deni-  
que sum, & possum, & habeo, ut  
Tua causa simpliciter velim omnia,  
nulla cum exceptione cujusquam  
rei, nisi quæ vel conscientiam meam  
læderet, vel vires egrederetur. SE-  
RENISSIMA. ET. OPTIMA.  
REGINA. DEUS. TE. SER-  
VET. INCOLUMEM! Vovebam  
Holmiæ A.D. xv. Kal. Decembres,  
Anno Christiano MDCXLIX.

I. FRINS-



I. FREINSHEMII  
SVPPLEMENTORVM  
LIVIANORVM  
LIBER PRIMVS.

In locum Libri XI. Liviani.

*Ex Auctoribus quorum nomina sunt in  
margine singulis locis adscripta.*

**F**Ractæ jam multis præliis  
Samnitium opes erant: ne-  
que dubium habebatur,  
quin bello finis imponi  
posset, si perculso & de-  
bilitato hosti quam minimum ad  
confirmandos animos spatii relin-  
queretur. Igitur Q. Fabius Consul *Anno ab*  
ardens juvenia, & confecti belli *Urbe Con-*  
gloriam sibi comparare certus, de- *ditæ 661.*  
lectu haud segniter acto, protinus  
in Campaniam cum exercitu pro- *Z. naras*  
fectus est. Samnites enim dura *Tom. II.*  
gens, & ad desperationem potius  
quam timorem tot cladibus acta;  
quod superioris anni Consules ad  
triumphum suum legiones dedu-  
xerant, occasione temporum usi,  
non pœnitendas copias ex reliquiis  
priorum pugnarum & novis dele-  
ctibus

*Livius*  
*lib. 7. cap.*  
 31.

*Zonaras.*

etibus coëgerant : & quoniam pestilentia Romanos urgeri sciebant, præterea Consules nec experientia bellorum nec auctoritate magnopere metuendos cum in annum factos esse audiverant; in spem erecti, Campanos semper spreto, tum autem ut auctores periculorum malorumque suorum invisiores, populationibus & vastatione agrorum lacescebant. Erat in duce Romano par dignitati Fabiæ domus animus, sed contemptus toties à suis victæ gentis, & rei gerendæ cupiditas, consilium eripuerant. raptim ad hostes exercitu ducto, quum præmissos ab imperatore Samnitium speculatores vidisset, qui conspecto Romanorum agmine se recipiebant ad suos; universam hostium multitudinem fugere arbitratus, non locorum, non hominum explorato habitu, tanquam omnis victoriæ spes in celeritate posita esset, quanta maxima festinatione poterat, signa inferri iussit. Apud Samnites à suis præmonitos omnia circumspicius acta sunt: præcipi opportuna loca,



loca, strūi acies, alloquiū ducum  
accendi militis animi potuerunt.  
Igitur eventus prælii qualis esse  
debuit, fuit. Fessos ex itinere &  
cursu, turbatis ordinibus, tam-  
quam ad prædam magis quam  
pugnam venientes, instructus pa-  
ratusque miles haud magno ne-  
gotio pepulit: Fabius desideratis  
suorum millibus tribus, majore  
etiam numero fauciorum, quo  
minus omnem exercitum amitte-  
ret, superventu noctis defensus est.  
Tum loco paulo æquiore capto,  
quantum in illa trepidatione fieri  
potuit, castra communita sunt. in  
quibus haud multo melior quam  
in ipsa acie aut facies rerum, aut  
fiducia animorum fuit. non re-  
quies fessis, non cibus esurienti-  
bus, non fomenta faucis suppete-  
bant; tantum cum armis egressi,  
prioribus in castris impedimenta  
omnia reliquerant. Igitur inter ge-  
mitus morientium & querelas su-  
perstitum tota nox exacta est,  
omnibus imminentem diem cum  
horrore ac desperatione, ut supre-  
mam, opperientibus. *Neque enim*

*Eutropius  
Lib. II.  
Suidas in  
Fabius  
Maxi-  
mus.*

*Zonaras*

*laboribus fessos , exhaustos vigiliis ,  
 vulneribus debiles , perculsos infelicis  
 praelio , numero etiam multum immi-  
 nuto , resistere posse hostibus , quos  
 incolumis adhuc , integris animis cor-  
 poribusque , & optima spe incensus  
 exercitus sustinere nequivisset. Re-  
 bus conclamatis , uti solet , reme-  
 dium ab hostis errore fuit. Ille  
 venientis alterius Consulis fama  
 perterritus , ne , si oppugnare ca-  
 stra Fabiana adortus esset , recen-  
 tium copiarum adventu à tergo  
 circumveniretur , rerum supra  
 spem feliciū successū contentus ,  
 motis castris iter alio convertit.  
 Digressis hostibus , Romani quo-  
 que ad tutiora loca se receperunt.  
 Postquam ista Romam adlata sunt ,  
 magis ignominia quam accepto  
 detrimento mota civitas , molestis-  
 sime tulit ; temeritate Consulis  
 effectum , ut bellum , quo diutur-  
 nus nullum fuerat , quum jam in  
 exitu esset , nova spe repletis Sa-  
 mnitium animis , formidabilius ite-  
 rum quàm à longo tempore fuisset ,  
 renasceretur. Neque tribuni  
 modo plebis , quorum hæ pro-  
 priæ*

priæ artes erant, frequentibus ad  
 populum concionibus invidia &  
 odio cuncta repleverant: verum- *Livii Epi-*  
 etiam apud patres agitata re atro- *tom. II.*  
 ces sententiæ dicebantur. factum-  
 que Senatus consultum est, quo *Dio apud*  
*certum ante diem Fabius consul ad di-* *Valesium.*  
*cendam Romæ causam adesse* jubeba-  
 tur. Venientem magna vis accusa-  
 torum adorta est: neque defendi  
 factum quibat, & quod unum ma-  
 xime prodesse debebat reo, Fabii  
 senis gratia, in contrarium verte-  
 rat. Minus enim ignoscendum ei  
 putabant, qui à præstantissimo  
 viro genitus, & inter paternos  
 triumphos educatus, non modo  
 Romanum nomen, sed suæ quo-  
 que familiæ laudes, & partas à  
 majoribus victorias, per tantam  
 imprudentiam accepta clade fœ-  
 davisset. Exulcerati animi, & de-  
 fensionem paranti reo vix æquas  
 aures præbituri, Fabii patris in-  
 signi pietate primum, mox etiam  
 oratione leniti sunt. Is enim veri-  
 tus, ne propter rem male gestam  
 filius ab exercitu removeretur, ab  
 ipsa quidem culpa purganda peni-

tus abstinuit: Sed sua & majorum  
merita modeste commemorans,  
tam acerbam sibi iam seni, tam igno-  
miniosam genti Fabia notam depre-  
cabatur. Neque tamen se postulare,  
ut ceteris tot Fabiis, qui ab ipsis prope  
Urbi primordiis Romanam rem vir-  
tute consilioque auxissent; ut trecen-  
tis etiam illis, qui Rempublicam sua  
& tantum non universi nominis Fa-  
bii internecione texissent, error unius  
condonetur; si immedicabilis ille sit,  
majusque commodum ex pœna filii sui  
quam incolumitate perventurum esse  
videatur: se enim charitatem patriæ,  
adfectibus aliis omnibus anteferre sa-  
tis didicisse. Verum enimvero, quid-  
quid in hoc adolescente metuendum  
fuit, transactum est: bona autem quæ  
mens illius indolesque, ac sub me non  
ineptissimo magistro, uti vobis visus  
sum, instituta & exercita virtus pol-  
licentur, adhuc expectari possunt,  
nisi spem istam, non quidem iniqua,  
sed tamen intempestiva severitate  
præcidimus. Multis initio rerum ge-  
rendarum impegisse, ad prudentiam  
& cautionem profuit: qui erroris ad-  
moniti, mediocria sæpe damna ingenti  
uti-

utilitate redemerunt. Et nescio annon ad fortunæ potius invidiam, quam hominis cujusquam peccatum referri verius sit, quod & Reipublicæ nostræ, & Fabiæ gentis diuturnæ felicitas mediocri detrimento castigata est: quamquam benevolentia magis hæc Deorum, quam invidia vocanda sit, cujus beneficio adversus exitiabilem superbiam, quæ res nimium secundas sequi solet, non tam damnoſa civitati clade, quam ad documentum efficaci, conditionis humane admonemur. Quidquid id est, Quirites, mihi certe sinistri aliquid præſagiebat animus, quum die comitiorum ſolicite vobiſcum agerem, ne filium meum Conſulem faceretis.

Quum enim patrem meum, avum, proavum, alios majores meos ſæpiſſime, adhæc meipſum quinquies hoc magiſtratu functum eſſe cogitarem, incipiebam vereri, ut eadem in gente ſummos honores continuari, vel Dii, vel homines, animo ſatis æquo paterentur. Atque utinam vel iſto tempore, preces meæ valuiffent; vel vobis beneficium veſtrum tueri placeret, ne quod honoris cauſa, me re-

Polyænus  
Strategem.  
8, 15.

Valerius  
Maxim.  
4, 15.



cusante, tribuistis filio meo, inaudita haecenus ignominiae occasio utrique fieret: vosque temeritatis argueremini, quos, si priorem de Q. Fabio sententiam alio iudicio rescinditis, aut dedisse imperium sine causa, aut abrogasse posteri credent. At si mitiora decreveretis, & vestra vobis auctoritas, & Fabia gentis existimatio salva erit, errorque juvenilis, uti cum aliquo reipublicae damno commissus est, ita maiore cum ejus emolumento emendabitur. Sed quis spondere hoc ausit? Ego, Quirites, ego pro filio meo sponso rem me Reipublicae dabo: & quod Senatui Populoque Romano, deinde nostrae domui felix faustumque sit, Consuli legatus ibo, particeps futurus omnis fortunae, quam aut invenire dabitur, aut facere. Viget adhuc animus; neque ut in hac aetate virium corporis pœnitet: possum perferre militiae labores, possum in acie stare, & si nihil aliud, memoria veterum pugnarum terrere hostes, alacritatem augere nostrorum; & quod caput est, possum adolescentiam Consulis, quae sola rerum secius gestarum causa est, regere consilio.

Valerius  
Maxim.  
5.7.1.

*filio, & ætatis præservida impetus  
senili cautione temperare. Nisi filii  
ingenium tenerem, eumque recte mo-  
nenti morem esse gesturum confide-  
rem, nollem in fine prope vite sine  
dedecore actæ, post tot consulatus ex  
sententia mea vestraque gestos, post  
ingentes victorias & illustres trium-  
phos, tot annorum laboribus pericu-  
lisque partam belli domique gloriam,  
unius juvenis inconjultæ temeritati  
corrumpendam permittere. Huic  
orationi nec ad movendos præ-  
sentium animos pondus; nec ad  
sponsionem melioris eventus fides  
defuit. Summo omnium consen-  
su legatione decreta, rebus omni-  
bus intentissima cura provis, non  
minore favore speque profectus  
Consul est, quam paulo ante con-  
vitiis & indignatione redierat. In  
itinere deinde & castris, nihil non  
ex disciplina veterisque imperato-  
ris artibus curatum est: & socii,  
quos Q. Fabius pater multis be-  
neficiis & virtutis admiratione  
devinxerat, ad omnia quæ impera-  
bantur, præsto fuere. Milites etiam  
ipsi delendæ ignominia cupidi,*

*Dis apud  
Valesium.*



*Orosius 3,*  
*22.*

confisque consiliis ejus ducis, sub quo eandem illam gentem, à se patribusque suis sæpe fusam fugatamque meminerant, copiam cum hoste confligendi dari votis omnibus desiderabant. Neque minores à recenti victoria Samnitibus animi erant. ita quum hi partum decus retinere, illi recuperare amissum niterentur, summis utrimque viribus concursus est. Et jam deteriore loco res Romana esse ceperat, Consulemque ipsum dux hostium C. Pontius Herennius cum delecta manu circumveniebat: quum animadverso filii periculo Maximus in confertum Samnitium agmen admissis equo se intulit. Sequutus est equitum globus, supra solitam alacritatem pudore accensus, si tot florentissimi juvenes animis & robore à se vincere viderentur. Hic impetus totius proelii fortunam traxit: sustinuerunt primum Romanæ legiones hostem equitatus audacia animata, mox impulerunt: frustra obnitente Herennio, qui omnibus boni & ducis & militis muneribus eo die fun-

functus, dum redintegrare ordines, retinere fugientes, obsistere ingruentibus tendit, neque inhibere fugam suorum potuit, & opportunitatem evadendi ipse amisit. Capta cum duce millia Samnitium quatuor: ad millia viginti proelium & fuga hauserunt. Etiam castra hostium in potestatem red- *Zonaras,*  
acta sunt, cum ingenti præda, *Eutropius*  
quam statim agri hostium late va- *lib. II.*  
stati, passimque expugnata, aut dedita oppida luculenter auxerunt. Tanta rerum commutatio accessione unius hominis facta est, ut paulo ante victor exercitus à victo cæderetur: & eum imperatorem à quo fusus fugatusque Consul fuerat, ipse nunc captivum abduceret, ingens populo Romano spectaculum, & ornamentum triumphi sui: quem anno sequente ad urbem reversus summa omnium voluntate impetravit. Dum hæc à Fabiis in Samnio administrantur, etiam alter Consul, D. Brutus, *Zonaras.*  
cui Falisci provincia evenerat, prosperis rebus usus est. Quippe adjutus à Sp. Carvilio legato (nam

*Livius*  
27, 6.

*Livius* 3,  
35.

*Anno ab*  
*Vrbe Con-*  
*dita* 662.

*Dionysius*  
*apud Va-*  
*lesium.*

& Bruto legatum adjungi placue-  
rat) viro bellorum & hostis gna-  
ro, adversus quem superiore anno  
Consul rem feliciter gesserat: &  
ceteræ Etruriæ partem non exi-  
guam perpopulatus est; & Faliscos  
occurrere ausos prælio vicit. His  
rebus in Urbem nunciatis, quum  
tempus comitiorum venisset,  
Consulesq; à rebus gerendis avo-  
cari parum è republica videretur;  
interregnum est initum. Interrex  
L. Posthumius Megellus, comi-  
tiis quæ ipse habebat, Consul de-  
claratus est: nullo ad eam diem ex-  
emplo, præterquam Appii Clau-  
dii, quod bonus nemo probave-  
rat. Sed Posthumius non minore  
arrogantia magistratum gessit,  
quam acceperat. Iamprimum no-  
bilitate generis, & tertio tum con-  
sulatu inepte ferox, collegam ejus  
anni C. Junium Brutum, plebeium  
hominem, ut se longe inferiorem,  
olim habebat despectui. Ut vero  
de provinciis agi ceptum est, ne-  
que comparare cum Bruto, neque  
fortiri voluit, administrationem Sa-  
mnitici belli extra ordinem poscens,  
tam-

*tamquam sibi debitam, quod duobus prioribus consulatibus res sese magnas adversus eundem illum hostem gessisse diceret. Multis in Senatu contentionibus jactato negotio; quum C. Iunius se hominem novum adversus gratiam & potentiam collegæ jus suum obtinere non posse videret, ad extremum, ne discordia consulum bono publico fraudi esset, sponte se cedere testatus est. Premebat adhuc Urbem agrosque pertinax contagionis malum: quod tertium jam annum expertis omnia, neque divina ope ulla, neque humana pelli potuerat. Igitur sive Sibyllinis ex libris, sive Delphici oraculi admonitu (nam hoc quoque traditur) decem legati missi sunt qui Æsculapium ab Epidauro, qua in urbe natus esse credebatur, Romam arcesserent. Quamquam enim perplexum fati responsum erat, neque providere eventum rei Patres poterant, obsequendum tamen diis statuerunt; ipsos viam explicaturos esse rati, qua possent eorum fata procedere. Res inde mi-*

*ra*

*Livius 9,  
44. &  
10, 33.*

*Suidas in  
Positum.*

*Valerius  
Max. 1,  
8, 2.*

*Ovidius  
Metam.  
15.  
Pausanias  
lib. 2.*



*Valerius  
Maxim.*

*Plutarch.  
Quæst  
Rom. 94.  
Livius  
45, 28.*

*Pausan.  
Auctor de  
Viris Illu-  
stribus  
cap. 22.*

ra dictu sequitur ; sed multis fi-  
disque auctoribus , ipsaque stru-  
ctura ædis, quæ tum in Tiberis in-  
sula facta dedicataque est, comper-  
tæ veritatis. Quum apud Epidau-  
rios mandata legati Romani edi-  
dissent ; excepti quidem benigne,  
sed quia parum liquebat quid con-  
cedi posset , ut ipsi deportarent  
quidquid ex usu videretur, in tem-  
plum Æsculapii deducti sunt.  
Apud Græcos ferme locis apricis  
excelsisque numinis istius consti-  
tutæ sedes sunt : Epidaurii quoque  
quinque millibus passuum ab ur-  
be distans templum habebant , ce-  
leberrima iis temporibus fama ,  
donisque hominum , qui valetu-  
dinem credebant ibi recepisse ,  
prædives. Huc adducti , dum in-  
gentis molis simulacrum , Thra-  
symedis Parii nobili ingenio fa-  
brefactum , admirantur ; ingens  
repente serpens ex ipsis adytis  
prolapsus animos omnium hor-  
rore summo & religione perfudit.  
Sacerdotes enim venerabundi , ip-  
sum in hoc angue numen esse, & non-  
nunquam hac forma conspici, salutaris  
sem-

*Semper ostento, clamitabant. Biduo  
 conspectus in templo serpens, de-  
 inde iterum reconditus est: tertio  
 die per medios spectantium vene-  
 rantiumque cœtus recta perrexit  
 ad portum ubi Romana triremis  
 stabat; quam ingressus, in taber-  
 naculo Q. Ogulpii qui princeps le-  
 gationis erat, multiplici spirarum  
 orbe se composuit. Ferebatur an-  
 tiquitus Fabula eundem illum  
 Æsculapium forma serpentis indu-  
 tum, aliquando Epidauro Sicyonem  
 mularum jugis deportatum fuisse,  
 Nicagora quadam, Echetimi uxore,  
 deducente. Læti ergo prodigio Ro-  
 mani, tamquam præsentem Deum  
 veherent, vela dedere, paucisque  
 diebus interjectum mare per-  
 mensi prosperrimo cursu Antium  
 tenuerunt. Ibi quum inhorrescens  
 mare navigationem impediret,  
 prorepens ex navigio serpens, qui  
 totum per iter quietus ibi se te-  
 nuerat, in vestibulum fani quod ea  
 Vrbe celeberrimum erat, adlabi-  
 tur, eoque loco tres continuos  
 dies exigit: magno cum metu le-  
 gatorum ne avelli inde non posset;  
 quod*

*T. Diacon-  
 ni Hist.  
 Miscella  
 2, 11.*

*Livii  
 Epit. 11.*

*Pausan.*

*Auct. de  
 Vir. Illust.  
 Ovidius.*

*Valerius  
 Maxim.*

Ovidius,

Suetonius  
in Claudio  
cap. 25.

Tabula  
marmorea  
apud Mer-  
curialem  
de arte  
gymnasti-  
ca, 1. 1.

Dionysius  
apud Va-  
lesium,

quod toto eo tempore ad consue-  
tos cibos non reverterat : donec  
navigio redditum magna cum ala-  
critate Romam detulerunt. Ad  
spectaculum incredibilis rei tota  
effusa civitate, passim in ripa flu-  
minis quo subvehebatur positæ  
aræ sunt; accensique odores & vi-  
ctimæ cæsæ. Iam ad eum locum  
perventum erat; ubi divisus mo-  
dico intervallo Tiberis insulam ef-  
ficat; quum relicta nave serpens  
eam insulam, quæ post *Æsculapii*  
vocata est, natatu petens, cerni ul-  
terius ab hominibus desiit. Patres  
delectum à Deo locum interpretati,  
decreverunt ut eadem in sede tem-  
plum *Æsculapio* strueretur. Morbi  
sive illa ope, sive quod alioquin  
desituri fuerant, cessavere. Tem-  
plum mox insignibus donariis, &  
hominum qui remediis salutaribus  
ab eo numine se adjutos ferebant,  
prædicatione nobilitatum est. L.  
Posthumus Consul superbiam in  
Urbe adversus collegam suum ex-  
ercitam, etiam in provinciam de-  
tulit. Quum enim Q. Fabius Gur-  
ges, qui priore anno Consul fue-  
rat,



rat, ex Senatus consulto procon-  
sule res in Samnio gereret: scri-  
psit ad hunc Posthumius arrogan-  
ter, *excedere jubens provincia sua,*  
*se administrando ei bello sufficere.*  
Obtendente iussa Patrum Fabio,  
*neque integrum sibi deserere negotium*  
*quod Senatus imposuisset;* quum Ro-  
mam nunciata res esset, metus in-  
cessit, ne per discordiam impera-  
torum respublica detrimentum ca-  
peret. Quare mitti ad Consulem le-  
gatos placuit, qui verbis Senatus pe-  
terent, ut Fabium ad exercitum  
*in Samnio esse pateretur.* Quum alias  
absurdum & præfractum fuisse re-  
sponsum ferunt; tum etiam vocem  
adjectam singularis pervicaciæ:  
*Non se Senatui, quamdiu Consul*  
*esset, sed Senatum sibi dicto audien-*  
*tem esse oportere.* neve loquutus esse  
ferocius, quam fecisse videretur,  
protinus dimissis legatis Comi-  
nium (eam tum Urbem Fabius ob-  
sidebat) cum exercitu progreditur,  
si alia ratione amoliri æmulum  
non posset, bello certaturus. Fœ-  
dum spectaculum præbuisent ho-  
stibus Romana arma, si pari stoli-  
dita-

*Dio apud  
Valesium,*

*Dionysius  
apud Va-  
lesium.*

ditate quam petebatur, resistere Fabius voluisset. Sed ille natura & consiliis paternis moderatior, *non furori Consulis, sed utilitati Reipublicæ* cedere præfatus, provincia excessit. Cominium post paucos dies à Posthumio expugnatum est. Inde Venusiam ductus exercitus, hac quoque capta, circumlatum ad alia oppida bellum: quorum complura, partim vi, alia deditione in potestatem venerunt. Hostium in ea expeditione decem millia cæsa sunt, sex millia ducenti traditis armis fidei victoris se permiserunt. Non erant spernendæ res quas bello gesserat consul, sed gratiam earum superbia contumaciaque corruperat. Itaque quum ad Patres missa epistola de rebus suis perscripisset, *Venusinamque Urbem & agrum deducendæ coloniae accommodatissimum* esse monuisset; accepta quidem res est, sed præterito auctore victoriæ consiliique, ab aliis deducta sunt colonorum millia viginti, sic enim apud scriptores minime contemnendos reperio; ingens numerus, & prope  
 exce-

excedens fidem, nisi quod videri potest inter gentes indomitas, communi adversus Apulos Lucanosque praesidio, collocari validam manum placuisse. Ceterum importunitas L. Posthumii, quemadmodum ipsi supra veteres offensas, ingentem conflavit invidiam; ita Q. Fabio ad favorem omnium valde profuit: eique, postquam ad Urbem venit, deque rebus à se gestis disseruit, triumphus haud ægre decretus est. Triumphavit proconsule de Samnitibus qui *Pentri* cognominantur Kalendis Sextilibus. Currum equo sequutus est senex Fabius: quem non adiutorem magis victoriæ, quam auctorem, spectantium deducentiumque voces celebrabant. Ipse summam rei bene gestæ gloriam ad Consulem populi Romani trahens, sicuti nomine legati, sic etiam modestia utebatur; haud minori cum voluptate honores filii intuitus, quam cum adhuc parvulum in curru suo circumtulcrat, quum ipse triumpharet. Ceterum prædæ partem militibus Consul dedit:

*Horatius  
Satyrum 2. l.*

*Columna  
Capitolina.  
Plutarch.  
in Q. Fabio Censore c.  
43.  
Dio apud  
Valesium.  
Valerius  
Maxim.  
5, 7, 1.*

*Zonaras.*

*Livii  
Epit. 11.*

*Cicero de  
Offic. 2, 21.*

*Dionysius  
apud Va-  
lesium.*

dedit: reliqua in ærarium relata: C. Pontius Samnis in triumpho ductus, mox securi percussus est. Vir acer & memorabilis, qui vim Romanam iis temporibus diu sustinuit, cladesque non contemnendas, sed ignominiam multo maximam ad Caudinas furculas intulit. Quem ajunt dicere solitum, *Si in ea tempora natus esset, quibus munera accipere Romani didicissent, se illos diutius imperare non fuisse passurum.* Ita tum fortuna Civitatis non armorum magis industria, quam innocentia morum stetit. L. Posthumius interea non minus honoribus qui æmulo concessi, quam qui sibi negati fuerant, fremens, per impotentiam animi, cum auctoritate Patrum contumacia certando, neque mederi acceptis vulneribus potuit; & ultro irritavit iras, quas modestia sermonum factorumque mitigare debuisset. Quippe non querelis adversus inimicos, non convitiis in ipsos ordines abstinens, quo Patribus ægre faceret, prædam omnem militibus distribuit, exercitumque prius-

priusquam successor mitti posset,  
dimisit. Triumphum etiam con- *Livius*  
tra voluntatem Senatus actum, *10, 37.*  
quamquam ad secundum ejus  
consulatum relatus sit, ad hæc po-  
tius tempora pertinere credide-  
rim; idque scriptores diligentiae  
fideique non postremæ in historiis  
suis prodiderunt. Ob hæc facta re- *Dionysius.*  
centioribus odiis petitus est: cum-  
que simul atque magistratu abiit,  
duo tribuni plebis corripuerunt,  
dic ad populum dicta. Præter ea  
quæ memoravimus, crimini daba-  
tur: quod priusquam paludatus ex *Livii*  
Urbe exiret, ex legionibus suis dele- *Epit. II.*  
ctos milites, ad duo hominum millia,  
in agrum suum ad saltum repasti-  
nandum miserat: eosque in opere isto  
per multos dies detinuerat, immemor,  
non mancipia sibi, sed milites; ne-  
que ut suum agrum excoleret, sed ut  
publicum extenderet, datos. His cri-  
minibus accusatus atrociter, fru-  
stra tentata defensione, suffragiis  
omnium tribuum damnatus, eique  
lis ducentis millibus nummum  
æstimata est. Iam P. Cornelius  
Rufinus, M. Curius Dentatus no-

vi





*Dionysius*  
*Anno ab*  
*Urbe Cond.*  
 663.  
*Eutropius*  
*Lib. 2.*

*Orosius*  
 32, 2.

*Livii*  
*Epit. II.*

*Livius*  
 7, 29.

vi Consules magistratum inierant  
 Hi cum suis quisque legionibus.  
 Samnium populationibus agro-  
 rum, & ruinis urbium foede va-  
 vere: Samnitasque multis locis  
 congregi ausos ingentibus cladi-  
 bus ad pacem foedusque peten-  
 dum compulerunt. Quum enim  
 tot praeliis juventutem pleram-  
 que, capto autem C. Pontio, con-  
 siliium etiam & ducem amisissent;  
 missis ad Consules & horum ad-  
 sensu Romam legatis, ut foedus  
 cum ipsis quarto renovaretur, im-  
 petrarunt: credo Romanis etiam  
 vincendo fessis, cupientibusque  
 bellum difficile, ipsisque sæpè cala-  
 mitosum, tandem aliquando cer-  
 tæ pacis tranquillitate compone-  
 re. Illata primum Samnitibus ar-  
 ma M. Valerio tertium, A. Corne-  
 lio Cosso Consulibus reperio: quæ  
 ad quartos & quinquagesimos in-  
 de Consules vario Marte exercita,  
 aut foederibus parum diuturnis  
 suspensa, populum utrumque oc-  
 cupatum sollicitumque habuerunt.  
 An ex hoc bello triumphaverit  
 Cornelius, in obscuro est: de Ma-  
 nio

nio non ambigitur; cuius fortuna  
eo fuit illustrior, quod aliis sub-  
inde victis hostibus, bis eodem in  
magistratu triumphavit. Quippe  
Sabini valida gens, & longa tum  
pace opulenta sive precibus Sa-  
mnitium & propinquitatis mise-  
cordia commoti; sive victis vicin-  
is ad se quoque perventuro in-  
cendio volentes obsistere, armata  
juventute Romani juris loca quæ-  
dam invaserunt. Adversus hos  
egressus cum exercitu Curius, ut  
diduceret hostes, simul ne Sabinorum  
agri cladum bellicarum  
expertes haberentur, occultis itin-  
eribus copiarum partem misit;  
datis mandatis, ut quam latissime  
possent, terrorem ubivis vastitatem-  
que facerent. Ea necessitas, ad sua  
tuenda diversis abeuntibus agmi-  
nibus, formidabile Sabini exerci-  
tus robur solvit: facilemque ad-  
versus dispersos victoriam Con-  
suli præbuit. Hac expeditione us-  
que ad Adriaticum mare perven-  
tum est: agrorum hominumque  
tanta vis in potestatem venit, ut  
celebrata deinde fuerit Curii vox,  
qui

Livii  
Epit. 11.

Frontinus  
Stragemen-  
tum 1, 8.

Florus 2  
15.

- Plinius*  
*Hist. Natural. 7,*  
*41.* jectura est, quod aliunde scimus, ex ea gente continuum eum honorem tribus mansisse, ut Maximus acceptum ab Ambusto patre, mox ad Gurgitem filium transmiserit. Interea quum foris res satis lætæ essent, gravibus domi discordiis seditionibusque laboratum est. Plebs are alieno oppressa novas tabulas flagitabat, rem veterem, & ab ducentis amplius annis varie jactatam, ut turbulentus aliquis tribunus ad commovendos multitudinis animos stimulum eum admoverat; aut improbitate fœneratorum populi indignatio exarserat. Sed sub prioribus aliquot consulibus, morborum aut hostium metus remissiores in urbe contentiones fecerat: Q. Marcio Tremulo, P. Cornelio Arvina Consulibus; deinde proximo anno, quum M. Claudius Marcellus, C. Nautius Rutilus magistratum gererent; majores aliquanto motus extiterunt. ad quos comprimendos, magis quam ullius alterius negotii bellive causa dictatorem fuisse dictum existimem Appium
- Zonaras.*
- Florus I,*  
*23.*
- Ann. V.C.*  
*465.*
- Ann. Urb.*  
*Cond.*  
*466.*

pium Claudium, qui deinde Cæcus est cognominatus, quem dictatorum fuisse, in antiquis monumentis reperio. Sane præter acerbissimam iniquissimi fœnoris, etiam nefaria C. Plotii libido, ægris jam hominum animis, ut citius atque vehementius exardescerent, subjecit faces. Huic T. Veturius, filius ejus Veturii, qui Consul ob turpe fœdus Samnitium populo deditus fuerat, quum ob calamitatem domesticam ad æs alienum compulsus solvendo non esset, in nexum se dedidit lubens: omniaque servilia ministeria patienter exsequutus est. Plotius adolescentulum forma liberali, ex magna spe consularis familiæ, ad infimæ fortunæ sordes depressisse non contentus, etiam pudicitiam extorquere instituit, cui jam & rem familiarem omnem, & libertatem ipsam eripuerat. Deinde Veturium aspernantem, & quidvis potius quam tantum flagitium pati paratum, verberibus crudelissimis lacerat: ille in publicum se proripiens, & ad consulum tribunal

*Tabula  
marmorea  
apud Onuphrium  
in lastris.*

*Valerius  
Maxim.  
5, 1, 9.*

*Dionysius  
apud Valerium  
lesium.*

*Valerius  
Maxim.*

- Plinius*  
*Hist. Natural. 7,*  
*41.* jectura est, quod aliunde scimus  
ex ea gente continuum cum ho-  
norem tribus mansisse, ut Maxi-  
mus acceptum ab Ambusto patre  
mox ad Gurgitem filium transmi-  
serit. Interea quum foris res sati-  
lætæ essent, gravibus domi discor-  
diis seditionibusque laboratum  
*Zonaras.* est. Plebs ære alieno oppressa nova  
tabulas flagitabat, rem veterem  
& ab ducentis amplius annis va-  
rie jactatam, ut turbulentus aliqui  
tribunus ad commovendos mul-  
titudinis animos stimulum cum  
admoverat; aut improbitate fœ-  
neratorum populi indignatio ex-  
arserat. Sed sub prioribus aliquo  
*Florus I,*  
*23.* consulibus, morborum aut ho-  
stium metus remissiores in urbem  
*Ann. V. C.* contentiones fecerat: Q. Marcii  
*465.* Tremulo, P. Cornelio Arvin-  
Consulibus; deinde proximo an-  
*Ann. Urb.* no, quum M. Claudius Marcellus  
*Cond.* C. Nautius Rutilus magistraturam  
*466.* gererent; majores aliquanto me-  
tus extiterunt, ad quos compr-  
mendos, magis quam ullius  
negotii bellive causam  
rem fuisse

pium Claudium, qui deinde Cæ-  
cus est cognominatus, quem di-  
ctatorem fuisse, in antiquis monu-  
mentiis reperio. Sane præter acer-  
bitatem iniquissimi fœnoris, etiam  
nefaria C. Plotii libido, ægris jam  
hominum animis, ut citius atque  
vehementius exardescerent, sub-  
jecit faces. Huic T. Veturius, fi-  
lius ejus Veturii, qui Consul ob  
turpe fœdus Samnitium populo  
deditus fuerat, quum ob calami-  
tatem domesticam ad æs alienum  
compulsus solvendo non esset, in  
nexum se dedit lubens: omnia-  
que servilia ministeria patienter  
exsequutus est. Plotius adolescen-  
tulum forma liberali, ex magna  
spe consularis familiæ, ad infimæ  
fortunæ sordes depressisse non  
contentus, etiam pudicitiam ex-  
torquere instituit, & rem  
familiarem omnem in pauperem  
ipsam eripuit. Vetus  
rium aspern-  
tius quare

*Tabula  
marmorea  
apud O-  
nuphrium  
in laftos.*

*Valerius  
Maxim.  
5, 1, 9.*

*Dionysius  
apud Va-  
lesium.*

*us  
170.*



*Plinius*  
*Hist. Nat.*  
*tural. 7,*  
*41.*

*Zonaras.*

*Florus* I,  
*23.*

*Ann. V.C.*  
*465.*

*Ann. Urb.*  
*Cond.*  
*466.*

jectura est, quod aliunde scimus, ex ea gente continuum cum honorem tribus mansisse, ut Maximus acceptum ab Ambusto patre, mox ad Gurgitem filium transmisserit. Interea quum foris res satis lætæ essent, gravibus domi discordiis seditionibusque laboratum est. Plebs are alieno oppressa novas tabulas flagitabat, rem veterem, & ab ducentis amplius annis varie jactatam, ut turbulentus aliquis tribunus ad commovendos multitudinis animos stimulum cum admoverat; aut improbitate fœneratorum populi indignatio exarserat. Sed sub prioribus aliquot consulibus, morborum aut hostium metus remissiores in urbe contentiones fecerat: Q. Marcio Tremulo, P. Cornelio Arvino Consulibus; deinde proximo anno, quum M. Claudius Marcellus C. Nautius Rutilus magistratum gererent; majores aliquanto motus extiterunt. ad quos commovendos, magis quam ullius rursus negotii bellive causam rem fuisse



*Plinius*  
*Hist. Natural. 7,*  
*41.*

*Zonaras.*

*Florus I,*  
*23.*

*Ann. V. C.*  
*465.*

*Ann. Urb.*  
*Cond.*  
*466.*

jectura est, quod aliunde scimus ex ea gente continuum cum honorem tribus mansisse, ut Maximus acceptum ab Ambusto patre mox ad Gurgitem filium transfert. Interea quum foris res sat lætæ essent, gravibus domi discordiis seditionibusque laboratur est. Plebs are alieno oppressa novæ tabulas flagitabat, rem veterem & ab ducentis amplius annis varie jactatam, ut turbulentus aliqui tribunus ad commovendos multitudinis animos stimulum eum admovebat; aut improbitate forniculatorum populi indignatio eum arserat. Sed sub prioribus aliqui consulibus, morborum aut hostium metus remissiores in urbem contentiones fecerat: Q. Marcus Tremulo, P. Cornelio Arvino Consulibus; deinde proximo anno, quum M. Claudius Marcellus C. Nautius Rutilus magistratu gererent; majores aliquanto motus extiterunt, ad quos commovendos, magis quam ullius negotii bellique causa rem fuisse

pium Claudium, qui deinde Cæ-  
cus est cognominatus, quem di-  
ctatorem fuisse, in antiquis monu-  
mentis reperio. Sane præter acer-  
bitatem iniquissimi fœnoris, etiam  
nefaria C. Plotii libido, ægris jam  
hominum animis, ut citius atque  
vehementius exardescerent, sub-  
jecit faces. Huic T. Veturius, fi-  
lius ejus Veturii, qui Consul ob  
turpe fœdus Samnitium populo  
deditus fuerat, quum ob calami-  
tatem domesticam ad æs alienum  
compulsus solvendo non esset, in  
nexum se dedit lubens: omnia-  
que servilia ministeria patienter  
exsequutus est. Plotius adolescen-  
tulum forma liberali, ex magna  
spe consularis familiæ, ad infimæ  
fortunæ sordes depressisse non  
contentus, etiam pudicitiam ex-  
torquere instituit, & rem  
familiarem omnem in ruinam  
ipsam eripuit. V. Plotius  
rium asperrimus  
tius quare

*Tabula  
marmorea  
apud O-  
nuphrium  
in tastos.*

*Valerius  
Maxim.  
5, 1, 9.*

*Dionysius  
apud Va-  
lesium.*

*ius  
ita.*

*Dionysius*  
*Anno ab*  
*Vrbe Cond.*  
*663.*  
*Eutropius*  
*Lib. 2.*

*Orosius*  
*32, 2.*

*Livii*  
*Epist. II.*

*Livius*  
*7, 29.*

vi Consules magistratum inierant  
 Hi cum suis quisque legionibus.  
 Samnium populationibus agro-  
 rum, & ruinis urbium foede va-  
 vere: Samnitasque multis locis  
 congregi ausos ingentibus cladi-  
 bus ad pacem foedusque peten-  
 dum compulerunt. Quum enim  
 tot proeliis juventutem pleram-  
 que, capto autem C. Pontio, con-  
 siliium etiam & ducem amisissent;  
 missis ad Consules & horum ad-  
 sensu Romam legatis, ut foedus  
 cum ipsis quarto renovaretur, im-  
 petrarunt: credo Romanis etiam  
 vincendo fessis, cupientibusque  
 bellum difficile, ipsisque sæpè cala-  
 mitosum, tandem aliquando cer-  
 tæ pacis tranquillitate compone-  
 re. Illata primum Samnitibus ar-  
 ma M. Valerio tertium, A. Corne-  
 lio Cossio Consulibus reperio: quæ  
 ad quartos & quinquagesimos in-  
 de Consules vario Marte exercita,  
 aut foederibus parum diuturnis  
 suspensa, populum utrumque oc-  
 cupatum sollicitumque habuerunt.  
 An ex hoc bello triumphaverit  
 Cornelius, in obscuro est: de Ma-  
 nio

nio non ambigitur; cuius fortuna  
eo fuit illustrior, quod aliis sub-  
inde victis hostibus, bis eodem in  
magistratu triumphavit. Quippe  
Sabini valida gens, & longa tum  
pace opulenta sive precibus Sa-  
mnitium & propinquitatis mise-  
cordia commoti; sive victis vici-  
nis ad se quoque perventuro in-  
cendio volentes obsistere, armata  
juventute Romani juris loca quæ-  
dam invaserunt. Adversus hos  
egressus cum exercitu Curius, ut  
diduceret hostes, simul ne Sabi-  
norum agri cladium bellicarum  
expertes haberentur, occultis iti-  
neribus copiarum partem misit;  
datis mandatis, *ut quam latissime  
possent, terrorem ubivis vastitatem-  
que facerent.* Ea necessitas, ad sua  
tuenda diversis abeuntibus agmi-  
nibus, formidabile Sabini exerci-  
tus robur solvit: facilemque ad-  
versus dispersos victoriam Con-  
suli præbuit. Hac expeditione us-  
que ad Adriaticum mare perven-  
tum est: agrorum hominumque  
tanta vis in potestatem venit, ut  
celebrata deinde fuerit Curii vox,  
qui

Livii  
Epit. 11.

Frontinus  
Stragemen-  
tum 1, 8.

Florus 2  
15.



- Auctor de Vir. Illust. cap. 33.* qui pro temporum illorum disciplina factis quam verbis promptior, quum explicare singula nequiret, *Tantum*, inquit, *agrorum cepi, ut solitudo futura fuerit, nisi tantum etiam hominum cepissem: tantum autem hominum, ut interituri fame fuerint, nisi tantum cepissem & agrorum.* Sabinis pacem orantibus, veteris sub Tatio adfinitatis memoria; & quia minime gravibus odiis certatum fuerat, etiam civitas, sed sine suffragio, data est. Consulatus, quem anno sequente M. Valerius Corvinus, cum Q. Cæditio Noctua gessit, tenuis admodum ad nos fama pervenit, nisi quod sub idem tempus colonias deductas esse reperio, *Castum & Adriam, unde mari nomen, & Senam in Gallico agro.*
- Florus.* Verumtamen nondum eousque pacatis illis regionibus, magis est ut accedam auctoribus aliis, qui coloniarum istarum originem ad inferiora tempora retulerunt. Sed in Vrbe coercendis quæ increbuerant maleficiis novus magistratus institutus est, qui vinculis fontium ser-
- Cicero de legib. 3, 3.*

servandis, & quum animadverti l.2. §. 30.  
 oporteret, supplicio sumendo au- ff de O. I.  
 ctiores atque moderatores præ-  
 essent. triumviri capitales appella- Epit. Li-  
 ti. Legis, à L. Papirio tribuno vii 11.  
 plebis eo de negotio latae, hæc  
 verba invenio: *Quicumque Prætor*  
*post hac factus erit, quei inter cives* Festus  
*jus dicet, tres viros Capitales popu-* Pompejus  
*lum rogato. ii que tres viri, quicun-* in voce Sa-  
*que facti erunt, sacramenta exigunto* cramen-  
*judicantoque, eodemque jure sunt,* tum.  
*ut ei ex legibus plebei que scitis exi-*  
*gere, judicare, esse que oportet. Quo*  
*capite mulctarum quoque exigen-*  
*darum potestas ipsis data videtur:*  
*sacramentum enim iis temporibus*  
*vocari solebat, quod poenæ nomi-*  
*ne pende batur æs, quoniam illud*  
*ob sacrorum publicorum multitu-*  
*dinem, & angustias ærarii, sacrifi-*  
*ciorum impensis destinari consue-*  
*verat. Census quoque eo anno* Epit. Li-  
*acti memoria non alia superest,* vii 11.  
*quam quod civium capita ducenta*  
*septuaginta tria millia censa dicun-*  
*tur. Principem Senatus ab his*  
*quoque Censoribus lectum fuisse*  
*Q. Fabium Maximum certa con-*  
 B jectu-

*Plinius*  
*Hist. Nat.*  
*tural. 7,*  
*41.*

*Zonaras.*

*Florus I,*  
*23.*

*Ann. V. C.*  
*465.*

*Ann. Urb.*  
*Cond.*  
*466.*

jectura est, quod aliunde scimus, ex ea gente continuum cum honorem tribus mansisse, ut Maximus acceptum ab Ambusto patre, mox ad Gurgitem filium transmissit. Interea quum foris res satis lætæ essent, gravibus domi discordiis seditionibusque laboratum est. Plebs are alieno oppressa novas tabulas flagitabat, rem veterem, & ab ducentis amplius annis varie jactatam, ut turbulentus aliquis tribunus ad commovendos multitudinis animos stimulum eum admoverat; aut improbitate fœneratorum populi indignatio exarserat. Sed sub prioribus aliquot consulibus, morborum aut hostium metus remissiores in urbe contentiones fecerat: Q. Marcio Tremulo, P. Cornelio Arvina Consulibus; deinde proximo anno, quum M. Claudius Marcellus, C. Nautius Rutilus magistratum gererent; majores aliquanto motus extiterunt. ad quos compri-mendos, magis quam ullius alterius negotii bellive causa dictatorem fuisse dictum existimem Ap-pium

pium Claudium, qui deinde Cæcus est cognominatus, quem dictatorem fuisse, in antiquis monumentis reperio. Sane præter acerb-  
 itatem iniquissimi fœnoris, etiam nefaria C. Plotii libido, ægris jam hominum animis, ut citius atque vehementius exardescerent, subjecit faces. Huic T. Veturius, filius ejus Veturii, qui Consul ob turpe fœdus Samnitium populo deditus fuerat, quum ob calamitatem domesticam ad æs alienum compulsus solvendo non esset, in nexum se dedidit lubens: omniaque servilia ministeria patienter exsequutus est. Plotius adolescens, rulum forma liberali, ex magna spe consularis familiæ, ad infimæ fortunæ sordes depressisse non contentus, etiam pudicitiam extorquere instituit, cui jam & rem familiarem omnem, & libertatem ipsam eripuerat. Deinde Veturium aspernantem, & quidvis potius quam tantum flagitium pati paratum, verberibus crudelissimis lacerat: ille in publicum se proripiens, & ad consulum tribunal

*Tabula  
marmorea  
apud Onuphrium  
in tastos.*

*Valerius  
Maximus.  
5, 1, 9.*

*Dionysius  
apud Valerium.*

*Valerius  
Maximus.*



ab accurrente multitudine deductus, de intolerabili crudelitate & libidine creditoris queritur: & adparebant vibices, verberumque recentes notæ. Consules igitur rem non negligendam rati, de ea retulerunt ad Senatum: dictisque sententiis Plotius in carcerem duci iussus: omnesque per totam Urbem, quotquot æris alieni causa nexierant, lege de eo negotio lata, liberati sunt. Non sum nescius, pro T. Veturio ab aliis Publium quendam, tribuni, qui inter Caudinæ pacis auctores fuisset, filium memorari: sed & anno ante hæc tempora quadragesimo similitam ob causam lex de nexis lata fertur. Ceterum nihil vetat, ut plurium fœneratorum ea improbitas fuerit; & priori lege, ut fit, etiam per debitorum patientiam, inter angustias rei familiaris nihil recusantium, sensim neglecta, ejusdem exempli recens factum admonuerit, ut in posterum ea de causa plenius atque diligentius caveretur. Sed populo non modo nexu verum etiam fœnoris sævitia

tia liberari cupienti, gratæ licet ultionis legisque impetratio non satisfecit. Verum, ut in morbis quibusdam acrioribus remediorum diligentia quum mitigatus videri potest, magis accenditur dolor; non multo post adeo exulcerata res est, ut quum tribuni plebis legem de novis tabulis summo nisu perferre contenderent, neque minoribus aut copiis aut animis à creditoribus resistetur, plebes exemplo majorum urbe relicta, trans amnem in Ianiculum montem secederet: obstinato consilio, nisi re impetrata, ad penates suos non redeundi. Quum parum adversus hæc opis in Consulibus esset, (M. Valerium Potitum, C. Aelium Pætum fuisse conjiciunt) ad ultimum arduis temporibus remedium deventum est, ut dictator diceretur. dictus est Q. Hortensius. Is adhibitis quæ tempus & causa postulabat fomentis, quum eo maxime distineri pacem civitatis intelligeret, quod scita sua contemni, legemque Publilianam sperni plebs indi-

*Zonaras.*

*Livii  
Epit. II.*

*Anno ab  
Urbe Con-  
dita 467.*

*Epit. Li-  
vii II.*

*Livius 8,  
12.*



*Plinius*

16, 10.

*Agellius*

15, 27.

*Augusti-**nus de Ci-**vit. Dei,*

3, 18.

gne ferret, quamquam multis re-  
 luctantibus, cedendum tempori-  
 bus esse censuit : novaque lege in  
 Esculeto lata iterum accuratius  
 sanxit, ut, quod plebes jussisset, omnes  
*Quirites teneret.* His aliisque leni-  
 mentis revocata ad concordiam  
 & lares suos plebe, dictator sive  
 morbi subita vi, sive curis & labo-  
 ribus oppressus, quod antea nemi-  
 ni contigerat, in magistratu mor-  
 tuus est. Inde minor aliquamdiu  
 ordinum in urbe dissensio fuit : sed  
 imperii sensim deformata digni-  
 tas, quum plebe ad ambitiosorum  
 hominum fraudes parum cauta, &  
 vel potestatis exercendæ causa  
 quibuslibet rogationibus accipien-  
 dis facili, multa sciscerentur, quæ  
 reipublicæ decus, & ad extremum  
 ipsa fundamenta convellerent. do-  
 cumentum insigne res regentibus,  
 ne vulgus, si re familiari commo-  
 da uti possit, majora non cogita-  
 turum, injuriis opulentiorum ad  
 cupiditatem potestatis qua uti  
 non didicit, adigi patiantur. Le-  
 gem quoque de suffragiis circum  
 hæc tempora latam esse credide-  
 rim

rim, qua patres in comitiorum incertum eventum auctores fieri co- *Livius I,*  
gebantur. Haftenus enim eo jure <sup>17.</sup>  
utebantur, uti magistratum gerere  
non posset, cui populi suffragiis  
datus esset, nisi patres auctores  
fuissent facti. Continebantur inter- *Cicero pro*  
dum hoc vinculo improvida ple- *Planc.*  
bis studia, & quamquam raro re-  
præhenderent comitia patres, ta-  
men quia jus ipsis erat, tamquam  
repræhensuri metuebantur. Tum *Cicero in*  
vero ferente legem tribuno plebis *Bruto.*  
Mænio, populi quidem aucta po-  
testas; sed eadem opera salubris  
& reipublicæ decora comitiorum  
severitas debilitata est. Q. Horten- *Pighius in*  
sio dictatore mortuo, creatum *Annali-*  
alium, quidam auctores sunt, rei *bus Roma-*  
gerundæ causâ, Q. Fabium Ma- *nis, Anno*  
ximum, cujus tertia hæc dictatura *466.*  
fuerit. ei L. Volumnius C.F.C.N.  
Flamma Violens magister equi- *Livii*  
tum fuisse dicitur. Bellum enim *Epit. II.*  
ea tempestate cum Volsiniensibus  
erat Etrusca gente: id opportu-  
num fuit, ad exhauriendum, quid-  
quid in urbe novis rebus pronum,  
ac superioris discordiæ nimium

*Plinius*  
34, 6.

*Anno ab*  
*Vrb Con.*  
468.

*Auctor de*  
*Viris Il-*  
*lust. cap.*  
93.

memor esset. Accessit etiam nova bellandi cum Lucanis causa : qui Thurinos , Italiae , qua magna Graecia est , civitatem , praegraves accolae multis injuriis ad fidem Romanorum confugere compulerant : bellumque adversus Lucanos C. Aelio tribuno plebis rogante , populus sciverat. Educti igitur exercitus , & utrobique res gestae sunt , quarum memoria , cum auctorum qui eas perscripserant annalibus , amissa est. Thurini C. Aelio statuas & coronam auream dono dederunt. Consulatus C. Claudii Caninae , M. Aemilii Lepidi nulla re memorabili , quae tradita reperitur , insignis sequitur. Nisi quod Etrusca & Lucana bella tum etiam gesta videntur. Manii etiam Curii de Lucanis reperitur ovatio : quae & inter quatuor ejus triumphos , toties enim triumphasse illum invenio , numeranda est. Sed quo anno , quove in magistratu aut imperio res eas gesserit , ignoratur. Major inde moles & clade non contemnenda nobilis exorta est , bello cum Senonibus Gallica gente

te

te contracto. Hi sæpe bellum cum  
populo Romano , sæpe pacem  
habuerant ; jamque decimum fer-  
me annum post cladem in agro  
Sentinati acceptam , quum Decio  
se devovente magnus eorum nu-  
merus cæsus est , quieverant ; nisi  
quod juventutem suam adversus  
Romanos mercede ab Etruscis  
conduci paterentur : tum vero  
majore cum manu quam aliquot  
ab annis sivevissent , in Etruriam  
progressi , Aretium obsidebant.  
Aretini foedus à Romanis & an-  
tea petierant , sed eo negato , im-  
petraverant inducias , quarum  
tempus nondum exierat. Ceterum  
major in eo spes erat venturi au-  
xilii , quod arma Gallica num-  
quam concuti sciebant , quin eam  
rem magnopere ad se pertinere  
Romani arbitrarentur. Itaque mis-  
sis in urbem legatis , ut sibi subve-  
niretur adversus communem ho-  
stem , petebant. Interea se circum-  
egit annus, quo C. Servilius Tuc-  
ca, L. Cæcilius Metellus Consules  
fuerunt. Pro Cæcilio Cælium an-  
nales quidam memorant : Sed

*Polybii*

2.

*Livius*

10, 29.

*Polybius.*

*Livius,*

10, 37.

*Anno ab*

*Urb. Con.*

469.

Sigonius  
in Fastis.

Cœliæ gentis inferior nobilitas  
ante annum ab Vrbe Condita sex-  
centessimum sexagesimum, con-  
sularem imaginem nullam habuisse  
creditur.

I. FREINS.



I. FREINSHEMII  
 SUPPLEMENTORVM  
 LIVIANORVM  
 LIBER SECVNDVS.

*Loco Libri Duodecimi Liviani.*

**P** Cornelio Dolabella, Cn. Domitio Calvino Consulibus, quum iterū Gallici belli terror se commovisset, multosq; Tuscorum arma cum Senonibus sociare nunciaretur, Aretinorum periculum sibi minime negligendum esse Patres censuerunt. Sed quia neque Dolabella ex Volsiniensi agro, neque ex Lucania Domitius exciri sine rerum gerendarum incommodo poterant; L. Cecilium Metellum prioris anni consulem, tum prætura fungentem, ad Aretinos obsidione liberandos quamprimum coactis copiis exire Senatus iussit. Ne tamen temere sumptum esse bellum videretur, præmitti legatos placuit, nunciaturos Aretium infide Romanorum esse: justiusque facturos

*Anno ab  
 Urb. Con.  
 470.*

*Polybius.*

*Marianus  
 Scotus.*

*Appianus  
 apud Fulvium  
 Ursinum.*



*Etu*ros videri Gallos , quando fœdus cum Romano populo habeant , si adversus amicos atque socios juventutem suam conducere non patiantur. Hæc legatio quum pagos Senonum circummiret ; Britomaris quidam regii generis ferox adolescens , cujus pater inter Etruscorum auxilia cæsus à Romanis fuerat , insana vindictæ cupiditate flagrans , non homines modo comprehensos , sed & ipsa sacrosancti muneris insignia , minutatim dissecuit sparsitque. Rei tam atrocis fama quum hinc in urbem , inde in castra Dolabellæ Consulis accidisset , irritatis vehementer animis , bellum Senonibus indictum est: statimque missos fecit Etruscos Dolabella , magnisque itineribus cum exercitu per Sabinum ac Picenum agrum , ad fines Senonum contendit. Senones subito hostium incursu , & absente copiarum suarum robore , cum paucis & inconditis occurrentes facile profligantur. Consul nullo dato victis spatio exurit vicos , ædificia omnia diruit , vastat agrum omnem,

*Epit. Li-  
vii 12.*

*Appian.*



Appian.

toribus rependi vicem posse, quam si urbem ipsorum simili clade adfectam intueri cogerentur, neque minoribus animis viribusque, causis etiam acrioribus ab Aretio Romam petere; quam maiores sui ab ejusdem Hetruriae urbe Clusio profecti, eamdem illam urbem occupassent. His inter se vocibus instincti, ruunt: natura impatientes moræ, & tum, ut incautos hostes opprimerent, etiam consilio properi. Sed per hostilem regionem ducentibus, varia impedimenta objecta sunt: spatiumque fuit, quo provideri adversus hunc tumultum posset. Ita rejecti, dum per ignota & infesta omnia, nulla certa destinatione vagantur, in Domitium Consulem incidunt: protinusque cum eo conserunt manus. Sed adversus rationem atque disciplinam infelix temeritas fuit: occisis in prælio multis, reliqui desperatione atque rabie accensi, ferrum, quod frustra in hostes strinxerant, suis corporibus admoverunt. Ita florentissimam modo nationem, quod scelus interfectorum legatorum

rum tam velox tamque vehemens ultio compræhendit; ut aliquot mensium intervallo penitus excisa, inter gentes, quarum jura violaverat, numerari desierit. Nam & parvæ Senonum reliquiæ, quæ ad Boios, vicinam & consanguineam gentem, se receperant, eodem anno à Dolabella Consule internecione deletæ sunt. Quum enim atrocitate cladium suarum, & ejusdem calamitatis metu, Boios Etruscosque concivissent, ad lacum, qui Vadimonis appellatur, pugna commissa, magnus Etruscorum numerus cæsus est, Boii perpauci effugerunt, Senonum omne nomen ita periit, ut nemo superesse putaretur ex ea gente, quæ Romam urbem incenderat. Sub id tempus, Senam coloniam deductam esse vero propius videtur: quo Romanis universa regione potitis, nomen Senonum in ea parte Italiæ funditus interiit. Etrusci tamen Boiique, sequente statim anno, quum ex iis qui puberes interea facti fuerant, exercitum supplevissent, iterum fortunam pugnae ten-

*Florus I, 13.*

*Polybius.*

*Florus.*

*Polybius.*

*Plinius 3, 15.*

*Polybius.*

*Anno Vr-  
bis Cond.  
471.*

*Dionysius  
apud Pul-  
vium Vr-  
sinum.*

*Livii  
Epit. 12.*

*Dionysius.*

tentare sunt ausi. Tum igitur à Q. AEmilio Papo victos fuisse crediderim: hujus enim & C. Fabricii consulatus primus cum in annum incidit; Papoque provinciam Etruriam obvenisse constat. Sed in ple-  
risque annalibus qui adhuc legun-  
tur, rerum istarum memoria, ma-  
jorum interventu, oblitterata est. Quod enim tot continuis bellis atque victoriis, maxima virtutis & potentiae incrementa Romanus populus quotidie caperet; adductae in metum, quae adhuc per Italiam sui juris erant civitates gentesque, maximum atque periculosissimum conflare bellum: junctis tam-  
quam ad communes omnium ho-  
stes praedonesque opprimendos consiliis & viribus. Neque dif-  
ferti arma visum est, donec adhuc Boiorum Etruscorumque reliquiae distinendis Romanorum copiis sufficerent. Primi Samnites, fracto  
rursus foedere cum Lucanis Bru-  
tisque palam sociantes consilia,  
proruperunt. Sed hos C. Fabricius Consul compluribus praeliis vicit.  
Vno maxime memorabili, quum  
Thu-

Thurinam Urbem iterum premente Statio Statilio, signis collatis dimicatum est; fusisque magna cum strage hostibus, ipsa etiam castra expugnata captaque. Memoriae proditum est, quum strenue castra defenderentur, scalas adferente quodam vasti corporis juvene, Romanos animatos, plenam victoriam reportavisse. Cæsa dicuntur in prælio & castris hostium millia viginti:quinque millia, cum ipso Imperatore, signisque militaribus viginti capta sunt. Postero die quum donaret eos Consul, quorum insignis opera fuerat, *val-laremque coronam ei se daturum dixisset*; qui castra hostium primus transcendisset, quæsitus ingenti studio reperiri non potuit, si miles fuisset, ultro se oblaturus huic tanto honori. Creditum igitur vulgatumque est, *Martem ipsum auctorem ejus operis causamque victoriae fuisse*: Consulisque edicto supplicatio ei est habita, militesque laureati magna cum lætitia supplicatum ierunt. Conspirantes adversus Romanum populos, nullis

*Plinius*  
34, 7.

*Valerius*  
*Maxim.*  
1, 8.

*Ammia-*  
*nus Mar-*  
*cellinus*  
24, 15.

*Valerius*  
*Maxim.*

*Ammian.*  
*Marcell.*

*Valerius*  
*Maximus.*

*Zonaras*



lis adhuc auxiliis publice Tarentini juverant : qui præcipui fœderis istius auctores, tamen aliorum laboribus quam suo discrimine lacerassi Romana arma, bellique eventum prætentari, sapientius arbitrabantur. Sed minime diu tenuit ista dissimulatio, quin casu quodam insanæ plebis temeritatem provocante, civitatis consilia nudarentur. Iam tum ea Italiæ ora, consuetudine Græcorum, à quibus Tarentus ceterarumque Urbium pars pleraque conditæ fuerant, deliciis spectaculorum atque histionum immodice gaudebat, præcipua Tarentinorum luxuria, quos adeo corruptis moribus egisse memorant, ut plures epulas ludosque solennes reciperent, quam anni dies essent. Forte in theatro majore juxta portum sito ludos spectabant; quum L. Valerius (alii *Cornelium* nominant) duumvir navalis, decemque Romanæ naves portum introituræ se ostendunt: pernicioso utrisque errore, quum ignari rerum omnium Romani tamquam amicum & hospitale

*Strabo  
lib. 6.*

*Florus I,  
18,*

*Appianus  
apud Iul-  
vium Vr-  
sin.*

tale litrus peterent; Tarentini conscientia vacordes, classem hostili animo consilioque missam esse interpretarentur. Adest Philocharis, quem ob turpitudinem vitæ cives sui *Thaidem* appellabant; is veterum quorundam foederum illata mentione, fas esse Romanis negat. Lacinium promontorium præternavigandi: *obviam iri stolide ferocibus barbaris, superbiamque, malo coerceri* jubet. Acclamat temeraria multitudo præ continua crapula non bene mentis compos. Homines foedissimi de tanta re sententia omnium adsensu accipitur. Nec mora, decurritur ad arma navesque: Romani nullam ad rem minus quam ad pugnam parati, fugæ se committunt. Sed celeriter insequentibus Tarentinis evadunt naves quinque, totidem à pluribus circumventæ in portum rediguntur: ex his deprimuntur cum ipso luumviro quatuor; una capitur: homines ætate & robore militari interficiuntur: cetera turba in servitutem venditur. Mox ab eadem animi levitate bellum Thurinis inferunt,

*Zonaras.*

*Appian.*

*Florus.*

*Dio apud Fulvium.*

*Appian.*

*Orosius*  
4, I.

*Zonaras.*

- Appian.* ferunt, criminantes eorum opera Romanum ea in loca venisse, qui Græci quum essent, barbaram gentem, quam cognatos vicinosque Tarentinos, dubiis rebus defensores habere maluissent. Urbs in potestatem redacta diripitur: ejiciuntur principes: præsidium Romanum pacta incolumitate dimittitur. Romæ re audita, erat quidem pro magnitudine injuriæ non levis indignatio; sed bellum novum ea tempestate sumi non placuit: legatio, quæ de injuriis quereretur, decreta, mandatumque legatis, ut captos restitui, *Thuriis res ablatas aut estimationem justam reddi, exules reduci, rerum istarum auctores populo Romano dedipostularent.* More Græcarum urbium in Theatro concionem populi cogere Tarentini solebant: huc ægre admissi legati, turbam ebrietate & otio lascivientem reppererunt. nam tum quoque dies dies festus agebatur. ibi quum legationis princeps L. Posthumius verba facere orsus esset, ludibriis petulantissimæ multitudinis exceptus, multo etiam acriores odiorum
- Dio.*
- Livii Epit. 12.*
- Appian.*
- Dio apud Iulvium Ursinum.*
- Zonaras.*
- rum

rum causas retulit Romam, quam extulerat. Quippe tam contemptim habuerant eum, ut sermoni ejus de cetero quidem attenderet nemo: sed quoties aliquid ut ab homine Romano parum Græce prolatum esset, tota concio solveretur in risum, barbarum increpantes conviciarentur, cultum Legatorum, nam togati aderant, exploderent: postremo etiam theatro extruderent, jura gentium nequidquam invocantes. Fœdum inde dictu, sed ad licentiæ popularis coercendam temeritatem utile exemplum traditur. abeuntibus legatis inter confertam Tarentinorum turbam, quæ in ipso theatri exitu constiterat, scurra quidam Philonides (nam hoc quoque moribus suis corrupta civitas debet, ut celebrata sint annalibus scurrarum nomina; Tarentinorum principum ignorentur) sacra legatorum vestimenta, canis impudentis instar, urina resperfit. Vnius spurci & furiosi hominis ea noxa videri potuisset, nisi protinus agnovisset temulenta civitas, risuque

*Dionysius  
apud Ful-  
vium Vr-  
sin.*

*Dio.*

*Dionysius.*

*Appianus  
apud Ful-  
vium Vr-  
sinum.*

*Valerius  
Maxim.  
2,2,5.*

- que & plausibus factum illud comprobantium totum theatrum insonuisset. Posthumius hac voce
- Dionysius*, edita, accipimus omen, ô scurra, quando & ea nobis datis, quæ non petimus; conversus ad multitudinem, vestemque ignominia adfectam ostentans, ubi redintegratis cachinnis, etiam versus in populum Romanum contumeliosos cani saltarique videt; ridete, exclamat, ridete Tarentini dum licet: nam postea quidem large flebitis. iratis adhæc Tarentinis & quo magis,
- Zonaras*, inquit, stomachemini, prædico, vestem istam sanguine multo vobis eluendam esse. Posthæc, nullo alio accepto responso, abnavigarunt. Iam Romæ magistratum occeperant L. AEmilius Barbula, Q. Marcius Philippus Consules. His senatum habentibus, quum & prætextam (nam uti erat foedata, eam adtulerant legati,) cernerent; & ipsis exponentibus ceterum injuriæ tam multiplicis ordinem discerent patres: commotis majorem in modum animis omnium, dubium non erat, quin armis vindicari contum-
- me-

meliam oporteret. Sed quia tot  
 aliis adversus validissimas gentes  
 bellis districtæ vires erant, sta-  
 timine, an postea, contra Tarenti-  
 nos mittendus exercitus esset, pa-  
 rum expediebant: multosque per  
 dies ab orta luce ad occasum solis  
 re in senatu disceptata, quum alii  
 nihil tentandum priusquam ceteræ  
 civitates, aut saltem quæ finitimæ Ta-  
 rento essent pacarentur; alii sine mora  
 decernendum esse bellum pugnarent:  
 postremo numeratis sententiis  
 Senatus consultum factum est, ut  
 de bello Tarentinis inferendo ad po-  
 pulum ferretur. Id quum popu-  
 lus consensu jussisset; ad Æmiliū  
 Consulem, qui jam in Samnium  
 ad exercitum profectus fuerat, Appian.  
 scriptæ sunt literæ, ut omiſſis præ- Zonaras,  
 sentibus castra in Tarentino agro po-  
 neret, & nisi de illatis injuriis satis-  
 faceret populus Tarentinus, eum  
 justo pioque bello persequeretur. Ta-  
 rentini non amplius cum paucis  
 & inermibus hominibus, sed in-  
 structo exercitu negotium sibi fu-  
 turum esse cernentes, tamquam  
 ex diuturna crapula expergefacti, Appian.  
 jam



Ecloga ex  
Diodori  
Lib. 21.

jani serio quid faciundum esset consultabant. bellum accipere periculosum; imperata facere servile videbatur: neque vitari utrumque poterat. Variantibus igitur sententiis exsurgens quidam. *Quid frustra dies altercando terimus, inquit, Tarentini? Venerunt tempora, quæ facta magis quam verba postulent: sed ad quæ ex usu publico administranda consiliis rectis opus sit, & ore libero. Neque sane moveor, quod antehac communi quodam liberarum civitatum morbo, dictis ad gratiam compositis, etiamsi crebro nocerent, estis oblectati: tum enim, ut sit inter res prosperas, quid potissimum rei publicæ conducere, parum animadvertebatis. Iam autem in finibus nostris exercitus Romanus, & ante ipsas portas hostilis terror est: eo magistro profutura jucundis facile discitis anteponere. Neque sic accipiatis, tamquam exprobraturus præterita surrexerim. nam veterem quidem culpam intempestive objicere, inimici & alienis erroribus petulanter insultantis animi est: probi viri & salutis communis studiosi, peccata civitatis*

vitatis tegere aut excusare malunt, nisi quoties ad calamitatem publicam amoliendam, præteritarum offensarum recordatio grande momentum habet. Nam ab errore quidem omni, homines quum simus, immunes haberi velle, nimium & superbum: sed ad eundem lapidem crebro impingere; neque saltem eventu temeritatem castigante ad cautionem erudiri, id vero jam vix bene humanum est.

Ad unius hominis vocem naves Romanas depressimus: mox Thurios cognatam gentem hostilibus odiis vexavimus, quod ab Romanis defendi, quam à Lucanis Brutiisque diripi maluerunt: legatos Romanorum per turpem dictu contumeliam violari tulimus. Bellum igitur quo carere potuimus, & grave bellum, & periculosum, & improvisum, alienissimo tempore nostro adtractum est. Denique jam in agro Tarentino Romana castra sunt: & nos adhuc incerti omnium, bellum formidabile an pacem indecoram satius sit accipi, deliberamus. Atque utinam nunc demum obliti blanditiarum, obliti privatorum commodorum, dignitatem

Florus, I.  
18.

C

uti-

Zonaras.

Diodorus.

Appianus

utilitatemque publicam spectantes  
in commune consuleremus! esset unde  
vel fœdera honeste, vel arma tuto  
samerentur. nunc in duas vos abire  
partes, & propemodum factiones vi-  
deo. non judiciis, aut ex conditione  
rerum sumpto consilio; sed suis quisq;  
caussis ducitur. cur enim tam paucos  
juvenes & pauperes in ea sententia  
esse video, quæ pacem laudat? aut cur  
nemini fere divitum & seniorum bel-  
lum placet? an alia tam equaliter di-  
vise civitatis causa est; quam quod  
hi rebus quietis fœnori suo agrisque  
frui volunt: illi, si bellum conflatum  
sit, in imperiis, aut ex licentia præde  
compendium sperant? etiam olim hoc  
morbo laboramus, neque à longo jam  
tempore respublica nostra hominibus  
caruit, qui domesticas opes augere  
studerent, etiam cum periculo & de-  
trimento civitatis. Quibus omnibus  
occurrere poteritis rectissime ( dicen-  
dum enim est quod ex presentibus  
utilissimum esse censeo ) si neque pa-  
cem ematis ea conditionum vilitate,  
quæ jura libera civitatis minuat: ne-  
que vestras tantummodo vires belli  
tam difficilis terroribus oppinatis.

Sæpe

Sepe à majoribus copiarum nostrarum imperium externis ducibus commissum est. Archidamum Agesilai filium, postea Cleonymum, mox Agathoclem, Peloponneso aut Sicilia evocavimus. Memoria nostra, quum finitimorum armis infestaremur, Alexandrum Epirenssem Patres nostri acciverunt: eo consilio non solum ipsi commodis rebus usi sunt, sed etiam nobis florentes reliquerunt. Est eadem hodie inter nos & Epirotas amicitia: neque illi hodie exercitu ac duce minus valent. Et recens beneficium nostrum Pyrrhus habet, quem Corcyraeos oppugnantem iusta classe juvimus. Ergo non meum hoc, sed qui ante nos Rempublicam hanc felicissime rexerunt, hominum sapientissimorum consilium esse existimate: quod vel ideo sequi debetis, quia in priore exemplo quasi totam ejus rationem cum eventu ipso perspicere potestis. Sed tamen etiam alioquin argumenta magna sunt & evidentia. Nemo inter nostros ita excellit, ut ei a quo animo parituri sint ceteri: quæ vero sint emulationis pericula quoties acri & potente cum hoste res est, scitis: &

Strabo lib. 6.

Livius, 8, 24.

Pausaniæ lib. 1.

Plutar-  
chus Tyr-  
rho Cap.  
25.

quemcumque faceretis imperatorem, vel nimio pacis studio; vel cupiditate gerendi belli, detrimentum vestris rebus adferre posset. taceo adversum Romanos, gentem armis indurata, non quolibet duce bellum tuto geri. Verum enim vero, quemadmodum nemo dubitat, virtute & consilio militari ante Pyrrhum nemo est. Sed venire forsitan nolet? immo vero quia rerum gerendarum cupidissimus, bellum in presentia nullum aliud habet, non modo veniet ipse lubenter, sed etiam adducet copias validas & praeliorum non rudes. & ne ab ipso libertati nostrae metuamus, iis cum eo conditionibus transigetur, quibus respublica intuto sit. Hac ratione fiet, ut bona cum spe sumere bellum, & vel impetrare pacem commodam, vel etiam dare gloriosam possimus. quamquam hoc potius eventurum non improbe spei est, ut prius Romani nobiscum æquis legibus transigant, quam hoc rerum statu Pyrrhum accipiant in Italiam, qui quondam ex eadem Epiro minoris aliquanto gloriæ potentiæque regem timuerunt. Hoc consilium non eo tantum vicit, quod publicæ salutis viam



viam haud aspernamdam aperuisse videbatur; sed etiam contrarias in opiniones divisa concione, quum neutra pars, obsistente altera, per- tendere posset, quod proximum erat, sententiam, quæ media quo- dammodo videbatur, universi præ- tulerunt. Ferunt vulgato per civi- tatem rumore, decretum de Pyr- rho acciando factum esse, Metro- nem quemdam hominem frugi, sumpta corona marcida & facula, ebriorum more, cum tibicina thea- trum intravisse: populum Taren- tinum, solita lascivia, jussisse, *ut progressi in medium, ille voce, mu- liercula tibia canerent.* tum Metro- nem, facto silentio, dixisse; *Bene facitis Tarentini, quod saltandi ca- nendique copiam præstatis, quibus libet: nam Pyrrho in urbem admissso vix erit, ut liceat amplius nostro nobis arbitrata vivere.* Moto ad hæc po- pulo, atq; orto murmure, veriti qui auctores injuriarum adversus Ro- manos fuerant, ne pacificis con- siliis valentibus ad supplicium ipsi dederentur, increpito vulgo, *quod ab homine temerario tam indigne de-*

*Plutarch.  
Pyrrho  
cap. 26.*



*videri pateretur, impetu facto, Me-*  
*tonem theatro exegerunt. ita ne-*  
*mine deinceps adversante, decre-*  
*tum ratum fuit. At Romanus Con-*  
*sul, quum nihil ab Tarentinis pa-*  
*cati responderetur, prætera mitti*  
*ad Pyrrhum legatos cum mune-*

*Zonaras.* *ribus accepisset; ad belli consilia*  
*conversus, agrum populatur, op-*

*Orosius 4,* *pida alia pugnando, alia dedi-*  
*1.* *tione capit, damno ac terrore*

*complet omnia. Mittuntur etiam*  
*ad prohibendas injurias ab Ta-*  
*rento copiarum: fit conflictus acer,*

*Zonaras.* *sed superiore Romano, multis*  
*suorum amissis, Græci in urbem*  
*compelluntur. AEmilius regio-*  
*nem omnem impune vastat urit-*  
*que. Territis ea clade Tarentinis,*  
*ut multitudo, quanto secundis*  
*rebus insolentior, adversis tan-*  
*to impensius in timorem præceps*  
*est, Agidi, qui Romanæ amici-*  
*tiae retinendæ perpetuus auctor*  
*fuerat, imperium permittitur.*  
*Cupiditatem spemque pacis anxe-*  
*rant ex principibus quidam ab Ro-*  
*mano duce dimissi, qui humanita-*  
*tem ejus, & ceteros etiam Tarentinos*

*super*

*superiore prælio, aut per agros passim exceptos, indulgenter atque benigne haberi, prædicabant. Sed mutavit animos crexitque Cineæ fiducia, cum auxiliaribus copiis ab Epiro venientis. Namque Pyrrhus ingens animi, & Magni modo Alexandri emulatione vastissimum imperium spe complexus, ipsis quasi fati invitantibus, ad perficienda quæ destinasset, pandi sibi viam credebat. Confirmatum etiam oraculi Delphici voce narrant, ambigui quidem sensus, & utramvis in partem facilis flecti, sed quod interprete cupiditate rex pro certo & secundo acceperit. quippe de belli quod suscepturus esset eventu consulenti redditum responsum ferunt: posse eum Romanos vincere. Sed plus, opinor, animorum dabat Tarentina legatio, quæ ex sua civitate, Lucanisque, Messapiis, & Samnitibus, ceterisque populis, qui eodem fœdere tenerentur, facile viginti milia equitum, trecenta quinquaginta peditum conscribi posse, attulerat. His igitur copiis si Romanos in ordinem redegisset, haud magno*

*Augustinus de Civ. Dei. 3. 17.*

*Ennius apud Ciceronem de Divinat. 2, 26.*

*Plutarch. in Pyrrho cap. 27.*

*Iustinus*  
18, 1.

*Plutarch.*

negotio ceteræ Italiæ dominationem se adepturum sperabat. Inde brevis in Siciliam trajectus ostendebat insulam Agathoclis excisa domo vacuum & discordem: quam etiam hereditario jure, quod ex Lanassa filia Agathoclis liberos susceperat, suæ domui posse vindicari rebatur. His ex sententia confectis Carthaginem bello erat petiturus. Fama est Cineam præstanti sapientia virum, quo immodicas regis cupiditates, paratamque felicitatem præsentibus bene utendi turbaturas, ipsius quoque confessione coercendas esse ostenderet; *quid devictis Romanis agere constituisset?* interrogasse. Atque illo subinde alias ex aliis victorias nascituras esse demonstrante, subjecisse; *quid igitur confectis istis omnibus acturi sumus?* Tum vero pacis & otii bonis affatim fruituros respondente, excepisse Cineam: *quid igitur vetat, ô Rex, quin statim iis fruamur, quum præsto sint: novis autem bellis suscipiendis corrumpi penitus amittique possint.* Sed Pyrrhus iterata legatione Tarentinorum, &

& ambitione sua victus, patrium *Iustinas.*  
 esse respondit Epirotis, non pro se *Diodori*  
 tantum, sed etiam pro sociis & amicis *Ecl. 8 ex*  
 bella capeffere. Ceterum tegendo *lib. 22.*  
 interiori consilio suo, cum legatis  
 anxie pepigit, ut lato ipsis auxilio  
 statim rediret domum, neque diutius, *Zonaras.*  
 quam necessum esset, ab iis in Italia  
 detineretur. Inde confestim ad bel-  
 lum adparandum ingenti studio *Pausanias*  
 versus, navium longarum ma- *lib. 1.*  
 gnum numerum complevit; alias  
 præterea, quibus equi virique  
 transportarentur, adornavit: ple-  
 risque legatorum Italicorum, quo  
 sub specie honoris obsidum vicem *Zonaras.*  
 retineret, in delectu agendo co-  
 piisque conducendis usus, ceteros *Plutarch.*  
 cum tribus armatorum millibus,  
 addito, qui præesset Cineas, Ta-  
 rentum præmisit. Horum adven-  
 tu spes pacis abrupta, abrogatum *Zonaras.*  
 Agidi imperium, & uni eorum  
 qui ex legatione redierant, decreto  
 populi datum est. Neque multo  
 post missus à rege Milo, Tarenti-  
 nam arcem firmavit præsidio, mu-  
 rorumque custodiam & tutelam  
 sibi depoposcit: gratulante impe-  
 C 5 rita



*Frontinus*  
I. 4.

*Zonaras.*

rita multitudine, quod penes peregrinos molestiam & labores esse, sibi otium cum securitate relictum existimabat. annona igitur militibus, pecunia Pyrrho, alacriter decreta. Interea L. AEmilius transmarini militis adventu cognito, quo tutioribus locis hybernaret, exercitum in Lucaniam transducere instituit. Erat iter per angustos quosdam calles, quos ab altera parte præruptæ inviaque rupes, ab altera mare claudebant: & intellecto ducis Romani consilio Tarentini naves scorpionibus & ballistis instructas admoverant littori; militemque per arctos & obnoxios tramites incedentem missilibus impetebant. AEmilius viam virtuti negatam astu explicuit, captivis quos in ultimum agmen rejecerat, latera prætexens ordinum, quæ periculo patebant. Horum misericordia Tarentini, dum suos ferire metuunt, etiam hostibus pepercerunt. Hæc ferme eo anno ad Tarentum gesta. Romæ vero C. Fabricius Luscinus, qui in consulatu suo Samnitas Bruttiosque

que & Lucanos præclare vicerat, triumphans Capitolium ingressus est. Eundemque honorem non ita multis post diebus Q. Marcius Consul obtinuit; ex Etruria, rebus ibi prospere gestis, reversus. Quæ cum caussa, bello Etrusco nondum finito, ex provincia revocaverit, tempore alieno (nam Fabricius A. D. III. nonas Martias triumphavit) non traditur: ego accitum à Senatu conjicio, qui tum expectatione Pyrrhi sollicitus, præsidia undique conquirebat. Nam & eo primum tempore, quum tanta undique belli mole coorta, imperium pluribus exercitibus defendi oporteret, proletarii, quibus antiquitus vacatio militiæ fuerat, sacramento rogari cepere. arma, quæ parare per inopiam non poterant, publice data: ut legionibus alibi occupatis, hæc manus per globos in muris foroque disposita, stationibus & excubiis urbem tueretur. Neque tamen his consiliis averti potuisset imminens clades, nisi fortuna urbis imperaturæ periculosis temporibus ingentes

*Capitolina  
fragmen-  
ta.*

*Orosius  
4, 1.*

*Augusti-  
nus de Ci-  
vit. Dei 3,  
17.*

*Ennius  
apud Age-  
lium 16,  
10.*



viros reservasset, ac nescio an maximos omnium, qui umquam in ista civitate fuerint. non ita divitiis & splendore generis, quam contemptu opum, & à virtute nobiles. Hæc enim ætas Curios, Fabricios, Coruncanios tulit: nullarum imaginum aut facultatum viros, sed amplissimæ gloriæ, quam rectissimi exempli homines, summo rei militaris usu, parique morum innocentia pepererunt: utrobique salutares patriæ, quæ adversus Regem ambobus metuentum, non magis opus habebat viris, qui ferrum hostile retundere possent, quam qui aurum contemnere.

*Zonaras.*

*Plutarch.*

*Pyrrho  
cap. 31.*

Pyrrhum interea vere non expectato peditum duo & viginti milia, tria equitum adducentem, elephantos præterea viginti, & funditorum sagittariorumque modicam manum, orta in medio cursu tempestas ita jactavit, ut ab extremo periculo minimum abesset. Classe disjecta, pluribusque navigiis afflictis, quum etiam prætoria navis laboraret, in mare se dedit Pyrrhus, & maximo cum labore vix tandem

dem enatavit. Corporis tamen male habitū ægritudinem, animi robur sublevabat: & cura Messapiorum, qui suum in littus ejectum, omni studiorum officiorumque comitate coluerunt. Eorundem opera navibus quibusdam, quæ procellæ vim evaserant, adductis; pauci equites cum duobus elephantis, & minus duobus millibus peditum collecti. Cum hac manu Tarentum processit: obviam egresso cum militibus suis, Regemque deducente Cineas. Magnis Tarentinorum gratulationibus exceptus, paucos dies quieti dedit. quo spatio quum civitatis mores ita comparatos esse cerne-  
ret, ut his obtinentibus, neque servari à quoquam possent, & ipsos quoque defensores suos pessum-  
daturi essent, dissimulavit in præsentia. Sed ubi paulatim convenientibus quæ dispersæ fuerant navibus, copias idoneas habuit; gymnasia & porticus, in quibus otiosa juvenus dies totos obambulan-  
do nugandoque consumebat, oc-  
clusit: epulas comotationesque  
ve-

- vetuit: solennia ludorum ex intemperantissimo usu ad justam mediocritatem reduxit. Post hæc delectum juniorum severe egit: monitis, ut solebat, conquistoribus suis, *grandes eligerent, se eos fortes redditurum*. Hos manipulis suorum permixtos, ne scorsim habiti seditiones agitarent, eadem duritia & severitate disciplinæ exercuit; capitis poena infrequentibus proposita. Qui vero in armis nō essent, eos majorem diei partem in foro agere coëgit. Quarum rerū insolentia, homines inter pudendas delicias natī educatique, mirificeangebantur, *servitutem* appellando, si perire socordia & luxuria cupientes, salvi esse cogerentur. Onerebat invidiā satellitum quorundam regionum intemperies, qui suo arbitratu hospitia deligentes, etiam invitis & reluctantibus dominis occupabant: parique deinde licentia inter uxores eorum liberosque versabantur. Ergo fastidio præsentium multi relicta urbe in agros emigrabant: donec id quoque clausis portis adpositi custodes pro-
- Frontinus*  
*Strat. 4, 1.*
- Zonaras.*
- Plutarch.*
- Zonaras.*
- Plutarch.*
- Appianus,*  
*apud Va-*  
*lesium.*

prohibuerunt. Tum vero Tarentini se pro socio dominum accepisse sero intelligentes, quod unum poterant, per indignationem & questus sortem suam miserabantur, aliquanto liberius, ubi per aliquam idoneam causam convenientes, præter solitos animi adfectus, etiam vino incauissent. Neque deerant qui ad Pyrrhum referrent: arcessitique nonnulli quod inter convivium parum honorifice de Rege loquuti esse arguerentur. Sed horum quidem periculum cujusdam inter eos simplex & ingeniosa confessio discussit: *Et hæc diximus*, inquit, & longe graviora dicturi fuimus, nisi vinum defecisset. Ibi Pyrrhus ut qui vini quam hominum eam culpam videri mallet, adridens dimisit eos. Ceterum diffusus civitatis moribus animisque, ut quemque plurimum apud Tarentinos auctoritate, consilioque pollere animadverterat, causis repertis structisque, ad filium Ptolemæum (quem discedens ipse regno præfecerat annorum quin-

Zonaras.

Valerius  
Max. 5, 1,  
3. ext.

Zonaras.

Plutarch.  
Pyrrho  
cap. 16.

Zonaras.

Iustinus  
18, 1.



*Zonaras.*

quindecim adolescentem ) ablegabat: alios per occultas insidias de medio tollebat: erant quos adfectata humanitate complexus, inter familiarissimos haberet, quo populo suspectiores fierent. In his Aristarchus erat, vir inter primates amore civium & eloquentia excellens: hunc quia nihilominus in magna apud multitudinem gratia esse cernebat, per causam certi negotii navigare in Epirum iussit. Aristarchus, quum refragari Regis imperio, præsentis exitii; obedire, non quidem æque velocis, sed tamen æque certi videretur: conscensa navi paulum provectus, flexit cursum ad urbem Romanam, & receptus in fidem de rebus multis magnisque Senatum largiter edocuit. Dum hæc Tarenti Pyrrhus administrat, nihilo segnius ad bellum gerendum apud Romanos delectus agebantur, cogeantur pecuniæ, misso ad socias civitates C. Fabricio, qui auctoritate gratiaque sua deterreret à studiis rerum novarum: quidam, quorum sus-  
specta

*Dio apud  
Fulv. Vr.  
sinum.*

specta levitas erat, etiam præsi-  
 diis in opportuna loca impositis in  
 fide retinebantur. Quidquid enim *Zonaras.*  
 ubi vis injuriæ acceptæ persuasione  
 ægrum, aut cupiditate novandi  
 turbidum erat: id omne, tot ad-  
 versus unam gentem conspiran- *Dio.*  
 tium populorum robur, & belli-  
 colissimi Regis expectatio com-  
 moverat. quo intentiores Roma-  
 ni, capita seditionum mature op-  
 primendo, securitati suæ provide- *Zonaras.*  
 bant. Eo tempore casus Prænesti-  
 norum principum memorabilis  
 fuit: qui nocte jam ingruente  
 quum adducti Romam essent, cu-  
 stodiæ causâ conclusi sunt in æra-  
 rio publico, tum demum intellectis  
 fallacis oraculi ambagibus, cujus  
 fide popularibus suis, ad defectionem  
 eos impulsuri, sæpe spon-  
 derant, in fatis esse, *ut Romanum*  
*ærarium à Prænestinis occuparetur.*  
 Solicitos Patrum animos (nam &  
 Fabricium à sociis retineri audive- *Dio apud*  
 rant, ut eo pignore suos ab Ro- *Fulvium*  
 manis incolumes reciperent; & ad *Vrsinum.*  
 Etruscos, ad Umbros, ad Gallos  
 contra populum Romanum inci-  
 tan-



*Polybius*  
1. 7.

*Livii Epit.*  
II.

*Livius*  
28, 28, 3.

*Dio apud*  
*Valesium.*

tandos, legatos mitti) nova insuper cura oppressit rei quum facto ipso atrocis, tum formidabilis exempli, ne apud omnes Italos alienissimo tempore Romana fides in suspicionem & odium adduceretur. In extremo Italiae litore contra Siciliam Rhegium est, Græci nominis temporibus illis florens & opulenta civitas. Ea quum adventu Pyrrhi magnum & terribile bellum cerneret consurgere, præterea classibus Carthaginiensium in illo mari vagantibus terreretur; diffusa viribus suis arcessendum à Romanis præsidium existimavit. Missa sunt militum millia quatuor, ex Campaniæ coloniis scripta manus, & inde legio Campana appellata; tribuno militum Decio Iubellio deducente. His ab initio quidem neque fides in defendenda urbe, neque diligentia defuit. Deinde, quia belli propinquus metus nullus erat, paulatim otio & Græcæ consuetudinis imitatione in luxum resoluti, præsentemque copiam cum dura & laboriosa vita, quam eousque egerant,

rant, comparantes, opportunitatem urbis, & incolarum felicitatem, sermone cupiditatis & in- *Polybius.*  
vidiæ pleno, in circulis & hospitiiis suis, agitare ceperunt. Delectabatur eo facto Decius, qui & *Dio.*  
ipse pari væcordia ductus, scelcratum occupandæ urbis consilium pridem animo conceperat. Favebat occasio præsentis belli, quo sciebat ita distringi Romanos, ut Rheginam rem curaturi non essent: & in adverso litore Mamertinos, exemplum simul felicis sceleris, & similis perfidiæ haud dubios propugnatores, præterea communis patriæ necessitudine junctos, intuebatur. Nam & hi ex *Polybius.*  
Campania oriundi, quum superioribus annis inter Agathoclis auxilia stipendium fecissent, à Messeniis pro amicis excepti, civibus trucidatis aut ejectis urbem occupaverant, domosque & conjugia miserorum inter se partiti fuerant. Etiam veterum Campanorum subibat memoria, qui Capuam possederunt, simili latrocinio Tuscis ademptam. Quum res satis placeret, *Livius 42*  
*37.*

ca

ea consultatio supererat, quonam modo facinus impune patraretur, neve, ut in urbe populosa, pauciores à pluribus circumventi cæderentur. Confingit epistolas tamquam à Rheginis ad Pyrrhum scriptas, ut præsidium Romanum ei proderetur. Vocantur secreto milites, epistolæ, quasi interceptæ, recitantur: queritur acerbè de perfidia Rheginorum Decius: ex militari multitudine quidam, ad hoc præparati, succlamant; *armis expediendam salutem, & exitium ipsis destinatum, in auctorum capita vertendum esse*: adest etiam ex compacto, qui nunciet in Rhegino litore classem Pyrrhi conspectam esse, & secreta colloquia habita. Miles supra priorem animi cupiditatem, etiam perfidia hostium & periculi metu accenditur. Consensu omnium in hanc sententiam disceditur, *ut ignari imparatique oppidani opprimantur: cade virorum facta, fortune publicæ privatæque omnes legioni cedant*. Fit facinus indignum & atrox: Decius quosdam ex principibus ad cœnam vocatos,

tos, inter sacra hospitalis mensæ obtruncat: alii passim in domibus suis trucidantur: majori parte Rheginorum interfecta, ceteri patria ejiciuntur, ab iisdem illis, quos paulo ante ut cum patria servarentur, amicorum atque sociorum nomine in eam acceperant. His patratis, nova fit publicæ rei forma: ædes atque facultates miserorum tamquam hostilis præda inter latrones dividuntur: cæde adhuc recenti matronæ virginesque maritorum atque parentum suorum interfectoris nubere coguntur: jura nomenque Rheginæ civitatis crudelis & perfidiosa legio sibi vindicat. Sed bene consuluit mortalium generi DEV S, quod plerumque scelerum insignium exempla, eadem & vindictæ illustris documenta sunt: ne quis magis successu maleficiorum animari ad paria consilia possit, quam exitu eventoque deterreri. Adco veræ felicitati cum facinorosis non convenit: neque ulla certior est insania, quam existimare, scelere quemquam fieri beatio-

*Strabo  
lib. 6.*

*Dio.*

*Diodori  
excerpta  
lib. 22.*



tiozem. Vt enim quæ post hanc vitam manent supplicia, quæ maxima sapientes esse sciunt, nulla putentur: (solet enim hominum incredibilis stultitia vix iis habere fidem; quæ vident: nedum ut inexpertis moveantur) attamen etiam quum prosperrime procedunt omnia, interno vulnere lacerat animum delictorum conscientia: viventium nomen, mortuorum memoria, apud homines in odio & detestatione est: ac plerumque id ipsum quoque, quod foedissime partum, laboriosissime retentum est, non DEO, non hominibus, inulta scelera diu patientibus, ingenti cum dolore eripitur. Iuvat hic referre breviter Decii Iubellii ceterorumque furoris ejus participum pœnas, quæ quidem earum temporibus his connexa sunt: nam extremum exitium, interea variis casibus torti, decimum in annum distulerunt, ut in tempore memorabimus. Igitur prædonibus istis non diu lætæ, aut etiam inter ipsos tranquillæ res fuere. Metum à Romanis & Pyrrho utcumque, præ-

*Livius*  
28,28.

*Diodorus.*

ter occasionem temporum, Mamertina societate propellebant; & consilio neutros laceſſendi. Hoc enim tutiſſimum viſum ex præſentibus, inter initia ſua, dum ex violenta & ſubita origine nova civitas coaleſcit, abſtinere bello: quod neque adverſus Regem ſecuto ſumpturos eſſe videbant; & promptiorem ſperabant à Romanis veniam, ſi contra ipſos arma non tuliſſent. Prima diſſenſionis cauſſa, ut inter latrones oportuit, ex iniqua diſiſione raptarum rerum orta eſt. Ejectus per ſeditionem Decius Meſſanam confugit: qui Rhegii erant milites ſcribam ejus M. Cæſium imperatorem legerunt: eodem honore Decius, quum pecuniam ſecum grandem adtuliſſet, à Mamertinis auctus eſt; neque læta ſibi, neque diuturna fortuna. Nam evenit, ut oculorum gravi ægitudine correptus, medicum inſignem acciendum curaret; ultione divina jam ad plures acerbioresque pœnas nefarium hominem rapiente. Adductus ergo medicus eſt Rheginus domo, ſed quia

*Valerius  
Maxim. 2.  
7, 15.*

*Diodorus,*

*Appian.  
apud Va-  
leſium.*



quia multis ab annis Messanæ habitaverat, origine non Decio tantum, numquam ulli Rheginorum se commissuro, sed plerisque ejusdem urbis incolis incomperta Ille memor patriæ, & injurias ejus ulcisci cœtus, persuadet homini, se strenuum quidem adferre remedium, sed eventus tuti, celerissimæque efficaciam. Sic admoto medicamento quod cantharidum succo temperaverat, vetitoque tolli, priusquam ipse reversus ad ægrum esset, sine mora conscenso navigio, ex urbe Messana profugit. Decius incredibili dolore satis diu tolerato, postquam medicus non redit, amoveri collyrium jubet: eo diluto, luminibus orbatum se reperit. Ita infamis, exul, contemptus, cœcus, animo & corpore ægro, tamquam vinculis constrictus, ad poenam servatur: miro quodam divinæ ultionis ingenio, ut ab eo cui salutem suam crediderat, cladem istam pateretur; qui prius ipse, quos tueri debuerat, immanitate perfidiaque circumvenisset. Quæ documenta historiis consignari

*Diædorus.**Appian.*

gnari tradique generis humani  
interest; cui numquam satis per-  
svadetur, quantum à recta pru-  
dentiae ratione absit ea calliditas,  
per quam ob falsa quædam bona  
virtute fideque spretis, per fœdas  
& iniquas libidines in vera mala  
ruitur.

**D**

**I. FREINS-**

I. FREINSHEMII  
SUPPLEMENTORVM  
LIVIANORVM  
LIBER TERTIVS.

*Loco Libri Tertiidecimi Liviani.*

*Anno ab  
Urbe Con-  
dita 473  
Zonaras.*

**I**Nterea Romæ parte copia-  
rum ad præsidium urbis, &  
incertos belli casus retenta,  
novis Consulibus exercitus  
& provinciæ datæ sunt. P.  
Valerio Lævino Tarentini & Pyr-  
rhus; Ti. Coruncanio Etrusci bel-  
li reliquæ obvenerunt. Lævinus  
magnificum ad famam & terro-  
rem ratus, hostem à se lacesitum  
videri; simul utile civitati, si quam  
longissime bel'i metum & incom-  
moda ab agro Romano avertis-  
set: confestim in Lucaniam moto  
exercitu, castellum opportuno si-  
tu operibus permunivit, valido  
præsidio imposito, quo & Pyrrhi  
cœpta tardarentur, & Lucani,  
quorum perfidia timebatur, ad  
hostem non auderent desciscere.  
Audito Romani Consulis adventu  
Pyr.

Pyrrhus, quamquam loci non- *Plutarch.*  
 dum convenerant, turpe sibi & *Pyrrho*  
 detrimentosum fore judicans, si *cap 34.*  
 inter primordia belli formidinis  
 indicium ullum edidisset; cum  
 copiis quæ aderant, incontanter  
 obviam progressus est. Ut ta-  
 men per causam aliquam hone-  
 stam traheret negotium, cadu-  
 ceatorem misit cum literis, qua-  
 rum hæc sententia fuit. *Rex Pyr-*  
*rhus Lavino Salutem. Audio te Zonaras.*  
*contra Tarentinos venire cum exer-*  
*citu. Sed eo dimisso, cum paucis ad*  
*me venito: causa enim cognita, quod*  
*alteros alteris præstare æquum erit,*  
*etiam nolentes præstare cogam. Ad* *Plutarch.*  
*hæc Lævinus: Nos neque contro-*  
*versiarum nostrarum te sumimus ar-*  
*bitrum, neque hostem pertimescimus.*  
*Tu vero absurde facere videris, caus-*  
*as alienas cognoscere satagens, qui*  
*propria culpæ reus, nondum Italia,*  
*injussu nostro, in itæ pœnas nobis pe-*  
*pendisti. Ergo non adversus te mi-*  
*nus, quam adversus Tarentinos in-*  
*structo cum exercitu venio, Marte*  
*judice, auctore generis nostri, de no-*  
*stro jure disceptaturus. Neque diu*

moratus signa movit; & inter Pandosiam & Heracleam urbes, loco campestri, ab hostilibus castris divisus Siri amne, consedit. Fama est Pyrrhum speculari causa ad amnem progressum, quum castra Romana diligenter spectavisset, uni ex amicis, cui Megacles nomen erat, dixisse; *Ordo certe barbarorum istorum minime barbarus est: at facta mox noscemus.* Tum autem ad ripam firma collocata statione, quæ transitum tentantes arceret, opperiri socios constituit: super rationem belli, quod Romanos in hostili regione rerum necessariorum inopia laboraturos esse sperabat, etiam fiducia Iævini anxius: cuius ille admirationem novo testimonio nuper auxerat; dimissis impune hostibus, qui ad exploranda castra venerant: & adjecto, *sibi præterea majorem alium exercitum esse.* Inter hæc, ut vicinis castris, velitationes continuæ fiebant: ad summam rerum proficiebatur nihil. Igitur diebus ferme quinquaginta per hæc leviora certamina consumptis;

*Zonaras.*

*Frontinus*

4, 7.

*Zonaras.*

*Gotefridus*

*Viterbien-*

*sis.*

*Otto Fri-*

*singensis.*



ptis ; Consul, quod iisdem caussis  
ad festinandum prælium , quibus  
Pyrrhus ad differendum moveba-  
tur; milites in concionem vocatos *Zonaras.*  
consilii sui certiores facit , adver-  
sus novi hostis metum confirmat,  
Pyrrhi famam , belluarum terro-  
rem, quantum potest, elevat : de-  
nique rebus omnibus ita se parat,  
ut vel volente cum hoste congre-  
diatur vel etiam invitum cogat ad  
certamen. Itaque postquam Pyr-  
rhum manere in sententia videt,  
equitatum omnem , tamquam ad  
agrorum prædam excursurum ,  
præmittit : ipse cum instructis le-  
gionibus opperitur , donec in ad-  
versa ripa tumultus & clamor fiat.  
Equites magno à castris intervallo  
circumvecti , qua incustoditum  
flumen erat , transjiciunt ; statio-  
nem pro hostili ripa collocatam  
cursu petunt : Epirotæ , subita re *Plutarch.*  
perterriti , ad castra sua se reci-  
piunt. Pyrrhus intellecto hostem  
adesse , equitatum omnem , tria  
millia erant , quanta maxima ce-  
leritate potest , ad amnem rapit:  
sperans Romanos inter transeun-  
dum

dum ordinibus solutis, & cæco vado cum iniquitate aquæ solique luctantes, occupari posse. Sed quum Romani equites se objecissent, invectus ante primum suorum agmen, non imparem famæ suæ pugnam edidit; splendidis armis conspicuus, neque minus insigni robore animique præsentia: quum ita totam aciem consilio imperiisque regeret, tamquam omni alio labore solutus esset; ita ubi res poscebat adcurrentes præliaretur, tamquam solum ad se militis officium, ad aliam universæ rei cura pertineret. Interea Leonatus quidam Macedo, quum ex hostibus quemdam notasset, qui ceteris omissis omnibus, unum in Regem tota volitantem acie intentus, quacumque parte illum se inferre vidisset, eo quoque equum agebat; monuit Pyrrhum. Cui ille, *fatum* inquit, *ô Leonnate, mortalium effugerit nemo. Ceterum neque hic Italus mecum, neque alius quisquam, impune congregietur.* Vix eloquutus hæc fuerat, quum Oplacus (hoc nomen erat viro, Frentanæ

turmæ

turmæ præfecto ) infesta lancea equum percutit Regis: atque illius equum vicissim excipiens Leonatus. ibi circumfusi Regis amici Oplacum pugnantem interficiunt; Regem eripiunt. Sed iste casus magnopere perculit regios, ipsum esse cæsum opinantes. Quare ut confirmaret suos, simulque pericula sibi intentata declinaret, paludamentum & arma cum Megacle commutat: illoque in pugna relicto ad phalangem ordinandam adducendamque pergit. Occurrunt & Romanæ legiones. certatur diu acerrime, eventu adco dubio, ut memoriæ sit proditum, septies alternante proëlii fortuna, modo Romanos hostium, modo Tarentinos Epirotasque Romanorum terga vidisse. Sed proxime desperationem Pyrrhi res adduxerat Megacelis cædes, quem regiis armis monstratū ex diversa acie fortissimus quisq; regis interfecti gloriam adfectans impetebat: donec eques nomine Dexter interempto detractam chlamydem galeamque maximis cum clamoribus ad Consul-

*Zonaras.*

*Plutarch.*

*Frontinus*  
*Strategematum* 2,  
4.

*Plutarch.*

*Zonaras.*

*Frontinus*  
2, 4.

*Pausanias*  
*lib. I.*

*Florus* 1,  
18.

*Plinius* 8,  
6.

lem ferens, fidem patratae cædis utrique exercitui fecit. Iam omnia terroris atq; consternationis apud Græcos plena erant : fugissentque haud dubie nisi quamprimum nudo capite obequitans Pyrrhus, *seque vivere & adesse* voce magna testatus, tantumdem fiduciae Romanis, quantum suo militi formidinis desperationisque dēmpsisset. Lævinus adesse tempus ratus quo ultima remedia experiretur, signum equitibus sustulit, quos in insidiis collocaverat, ut terga hostium incurrerent. At Pyrrhus in hoc agmen elephantos agi jubet, ipsos quoque in ultimum terrorem hostium reservatos. Id consilium adflixit spes Romanas, eventumque totius pugnae secundum Pyrrhum dedit. nam & homines ipsi vastorum corporum mole, terribilique superstantium armatorum specie stupentes, quodvis potius ingens & formidabile portentum, quam animalium à natura productorum formam videre videbantur : & equi ad conspectum odoremque & stridorem  
tum



tum primum visarum belluarum  
 exterriti, protinus confusis ordi-  
 nibus, qua cuique proximum erat,  
 abripiebantur; sessoresque vel ex-  
 cutiebant, vel frustra renitentes  
 secum auferabant in fugam: & in  
 suorum aciem incurrentes omnia  
 trepidatione tumultuque misce-  
 bant. Insequutis elephantorum *Zonaras.*  
 rectoribus, multi fugientium ab  
 iis qui in turribus belluarum con-  
 stiterant, vulnerati sunt: plures  
 ab elephantis ipsis confecti obtri-  
 tique. Sed Consule omnia exper-  
 to cohærebat utcumque acies; do-  
 nec immissa Pyrrhi imperio The- *Plutarch.*  
 salica ala male resistentes fregit  
 disjecitque. Neque dubium habe-  
 tur, quin eo situ loci quo tum con-  
 clusi tenebantur, cæsi omnes ca-  
 ptive forent, ni præter consuetu-  
 dinem Pyrrhi, qui hoc imperato-  
 rium rebatur, non pertinaciter in- *Frontinus*  
 stare fugientibus, ne alio tempore *2.6.*  
 desperatione salutis acrius resiste-  
 rent; etiam præceps in vesperam  
 dies regios à persequendo desiste-  
 re coëgisset. Adjuvit etiam fortuna *Eutropius*  
 reliquias infelicis exercitus, quod *lib. 2.*

D 5                      ele-



*Gotefridus  
Viterbien-  
sis.*

*Orosius  
4. 1.*

*Plutarch.*

elephantus accepto vulnere conversus , etiam ceteros barritu turbavit. Ea res morata hostes , spatium fugientibus dedit, quo transmissis amne pervenire in Apuliam possent ; ibique urbis cujusdam munitionibus adversus instans periculum tegerentur. Cæsa eo prælio Romanorum sociorumque perditum millia quatuordecim & præterea octingentos septuaginta reperio ; ducentos quadraginta sex equites , captos in universum mille octingentos duodecim ; in his equites duos & octingentos : amissa signa militaria duo & viginti. Quo magis miror, auctores qui hæc tam accurate exsequuti sunt, negare numerum ex regio exercitu desideratorum adnotatum esse : quum Dionysius scribat Lævinum amisisse paulo minus millia quindecim ; tredecim interiisse ex victoribus : Hieronymus autem Cardianus , æqualis istorum temporum scriptor , de Romano exercitu non plus septem millibus cecidisse tradat ; de regio , intra quatuor millia. Sed hoc inter omnes

omnes constat, flore ducum militumque suorum victoriam eam Pyrrho constituisse: exceptæque dicuntur voces, *non minus victum se eo prælio quam victorem discessisse* Orosius ferentis. etiam quum Tarentino Iovi spolia donaque figeret, fassus hoc fertur, inscripto ejus sententiæ titulo: querentibusque sociis respondisse; *ne ego, si iterum sic vicerem, sine milite revertar in Epirum!* Ipsum quoque Regem hoc prælio grave vulnus accepisse auctorem Justin. 18, 1, 7. habeo: sed quoniam alii tale nihil tradiderunt, casusque diversarum pugnarum misceri nonnumquam video; non ausim uni, in silentio plurium & accuratiorum, credere. Magna profecto pertinacia certatum esse hoc etiam argumento fuerit, quod postridie ejus pugnae, quum cæsorum corpora Pyrrhus inspiceret, quæ ad humanitatis & clementiæ famam humari jusserat; Livii Epit. 13. Romanos omnes in hostem versos Eutropius, honestis vulneribus oppetiisse cernens, exclamavit: *O quam proclive mihi erat Orbis imperio potiri Romanos habenti milites.* Neque Florus 1, 18, 17. Zonaras.

*Dio apud* contatus est eorum, quos in pote-  
*Valesium.* state habebat, animos appellatio-  
 ne blanda magnisque promissis  
 adoriri, ut apud se stipendia fac-  
 rent: & abnuere perseverantes ni-  
 hilo sequius humaniter clemen-  
 terque habuit; & vinculorum, &  
 omnis quæ fortunam captivorum  
 comitari solet, contumeliæ exper-  
*Orosius.* tes. At Romanos prælio tam male  
 acceptos alia mox clades terruit,  
 ut longe impar detrimento, ita  
 majoris aliquanto formidinis &  
 religionis. Nam ad manifestam  
 deorum iram referebatur, quod  
 pabulatores forte dimissos subito  
 coorta tempestas ita perculerat, ut  
 inter horribilem cœli fragorem  
 cadentibus fulminibus quatuor  
 & triginta interirent, adflati & se-  
 mimortui relinquerentur duo &  
 viginti: jumentis etiam eodem tur-  
 bine extinctis aut debilitatis com-  
 pluribus. Pyrrhus interea quum  
*Plutarch.* vacua & deserta Romanorum ca-  
 stra cepisset; victoria non segniter  
 usus, promovit copias, vastandis-  
 que proximorum quorumq; agris,  
 ab amicitia Romanorum permul-  
 tos

tos populos avertit. Supervenire deinde socii Lucani Samnitesque. quibus leviter castigatis quod pugnaturo non adfuissent, partem tamen spoliorum dedit: eo ipso magnopere lætus & exsultans, quod præter suas copias Tarentinis tantum auxiliis adjutus, Romanorum ingentem numerum fudisset. Intento in victoriæ fructum Pyrrho, alia ex parte Lævinus curando saucios, colligendo dispersos, manum rursus haud contemnendam effecerat. & Senatus, quamquam multi culpam acceptæ cladis imputabant Consuli, Fabriciusque dixerat, non sibi Romanos ab Epirotis, sed Lævinum à Pyrrho victum videri; supplementum ei mittendum censuit. Quum voce præconis edictum esset, qui in occisorum locum patriæ navare operam vellent, uti nomina darent; certatim dantibus, celeriter duarum legionum numerus expletus est. His copiis auctus Consul, Pyrrhi vestigia sequendo, quibus poterat exercitum ejus incommodis vexabat; & quum occupandæ Capuæ

*Iustinus*  
18,1.

*Plutarch.*  
*Zonaras.*  
*Plutarch.*

*Zonaras.*

*Plutarch.*

*Appian.*  
*apud Ful.*  
*Vrsinum.*

*Zonaras.*



- puæ consilia Regem agitare com-  
perisset; festinanter exercitu du-  
cto, prævenit eum, cunctisque  
ad defensionem paratis, ab inva-  
denda urbe deterruit. Pyrrhus  
Neapolim flexo itinere, atque ibi  
quoque spe sua frustratus, protin-  
us ad ipsam Romam magnis iti-  
neribus Larina via contendit. Iam  
ab Anagnia & Hernicorum agro,  
*Appianus* Fregellis obiter expugnatis, Præ-  
neſte pervenerat, intra vicesimum  
*Florus* 1. ab urbe lapidem: sed urbani ma-  
18, 24. gistratus simul atque de clade au-  
ditum fuerat, novis delectibus ex  
*Plutarch.* Senatusconsulto juniores arma-  
verant; aliudque non invalidum  
auxilium Populi Romani fortuna  
tempore necessario providerat.  
Consul enim alter Tib. Corunca-  
*Zonaras.* nius meliore fortuna cum Etru-  
scis congressus, universam gentem  
novis fœderibus obstrinxerat: &  
ad tutelam patriæ revocante Se-  
*Appianus* natu, nullo alio hoste distractus  
cum exercitu victore accurrebat.  
Pyrrhus quum Etruscos ad arma  
*Zonaras.* retrahere frustra tentavisset; præ-  
ter urbem suis præſidiis tutam,  
duos



duos Consulares exercitus , alterum à fronte , alterum à tergo imminere cogitans , in Campaniam regressus est. Vbi Lævinum majoribus sibi copiis , quam ante *Eutropius.* cladem habuisset occurrere videns, cum *Hydra Lerneæ sibi negotium Zonaras.* esse dixit , *cujus præcisa capita paulo post, numero etiam aucto, renasceren-* *Florus I,* *18, 19.* *Zonaras.* *tur.* Quia tamen priori victoriæ confidebat, eduxit copias, & tamquam pugnaturus instruxit. quoque suorum simul alacritatem experiretur , simul perterrefaceret hostem ; clamorem tollere milites, ac elephantos ad barritum ciendum incitari iussit. Redditus est à Romanis longe major atque terribilior clamor : unde de animis utrorumque conjectans , abstinendum sibi prælio in præsentia judicavit : & victimarum exta parum læta caussatus , exercitum in castra, & inde, magna cum præda & captivorum agmine , Tarentum reduxit. Romani qui durissimo tempore de constantia sua nihil remiserant, sed de totius belli eventu semper amplas spes & oratio-

*Appianus*

*Plutarchus*

tio-

*Tabula  
Capitoli-  
na.*

*Frontinus  
4, 1.*

*Dionysius  
apud Ful-  
vium.  
Cic. Bruto,  
cap. 14.*

tiones magnificas habuerant; præ-  
mia virtutis tum maxime cele-  
branda rati, L. Æmilio Barbulæ  
ob res in consulatu gestas decreve-  
runt triumphum:isque de Taren-  
tinis, Samnitibus, & Sallentinis,  
qui inter auxilia Tarentinorem  
fuerant, A. D. VI. Idus Quintileis  
triumphavit. Sed P. Valerio Con-  
suli negotium datum, *ut Setinum  
in agrum abductis exercitus victi re-  
liquiis, castra muniret, hyememque  
sub pellibus agere cogeret.* Per ea-  
dem tempora quum de captivis in  
Senatu agitatum esset, *redimine  
eos placeret?* ista sententia tenuit.  
credo præcipue movisse animos  
equitum casum, quos fortiter su-  
stentata pugna donec elephanti  
aberant, horum superventu con-  
sternati equi sine ulla fessorum  
culpa cædendos vinciendosque  
hostibus præbuerant. Missi sunt  
hujus negotii causâ præcipuæ di-  
gnationis legati, P. Cornelius Do-  
labella, Senonum deleta gente  
nobilis, C. Fabricius Luscinus,  
Q. Æmilius Papus, qui biennio  
ante collegæ in consulatu fuerant.  
Pyr-

Pyrrho à natura magnorum animorum indivisa comes inerat humanitas ; sed hanc ambitione auxerat , errore pervulgato ministras imperii virtutes esse putans, cui uni intemperantissime deditus , huc rationes suas omnes referebat. Et quamquam audacia bellicque artibus nemini sua ætate ducum postponendus esset; omnia tamen prius experiri solebat, quam armis rem permetteret: animosque hostium ut quisque opportunus erat, metu, cupiditate, voluptate, misericordia , denique conditionum æquitate ac utilitate moliebatur. Igitur nunciato Roma legatos venire , tot consulares ad maiorem certe aliquam rem mitti suspicatus , pacis componendæ mentionem illaturos esse sperabat. Quo igitur & tutior , & honoratior accessus eorum foret, ad ipsos usque fines agri Tarentini Lycopen natione Molossum cum præsidio misit obviam: ipse vero cum ornato equitatu venientibus extra portam occurrit : deductosque perquam honorifice ac hospitaliter,

*Polyanus  
Strategem.  
mat. 6, 6.*

*Zonaras.  
Val Max.  
5, I.  
Hist. Miscella. T.  
Diaconi  
2, 16.  
Dio apud  
Fulvium  
Ursinum.*

Dionysius.

ter, rebus omnibus laute atque liberaliter habuit. Illi quæ ad moderationem animi pertinent præfati, quanta sortis inconstantia; quam subita bellorum vices essent, neque præsciri futura posse; mandata edunt: se ad recipiendos captivos suos venisse, sive certo in capita precio redimi, sive cum Tarentinis aliisve permutari pateretur. Pyrrhus ni-

Zonaras.

hil magnæ rei sine consilio amicorum statuere consueverat: quod tum quoque convocato, Milo quidem suadebat, ut captivis retentis fortuna sua uteretur, neque bellum nisi perdomitis Romanis omitteret. Longe diversa Cincæ oratio fuit: qui commemorata Senatus populi-que Romani constantia, quam sæpe extremis temporibus suis invictam ostendisset; subiecit: Aliorum fortassis hostium aut mores oderimus; aut contempserimus arma: cum hac gente, ô Rex, amicitiam tibi potius quam bellum habendum esse censeo. neque reddi modo captivos, sed etiam donari ex usu tuo fuerit. neque differendum arbitror, quin legatos cum muneribus Romam mittas, qui con-

ditio-



ditionibus æquis pacem conficiant. Hoc enim illud tempus esse arbitror, quo rem tibi necessariam, si quid iudico, etiam cum dignitate facere possis. Nunc enim rebus adhuc prosperis de pace agens & facilius, quæ volueris, impetraveris; & nulla alia causa, quam animi solita magnitudine, pacem obtulisse videberis iis, quos integrum fuisset armis ad servitutem cogere. & absit quidem omen, tuæque res, sicut ceperunt ire, pergant. Sed tamen homines sumus; & si fortuna veterit, neque tam facile porro negotium erit pacis, neque paricum decore tractabitur. In hanc sententiam loquutis quoque ceteris, & ipse Rex adensus, vocari legatos Romanos jubet. Qui ubi venerunt, hunc in modum egisse fertur: Res equidem indigna est, quam facitis Romani! Quum enim amicitiae mecum ineunda rationem nullam habeatis, bello captos repetitis; ubi reddidero, iisdem illis adversus me usuri. Quod si igitur revocatis ad meliora & utrisque profutura mentibus, fœdus atque societatem mecum instituitis; vestros & cives universos,

Dionysius  
apud Ful.  
Vrsin.



*sos, & socios quos cepi, sine pretio recipite; Sin vero vobis hostiles animi manent, neque ego pro sano me facturum arbitror, si odia vestra tot fortium virorum manibus instruam. Ne-*

*Appianus* que vero tanta mihi rei nummarie  
*apud Tul.* difficultas est, ut pecuniis Romanorum  
*Vrsin.* indigeam; quos decebat potius, si amici essemus, liberalitate mea locupletari.

*Zonaras.* Simul non spernendi precii munera legatis dari iussit; plura se & meliora alias daturum professus. Hæc in commune legatis omnibus præ-

*Dionysius.* sentibus dicta actaque. Ceterum cum solo deinde C. Fabricio longior & adcuratior sermo fuit: ne-

*Zonaras.* que remotis arbitris colloquerentur, inter cetera regem ita dixisse postea vulgatum est: Ego vero quum ceteros Romanos omnes amicos

*Dionysius.* habere expeto; tum præsertim te, C. Fabrici, quem inter ceteros civili militarique virtute præstantissimum esse judico, unum deesse tibi indignor, quod re familiari angustiore utens, debitum magnis viris splendorem tue-ri minime potes. Sed hanc fortuna  
inju-

injuriam ego diutius tibi molestam  
 esse non patiar, daboque auri argen-  
 tique facti & infecti eam copiam,  
 qua ditissimorum quorumque census  
 facile vincas. Hoc enim in primis lo-  
 co fortunæque meæ convenire persua-  
 sum habeo, eximiorum hominum, qui  
 potius gloriæ quam pecuniæ accumu-  
 landæ studuerunt, gravem inopiam  
 consolari: id quidem ego valde pul-  
 chrum opus esse reor: neque magnifi-  
 centiæ regia vel monumentum illu-  
 strius usquam poni, vel augustius diis-  
 que gratius donarium suspendi posse.  
 Quare non tam dedisse beneficium pu-  
 tabo, quam adcepisse, si meis te copiis  
 adjuvari siveris. Neque tamen id  
 à te petiturus eram, si mihi gloriosa  
 largitio tantum, tibi vero parum de-  
 cora fuisset: nunc autem quia non ad  
 prodicionem aut indignum moribus  
 tuis facinus ullum emeris; quid est,  
 cur hospitale munusculum, amicissi-  
 mo animo oblatum, infesto & per-  
 tinaci velis aspernari? Ego enim aliud  
 à te desidero nihil, nisi quod à viro  
 optimo patriæque amantissimo fieri  
 possit, imo debeat; ut Senatum à præ-  
 fracta illa perversicacia ad æquitatem  
 & con-

Plutarch.  
 Pyrrho  
 cap. 43.

& consilia mitiora transducas, quod  
 res est docendo, neque bellum sine  
 maximo vestro & damno & pericu-  
 lo geri; neque à me, qui Tarentinis  
 auxilium pollicitus, primo etiam præ-  
 lio victor discessi, integra fide atque  
 dignitate deserui posse. Neque verò me  
 delectat vobiscum dimicare, quos  
 amicitia mea quam odio digniores ar-  
 bitror: & multis interea negotiis ob-  
 ortis, quæ præsentiam meam deside-  
 rent, in regnum meum reverui mal-  
 lem. In hoc fidem quam postulabis  
 dabo: quo & tu de animo meo secu-  
 rus esse possis; & ceterorum dubita-  
 tiones tollere: si qui forte negabunt  
 Regibus tuto credi posse propter unius  
 aut alterius insaniam, qui nullo in-  
 tellectu honesti, pactis atque fœderi-  
 bus donec utilia viderentur stantes,  
 simul atque levitatis precium appa-  
 ruit, fidem quam occasionem negligere  
 maluerunt. Pace vero confecta,  
 nihil aut mihi jucundius, aut utilius  
 utrisque fieri possit, quam si mecum  
 in Epirum naviges, primo inter meos  
 loco, & in bello legatus futurus,  
 omnisque fortune meæ particeps.  
 Dinysius. Nam & ego possessionem nullam præ-  
 ciosio-

Appianus  
 apud Ful-  
 Ursinum

cisforem esse puto, quam fortis & fidelis amici. & animo tuo Regia fortuna adparatus, Regiorumque negotiorum maiestas congruit. Hæc ergo si in commune contulerimus, quæ maxima per homines censentur bona, vicissim alter alterum adjuvantes nullo negotio adipiscemur. Hic ubi finem dicendi Rex fecisset, post modicum intervallum Fabricius inquit: De virtute, quidem, si quid ejus in me belli domive animadverti potuit, mihi supervacaneum est quidquam adtingere; quando jam alius de ea credidisti: neque itidem de paupertate necessum est exponere, quod exigui agelli tuguriolique dominus, non fœnore, neque mancipiorum operis, sed laboribus hujus corporis alor. nam & ista referentibus aliis existimo te accurate didicisse. Si vero me deteriore ob paupertatem conditione, quam Romanorum quemlibet, esse suspicaris; certe, sive ultro, sive alienam sequutus opinionem ita conjecisti, mirifice falsus es. Mihi enim contemptis opibus virtutem & officium sectanti nullus umquam miserie sensus fuit; neque fortuna mea,  
vel



vel in privatis negotiis, vel in publi-  
 cis ingemui. qua enim tandem caussa  
 convicium ei facerem? nisi forte cri-  
 mini dabo, quod in ista paupertate  
 mea, his omnibus, quæ cuilibet animo  
 magno excelsoque sola desideranda  
 videntur, non modo cum divitibus,  
 sed etiam præ illis, in patria perfruor!  
 Honoribus enim qui apud nos amplis-  
 simi sunt, fungor: bella gravissima re-  
 go: splendidissimis adhibeor legationi-  
 bus: religionum sanctissimarum curam  
 gero: vocor in Senatum: de summa re-  
 publica rogor sententiam: laudant me  
 multi imitanturque hilariter; neque  
 minoris fio quam quilibet in civitate  
 nostra potentissimus: videorque spe-  
 cimen & exemplum ad virtutem glo-  
 riamque capeffendam esse ceteris; ni-  
 hil in hæc omnia sumptus de meo fa-  
 ciens, sicuti neque aliorum quisquam.  
 Nam alibi quidem, ubi plerumque  
 privatim opes magnæ, publice vix  
 mediocres sunt, magistratus ex re fa-  
 miliari dignitatem splendoremque lo-  
 ci sui sustinent: nostra civitas longe  
 diversis institutis utitur; neque for-  
 tunis privatorum ulla parte gravis  
 est. Omnis iste adparatus, quo nostri  
 cives,

Ammian.  
 Marcel-  
 lin 24, 9.

Dionysius.

Zonaras.



cives, quotquot ad rerum magnarum  
 administrationem deliguntur, magni-  
 fice instructi sunt; præbetur publice.  
 quæ res exæquat omnes, neque pau- Dionysius  
 perrimo alicui quidquam patitur ad  
 tuendum publicum aut suum decus  
 deesse, neque ditissimo superesse.  
 Quando igitur pauperrimus omnium  
 tamen locupletissimo cuique nulla in  
 re bona cedo; quid est, quod de for-  
 tuna queri debeam? an postulandum  
 erat, ut me Regibus parem faceret,  
 quibus ingentes auri cumulos licet  
 recondere? Sed hæc quidem ad pu-  
 blicam vitam: in privata vero tan-  
 tum abest ut mea mihi inopia sit one-  
 ri aut incommodo; ut contra quoties  
 me cum divitibus istis compono, mea  
 fors incomparabiliter videatur bea-  
 tior: & ego me inter illos plane pau-  
 cos numerem, quibus, quanta esse in-  
 vit apoteſt felicitas contigerit: eoque  
 nomine & mihi plurimum gratulor,  
 & gratias ago paupertati meæ. Quum  
 enim supervacua persequi mihi in-  
 eptum & otiosum esse videatur; neces-  
 saria vero agellus recte colenti dispen-  
 santique suppeditet; nescio quem in-  
 usum de majoribus divitiis debeam  
 esse

E

esse

esse sollicitus. nam omnem mihi cibum  
 fames suavissimum efficit; omnem po-  
 tum sitis: somnum facilem & tran-  
 quillum labore paro: vestis, si frigus  
 arceat, mihi se probavit satis: in su-  
 pellectili, ut quodque ad usus, cui de-  
 stinatur maxime commodum atque  
 parabile est, ita placet impensius.  
 quare sic quoque sim injurius, si ac-  
 cusem fortunam, quod mihi non ma-  
 jores facultates subministraverit illa,  
 quam natura mea desideret: quæ mi-  
 hi, neque cupiditatem ejus quod ni-  
 mium esset, ingenuit; neque profecto  
 dexteritatem parandi. Quare cum  
 ista paupertate mea, & aliis opulen-  
 tissimis hominibus, & te quoque ipso  
 me copiosiore esse judico: nam ego  
 tantum habeo, ut plus non desiderem;  
 tu, nisi Epirum, & cetera quæ tenes  
 possidens, inopem te esse crederes, in  
 Italiam trajecisses? sed pulchram fa-  
 cultatem, beneficia hominibus dandi,  
 præstat opulentia! ego per inopiam  
 subvenire queo nemini! Hoc vero non  
 magis me angit, quam quod aliis quo-  
 que rebus non supra modum instru-  
 ctus sum: quod neque scientiam præ-  
 cellentem mihi Deus, neque vatici-  
 nandi

Zonaras.

Dionysius

nandi artem tribuit, quibus prodesse indigentibus possem: neque alia itidem permulta. Eorum vero quæ in me sunt, si & civitati & amicis copiam facio, & unde quemquam juvare ullo pacto possum, id commune omnibus esse patior; hoc quoque crimine hætenus me vacare posse existimo. Neque vero tibi quidem hæc parva aut contemptibilia vocare licet, qui præ te feras illa videri maxima, adeoque ingenti pecuniæ modo emere paratus es. Quod si vero ad sublevandas necessitates egentium omnino facultates magnæ optandæ essent: atque hoc nomine pecuniarum possessio partem aliquam felicitatis faceret; uti vobis quidem regibus videtur: utra mihi via parandarum opum erat melior, ut à te nunc acciperem cum dedecore; an vero ut olim pararem, quum possem honestissimis rationibus? Nam mihi sane ditescendi opportunitates præclaras respublica bene gesta præbuit. quum alias sæpe; tum vero maxime ante hoc quadriennium,

Supra in  
Anno ab  
Urbe cond.  
471.

*Dionysius.* percucurri: præliis multis victor urbes opulentas vi cepi diruique: unde donatis largiter militibus, reddiditque privatis quod reipublicæ in usus belli mutuum dederant; res tamen superesset quadringentorum talentorum quæ in ærarium publicum intuli. Postquam igitur justas & decoras ex manubis opes, quæ in promptu erant, aspernatus sum; & exemplo Valerii Publicolæ multorumque aliorum qui rem Romanam hunc in statum produxerunt, gloriam pecuniis anteposui: nunc à te munera capiam, contempta pulcherrima ditefcendi occasione, pudoris atque periculi plenam amplexus? & illam quidem opulentiam honestos justosque ad usus expendere liberrime & cum voluptate quadam potuissim: nunc vero ne hujus quidem boni ulla futura esset copia. Credite enim verius quam donatæ pecuniæ censende sunt, quæ alieno beneficio obvenerunt, animoque ingenuo & erecto graves incumbunt, donec restitui queant: ut jam per hospitii, vel amicitiae, vel benevolentiae speciem datæ acceptæque fuerint. Iam vero, quid futurum censes, si vulgata fama  
(neque



(neque enim celari poterit) magistratus, qui morum apud nos præfecturam amplissima cum potestate exercent, quos Censores appellamus: pro jure suo, quo in civium vitas inquirere, & à patriis institutis discedentes multare consueverunt, ne publice citatum causam captorum munerum dicere jussèrint? Addunt plerique à Pyrrho, virum virtutis tantæ quantivis bene emi certo, acrius continentiam ejus constantiamque tentatam esse; post alia magnifica promissa, etiam parte regni oblata: neque motum esse Romanum, nisi hætenus, ut se consilii Regii rationem expedire negaret. Si enim malum me virum indicas, inquit, cur ambis? sin vero bonum; cur corrumpis? Adjecisse deinde dicitur, etiam ipsi Pyrrho negotium hoc neque jucundum futurum, neque conducibile, si processisset. suam enim libertatem & amicis Regiis, & ipsi Regi gravem futuram: justitiam autem & abstinentiam, si Epirotæ experti forent, relicto Rege ad ipsum transituros. Quæ omnia, & quod deinceps adjecturus sum, variis ab auctoribus

*Eutropius*  
lib. 2.

*Florus* I,  
18, 21.  
*Auctor de*  
*Vir. illust.*  
cap 35.  
*Zonaras.*  
*Appianus*  
apud *Ful.*  
*Vrsin.*

*Plutarch.*  
*Pyrrho*  
cap. 44.



*Plutarch.  
cap. 43.*

tradita, conquiri exponique non inconueniens nec inutile iudicavi; quo virorum, quibus fulta res Romana per durissimos casus ad imperii gloriæque incomparabilem magnitudinem pervenit, animi sensuque noscerentur: claroque sub exemplo facilius depræhenderetur, quibus moribus studere oporteat admirationi futuros homines, maioremque & meliorem transdituros posteris rempublicam, quam à maioribus ipsi acceperant. Igitur his ita dictis auditisque Regem in præsentia quidem quievisse accepimus: postridie vero vocari ad se Fabricium iussisse: parato ante ad perterrendum eum elephanto, qui à tergo colloquentium post aulæum adstans, magistri imperio repente diducto aulæo, super Fabricii caput demisit manum; horrendumque stridorem & barritum edidit. Sed vir ingens animi, quum sensim se convertisset, adridens, *Neque heri me aurum tuum pellexit, inquit, neque hodie perterrefecit bellua.* Deinde quum admotus cœnæ de Gracis  
sa-

sapientibus differentem audiret Ci- Cic Cato-  
neam, quibus Epicuri secta placeret, ne cap. 12.  
eos voluptatem in arce bonorum; rei-  
publicæ curam inter præcipua felici-  
tatis impedimenta. ponere: similem Plutarch.  
que vitam agere Deos arbitrari; nul- cap 43.  
la rerum humanarum cura, nullo,  
neque in improbos iræ, neque in bo-  
nos favoris adfectu, soli otio volupta-  
tique deditos; exclamavisse Fabri-  
cium ferunt; Dii faxint, isthæc sa- Val. Max.  
pientia Pyrrho Samnitibusque cordi 4, 3, 6.  
sit, donec bellum cum populo Romano  
gerent! Hi temporum istorum mo-  
res fuerunt: hæc magnorum viro-  
rum certamina, non opibus &  
luxuria, sed virtute, consilio, pa-  
tientia, patriæ charitate excellere.  
Nec enim subiti imperus, aut ad  
præsentem usum meditata simul-  
lationis istæ voces fuerunt; sed  
perpetuo tenore vitæ verborum  
suorum fidem admirabiles potius  
nostris temporibus quam imita-  
biles viri adfirmarunt. Idem ille  
Fabricius, quum ejus tota suppel-  
lex argentea salino uno constaret,  
& patella, quæ tamen ipsa corneo  
pediculo sustineretur; Samnitium

Val. Max.  
4, 4, 3.  
Flor. I, 18.

*Iul. Higynus apud Agellium*  
I, 14.

*Val. Max.*  
4, 4, 10.

*Auctor de Viris illustribus.*

legatis pecuniam & suppellectilem splendidam dono adferentibus; planas manus ad aures, hinc ad oculos, nares, os, gulam, deinde ad imum usque ventrem deducens; *donec his, inquit, imperitare potero, nihil deerit: vos autem pecuniam ad eos, qui hac indigent, reportate.* Denique vitam universam sic exegit, ut in hereditate ejus non esset, unde filiarum dos expediretur: gloriosa paupertate, quum ex ærario publico erogata pecunia Senatui puderet indotatas pati virgines, quas patrem non puduerat ita relinquere. Sed & ceteri Senatus principes eadem ferme virtute tolerantiaque tum agebant. Ex quibus Q. Fabium Maximum, qui toties in summis imperiis fuerat, qui Censura gesta noluerat iterum Censor fieri, negans, *ex usu Reipublica videri, ut iidem sæpius Censores crearentur;* simili & paupertatis & amoris publici testimonio populus Romanus adfecit. mortuo enim tantum congestis æris, ut inde filius Q. Gurgis & viscerationem & epulum

lum publice daret. Curius ab eadem altitudine animi Sabinorum munera, quemadmodum Fabricius Samnitica sprexit. AEmilius Papus in plerisque magistratibus collega Fabricii, Tib. item Coruncanius, aliique præclari viri, ex similitudine morum amicissime inter se conjunctissimeque vixerunt: ut vere mihi temporum illorum speciem amplexus animo videatur poëta, qui *moribus virisque antiquis rem Romanam stetisse* prædicavit. His igitur animadversis expensisque rebus, majore componendi cum hac gente belli desiderio Pyrrhus inflammatus, ducentos ex captivis protinus sine precio restituit: ceteris, si qui ad instantia Saturnalia Romam ad visendos suos proficisci cuperent, ejus rei potestatem fecit; unius Fabricii sequutus fidem, qui *reversuros exactis feriis, nisi pax interea convenisset*, sponderat. Eaque tum & gravitas Senatus, & singulorum fides fuit, ut ad diem à Patribus præstitutam universi Pyrrho se restituerent; postquam ob-

Cicero *Le-  
lio, cap.*

Ennius  
apud Cic.  
de Rep. lib.  
5. citante  
Aug. de  
Civ. Dei,  
2. 21.  
Justinus  
18, 1.

Plutarch.  
Pyrrho  
cap. 44.

Appianus  
apud Ful.  
Vrsinum.

E 5                      firma-



Florus I,  
18, 14.

Iustinus  
18, 2.

Appianus

firmatos suorum animos impellere nequidquam tetendissent. Rex enim callidus, hunc temporum articulum sibi tenendum arbitratus, dum adspectu charissimorum pignorum mollitos, & cupidine isthæc retinendi incensos animos, ad belli odia deponenda promptiores haberet; legationem mittere Romam statuit, ut iis conditionibus quas Fabricio præsentī exposuerat, pacis & amicitiae fœdera conjungerentur: Petebat autem, *ut iisdem fœderibus Tarentini comprehenderentur: Ceteri Græcorum Italiam incolentium, liberi, & suis legibus, agerent: Samnitibus, Apulis, Lucanis, Brutiis, quæ erepta à Romano forent, redderentur: Romani captivos à Pyrrho sine precio reciperent.* Erat apud Pyrrhum ea tempestate Cineas, cujus supra quoque facta est mentio; vir quum civilium rerum adprime gnarus, tum animo propositoque honestus: & qui naturæ proclivem indolem eruditione usuque ad efficacem facundiam exercuisset. Hunc eas ob artes cha-



charissimum Rex habebat: crebro-  
 que prædicabat; *plurimum se urbium imperium per eloquentiam Cineæ, quam armis suis adeptum esse.* Ro-  
 mam iste quum legatus venisset;  
 callido consilio moras nectens,  
 priusquam Senatum adiret, mu-  
 nera passim per illustrium domos  
 Pyrrhi nomine misit. Introductus  
 deinde in curiam, quum *Regis vir-  
 tutem & propensum in Romanos  
 animum* multis extollens, de con-  
 ditionum quas adferret æquitate  
 disseruisset, magna pars Senatus  
 mota est, ut admittendas esse du-  
 bitaret. Quippe super cetera, si  
 socios suos oppugnare desinerent,  
 tanta auxilia pollicebatur, ut iis haud  
 difficulter imperium ceteræ Italiæ  
 possent acquirere. Sed quoniam ob  
 magnitudinem rei, sollicitis patri-  
 bus, multos in dies extracta de-  
 liberatio, pacis futuræ suspicionem  
 rumoremque fecerat; Appius  
 Claudius, ob senectam & cœcita-  
 tem abstinere curia olim solitus,  
 confestim in Senatum se deferri  
 lectica iussit: ubi conspectum pro-  
 tinus exceperunt filii generique.

Plutarch.  
 Pyrrho  
 cap. 28.

Zonaras.

Plutarch.  
 cap. 39.

Cic. Phi-  
 lip. 1. 5.

*Plutarch.*

honorisque & officii causa circumfusi deduxerunt ad locum dignitati ejus congruentem. Ibi, quum ipsius rei novitate, tum reverentia viri silentibus omnibus, expectantibusque cujus rei causa post longi temporis desuetudinem Senatum ingressus esset; ab incommodo valetudinis exorsus, sibi

*Appianus  
apud Ful.  
Vrsinum.*

quidem haecenus molestam fuisse caecitatem dixit, nunc autem non modo illa delectari, ne quae fierent, videret, sed etiam egre ferre, quod aures nondum obsurduissent, ne tam foeda

*Ennius.*

Romano nomine indigna audire cogeretur. Quo enim vobis mentes illae cesserunt? quo reciderunt spiritus? Certe praevobis ferre solebatis, quum

*Plutarch.*

Alexandri Macedonis gloriam, ut invicti Regis, celebrari audiretis; non tam virtuti ejus quam felicitati famam istam imputandam esse: nam si Romana in bella fortuna ipsum impulisset, alium longe eventum futurum fuisse, aliamque de eo apud homines opinionem. At nunc quantum ab ista vestra magnanimitate defeceritis, respicite. Macedonibus superiores vos futuros confidebatis: at nunc

*Mo-*

Molossos & Chaonas perpetuam Macedonum prædam metuitis. Alexandrum contemnebatis: nunc expavescitis Pyrrhum, ne ipsius quidem Alexandri, sed satellitis ejus, satellitem qui fugiens potius veteres hostes, quam querens novos, in Italiam trajecit: quibus copiis ne minimam quidem Macedoniae partem retinere potuit; iisdem, si diis placet, imperium Romanis quoque paraturus. Hunc igitur nisi grandi infortunio mactatum ejicimus, certum habeamus, alios quoslibet merito nostri contemptu, tamquam ad paratam prædam, ita in Italiam cupide venturos esse. quid enim aliud de nobis quam de hominibus ignavissimis judicari poterit; si Pyrrhus in amicitiam receptus, etiam premium referat illata nobis ignominia, quod ejus opera factum sit, ut Tarentinis atque Samnitibus ludibrium Romani debeamus. Hic fere sensus fuit orationis, quæ ab ipso statim Appio est edita: qua omnium adco sunt inflammati animi, ut severissimæ sententiæ auctorem sequuti, consensu decernerent bellum prosequendum esse, Cineamque eodem die

Cic. Catone  
cap. 6. &  
Bruto c. 16.

Zonaras,

- Liv. Epit.* die Vrbe excedere, Pyrrhoque renun-  
*13. l. 2. §.* ciare juberent; neque recipi eum in  
*36. de O. I.* Urbem (nam & hoc petatum fue-  
 rat) neque priusquam Italiam omi-  
 sisset, de amicitia & societate agi  
 posse. Paris deinde tristitiæ decre-  
 tum ex ejusdem Appii sententia  
 de captivis factum est, eos neque  
 adversus Pyrrhum duci, neque adeo  
 conjunctim usquam haberi senatus  
 placere; sed alios alia in prasidia  
 mitti, mutata ignominie ergo mili-  
 tia: ut qui equo meruissent, peditum  
 stipendia facerent: qui pedites legio-  
 narii fuissent, ad levem armaturam  
 transcriberentur. priores ordines re-  
 cuperaret nemo, nisi bina hostium  
 spolia retulisset. Ajunt, legatis cum  
 responso tam atroci reversis, mi-  
 raculo Romanæ constantiæ adto-  
 nitum Regem, qualis Vrbs ipsa,  
 qualisque Senatus visus esset, inter-  
 rogasse: responsumque tulisse à  
 Cinca, Urbem templum sibi visam,  
 Senatum vero Regum confessum esse.  
 Post hæc demum gesta Fabricium  
 ad Regem legatum venisse qui-  
 dam putant: Sed, præter aliorum  
 auctorum testimonia, rerum ipsa-  
 rum

*Eutropius*  
*lib. 2.*

*l. 1. §. 5.*  
*de postul.*  
*Zonaras.*

*Val. Max.*  
*2. 7. 15.*

*Frontinus*  
*Strat. 4. 1.*

*Plutarch.*  
*Justinus*  
*18, 2.*

*Florus*  
*1, 18, 20.*

*Livius*  
*9, 17, 12.*



rum recte animadversarum serie *Plutarch.*  
erroris haud difficile convincun- & *Appia.*  
tur. Pace desperata, conversi ad  
bellum animi, ac intenta cura fa- *Zonaras.*  
cti utrimque adparatus hyemem  
satis negotiosam habuerunt. Hæc  
fuisse tempora puto, quibus ferunt *Plinius 32*  
Pyrrhum, quo naufragiorum ca- *11.*  
sus vitarentur, faciliusque Itali ac  
Epirotæ ad auxilia mutua com-  
meare possent, ab Hydrunte, qua  
longissime in pelagus procurrit  
Italia, ad Apolloniam ex adverso  
situm oppidum pontes jacere co-  
gitavisse, spatio quinquaginta mil-  
lium: tanto enim intervallo circum  
eos locos Græciæ Italiæque lito-  
ra dirimuntur. Idem postea moli-  
tus esse M. Terentius Varro dici-  
tur; quum piratico bello Cn. Ma- *Appianus*  
gni legatus Siculum Ioniumque *in Mithri-*  
mare classibus observaret. Inter *daticis.*  
hæc Ti. Coruncanius Consul, de *Tabula*  
Vulsiniensibus & Vulcientibus *Capitolin.*  
Etruscorum populis, A. D. Kal. *Epit. Liv.*  
Februarias triumphavit. Insignis *13.*  
eo anno Censura fuit, tum pri-  
mum à plebeia stirpis Censore lu-  
stro condito. Censæ referuntur  
ci-



*Plin. 7, 11.*

*T. anvin.  
in Fastis.*

*Zonaras.*

*Anno ab  
Urbe Con-  
dita 474.  
Eutropius.*

*Cluverii  
Italia.*

*Zonaras.*

civium capita ducenta septuaginta octo millia, ducenta, viginti duo. Principem Senatus per ea tempora Q. Fabium Maximum legi consuevisse constat. hujus filium cognomento Gurgitem Censorem tum fuisse conjectura colligitur: Cn. Domitii certum nomen & quia lustrum is condidit, jure plebis amplificato nobilitatum est. Vere primo Pyrrhus contractis sociorum copiis in Apuliam movit: multaque ibi oppida partim pugnando, partim conditionibus cepit. Adversus quem novi Consules P. Sulpicius Saverrio, P. Decius Mus, cum duobus consularibus exercitibus profecti, castra castris opposuerunt prope Asculum Apuliæ urbem, cognominem ei quæ est in Picentibus. Non erat dubium, quin collatis signis depugnandum foret: ceterum ne per dies aliquam multos hoc fieret, præter torrentem profundum, qui diversos exercitus interfluebat, etiam mutuo metu contabantur. Romanos prioris fortuna prælii, & victor Pyrrhus terrebat: Epiro-  
tis

tis formidabilis erat Romanorum  
pervicacia, & alterius Consulis  
fatale hostilibus legionibus no-  
men. P. enim Decium, patris avi-  
que exemplo sua morte victoriam  
suorum redempturum esse fama  
vulgaverat: præliorumque quibus  
illi ceciderant eventus, terribiles  
omnibus Decianæ devotionis mi-  
nas effecerat. Eam rem Pyrrhus  
haudquaquam negligendam ra-  
tus, convocatis militibus ac-  
curate docuit, arbitria prælio-  
rum penes Tellurem deam, aut infe-  
ros, qui carmine illo sollicitarentur, *Liv. 8. 9.*  
esse non posse: neque tam iniquos cre-  
di debere deos, ut in unius hominis  
vesani gratiam fata exercituum mu-  
tent donentve: non prestigiis & su-  
perstitionibus, sed pugnando victo-  
rias parari: vel ipsis Romanis testi-  
bus, qui non sacrificulorum & va-  
tum agmen, sed armatas militum  
acies hostibus consueverint opponere.  
Quia tamen ignari rerum plerumque  
superstitionum inanum ludibriis,  
quam veris timendi causis acrius  
percellantur; hunc quoque metum  
præverti posse ostendit exposito,  
orna-

*Zonaras.* ornatu, quo priores Decii se devovissent: monitisque militibus, si quis similibus insignibus noscendus occurrisset, ab eo abstinerent tela, vivumque comprehenderent. sed ipsi quoque Decio nunciandum curavit, desineret ineptire inter armatos: neque enim consilium istud successurum esse: & si vivus venisset in manus, forte graviora passurum, quam voluisset. Responsum à Consulibus est: se armis satis confidere, neque opus habere tantæ desperationis auxilio, id quo magis scire posset, optionem se dare, ipse transire flumen, quod inter exercitus mediū fuisse diximus, an in sua ripa Romanos expectare mallet: nam aut reductis copiis transitum regi tutum relicturos esse; aut, eo recedente, transmissuros: quo integro robore congressi, nulla alia in re, quam suis viribus animisque spem victoriæ reposuisse demonstrent. Puduit Pyrrhum timoris aut dubitationis signum ullum edere: quare posteriore accepta conditione transcundi fluminis potestatem hostibus fecit. Levior jam sua sponte belluarum  
terror

terror erat, ipsa consuetudine videndi: manusque earum facillime amputari posse, pugnae prioris experimento constabat; qua C. Minucius quartae legionis primus hastatus uno gladii ictu proboscidem elephanti praeciderat. Sed tum alia quoque praesidia excogitaverant tutioris audaciae. Equi ferreis obducti laminis currum trahebant, & ipsum contis ferro praefixis horrentem: in curru erant collocati milites, qui belluas inruentes missilibus aut igne jacto averterent. Cum hoc adparatu transgressis flumen legionibus, Pyrrhus ex diverso exercitum instruxit, pro usu, quem iis in rebus maximum, cum singulari quadam ingenii sagacitate, supra ceteros ejus aetatis imperatores excellentem habere credebatur. Animadverso igitur loci genio, qui propter asperitatem soli & enata passim virgulta non nisi pedestrem aciem paterentur, equitatum elephantosque locavit in subsidiis: dextrum cornu suis militibus & Samnitium auxiliaribus copiis firmavit;

*Plin. 8, 7.*

*Florus 1, 18.*

*Oros. 4, 1.*

*Vegetius de Re Militari 3, 1 24. Zenaras.*

*Ammianus Marc. princ. lib. 24.*

*Livius 35, 14.*

*Plutarch. Pyrrho cap. 46.*

*Frontinus Strategemat. 2, 3.*



mavit ; Bruttios, Lucanos, Sallentinos, esse iussit in sinistro: Tarentinos, quorum virtuti minus credebatur, in mediam aciem recepit. Consul acies legionarios habebat milites, auxiliis levis armaturæ aptissime intermixtis : parique ingenio & temperamento subsidiorum ordines distinxerant. Equitatus in cornua diffusus, neque impedimento futurus erat pedestri proelio, & si quis casus agendæ rei viam aperuisset, præsto erat. Inter exercitus non animis tantum, sed etiam numero pares (quadraginta utrimque millia fuisse constat) haud segnius quam debuit certatum est. ancipiti adhuc victoria proelium nox diremit. Postera luce Pyrrhus, quum impeditiora loca præsidiis præcepisset, in campum paulo æquiores Romanos descendere coëgit. ibi elephantorum aliquis usus fuit: alia parte aciei, qua currus adversum eos parati constiterant, subito inducti, equos hostium, sicuti priore proelio factum fuerat, perterritos averterunt in fugam:   
pedi-

*Plutarch.*

*Zonaras.*



peditibus nihil magnopere nocue-  
 runt. Valde diversa istius pugnae  
 fama est. *Secundum Romanos even-*  
*tum fuisse* quidam auctores sunt,  
 etiam casu adjuvante victoriam:  
 quum adversus Apulos impedimen- *Plutarch.*  
 ta diripientes, missae Regis imperio *Zonaras.*  
 cohortes, ceteris copiis fugientium  
 speciem discessu suo praeberent, eoque  
 metu & errore, facta apud Regios *Frontinus.*  
 fuga esset. Quin & caesorum ingens  
 numerus exprimitur: viginti mil-  
 lia de Pyrrhi exercitu; victorum ad  
 millia quinque desiderata. Regem *Eutropius*  
 ipsum brachio pili jactu transmissio *lib. 2.*  
 graviter vulneratum, quum fugien- *Plutarch.*  
 tes retinere nequivisset; postremum  
 fere omnium à satellitibus suis ex acie *Florus I,*  
 relatum: signa capta ex hoste tria & *18.*  
 quinquaginta, Romana vero undecim *Orosius*  
 amissa esse. Fabricium quoque, lega- *4, 1.*  
 tum alterius Consulis, vulnus acce-  
 pisse. Ex diverso parem hujus atque *Iustin. 18,*  
 superioris praelii fortunam fuisse alii *1.*  
 tradiderunt: & vicinia castrorum *Plutarch.*  
 defensos Romanos minus quidem sen-  
 sisse detrimenti; sed tamen confessa  
 fuga discessisse, sic quoque sex milli-  
 bus amissis: de exercitu Pyrrhi tria  
 millia

Livii E-  
pit. 13.

Plutarch.

millia quingentos & quinque cecidisse, idque in commentarios Regios relatum esse, Hieronymus scribit. Atque hæc tanta non varietas modo, sed etiam pugna scriptorum me valde movet, ut iis potius credendum esse judicem, qui dubio eventu pugnatum esse tradiderunt: Solet enim, quoties pari fere damno discessum est, utraque pars sibi adserere victoriæ famam: quam deinceps aliorum negligentia, aliorum improbitas temere committit literis: pessimo facinore, magnaue cum infamia eorum, qui pro veris atque compertis, inani rumore vulgata, aut affectu serviliter corrupta, posteritati prodiderunt. Quare propior vero videtur eorum annalium narratio, qui semel tantum ad *Asculum* pugnatum esse referunt: & post acerrimam contentionem ac multas utrimque cades, Sole jam occaso, vulnus Regis & direptorum impedimentorum casum, dirimenda pugna locum, licet agre, fecisse. Tum receptui signum esse datum in utroque exercitu, quum jam utrimque millia circiter

citer quindecim occubuisse. Atque hoc fuisse tempus, quo Pyrrhus cui-  
dam quasi de victoria gratulanti re-  
sponderit: si denuo sic vincendi  
sunt Romani; perimus. Adfir-  
mant etiam hanc opinionem quæ  
sequuta sunt. Nam & Pyrrhus Ta-  
rentum concessit: & Consules *Zonaras.*  
hostem non insequuti, copias in  
hybernis per Apuliæ oppida distri-  
buerunt, quum anni tempus, &  
ratio belli, potius victoriam tam  
illustrem prosequi, alterum fa-  
cile passum fuisset, altera etiam  
omnino coëgisset. Accedit, quod  
neque triumphatum ab his Con-  
sulibus reperio, sed & P. Decium  
Consulem eo proelio se devovisse,  
seque post patrem & avum pari  
genere mortis sublato, è conti-  
nenti genere tertiam victimam  
reipublicæ præbuisse multi putant:  
quod historiis omnibus silentibus  
ne referendum quidem, nedum  
refellendum putavissem: nisi ma-  
gnus auctor M. Tullius Cicero in  
philosophicis quidem libris, sed  
loco non uno posuisset. Pugna ad  
Asculum hoc eventu certata reli-  
quum

*Tusculana-  
narum  
Quæstio-  
num 1,37.  
& de Fi-  
nibus 2,  
19.*

- quum anni quietum à bellicis expeditionibus habuit: sed consultationibus & apparatusum cura tempus omne consumptū est. Pyrrhus quum veterum copiarum magnam partem, ducumque & amicorum plerosque perdidisset, in Epirum misit, cum mandatis, ut veniente vere milites & pecuniæ sibi mitterentur. Sed priusquam classis ea instrui posset, novæ spes exortæ consilium Regis mutaverunt. Macedoniam olim Demetrio ademptam Pyrrhus tenuerat, deinde Lysimachi vi extortam amiserat; hanc iterum novæ occasione aperuisse videbatur Ptolemæi Cerauni casus, qui à Gallis interfectus, dum bellum in Italia gerit Pyrrhus, uti turbatum regni statum, ita vacuum possessionem reliquerat. Ea ratio suasit ne copiis militaribus Epirus nudaretur: simul ne pateret injuriis Gallorum, vicinam adhuc Macedoniam urentium. Neque tamen eo tum accessit, in Siciliam vocantibus aliis causis, ut postea trademus. Hyeme inter has curas
- Plutarch.*
- Zonaras.*
- Plutarch, Pyrrho c. 20. & 24.*
- Plutarch Diodori Eclog. ex lib. 22.*
- cir-



circumacta novi Consules ad exercitum venerunt C. Fabricius Luscinus, Q. AEmilius Papus: qui alium quoque Consulatum unagesserant. Hoc audito Pyrrhus etiam contra eduxit copias, & observare consilia hostium instituit. Quum ita castra utrique locis haud valde distantibus haberent, res evenit ad memoriam celebris, & à plerisque non ita magno dissenso tradita. Timochares quidam Ambraciensis in amicitia Regis honestum gradum obtinens ad C. Fabricium Consulem furtim accessit, regem, si præmium ejus rei dignum daretur, veneno tollere pollicitus. Id vero se per filios suos facile consequuturum autumabat, quod inter pocillatores Regios illi haberentur. Fabricius, minime delectatus proditione, rem tamen perscripsit ad Senatum. Senatus legatos ad Pyrrhum misit, Timocharis quidem, qui quomodocunque Romanis prodesse statuisset, insidias non indicaturos; sed monituros in universum, uti Rex ageret circumspectius, videret-

*Anno ab  
Urbe cond.  
+75.*

*Agellius  
3, 8.  
Cicero de  
Off. 3, 22.*

*Val. Max.  
6, 5, 1.*

*Zonaras.  
Agellius.*

*Livius 39.  
51.*

**F**

*que.*



Agellius.

Ammia-  
nus 30. 5.Tacitus  
2 88.Plutarch.  
Pyrrho  
cap 45.  
& in A-  
pophtheg.  
Claudia-  
nus de Bel.  
Gildon.  
vers. 271.  
Florus I,  
18.

Eutropius

que, quorum hominum, quamque fi-  
delium, ministeriis uteretur. Hæc  
ita apud Valerium Antiatem le-  
guntur. At Claudius Quadrigarius  
pro Timochare Niciam veneficii  
istius promissorem prodit: neque le-  
gatos à Senatu missos, sed à Consuli-  
bus. literis quoq; Consulum recen-  
sitis, quibus detecto Niciæ con-  
silio, negant se dolis aut pecunia  
pugnatuuros; sed virtute & armis: sal-  
vumque ab insidiis Regem optare  
ajunt, quem suæ victoriæ suorumque  
triumphorum splendidam sperarent  
materiam fore. Sunt qui medicum  
Regis Fabricium eo de negotio coram  
aut literis adisse, Consulique indi-  
cio panas dedisse Regi tradiderint,  
suspendio necatum. Sed ut hæc du-  
bitationem habere possent, cer-  
tum est errare, qui medicum à Cu-  
rio ad Regem remissum esse scri-  
pserunt. Ajunt Pyrrhum hoc tan-  
tæ virtutis experimento stupen-  
tem exclamasse: *Hic est ille Fabri-  
cius, qui difficilius ab itinere justis  
& honestis, quam à cursu suo Sol  
averti possit!* statim certe ne vinci  
beneficio videretur, captivos quos  
habe-

habebat omnes Romanis restituit; *Plutarch.*  
 Cineamque denuo misit, ad pa- *Frontinus*  
 cem & amicitiam impetrandam. *Strategematum* 4,  
 Minime decorum visum est, vel *4, 2.*  
 donum ab hoste accipere; vel ob  
 lucrum potius, quam amore vir-  
 tutis à facinore abhorruisse videri:  
 gratis igitur ne acciperentur capti-  
 vi, totidem pro his alii Tarenti-  
 norum Samnitiumque missi sunt.  
 Hanc publicam abstinentiam con- *Appianus*  
 spectiore mox fama privatorum *apud Ful.*  
 est sequuta gravitas; quum Pyrrhi *Vrsinum.*  
 munera (multa enim & preciosa  
 utrique sexui Cineas adtulerat)  
 non à viris modo omnibus, sed *Livius*  
 etiam à mulieribus repudiata *34, 4.*  
 sunt. quo quidem tempore, quum *Iustinus*  
 aspernantibus quibus primum ob- *18, 2.*  
 lata fuerant, ad alios aliosque de-  
 ferrentur; nemo vir mulierve tam *Val. Max.*  
 aut tenuis aut cupidus inveniri *4, 3, 14.*  
 potuit, ut recipiendis Regiis mu-  
 neribus ostium domus suæ patere  
 vellet. Legatis deinde prius respon-  
 sum redditum: *donec Italia Pyrrhus* *Zonaras.*  
*excessisset, hostem eum populo Roma-*  
*no fore.* Perplexum hisce Regem;  
 & neque bellum læto animo pro-

*Appianus*

sequentem, neque cupientem cum aliqua dignitatis iactura discedere, extricare visa est Siciliensis expeditio, quam post longam & anticipem deliberationem, tandem statuit suscipere. Sic enim & Romanum bellum honeste declinari posse sperabat: & imperium insulæ locupletissimæ occupari: simul vindictam de Carthaginensibus, ut prior ab ipsis laceffit, sumere cupiebat. Nam illi suspecto Regis consilio paulo ante Magonem ducem cum centum viginti navium classe miserant, adversus externum hostem externis etiam auxiliis populum Romanum adjuvandum esse dictitantes: & quamquam illorum opera Romani non sunt usi, Senatu respondente, se consuevisse talia bella suscipere, quæ suo milite geri possent; foedus tamen inter utrumque populum quarto renovatum est. Prioribus capitibus additum, ut sive Romanus populus, sive Pænus cum Pyrrho foedus faceret, nominatim exciperetur, ut his populis invicem auxiliari liceret, uter eorum bello peteretur: utque quo-

*Iustinus*  
18, 2.*Val. Man.*  
3, 7, 10.*Livii Epit.* 13.*Polybius*  
3, 25.

quo-

quoties utrivis eorum auxilio opus  
esset, naves à Carthaginensibus præ-  
berentur: stipendia suis quisque da-  
ret: auxilia Punica Romanos mari  
juvarent; exire navibus invita ne  
cogerentur. Quo confecto, per spe- *Iustina*  
ciem pacis conciliandæ Pyrrhum  
adierat Mago: speculaturus con-  
silia Regis, quem in Siciliam ac-  
ciri Carthaginenses audierant; clas-  
semque Romanis obtulerant, non  
tam illorum charitate curaque  
quam ut Pyrrhus Italico bello  
implicatus, res Pœnorum in  
insula magnis successibus efflo-  
rescentes non everteret. Tum quo- *Diodorē*  
que fretum, qua in Siciliam tra- *Eclog. ex*  
jectus est, magno numero navium *lib. 22.*  
observabant, Rhegii quidem obsi-  
dendi studium præferentes, sed ve-  
rius, ut Pyrrho transmittere cupi-  
enti viam intercluderent. His igi-  
tur de causis ad Siciliensia nego-  
tia adjecit animum: spes ipsi ma-  
gnas faciente quum rerum ipsa-  
rum statu, tum etiam legationibus  
Siculorum, quæ aliæ super alias  
ex insula venientes, omnium votis  
expetierunt adfirmabant, tamquam



*Diodori  
Ecl. ex lib  
24.*

*Diodori  
Eclog. libri  
22.*

*Livius  
25. 24.*

*unicum levamen malorum, quibus  
miserrima terrarum numquam acer-  
bius conflictata esse videbatur. Nam  
post Agathoclis miserabilē magis  
quam indignum exitum, Moeno  
quidam AĒgesta Siciliae urbe ori-  
undus, qui & venenum Regi de-  
derat, adfectata tyrannide, à Syra-  
cusanis Hiceta prætore pulsus, ad  
Carthaginensium opes se contule-  
rat. ita bellum gravius, & Syracu-  
sanis adversum fuit, per quod ta-  
men privatim opes Hicetae creve-  
runt: qui postea versis in Agrigen-  
tinum Phintiam armis, inquietam  
diu insulam tenuit; donec Thoë-  
nionis cujusdam audacia, princi-  
patu, quem nonum jam annum  
obtinebat, pelleretur. Thoënioni  
dominationem retinere nitenti ex-  
ortus est adversarius ex Syracusa-  
na nobilitate Sosistratus: diuque  
certatum inter hos armis est; insu-  
lam, quæ Syracusanæ urbis pars est  
( ipsi *Nasum* vocant ) obtinente  
Thoënione, quum in cetera urbe  
Sostratus Tyrannidem ageret. Po-  
stremo quum utrimque nihil ex  
his discordiis præter communem  
int-*



interitum imminere cernerent; vocardum esse Pyrrhum consensu de-reverunt: qui gener Agathoclis, filio ex Lanassa suscepto successioni proximus; animoque & viribus ad constituendas res Siciliae succedentibus habebatur. His accedebant Agrigantini Leontinique principes, qui & ipsi suarum urbium, totiusque adeo insulae imperium offerentes, una voce rogabant, *ut quamprimum in Siciliam trajiceret, fessis rebus, & laboranti sub barbarorum armis libertati, praesentia sua succursurus.* Carthaginenses enim Syracusanorum agris vastatis, ipsam quoque urbem classe centum navium, & pedestri quinquaginta millium exercitu terra marique clauferant. Igitur Pyrrhus non ultra differendum ratus, Cineam, cujus ingenio fideque plurimum uti consueverat, praemittit, cum Siculis civitatibus conditiones legesque foederum & amicitiae compositurum. Ipse socios discessum ægre ferentes consolatus, *si à Romanis premerentur, è vicina insula in tempore adfuturum*

Diodorus

Appianus  
apud Fulv.  
Vrsinum.

Plutarch.

Iustin. 18,

2.

Diodorus

Plutarch.

Appianus

Plutarch.  
Pyrrho  
cap. 54.

esse, novorum etiam sociorum accessione instructiorem spopondit. Quum autem præsidium in urbe Tarentina relicturus esset, agri passi Tarentini, ut sibi vel præstaret promissum auxilium iis conditionibus quibus venisset; aut saltem urbem suam relinqueret liberam postulaverunt. Neutra res impetrari potuit; nihil æqui respondente Pyrrho, sed jubente suum tempus expectari. Has inter curas Epirotæ Regis, Consulibus bellum adversus ceteros hostes facilius fuit. Res itaque contra Hetruscos, Lucanos, Bruttios, & Samnites prospere gestas hoc tempore lego. Cum Etruscis minus fuisse certaminum aparet, quod ex eo bello triumphatum non est: neque cum universa gente, sed cum una aut altera civitate pugnatum esse puto, quæ à Samnitibus discessu Pyrrhi se nudari sentientibus, acrius sollicitatæ, posita nuper adversus Romanos arma resumpserint. Ceteris in populis, uti major aliquanto belli moles; ita victoria illustrior fuit. C. Fabricius Consul, pro-

Livii E-  
pit. 13.

profecto, ut conjectura est, in Etruscum bellum collega, quod Epirotis cessantibus unus Consularis exercitus sufficere videretur; Lucanos, Bruttios, Tarentinos, Samnitesque cecidit: civitates aliquot, in quibus & Heracleam, adstrinxit foederibus: deque his populis omnibus ante diem Idus Decembres triumphavit. Comitibus deinde peractis Consules in annum sequentem designati sunt P. Cornelius Rufinus iterum: C. Iunius Brutus iterum. Cum Rufino nobiles etiam alii petierant; sed hic ut fieret, effecit Fabricii favor: qui tempora Reipublicæ habens in consilio, patriæ salutem privatis inimicitiis anteponebat. Nam ex dissimilitudine morum similtas inter hos fuerat, quum Fabricius egregie firmus adversum pecuniam, una communis boni cura duceretur; Rufinus opum cupidior, multa privati quæstus studio consuleret ageretque. Verumtamen cum cetera industrius & bonus imperator esset, competitoribus haudquaquam pari armorum per-

*Eutropius*  
l. 2.

*Cicer. pro*  
*Balbo c.*  
22.

*Tabula*  
*Capitolin.*

*Anno ab*  
*Urbe Con-*  
*dita 476.*

*Quintil.*  
12, 1.

*Dio apud*  
*Valesium.*

Cic. de  
Orat. 2,  
66.

Agellius  
4, 8.

itia & usu præditi Fabricius præferendum esse judicaverat. Ferunt quum ei gratias deinde Rufinus ageret, *quod se homo inimicus Consulem fecisset, bello præsertim magno & gravi*; respondisse: *non esse mirandum, si compilari, quam venire maluerit.* Magna enim bellorum moles in Italia supererat: & Pyrrho in Sicilia (erat enim jam transgressus) omnia sibi prona repente; haud abs re metuebatur, ne paulo post auctis accessione nobilis insulæ viribus, ad bellum Romanum gravior hostis reverteretur.

I. FREINS-

I. FREINSHEMII  
 SUPPLEMENTORVM  
 LIVIANORVM  
 LIBER QVARTVS.

*Loco Libri Quartidecimi Liviani.*

**D**Vm hæc in Italia geruntur, Pyrrhus exercitu & elephantis in naves impositis, ex Tarentino portu in Siciliam trajecit: postquam biennium, & menses præterea quatuor, in Italia fuisset. Deductus à Thœnio-  
 ne, qui cum navibus occurrerat; maximaque Siculorum alacritate exceptus est, oppida sua, copias, pecunias, naves, certatim tradentium. Ideoque Græcarum urbium omnium imperio brevi potitus, etiam Punicam ditionem universam armis obtinuit: una excepta urbe Lilybætana, quam opportunitate situs adjuti Carthaginenses nequidquam oppugnante Pyrrho retinebant. Vnde non absque causa spes ingentes animo comple-

*Livii Epit. 14.*

*Appian.*

*Diodori Eclog. lib. 22.*

*Dionysius apud Valesium.*

*Diodori Eclog.*



*Iustin. 23,* xus, relictis maximo filiorum pa-  
*2.* triis opibus, ex duobus reliquis,  
 Regem alterum Italiae, alterum  
 Siciliae constituere agitabat. Erat  
 omnino Regis istius ea tempestate  
 magna fama, magnæque virtutes:  
 & Siculi per annos sane multos  
 externa simul ac civilia bella, &  
 nocentius utrisque malum tyran-  
 nidem passi, vel mediocrem ali-  
 quem Principem gratantibus ani-  
 mis laturo videbantur: Sed tamen  
 ipse paulo post ad exigendas ab  
*Plutarch.* invitis pecunias, & potentiorum  
*Pyrrho* cædes versus, odium immane con-  
*cap. 51.* citavit: etiam adcedentibus cupi-  
 ditatibus & adrogantia ministro-  
*Dionysius.* rum, quorum ei vitia non minus  
 ubivis, quam sua nocuerunt. Adco  
 post primam illam & præcipuam  
 curam, ut ipsi quam optimi sint,  
 nulla aut dignior aut salubrior esse  
 Regibus sollicitudo potest, quam  
 ut amicos ex virtute deligant:  
 quando inter privatos ob suam  
 quisque culpam exosus est; princi-  
*Diodori* pibus etiam aliena peccata impu-  
*Eclóg. lib.* tantur. Sed hæc postea sequuta  
*22.* sunt. Tum vero calentibus adhuc  
 studiis

studiis, primum à Taurominitanorum principe Tyndarione (nam ea parte insulæ primum adpulerat) mox à Catanense populo maximis honoribus acceptus cultusque; cum pedestri exercitu Syracusas versus processit: Classem haud procul littoribus circumduci iussit, paratam instructamque, nec enim citra prælii discrimen aditum ad Syracusanam urbem daturæ Carthaginensium naves videbantur. Sed evenerat, ut paulo ante hoc tempus triginta naves Punicæ alios ob usus à classe discederent, quæ quia nondum reverterant, cum reliquis aleam belli tentare Pœnorum imperator recusabat. *Dionysius*  
Igitur nemine prohibente ingressus, Thœnione & Sosistrato tradentibus, pecuniam publicam, naves tectas centum viginti, apertas viginti, tela, machinas, ceterumque belli adparatum accipit. Hoc agenti superveniunt à Leontinis legati, quorum princeps Heraclidas urbem suam Regi, prætereaque copias, peditum millia quatuor, equites quingentos offerebat. *Diodorus*  
bat.

bat. Neque segnius aliis ab urbibus occursum est, quodam veluti torrente fortunæ. Pyrrhus humaniter exceptos habitosque, conciliata omnium voluntate suam quemque in civitatem remisit; ampliores jam animo spes agitans, & si destinata porro ita fluerent, etiam in Africam transiturus. At sociis ejus in Italia haud perinde lætæ res erant: quos absente Rege & robore exercitus, adversus infestiores quotidie Romanos, Milo cum parte copiarum Tarenti relictus, non satis tutabatur. Hactenus tamen profuit, ut Tarentinis ad tempus dilatis ambo consules in Samnium signa converterent. Samnites quum agros suos uri, castella expugnari, totam belli molem in se versam, seque à sociis derelictos esse cernerent; animis ac viribus impares, desertis oppidis atque vicis in montes excelsos & arduos, cum uxoribus suis liberisque, ac charissimis rerum quas inter tumultum & trepidationem averhere potuerant, se receperunt. Apud Romanos præter

ter

*Plutarch.**Diodori**Eclog. lib.*

22.

*Zonaras.*

ter æmulationem ducum, etiam ex rebus prosperis & metu hostium, negligentia orta erat, perpetua felicitatis comes. Ea causa & damni aliquid, & aliquanto plus ignominiae adtulit. Quippe milites per abrupta & invia contemptim repentes, loco adjutus Samnis pepulit fuditque: multi faxis telisque obruti, aut in præcipitia deturbati, interierunt: alii quum neque receptus copia, neque pugnandi facultas esset, vivi capti sunt. Hic casus ducibus ad disjungendas iterum copias incitamento fuit: quum in collegam infelicis cepti collata culpa, se quisque, si solus fuisset, melius atque prosperius rem gesturum fuisse prædicaret. C. Iunius cum suis legionibus in Samnio mansit. P. Cornelius in Lucanos & Bruttios convertit impetum. Ibi terrorem cladesque belli populationibus agrorum & villarum incendiis circumferenti, majoris aliquanto rei tentandae occasio nata est. In extrema Italiae ora, qua Orientem versus & Ionium mare Lacinii pro-



*Ovid. Me-  
tam. 15.*

*Livius 24,  
3.*

*Zonaras.*

*Frontinus  
Strategi-  
matum 3,  
6.*

promontorii cornu protenditur, Croton est, veteri fama, & tum quoque non poenitendis opibus, inclyta. Mediam iis temporibus interfuebat AEsar, juxta quem frequentia utrimq; ædificia murus duodecim millia passuum in circumitu patens ambibat. Hanc aperta obsidione cingere non ausus Consul proditione occupaturum confidebat: quod à compluribus Romanæ factionis hominibus spes ei facta erat, posse urbem præsidio externo destitutam, studiis & auxilio eorum quibus Pyrrhi dominatio gravis esse cepisset, recipi, si copias mature muris admovisset. Sed per eosdem forte dies, sive metu hostilis in vicinia exercitus, sive jam proditione, quæ plerumque tegi diu non potest, suspecta: Crotonienses præsidium à Milone acciverant: veneratque Nicomacho duce Lucanorum valida manus, quæ ignarum rei Consulem, nulloque periculi metu confidentius ad mœnia suggestum, eruptione subito facta, non sine cæde vulneribusque multorum rejecit.



jecit. Rufinus acceptum temeritati detrimentum consilio correcturus, rumorem adversi certaminis ultro adauget; quoque majori perculsus esse timore videatur, cepto se desistere simulat, colligi sarcinas jubet, ut quamprimum discessurus. In urbem, ut castris tam propinquis necessum erat, cito hæc nunciantur: præter probabilem rei causam juvatur eo quoque credulitas, quod verum hoc esse cupiebant: quum jam sponte hanc in partem inclinantibus animis, captivus quidam spe libertatis atque præmiorum inductus à Consule supervenit; tamquam inter festinationem discedentium occasione captata custodiam effugisset. Ille *Cornelium Rufinum*, quod ad *Crotonis* oppugnationem parum haberet roboris, *Locros* pergere narrat, accitum à quibusdam urbem illam prodere pollicitis. Adest paulo post *Zonaras* & alter, qui de prioribus eadem; ceterum jam iter ingressos esse Romanos adserit. simul conspiciuntur eminus signa & agmen incedentium via quæ *Locros* ducit. Eo dolo

dolo captus Nicomachus , per compendia viarum celeriter cum suis adcurrit Locros, ut eam quoque urbem defensurus. Quod ubi per occultos nuncios Rufinus cito comperit, converso itinere Crotonem regressus, quanto consilio ac prius meliore, tanto etiam eventu *Frontinus.* feliciore usus est. diligentiamque ejus non modo securitas hostium, *Zonaras.* sed etiam fortunæ favor juvit. densa enim nebula opportune texit accedentem, priusque propemodum intra mœnia fuit victor exercitus, quam reversum Crotoniatae didicissent. Atque hujus victoriæ per se satis magna lætitia, ut ferme neutram in partem fortuna tenet modum; aliis subinde rebus haud minus lætis cumulata est. Nicomachus enim intellecto se in errorem inemendabilem incidisse, dum incertus consilii Tarentum redit, exceptus à Rufino magnam suorum partem amisit, & cum reliquis vix in tutum elapsus est; quum unam urbem defendisse non contentus, duas perdidisset. Nam & Locri successu isto  
ani-

animati, præsidio Pyrrhi præfectoque, quorum injurias diutius perpeti nequibant, trucidatis, ad amicitiam Romanorum se contulerunt. Rebus ad hunc modum procedentibus, non ideo in tantum ceciderant animi Samnitium ceterorumque populorum, quin superinsitam pervicaciam, spe quoque Pyrrhi Regis, & nunciatis ejus in Sicilia successibus, ad omnia quæ fors ferebat perpetienda sustentarentur. Pyrrhus enim (ut hujus etiam extra Italiam gesta, quod eorum temporibus locisque, ad hæc negotiis ipsis cum Romanis rebus conjunctum est, exponantur) rebus apud Syracusanos Leontinosque constitutis, circa eadem tempora cum exercitu Agrigentum profectus, in ipso adhuc itinere occurrentibus nunciis, ejectum ex urbe præsidium Punicum acceperat, & Agrigentinos ipsi se suaque omnia dedere paratos esse. Neque promissis abfuit fides. Venienti Sosistratus, qui & Syracusas tradiderat, & urbem, & egregiæ juventutis octo peditum millia, octin-

*Appian.  
apud Val-  
lesium.*

*Diodori  
Eclog. lib.  
22.*

octingentos equites adjungit, copias Epiroticis quas Pyrrhus adduxerat, nihilo deteriores. Oppida præterea triginta, quibus imperabat Sosistratus, eodem auctore se Regis arbitrio permiserunt. His ita gestis misit Syracusas, qui telorum omnis generis copiam, & machinas, quarum in obsidionibus urbium usus esse posset, subveherent. Nam ad urbes Punici juris oppugnandas animum adjecerat, parato jam exercitu triginta milium, præter equites mille quingentos, &, quos in Siciliam trajecerat, elephantos. Prima ex his in potestatem venit Heraclea, ubi Carthaginensium præsidium fuerat: exhinc Azonas cepit. statimque sequuti fortunam Selinuntii primum, mox Halicyæi & AEgestani, deficiendo à Carthaginensium amicitia, compluribus etiam aliis in eo tractu oppidis idem audendi exemplum præbuerunt. Erycinos autem, & auxiliorum numerosa manu, & munitionibus loci fidentes summa vi expugnare statuit. Instructo igitur  
**exer-**

*Plutarch.  
 Pyrrho  
 cap. 49.*



exercitu, armatus ipse, ad moenia  
procedens, votum Herculi vovit,  
si dignum genere suo locoque bel-  
latorem eo die se Græcis ostendis-  
set. Postquam signum oppugnan-  
di datum, crebroque missilium ja-  
ctu propugnatores dimoti locum  
admovendis muro scalis fece-  
runt; primus omnium Rex enisus,  
adversus concurrentes undique  
hostes insigne certamen edidit:  
alios umbone deturbans; alios cæ-  
dens gladio: magnitudine vero  
animi roborisque cunctos perter-  
refaciens. Neq; magnifica tantum  
hæc ei pugna, sed etiam omni ex  
parte felix fuit: sine ullo suo vul-  
nere, magna gloria parata, etiam  
urbem ipsam eodem impetu cepit:  
animatis non minus exemplo Re-  
gis ceteris, quam sollicitis periculo:  
& utramque ob causam summa  
contentione pugnantes. Sacrifi-  
cavit deinde Herculi, voti reus; lu-  
dosque varii generis magnifico ad-  
paratu per complures dies edidit.  
Hoc quoque anno Romæ de Lu-  
canis atque Bruttiis ante diem No-  
nas Ianuarias triumphatum esse  
repe-

*Diodorus.*

*Plutarchus.*

*Triumphus  
Capitolinus.*



- reperio : Sed C. Iunio triumphum illum adscribi miror ; quum in his populis res Rufinus gesserit , duasque nobiles civitates receperit : quem etiam alios apud auctores triumphalem virum nominari video. Civitate ob Pyrrhi progressus haudquaquam secura , novi quoque terrores ex prodigiis & morborum lue accesserunt. Fœdi maxime ominis habitum est , quod Iovis Capitolini signum fulmine tactum , caputque avulsum nonnisi aruspicum arte curaue reperiri potuit. Graviore non jam metu sed clade urbem adfecit pestilentia , pecudes hominesque communi strage corripiciens , sed præcipue gravidarum abortibus formidabilis ; quum nulli propemodum jam aut partus humani , aut fœtus animalium ederentur incolumes ; iraque Deorum omne viventium genus interiturum esse crederetur : Ea vis mali maxime insignem Q. Fabii Maximi Gurgitis alterum Consulatum effecit , in quo collegam habuit C. Genucium Clepsinam. Neque tamen à bello Samnitico
- Plinius*  
18, 6. &  
33, 11.
- Livii Epitome*  
14.
- Oros.* 4, 2.
- Aug. de Civ. Dei,*  
3, 17.
- Anno ab Urbe Cond.*  
477.
- Zonaras.*

tico Lucanoque cessatum est. magnasque clades hostibus inlatas duo certa sunt argumenta, quod eodem anno Q. Fabius Consul de Samnitibus, Lucanis, Bruttiis, triumphavit Quirinalibus: quodque ii populi miserunt ad Pyrrhum literas & oratores, *actum de se, nisi subveniretur, neque vim Romanam ulterius sustineri posse, extremamque necessitatem deditione praeveniendam esse*, testaturos. Ea res, & quod senescentibus jam hominum studiis, aut ob injurias quasdam in contrarium versis, in Sicilia res ei duriores esse ceperant, permovit Pyrrhum, ut insula relicta copias in Italiam reportaret. Quod eius consilium, & rerum inde sequutarum series, quo plenius nosceretur; paulo plura de rebus interim ab eo gestis referenda putavi. Post occupatam igitur Erycem, praesidiumque loco impositum, ad Aeginorum urbem profectus est, commodo ad Panormitanum portum situ, & munitionibus insignem. Ibi sponte oppidanorum receptus ad ipsam Panormam castra

*Capitolini  
triumphi.*

*Plutarch.  
Pyrrho  
cap 52.  
Justinus  
23, 2.*

*Diodori  
Eclog. ex  
lib. 22.*

*Polybius**I, 56.**Dionysius  
apud Va-  
lesium.**Diodori  
Eclog.*

stra movit, cui ab argumento por-  
tus amplissimi pulcherrimique no-  
men est inditum : Hac quoque per-  
vim occupata , quum insuper lo-  
cum qui Epieircte vocatur , inter  
Panormum & Erycem in monte  
amœno , sed arduis accessibus, si-  
tum cepisset ; universa jam pro-  
vincia Carthagenensium potieba-  
tur, excepto Lilybæo. Hanc autem  
urbem non ita pridem Pœni con-  
diderant, ut Motyensibus ea sedes  
foret , quorum oppidum Diony-  
sius Tyrannus bello Carthagenen-  
si diruerat. Quum igitur ex omni  
quod in Sicilia habuerant imperio  
spes suas unum istum in locum  
conclusas viderent Pœni ; adpara-  
tus ad obsidionem à Pyrrho fieri  
sentientes, majoribus eam viribus  
defendere decreverunt. Introdu-  
cto igitur non spernendo robore  
militum , commeatuque copioso,  
adhæc magna vi machinarum ac  
telorum (cujus rei facultas ipsis  
ampla erat, quod in potestate ma-  
re haberent) ad oppidum undique  
permuniendum magna cura se  
contulerunt. Præcipue , qua terra  
pate-

patebat aditus, crebræ turres excitatæ sunt, lataque fossa facta: celerius opere procedente, quod maiore sui parte structum in cauitibus marinis oppidum, toto illo spatio manu facta munimenta nulla desiderabat. Missis interea legatis, quamquam ad bellum magnos adparatus fecerant, magnasque copias, quum aliunde tum etiam ex Italia mercede conduxerant; si pax a quibus conditionibus impetrari posset, pecuniam & classem pollicebantur. Pecuniæ mentionem non admisit Pyrrhus, urbes quas occupaverat retinere cupiens; de Lylybæo tamen concessurus videbatur. Sed amici Regis, civitatumque Sicularum principes, metu Carthaginensium vacaturam esse insulam negantes, donec illi tantum valentes classibus Lilybæum, tamquam scalas quasdam ad exscensionem faciendam paratas tenerent; perpulerunt, ut unam esse responderet amicitie conditionem, si universa Sicilia cedentes, utriusque imperii terminum esse mare paterentur. Ita spe pacis discussa,

Zonaras.

Plutarch.  
Pyrrho  
cap. 50.

Diodorus.

Plutarch.

G

pro-



*Diodorus.* protinus ad urbem signa movit; neque procul muris castra metatus, manipulis ita dispositis, ut defessi à recentibus per vices exciperentur, oppugnationem orsus est. Sed Lilybætani, quum & numero propugnatorum, & machinarum adparatu juvarentur, locum tenuerunt. Tanta enim catapultarum scorpionumque vim Carthaginenses invexerant, ut murorum ambitus capiendis omnibus minime sufficeret. Quum igitur cujusque generis millium velut imber quidam in Regios spargeretur, multique passim caderent aut sauciarentur, inceptum omiserunt. Machinas deinde & ipse fabricare instituit, præter eas quæ Syracusis advehebantur: & effossis subter humum cuniculis, omnes obsidionum tentavit artes. Quum autem animose resistentibus Pœnis toto fere bimestri nequidquam se fatigasset; videretque, donec apertus à mari obsessis aditus exitusque foret, expugnari Lilybæum non posse: obsidione soluta aliam in partem converter-



vertit impetum. Quippe adversos *Plutarch.*  
Mamertinos freti accolae Græcæ  
quædam civitates fidem regis im-  
plorabant, super alias graves &  
crebras injurias etiam tributum *Polybius*  
pendere coactæ. Pyrius igitur *1,8.*  
exercitu propere ducto, quum iis *Plutarch.*  
in locis quosdam Mamertinorum  
ad exigenda vectigalia missos  
comprehendisset, necavissetque:  
proelio cum occurrentibus facto  
discessit superior; ac multa eorum  
præsidia expugnavit diruitque.  
Et hætenus quidem rebus præ-  
clarissime gestis eximiam sibi po-  
tentiam gloriamque Rex parave-  
rat; præter alias virtutes etiam  
eximia humanitate amorem sin-  
gulorum, studia civitatum, non  
adeptus magis quam meritis.  
Sed felicitatem tantam, & quam  
existimare fundatissimam potuis-  
ses, momento fere dissipatam,  
præter levitatem ingeniorum, quæ *Fazellus*  
istis populis nunquam defuit, & *Hist. Sic.*  
amicorum intemperiem, ipsius *dec. 1. lib.*  
maxime Regis culpa traditur: qui *1.*  
adversis egregius, secundis rebus,  
ut inter has ferme inferiores hu-

*Plutarch.*

manæ mentes sunt, in superbiam efferebatur. Quum igitur, ut ante diximus, ad efficienda cepta classem sibi necessariam esse duceret, naves autem haberet multas, sed parum instructas à sociis navali-bus; remigibus acerbè conquiren-dis valde offendit civitates: repen-te mutatus, & ex priorì lenitate ad superba imperia, minasque, & postremo supplicia, præcepit. Sed hæc tamen quia communis boni specie tegebantur, utcumque tole-rabant: postquam autem eos ipsos, quorum beneficio maxime Sici-liam obtinuerat, interimi videre; non paulatim, neque mora inter-posita, sed subito averfis animis, multi populi ab ejus amicitia de-sciscentes, ut cuique opportunum erat, alii Pœnis, alii Mamertinis se applicaverunt. Adeo nimirum crudelitas, etiam quum sola est, semper gravis, penitus fit intolera-bilis, postquam adversus beneme-ritos exercita, propriis odiis etiam ingrati perfidique animi detesta-tionem adjunxit. Hanc autem in necessitatem vi cuncta tractandi

sc

se maxime videtur induisse, dum pravis suorum cupiditatibus consiliisque nimis obsequitur: His enim opes, amicis aut necessariis Agathoclis ademptas dono dabat; nihilo quam fuerant illi melioribus: magistratus urbium præcipuos satellitibus aut centurionibus suis committebat, neque ex institutis aut moribus civitatum, neque in legitimum tempus, sed quomodo & quoad ipsi placuisset. Lites atque controversias publicorumque negotiorum administrationem omnem ad se traxerat, pleraque familiaribus committens, quos habebat avaritia luxuriaque detestabiles, qui cogendis per flagitium perdendisque pecuniis pariter intenti, dum libidini suæ satisfacerent, jus injuriamque in promiscuo habebant. Irritatis ob hæc animis, mustare primum homines, mox palam queri: *cur igitur prioris status pœnituisset, si nunc etiam toleranda eadem forent? frustra vocatum receptumque Pyrrhum, si studeat amulari mores, quos puni-  
thrus advenisset. neque acriorem ul-*

*Dionysius  
apud Va-  
lesium.*

- lius injuriæ sensum esse, quam cujus auctor haberetur idem ille, qui vindex esse debuisset. Iamque multi*
- Plutarch.* haud obscure studium novarum rerum præ se ferebant; quum ille ad pessima consiliorum conversus, augere causas offensionum, quam tollere maluit: quasi, quod per injustitiam peccatum fuerat, emendari sævitia posset. Interea Carthaginenses animadverso regem propriis viribus haud sane validum, quotidie minorem apud Siculos adfectu haberi; erecti in spem recuperandæ provinciæ, novum
- Zonaras.* exercitum miserant: passimque transfugientibus qui Pyrrhi sævitiam metuebant, negotium Epirotis magnum exhibebant. Pyrrhus per causam Punici belli præsidiis in urbes introductis, splendidissimum quemque falso proditionis crimine oneratos necare instituit: his de medio sublati, multitudinem facilius in officio mansuram esse ratus. Postremo Thœnionem & Sosistratum corripit, totius insulæ longe principes, quorum præcipuis studiis imperio Siciliæ po-



potitum fuisse ostendimus. Sed *Plutarch.*

Thœnio quidem interfectus est: *Tyrro*

Sosistratus ad hostes effugit, non *cap. 52.*

minus auctoritatis opisque colla-

turus ad ejiciendum Sicilia Re-

gem, quam ad imponendum con-

firmandumque contulerat. Tum

igitur certatim plerisque ad Car-

thaginenses deficientibus urbibus,

nonnullis ad Mamertinos; res

Epirotarum ex florentissimis an-

gustæ malæque redigi ceperunt.

In hoc statu rerum non ingrata

Regi sociorum Italicorum lega-

tio venit. quæ ceteris omnibus amif-

sis, vix paucas urbes hostem egre à

mœnibus submovere quæstæ, hone-

stum discedere cupienti prætextum

præbuit, ut partibus laborantibus

auxilio futurus, non ejectus à Car-

thaginensibus, in Italiam reverti

voluisse videretur. Abiturus, quum

opes insulæ situmque, & homi-

num animos secreta cogitatione

exponderet; dixisse fertur: O amici,

qualem Romanis atque Carthaginen-

sibus palestram relinquimus! haud

vano præsagio: quod paulo post

longa inter hos bella, tot utrim-

*Iustin. 23,*  
*2.*

*Plutarch.*

*Appian.*  
*apud Va-*  
*lesium.*

*Plutarch.*



*Pausan.*  
*lib. I.*

*Appianus*

*Plutarch.*

*Appianus*

*Zonaras.*

*Plutarch.*  
*Pyrrho*  
*cap. 53.*

que submersæ classes, tot acies cæ-  
sæ, satis superque impleverunt.  
Ceterum hostium animis cum for-  
tuna crescentibus, neque tutus ex  
Sicilia discessus Pyrrho, neque in  
Italiam apellenti tranquillum ad  
Tarentinos iter fuit. In ipso freto  
trajicientem adorti Carthaginen-  
ses, quum Epirotæ nulla ferme  
maritimarum rerum experientia,  
hominibus exercitatissimis pares  
esse non possent; septuaginta naves  
depresserunt, ceteras reddiderunt  
inutiles. Ita cum duodecim navi-  
bus ex adverso prælio in Italiam  
effugit: qui navibus tectis amplius  
centum, & longe adhuc majori  
onerariarum actuariarumque nu-  
mero cunsum instituerat. Sed un-  
dique collecto quod militum ex  
adverso prælio litora tenere po-  
tuerat, statim ita robustam effecit  
manum, ut Rhegii subito impetu  
expugnandi spem conciperet. Sed  
rejectus à Campanis Rhegium te-  
nentibus, mox in periculum haud  
contemnendum incidit. Quum  
enim per loca cæca & saltibus im-  
pedita duceret, coorti ex insidiis  
hostes

hostes turbaverunt novissimum agmen, multosque milites cum duobus elephantis peremerunt. Erat neque genere bellatorum, neque numero spernenda manus. Decem haud minus millia hominum in armis exercitatorum, Mamertini plerique, hi enim Rheginorum amicitia & cognatione confisi, intellecto Pyrrhum in Italiam reverti constituisse, fretum priores transjecerant, & spe praeda in opportunis ad subitam irruptionem locis confederant. In eo certamine quum pro solita audacia Pyrrhus ante prima signa pugnaret; in capite vulnus accepit. Ad quod obligandum quum ex acie paulisper secessisset, quidam hostium magnitudine corporis & armorum cultu conspicuus longe ante alios procurrens increpavit eum elata voce, iussitque *prodire, si viveret*. Ibi Pyrrhus ardens ira, visuque & manante per faciem cruore terribilis, impetum iu provocatorem, frustra retinentibus suis, vertit: occupatumque illata in caput plaga prosternit.

*Polybius*  
I, 8.

*Plutarchus*

G 5

Mc-

Memoriæ proditum est, eam gladii temperiem, eamque vim ferientis fuisse, ut infimum ad corpus vulnere continuato, partibus utrimque dilabentibus, medium hominem eodem ictu dissecaret. Ejus spectaculi foeda novitate perculsi hostes, & ut majorem communi hominum sorte virum reveriti, pugnam omiserunt. Pyrrhus hac molestia solutus, non ideo lætior agebat. Quod enim pars impedimentorum isto proelio amissa erat, & opes ex Siciliae spoliis paratas prioris cum Pœno pugnae casus interceperat; in magna rei nummaria difficultate, quum poscentibus stipendia militibus non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem quum Pyrrhus animatis præsentia sua Regiæ factionis hominibus recepisset; multam Locrenses foeda facinora edidit, cupidius & latius, quam interfecti præsidii postulasset ultio, cædi-

*Livius*  
29, 18.

cædibus & rapinis in miseros gra-  
fatus. Postquam autem nihil super-  
erat, quod conferre homines vel-  
lent possentve, manus ad sacram  
pecuniam extendere cepit, pessi-  
mis amicorum, qui plerumque  
nocentissimi cujusque consilii au-  
ctores fuerant, cupiditatem ejus  
inflammantibus. Erant autem hi  
Evagorus Theodori filius, Bala-  
cerque Nicandro, & Dinarchus  
Nicia genitus. Ii non suasores  
modo fuerunt Pyrrho, necessitati  
omnia cedere prædicantes; sed mi-  
nisterium quoque suum sacrilegio  
præbuerunt: ingenti pondere auri,  
quod multos per annos subterra-  
neis in specubus adservatum fue-  
rat, eruto. Lætus ille, *religione in-  
tempeſtiva nihil ineptius, opesque  
paratas non accipere dementis esse*  
dictitans, impositam navibus præ-  
dam Tarentum avehi jussit: ipse  
terra est profectus. Ceterum fa-  
cinus ei suum non turpius cepto,  
quam infelicius eventu fuit. Subi-  
ta tempeſtas adorta classem, ven-  
tis sub noctem mutantibus qui  
ferentes hætenus fuerant, naves

*Appianus  
apud Va-  
lesium.*

*Dio apud  
Valesium.  
Dionysius  
apud Va-  
lesium.*

*Suidas in  
Ὀβυσ-  
σῶ.*

*Appianus*

*Livius  
29. 18.*

*Dionysius.*

*Appian.*



*Diodorus.* in tenebris circumactas partim confregit, partim in fretum expulit. Sed quæ sacram pecuniam vehabant, quassatæ laceratæque undis inrumpentibus cum ipsis hominibus interierunt: pecuniam autem reliquis ex naufragio tabulis hærentem, postridie quam exportata fuerat, in vicina fano litora fluctus retulerunt. Re intellecta, thesaurum omnem diligenter conquistum referri ad pristinas sedes iussit; pacem numinis, ut putabat, hoc facto impetraturus.

*Livius* 29, 8. Neque tamen ideo melioribus deinceps fatis usus est; omnes ejus conatus, etiam quibus consilium & virtus non abfuisset, eludente fortuna. Quam ille rem & postea constanter ad læsi numinis iram referebat, uti Proxenus historiæ scriptor; atque ipse in commentariis suis Pyrrhus memorat: & recenti adhuc malo, quum Proserpinæ sacrificans, multis hostiis litare non posset; exarsit adeo, ut cunctos infelicis consilii auctores ac ministros, quique facinus istud adgressuro vel leviter consens-

*Appianus* rant,



rant, de medio tolleret. Atque hi quidem dignum moribus factisq; suis exitum habuerunt: Pyrrhus autem institutum prosequutus, quieto deinceps itinere Tarentum pervenit. Romani quum majorem in modum urgeret pestilentia, Pyrrhique in Italiam reditu belli timor crevisset; nihil adversus ista vel humani præsidi, vel divini intentatum reliquerunt. Vetus erat opinio, pestilentiam clavo ab dictatore fixo sedari posse: eam spem tum quoque tentatam, clavique pangendi causa Dictatorem dictum esse P. Cornelium Rufinum, haud quaquam improbabilis conjectura est: quum & mali magnitudo ad omnia quærenda remedia stimulare mentes posset; & Rufinum anno sequenti à censoribus notatum fuisse constet, postquam bis Consul & Dictator fuisset: neque dictaturæ ejus vel certior inveniatur memoria, vel convenientior locus. Et adversus morbos quidem, ut potuit, provisum est: armorum cura majorem industriam contentionemque, præci-

pue

*Plutarch.  
Pyrrho  
cap. 53.*

*Livius 7,  
3.*

*Pighius in  
Annali-  
bus Rom.*

*Anno ab  
Urbe Cond  
478.*

*Varro in  
Satyra  
Γέρον-  
70 Δι-  
δασκάλ-  
λ8.*

*Val. Max.  
6. 3, 4.*

*Livii Epi-  
toma 14.*

*Cicero pro  
A. Cæcina  
cap. 34.*

pue ob difficultatem delectuum,  
postulabat. Nam præter diutur-  
nitatem belli, etiam longo jam  
tempore infesta lues tædium re-  
rum omnium hominibus injece-  
rat: Citatique juniores militiam  
mira obstinatione detrectabant.  
Sed pervicaciam istam severitas  
& constantia M! Curii Dentati se-  
cundum Consulis fregit: is enim,  
L. Cornelio Lentulo collega, ma-  
gistratum jam iniverat. Quum igi-  
tur in Capitolio delectum haberet  
Curius, respondente nullo, voca-  
bula tribuum omnium in urnam  
conjici, quumque Pollia tribus  
exiisset, quod ex ea nomen pri-  
mum sorte eductum erat, citari  
jussit. tacere perseverantis bona  
primum; deinde quum graviter  
de Consulis injuria questus tribu-  
nos appellasset, ipsum quoque  
vendidit: *nihil opus esse reipublicæ  
eo cive, qui nesciret parere*, præfa-  
tus. neque tribuni auxilio fuerunt:  
& postea quoque salubris exem-  
pli judicata res in consuetudinem  
transiit; ut delectu rite actō, qui  
miles factus non esset, in servitu-  
tem

tem venderetur. Hoc terrore ceteri adacti ad nomina promptius danda : conscriptisque legionibus, quæ decretæ erant , in hosticum ambo Consules moverunt: Lentulus in Lucaniam irruit ; Samnitas adortus est Curius. Excitus ad ejus rei famam Pyrrhus , lustrato Tarenti exercitu suo, peditum ferme viginti millia , tria equitum recensuit. Cum his, & delecta Tarentinorum juventute , Samnium ingressus , Samnitas dicto minus audientes habuit ; tardiusque ad eum auxilia & infrequentius venire, animis non ob cladium modo magnitudinem fessis, sed etiam exulceratis eo, quod istarum causam Pyrrho imputabant , tam tristitia non passuri , nisi proditis discessu suo Italicis sociis , expeditionem Siculam ille suscepisset. Verum tamen sic quoque magnis instructus copiis , partem earum in Lucaniam, ad destinendum alterum Consulem misit ; ipse Man- Curium oppugnare adgressus est, facilem sibi reliquam victoriam fore ratus, si hunc superavisset.

Ro-

*Plutarch.  
Pyrrho  
cap. 54.*

*Frontinus  
Strategematum 2,  
2.*

*Dionysius  
apud Valesium.*

*Cluverius  
Italia  
Antiqua  
4, 8.*

Romanus autem, gnarus phalangi Macedonicæ, si explicari possit, nullam aciem parem esse, locis impeditis se tuebatur: & quoniam ex Lucania ventura sperabat auxilia, simul etiam auspicia & exta parum læta erant, copiam pugnandi minime faciebat. Tanto vehementius cupiebat configere Pyrrhus, priusquam duo Consulares exercitus conjungerentur. Igitur adsumptis ex omni exercitu promptissimis quibusque, præter aliquot elephantos, noctu, quo falleret hostem, ad castra Romanorum statuit accedere. Dum autem ad iter & oppugnationem futuram omnia apparantur, ipse in somnum lapsus majorem sibi dentium partem excidere, & ex ore copiosum crumpere sanguinem imaginatus est. Eo visu perplexus, abstinere in id tempus rebus gerendis decreverat; sed amicis obrestantibus, *ne occasionem forte non redituram elabi pateretur*, signum ad proficiscendum dari iussit. Circa Maleventum urbem (hoc enim tum adhuc nomine erat), montosa & sylvestria loca



loca sunt : quæ deinde paulatim æquioribus clivis dimissa , postremo in planitiem late patentem desinunt , qui *Taurasini campi* adpellantur. Itaque Pyrrhus ex inferioribus locis per objectos *Plutarch.* colles & saltus instituto itinere , quum lumina defecissent , erroribus & ignorantia locorum tardatus , luce jam orta ex castris Romanis conspici cepit. Commotis inopinato hostis adventu animis , quia tamen dubium haberi non poterat , quin pugnandum foret , extaque victimarum lætiora fuerant , Consul celeriter ex castris progressus , primos quosque hostium divulsos à suis & incompósitos adoritur , pellitque : Hi in suos incurrentes totum agmen turbavere ; cæsusque est militum haud exiguus numerus , & nonnulli elephantum à suis relictum venerunt in potestatem victoris. Hic successus animavit Curium , ut insistendum fortunæ putaret , & cum universis copiis ad pugnam iustructis paratisque in campum se demitteret. Neque Epirenses moram fecere.

Con-



Concursum est utrinque ferociter, sed quod priore certamine Romanus superior fuerat, plus etiam in præsens animorum atque spei adiulerat. Cedentibus Epirotis, iterum à belluis subsidium petiit Pyrrhus, alteroque suo cornu fugiente, vicissim in altero Romanos ad præsidia sua pedem referre coëgit. Firmam ibi stationem iturus in pugnam Consul constituerat: hanc igitur recentibus viribus excipere prælium, & elephantos amoliri jubet. Adversus hæc animantia promptam atque facilem opem usus monstraverat: ignique magis quam ferro averti posse superiores docuerant pugnae. Parati igitur erant malleoli, stupa & pice multa obducti, quos incensos ardentesque in terga & turres belluarum jaculabantur: ii, sive cuti elephantorum, sive ligno turrium insedissent, uncis præacutis infixi hærebant. Quum igitur hi, & una varii generis missilia ex superiore loco confertim jacerentur, elephantum partim terrore flammæ, partim dolore vulnerum in furorem

*Orosius*  
4,2.

*Plutarch.*

rem acti, quum amplius à magistris regi nequirent, in suorum aciem retrocesserunt, omnia, quo impetum verterant, trepidatione & clade miscentes. Narrant initium stragis ab elephanto pullo ortum, qui telo ictus in capite, quum stridorem querulum edidisset, matrem primum ad notam vocem exsurgentem, deinde hac etiam tumultum augente, ceteras belluas omnes turbaverit averteritque. Magna ea pugna & numero cæforum, & victoriæ fructu fuit. Tum enim debellatum est cum Pyrrho, neque ceteri deinceps Itali diu, neque post Italiam, aliæ nationes Regesque restiterunt. Triplo majorem ea pugna numerum in regiis partibus dimicasse tradunt. Octoginta enim peditum, sex equitum millia fuisse: ex his qui plurimum, sex & triginta millia; qui minimum, sex & viginti cæsa memorant. captos mille trecentos, cum elephantis octo. Pyrrhus cum paucis equitibus Tarentum effugit. Capta ejus castra admirationi fuisse dicuntur, & in posterum usui.

*Florus 1.  
18.*

*Zonaras.*

*Plutarch.*

*Florus 2.  
1.*

*Dionysius  
apud Va-  
lesium.*

*Orosius.*

*Eutropius  
lib. 2.*

*Frontinus* usui. Antiquitus enim & Romani  
*Strategematum* 4, & alii populi castra passim per cor-  
 1. pora cohortium constituere, ma-  
 paliorum in morem, solebant: pri-  
 mus totum exercitum Pyrrhus  
 dimensis rite spatiis sub eodem  
 vallo continuisse fertur: atque illo  
 exemplo adjutos Romanos, ad-  
 ditis quæ ex usu viderentur; ad  
 metationem castrorum, quam se-  
 quentibus temporibus perfectissi-  
 mam habuere, pervenisse. Hic an-  
 nus Republica belli præclare fe-  
 liciterque gesta, domesticis quo-  
 que rebus & notabili severitate  
 disciplinæ urbanæ illustris fuit.  
 Q. Fabricius Luscinus, Q. AEmi-  
 lius Papus, concordem censuram  
 exercuerunt. multis equi publici  
 adempti sunt; quidam etiam in  
 Senatu legendo præteriti. Sed ma-  
 xime insignis ad memoriam P.  
 Cornelii Rufini nota fuit. Bis  
 Consul & Dictator fuerat, rebus-  
 que magnis bello gestis triumphava-  
 rat. Hunc igitur Senatu move-  
 runt Censores, causamque isti  
 animadversioni subscripserunt,  
 quod eum comperissent argenti facti

cæna

*Zonaras.*  
*Nota*  
*Freins-*  
*hem. in*  
*Florum* 1,  
 18.  
*Zonaras.*  
*Livii E-*  
*pit.* 14.  
*Agellius*  
 4.8. &  
 17. 21.

*cœna gratia pondo decem habere. Isq;*  
*casus non hominis modo, sed fa-*  
*miliæ ad longum deinde tempus*  
*fuit: nec ante Sullam Dictatorem*  
*quisquam ex ea summis honori-*  
*bus usus est. Tanta temporibus*  
*istis parcimonia, tantusq; in eadem*  
*civitate postea luxus fuit, ut quæ*  
*supellex apud posteros contem-*  
*ptissimæ vilitatis argumentum fu-*  
*tura erat, eadem à prioribus pro*  
*intolerabili luxuria damnaretur.*  
*Censu perfecto lustrum conditum*  
*est: censa civium capita ducenta*  
*septuaginta unum millia, ducenta,*  
*viginti quatuor. In exitu anni*  
*Consul uterque triumphantes Ca-*  
*pitoliū invec̃ti sunt. Prior Cu-*  
*rius: cujus & triumphus quum fa-*  
*ma rerum, & lætitia successus,*  
*tum etiam splendore pompæ illu-*  
*strior fuit. Nam ad eam diem ex*  
*vicinis & pauperibus populis in*  
*adparatu triumphī nihil ferme nisi*  
*arma fracta, aut carpenta Gallica;*  
*in præda, nisi greges & armenta*  
*ducta fuerant; tum vero & varic-*  
*tate gentium quarum captivi an-*  
*te currum ducebantur; & spolio-*  
*rum*

*Plutarch.*  
*Sylla cap.*  
*I.*

*Val. Max.*  
*2, 9, 4.*

*Livii Epi-*  
*toma.*

*Fasti Ca-*  
*pitolini.*

*Florus* **I,**  
**18.**



*Seneca de  
brevit.**Vita cap.**13.**Eutropius.**Plinius 8,  
6.**Cupitolina  
Marmo-  
ra.**Plinius  
33, 2.*

rum pulchritudine ac magnificen-  
tia celebris species fuit: quum Epi-  
rotæ, Theſſali, Macedones, Apuli,  
Lucani, Bruttii, vincti ante cur-  
rum agerentur: præferrentur au-  
tem tabulæ pictæ, ſigna nobilium  
artificum, aurum, purpura, cete-  
ræque tranſmarinæ elegantia, &  
Tarentini luxus instrumenta. Sed  
præcipui miraculi gaudiiſque ſpe-  
ctaculum elephanti fuere. Cum  
iſſis turribus ſuis quatuor (nam  
reliqui ex vulneribus interierant)  
tum primum Romæ viſi ſunt: vul-  
gus à nomine animalis quod ha-  
ctenus maximum noverat, & loci  
ubi primum conſpexerat, *boves*  
*Lucas* vocitabat. Alterius conſulis  
paucos poſt dies obſcurior trium-  
phus fuit. Neque tamen illi pæni-  
tendæ res fuerunt. Samnites &  
Lucanos vicerat; oppida multa  
ceperat, ſed comparatione Curia-  
næ gloriæ, horum ſplendor æſti-  
matioque decreſcebat. Inter eos  
qui virtutis ergo donati ſunt, Ser.  
Cornelio Merendæ auream coro-  
nam ex præda dedit, ob Samniti-  
cum quoddam oppidum, ejuſſima-  
xime



xime opera captum. Romanis ad hunc modum victoriæ suæ lætitia fruentibus, longe dispar animorum habitus apud hostes erat. Ii jam olim imperio Pyrrhi minime læti, post infelicem pugnam, animis timore atque indignatione plenis, nihil quietum agitabant. Rex ipse dudum Romani belli pertæsus, & nunc desperata penitus victoria, nihil nisi rationem tutius honestiusque discedendi meditabatur. Sed dissimulato interea consilio, hortabatur socios, *ne ob unum adversum prælium conciderent animis: non plus eos cladis postrema hac pugna accepisse, quam prima intulissent: neque ideo Romanos ad pacem etiam bonis conditionibus permoveri potuisse horum constantiam si ipsi quoque emularentur, seque fortunæ vertenti servarent, omnia commodius habitura superesse vires adhæc diuturno bello suffecturas. In Græcia multos potentes amicos se habere, à quibus certa auxilia expectare possit.* Neque hæc incredibiliter fingeantur: quum & antea, præsertim à Ptolemæo qui  
Justinus  
172.  
Macc-

*Dio apud  
Valesium.*

*Pausanias  
lib. I.*

*Iustinus  
23, 2.*

*Polyanius  
Strategematum 6,  
6.*

Macedoniæ tum præerat, luculenter adjutus fuisset: & in magna existimatione apud Græcos barbarosque esset; aliisque beneficiorum memoria, aliis metu devinctis, ab Aetolorum gente temporibus istis potentissima, ipsisque Macedonibus, præterea Illyriorum regulis coleretur. Cæterum hæc ita jactabat, magis ut desciscere parantes socios in fide retineret, donec aperto ad navigandum mari regnum posset; quam quod aut bellum in Italia continuare vellet, aut magnam spem in transmarinis auxiliis haberet. Dimissis tamen circum Asiæ Macedoniæque Reges legatis, ab aliis pecuniam, ab aliis auxilia, ab Antigono, qui Macedoniam tenebat, utrumque postulabat. Hac spe utcunque retenta sociorum voluntate, quum interea dissimulanter omnia paravisset ad discessum, legati cum literis ab Antigono redierunt. Convocatis igitur suorum Italorumque principibus, non quidem quas acceperat literas recitavit, sed fictitias alias, quibus paulo post ab Antigono

gono auxilia magna adfutura esse  
continebatur. Hoc astu non sociis  
modo delusis, sed etiam Roma-  
nis qui propinquo loco præsidium  
agitabant, consequuta nocte citra  
ullum impedimentum vela fecit,  
Cerauniosque montes (Epiri id  
promontorium est) tenuit. Sed  
quo minori turpitudine deseruisse  
bellum videretur, fidesque homi-  
nibus fieret, perfectis quibus evo-  
catus esset rebus reversurum, Mi-  
lonem ad custodiam arcis Taren-  
tinæ reliquit; eiq; ut non modo spe *Zonaras*  
præmiorum, sed etiam paris exitii  
metu in fide maneret, sellam de-  
dit, cujus lora erant ex Niciaæ pel-  
le, quem compertis in caput suum  
insidiis occiderat. Huic igitur ad-  
dito præsidio militum, cum cete- *Plutarch.*  
ris copiis, octo peditum millia, *Tyrrho*  
quingenti equites erant, sexto *cap. 56.*  
quam exiverat anno, patrium in  
regnum reversus est. Interea Ro- *Anno ab*  
mæ quum comitia centuriata ha- *Urbe Cond.*  
berentur, Pyrrhusque bellum in- *479.*  
stauraturus putaretur, M. Curium  
refici Consulem placuit; quod unus  
ille adversus Regem optime gesta  
H re,

*Livii Epi-  
toma 14.*

*Entropius  
lib. 2.*

*Anno ab  
Urbe Cond.  
480.*

re, ad reliqua quoque belli plus auctoritatis & fortunæ allaturus videretur. Ex patriciis Ser. Cornelius Merenda factus est: cum quoque provehente recenti gloria, & commendatione gentilis sui, sub quo priore anno militaverat. His consulibus in Lucanos, Samnitesque & Bruttios conversa belli moles est. qui quum locis potius quam armis se defenderent, nihil rei ad reliquarum exemplum memorabilis geri potuit. Neq; tamen imminuta inde Curii gloria est, sic quoque judicantibus omnibus, Regem acerrimum, non modo cladem acceptam, sed etiam ducem adversus se denuo venturum Curium exhorruisse. Confecti itaque belli hujus, fugatique ex Italia Pyrrhi penes illum laus atque fama permansit. Anno qui tertium Curii consulatum sequutus est, primum ab Alexandrinis Regibus legati cum muneribus Romam venerunt; in C. Dorsonis, C. Claudii Caninæ magistratu. Ptolomæus cognomento Philadelphus, audita Pyrrhi fuga gratula-



tulatum misit, petitumque, ut populi Romani socius & amicus haberetur. Lætum id honorificumque Patribus visum, quod amicitia Romana ultro à tam potentibus tamque longiquis Regibus ambiretur: igitur comiter acceptis habitisque legatis, societatem cum Ptolemæo jungi placuit: simul delecti ex illustribus, qui confirmandæ ejus, reddendique officii gratia legatione ad Regem fungerentur, Q. Fabius Gurges ex Consularibus, & cum eo C. & Numerius Fabii Pictores, Quintusque Ogulnius. His profectis, adversus Italicos populos, qui arma adhuc necessitate & desperatione retinebant, à Consulibus feliciter dimicatum est. Majores alterius res fuisse visas, triumphus C. Claudii Caninæ argumento est, quem de Lucanis, Samnitibus, Bruttiis, in magistratu suo duxit Quirinalibus. Sed rerum foris prosperarum lætitiā nonnihil turbavit Sextilia, quæ Vestalis virgo quum esset, incesti comperta, temeratis religionibus, infensos civitati deos effe-

*Zonaras.  
Eusebius  
num.*

*1729.  
Dio apud  
Fulvium  
Ursinum.*

*Epitome  
Livii.  
Zonaras.*

*Val. Max.  
4, 3, 9.*

*Livii Epitome.*

*Capitolina  
Marmora.*

*Livii Epitome.*



*Orosius* 4, 2. effecisse credebatur. Sed piaculis  
 & sacris placata deum ira, sacer-  
*Velleius* 1, 14. dosque verso in noxium caput sup-  
 plicio, ad portam Collinam viva  
*Plinius* 3, 5. defossa est. Iisdem consulibus Co-  
*Strabo lib.* 5. loniæ deductæ sunt, Cosa in Vol-  
 scientibus, & in Lucania Pæstum,  
 quæ Græcis Posidonia vocatur.  
 Eam Lucani Sybaritis ademcrant:  
 ab his recens in ditionem populi  
 Romani pervenerat. Illustrior anni  
 sequentis memoria est, qui finem  
 belli non adversum Samnitas mo-  
 do ceterosque, sed etiam cum Ta-  
*Anno ab* 481. rentinis adtulit. L. Papirius Cur-  
*Urbe Cond.* sor, Sp. Carvilius secundum Con-  
 sules, Samnitas Bruttiosque & Lu-  
 canum cum Tarentino populo  
 provincias nacti, expectationem  
*Livius* 31, 31. hominum (nam in spem hoc an-  
 no finiendi belli par istud Consu-  
 lum studiose delectum fuerat)  
 consiliis factisque magnificis ex-  
 plexerunt. Et Samnites quidem à  
 Carvilio perdomiti, primum at-  
*Zonaras.* que septuagesimum post annum,  
*Liv.* 31, 31. quam decertari ceperat, meliori  
 quam antea fide conditiones pa-  
 cis à Romanis impositas accipere.  
 L. Pa-

L. Papirius Bruttios & Lucanos magnis cladibus subactos ad pacem petendam compulit. Ut tamen in uno multorum finitimorum populorum bello, terminis quoque regionum ipsarum permixtis, etiam Papirio cum Samnitibus, Carvilio cum Brutiis Lucanisque, & utrique cum Tarentinis res fuit. Nec enim modo copiae Tarentinorum fusae fugataeque; sed ipsa quoque civitas in fidem accepta est. Quod negotium, quia praeter victoriam ex nobilissima urbe, Pyrrhi Regis mortem, & Carthaginensium calliditatem, & prima aemulationum inter Poenos Romanosque initia continet; paulo accuratius explicandum est. Pyrrhus ante biennium ex Italia sic abnavigaverat, ut relicto in urbe Tarentina praesidio spem reditus sui faceret; ea paulo post novo Regis istius in Macedonia successu non parum aucta; Italorum animos adversus praesentia damna sustentaverat. Vir enim ardentis animi quum diu quiescere non posset, Antigono, quod in Italia

*Livii Epitoma.*

*Pausanias lib. i.*

*Plutarch.  
Pyrrho  
cap. 57.*

belligerantem nullis auxiliis ju-  
visset, bellum intulerat, eumque  
proelio victum universo prope  
regno eiecerat. Vnde Romanis  
quoque continuus per ea tem-  
pora metus fuit, ne auctioribus  
copiis regressus in Italiam, ma-  
jus priore bellum excitaret. Sed  
inopinata mors Regis spes metus-  
que omnium subito incidit atque  
sustulit. Pyrrhus enim, ut erat po-  
tentiae in immensum augendae in-  
satiabiliter appetens, per causam  
reducendi in regnum Spartæ Cleo-  
nymy, qui cum Arco dissidebat,  
Peloponnesum ingressus, ad illam  
etiam occupandam adjecit ani-  
mum. Et Lacedæmonios quidem,  
licet urbe frustra oppugnata, ma-  
gnis adfecit incommodis. Sed  
Argis interea, quum adversæ fa-  
ctiones duæ essent, principes ea-  
rum Aristippus Antigonum, Ari-  
stias Pyrrhum ad opprimendos  
inimicos advocat. nam & Anti-  
gonus, contra communem ho-  
stem Laconibus auxilio futurus,  
in Peloponnesum venerat. Ita di-  
versis portis, sub eandem noctem,  
utrius-

*Pausan.*

*Plutarch.*

utriusque Regis copiae in Argivam urbem recipiuntur. Pyrrhus cognito urgeri suos, urbem & ipse ingressus, quum die jam oriente lupum & taurum ex ære, certantium inter se habitu, vidisset; imminentiis fati indicio exhorruit. Oraculum enim erat vetus, fatalem Æacidæ locum fore, ubi taurum cum lupo dimicantem spectavisset. Igitur retrahere copias, & ex urbe recedere cogitabat. Sed occurrentes cum Heleno Pyrrhi filio subsidiarii milites elephantique, clauserant exitum: hisque in urbem irrumpere, illis exire nitentibus, quum hostes etiam acriter insisterent cedenti turbæ, & in angustiis viarum spaciis Argivi, Macedones, Epirotæ, quique cum Areo venerant Spartani Cretesque, adhæc elephanti quidam truderent inter se truderenturque; omnia trepidatione & tumultu miscebantur. Dum inter hæc Pyrrhus ubique consiliis, clamoribus, manu, servare suos, arcere hostes, fatagit; à juvenē quodam Argivo lancea leviter vulneratus est. Ma-

*Strabo  
lib. 8.*

*Ovidius  
in Ibim.*

*Dionysius  
apud Va-  
lesium.*

*Iustinus  
25, 5.*

*Iustinus  
25, 4.*

trem hic habebat anum pauper-  
culam, quæ cum aliis mulieribus  
ex tecto domus procelium spectans,  
quum Pyrrhum in auctorem vul-  
neris sui toto impetu ferri videret,  
periculo filii attonita, protinus  
tegulam corripuit, ac utraque ma-  
nu libratam in caput Regis de-  
misit. Tam inhonorus & misera-  
bilis exitus Pyrrho fuit, quo ma-  
jorem animi robore, solertia con-  
silio, scientia rei militaris, mul-  
tisque præterea corporis ingenii-  
que bonis, ætas illa non tulit. Sed  
fructum laboris operumque suo-  
rum, & ornamenta virtutum, am-  
bitione corrumpit, felicius futurus,  
si suis rebus contentus; potentis-  
simus autem omnium, si quam  
in quærendis opibus industrius  
fuit, tam in retinendis circumspe-  
ctus esse potuisset. Hæc igitur post-  
quam in Italia sunt audita, pro  
variis hominum studiis, lætitia  
luctuque civitates adfecere. Sed alii  
quidem populi, qui suæ spontis  
erant, pacem amicitiamque Ro-  
manorum, quibus poterant, con-  
ditionibus redimebant: Tarenti-  
num,



num, ne suis consiliis uteretur; præsidium Epirotarum & præfectus arcis Milo vetabat. Inter quos res paulatim ex levioribus injuriis atque contumeliis in apertas inimicitias processerat. Itaque maximis in difficultatibus constituti Tarentini, quum extra moenia Romanos hostes, intus Epirotas haberent; missis legatis auxilium à Carthaginensibus petiverunt. Poeni, qui Siciliae magnam partem tenerent: & maritima Italiae loca sibi quam Romanis accedere mallent; specie ad ejiciendum Milonem, ceterum si Tarento potirentur, etiam adversus Romanos tuituri, cum instructa classe prompte accurrerunt. Quum inter hæc etiam L. Papirius Consul advenisset, undique clausa Tarentus erat, Romanis à terra urbem simul arcemque, Poenis eandem arcem à mari obsidentibus. In hoc statu rerum, quum haud minor Romano cura esset, ne Carthaginenses arcem caperent, quam ne à se non caperetur, omnes victoriæ rationes subtiliter indagans,

*Zonaras.*

*Orosius 4,*

*3.*

*Livii E-  
pit. 14.*

H 5

Milo-

Frontinus  
Stratege-  
mat. 3, 3.

Milonem per idoneos internuncios tentat, si Tarentum ejus opera obtinuisset, ipsum popularesque cum rebus suis incolumes dimissurum esse pollicitus. Milo nihil ex præsentibus videns potius, cum Tarentinis agit, ut junctis consiliis de communi salute deliberarent: sensimque persuadet, ut se legatum ad L. Papirium mitterent, de conditionibus ex omnium utilitate ferendis diligenter acturum. Vt homines tædio curarum periculorumque fessi lubenter adsenſi sunt, ad Consulem identidem profectus, quocum fallaciam istam composuerat, luculentas plerumque conditiones, & spem non poenitendæ pacis certam referebat. Ea credulitas, si quid in animis Tarentinorum diligentiae ac curæ superfuerat, securitate fiduciaque resolvit: occasionemque Miloni præbuit, qua non arx modo, sed etiam urbs ipsa Romanis traderetur. Carthaginenses hoc eventu minime læti, sed amicos Romanorum se ferentes, neque aliam ob causam quam ad expellendum Milonem venisse, discesserunt.

Zonaras.

serunt. Auctores habeo, Pœnos à Romanis monitos, si Tarentina rei se immiscerent, contra fœdera facturos videri, non modo denuncia- tionem hanc insuper habuisse, verum etiam in acie Tarentina contra Romanos auxilia Punica stetisse : qua ex offensa maxime bellum quod adversum Carthaginenses in Sicilia gestum est, eruperit. quamquam Pœni perjurio culpam tegere volentes, nihil ab se dolo malo factum esse juravissent. Ego sicut non abnuerim vel inter ipsos duces tale quid agi potuisse ; dum Romanus Pœni præsentiā ægre patitur, Pœnus instituto suo quam potest causam prætexit ; vel populos ipsos publice isthæc disputavisse : ita veriores belli mox ex- orti causas alias fuisse existimo ; quod neque statim bellatum est, & postea natum in Sicilia bellum, ob Mamertinos præcipue, manentibus adhuc Punicis fœderibus, exarsit. Aucto ad hunc modum imperio redeuntibus Romam Consulibus à gratulantibus excepti, magno omnium favore, magnaue sua

Orosius 4,

3.

Livii Epitome.

Godefridus Viterbiensis.

Paulus Diacon. Hist. Miscella. 2, 23.

- Capitolina Marmora.* gloria triumpharunt. Inter hæc Q. Fabius Gurges & ceteri qui missi Alexandriam fuerant, in Senatu legationem renunciarunt.
- Iustinus 18, 2.* *Omni se genere hospitalitatis ac benevolentiae acceptos habitosque: munera venientibus magnifica missa: majora etiam data discedentibus. Sed priora quidem illa modeste recusari, magis ex dignitate abstinentiaque Romana visum esse: cetera quæ omnino recipienda fuissent, à se prius quam aliarum rerum quidquam agerent, in ærarium populi Romani delata esse: Sed & Alexandria, quum ad solennes epulas invitatis, more apud Reges usitato, coronæ aureæ missæ essent, eas ominis causâ acceptas, noctu statuis Regis imposuisse. Senatus & successu legationis, & gravitate legatorum mire lætus, gratiis actis quod sua continentia mores Romanos externis quoque nationibus venerabiles reddidissent: restitui munera, quæ in ærarium detulerant, præcepit. Continuo populus, ita demum rempublicam optime gestum iri dictitans, si dicescendi ex publicis negotiis infame*
- Zonaras.*
- Valerius Maximus*
- stu-*



*studium tolleretur; idem scivit: quæstoribusque pecuniam eam uti iussi erant prompte restituentibus, digni hoc abstinentiæ fructu homines, pari gloria & recusarunt Aegyptias opes, & receperunt. Q. Fabium qui caput legationis ejus fuerat, hoc quoque nomine prælatum tot egregiis viris existimo, ut à Censoribus M! Curio, L. Papirio Princeps senatus legeretur: quum nobilitate domus, & paternis meritis, simul consulatibus duobus totidemque triumphis, nulli jam honori impar videretur. Iisdem Consulibus M! Curius Censor Anienis amnis aquam in Urbem ducendam locavit, ex manubiis hostium. Ex quibus adeo privatim ditari noluit, ut aliquando, quum à malevolis interversæ pecuniæ argueretur, gutto ligneo, quo ad sacrificia uti consueverat, in medium prolato, juraverit se nihil præterea de præda hostili suam in domum intulisse. Vir profecto tum rerum gestarum magnitudine, tum etiam aliarum virtutum illustribus experimentis meritis,*

*Frontinus  
de Aquaductibus.  
Plinius 72  
II.*

*Frontinus*

*Auctor de  
Viris Illustribus  
cap. 30.*

ut



*Strabo lib.  
5.*

*Plutarch.  
in Apoph-  
tegmat.*

*Frontinus  
Stratego-  
matum  
4,3.  
Plinius  
18,3.*

ut quædam ejus insigniora dicta factaque, modico excursu adnotentur. Neque vero indignum, aut historiæ condendæ officio alienum judico ea referri, per quæ homines in republica versaturi, haud sane minus quam consiliis operibusque militaribus, ad felicitatem ex virtute petendam instruantur. Bello Sabino quum tantum prædæ fuisset, ut tum primum Romanos gustum divitiarum cepisse scriptor historiæ Fabius autumat, Curius nihil ex tam opulenta victoria, præter conscientiam famamque sibi vindicans, in pristina paupertate duritieque mansit: etiam publicæ continentiae magister idem idoneus, & severus custos. Agri enim captivi parte maxima publicata, privatis haud amplius quaterna dena jugera viritim divisit; ipse quum senatus majorem ei portionem adsignaret, eodem quem ceteris dederat agri modo contentus fuit, *malum esse civem dictitans, cui non idem, quod aliis, satis esse posset.* Hæc deinde in Sabinis villa Curiana fuit,

fuit, in qua forte rapa torrentem  
victi nuper Samnites quum adi-  
vissent, ingensque pondus auri ad-  
ferrent dono; *ego hæc*, inquit, *in*  
*fictilibus meis esse malo, & aurum*  
*habentibus imperare.* Cui villæ cum  
vicina prædia senior Cato possi-  
deret, eo ventitabat crebro, te-  
nuemque casam, & rusculum,  
quod vir tantus post tres trium-  
phos manibus suis foderat, cum  
recordatione vitæ abstinentissime  
actæ contemplatus, animum ad  
parem constantiam, antiquæ sim-  
plicitatis & virtutis æmulatione  
componebat. Et profecto viris  
haud aliis opus fuit ad imperii fu-  
turi tam firma ponenda funda-  
menta, quæ & impositam molem  
perferre possent, & non exteris  
modo concutientibus resisterent,  
sed ipsis quoque domesticis vitiis  
ægre vixque convellerentur.

*Plutarch.*  
*Auctor de*  
*Viris Illu-*  
*stribus.*

*Cicero Ca-*  
*tone.*

*Plutarch.*  
*Catone*  
*Majore.*

I. FREINS-

I. FREINSHEMII  
SUPPLEMENTORVM  
LIVIANORVM  
LIBER QVINTVS.

*Loco Libri Quintidecimi Liviani.*

*Zonaras.*

*Livii E-  
pit. 15.*

*Polybius  
1, 7.*

**S**Vperatis post multa certa-  
mina validissimis hostibus,  
partaque per Italiam pace,  
supererat ea deliberatio Pa-  
tribus, quemadmodum vi-  
ctoria bene uterentur. Multari  
parte finium omnes, qui arma  
contra tulerant, populos placuit:  
severiore adversum Tarentinos  
vindicta, quanto intemperantius  
offenderant. arma navesque tra-  
dere jussis, muri quoque diruti  
sunt, tributumque civitati imposi-  
tum: pax modo cum libertate  
concessa. Nihil deinde visum anti-  
quius, quam perfidiam puniri le-  
gionis, quæ Rheginis dolo cir-  
cumventis, oppidum eorum deci-  
mum jam annum pro suo possi-  
debat. Hi quum ante providissent,  
Romanis rebus quotidie lætiori-  
bus,

bus, suum scelus inultum non fore, quidquid ad communiendam urbem, viresque defensionis parandas pertinebat, solícite administraverant: non ignari, quod fraude vique partum esset, nisi iisdem illis artibus diu retineri non posse. Præter insitam ferociam freti erant amicitia Mamertinorum; successuque adversus Carthaginienses, deinde Pyrrhum, quo urbis suæ animorumque fortitudinem experti fuerant, hostibus ab obsidendi consilio cito depulsis. Itaque in tantum creverant rebellium & desertorum animi, ut Crotonem prodentibus quibusdam capere ausi, præsidium Romanum trucidare, urbem diruere sustinuerint. Igitur L. Genucio, qui cum C. Quinctio Consulatum eo anno gerebat, mandata est ultio: compulsiisque intra mænia perduellibus urbs obsessa. Sed illis suas & Mamertinorum vires non instrenue opponentibus, quum incommoda quædam passus Consul etiam rerum necessariarum penuria laboraret, ab Hierone, qui Syracu-

*Zonaras.*

*Orosius*  
4, 3.

*Anno ab*  
*Urbe Cond.*  
482.

*Zonaras.*

sis



Livii E-  
pit. 15.

Zonaras.

Orosius.

Val. Max.  
2, 7, 15.

sis principatum obtinebat, frumento & milite adjutus est. Hic enim Mamertinis infensus, etiam socios eorum Rhegium tenentes oderat: incrementis quoque Romanorum, ut eorum animos ad usum sequentium temporum beneficiis occuparet, movebatur. Sic ad extremum ad deditiōem urbe coacta Mamertinos certis conditionibus adstrictos dimisit Consul, perfugas & latrones, quorum multi Rhegium, velut ad asylum concurrerant, adfecit supplicio: legionarios autem milites abduxit Romam, ut de ipsis Senatus statueret. Magnum inde publicæ severitatis exemplum sequitur. Senatus primum *omnes qui adducti in Consule fuerant, in carcerem condijussit: ut inde ad supplicium capitis promerentur.* Deinde, quum intercessisset Senatus consulto tribunus plebis M. Fulvius Flaccus, denunciāns, *ne in capita civium Romanorum adversus leges & morem majorum animadverteretur; constantia Patrum tribunitii clamores sprete sunt: suppliciumque de nocentibus*



bus sumptum. Ne tamen invidia facti tam acerbi, plebisque mœstia gravior foret, si tanta hominum multitudo eodem tempore interficeretur; singulis diebus quinquaginta ducti sunt, quos virgis cæsos securi percusserunt. Senatus etiam corpora sepeliri, mortemque cujusquam eorum lugeri vetuit. Decius Iubellius, qui ad eam usque diem oculis suis superstes vixerat, ut majore cum dolore moreretur; in carcere manus sibi attulit. Plures auctores sequutus legionem totam, hominum millia quatuor Romæ in foro securi percussa retuli. Sed verius puto quod à Polybio traditur, ex ea legione viros in potestatem venisse admodum trecentos; reliquum numerum dum urbs capitur ferociter repugnando cædi maluisse. non ignaris omnibus, post delicta tam enormia nihil ex deditioe aliud, quam plures cruciatus, mortemque graviore cum ignominia conjunctam expectari posse. Urbs Rhegina prioribus incolis, quod eorum usquam reperiri conquirique poterat, cum liber-

*Frontinus  
Strategemat. 4, 1.*

*Appianus  
apud Valesium.*

*Livius  
28, 28.*

*Polybius  
1, 7.*

*Appianus*

*Zonaras.*

*Livius*  
31, 31.

*Anno ab*  
*Urbe Con-*  
*dita 483.*  
*Polybius*  
2, 16.

*Columna*  
*Capitoli-*  
*na.*

*Zonaras.*

*Augusti-*  
*nus de Civ.*  
*Dei, 3, 17.*

bertate legibusque suis, reddita est. Hoc justitiæ fideique documentum Romanæ civitatis existimationem largiter auxit: neque minus amoris eo factò, quam per arma metus apud Italicos vicinofque populos quæsitum. C. deinde Genucii. Cn. Cornelii Consulatus bellum cum Sarsinatibus habuit. Vmbrorum ea gens Apenninum incolentium, quibus caussis in arma fuerit acta, quaque spe formidabili jam Romanorum potentiæ se opposuerit; silentibus scriptorum reliquiis, divinare non potui. Totius etiam belli series penitus intercidit, nihilque ad nos ex veteri rerum istarum memoria pervenit, nisi quod à Cn. Cornelio de Sarsinatibus triumphatum est. Asperrimam his Consulibus hyemem fuisse Romæ traditur; ut arbores emortuo succo aruerint, Tiberis densa glacie concreverit, jumenta & pecudes inopia pabuli contabuerint. tantaque fuit inclementia cœli, ut in foro Romano nives horrendæ altitudinis per dies quadraginta continuos duraverint.

verint. Res inusitata, ut fit, à multis prodigii loca habita, vehementi terrore hominum animos percelluit: intentiore statim metu, quum Q. Ogulnio Gallo, C. Fabio Pictore magistratum ingressis multa cernerentur ostenta, multa nunciarentur. Romæ enim ædes salutis, & pars muri sub eodem loco, de cœlo tacta. Lupi tres ante lucem Urbem ingressi semesum cadaver intulerunt, membratimque laceratum, in foro, ipsi strepitu hominum exterriti, reliquerunt. Formis mœnia fulmine sæpius icta disiectaque nunciabantur: & in agro Caleno diducta repente terra flammam erupisse alatum, quæ triduo toto flagrans quinque agri jugera usque in cinerem exussit, ut non modo fruges eo loco cunctæ, sed etiam arbores radicitus emorerentur. Plus ea res timoris Romæ, quam calamitatis attulit. Nihil enim magnopere consequutum est, nisi quod bellum à Picentibus ortum, annoque sequente confectum eam quoque regionem Romanæ ditioni adjecit.

Anno ab  
Urbe Con-  
dita 484.

Orosius  
4, 4.

Entropius  
lib. 2.

- Livii Epit. 15.* cit. Interea in Vrbe signandi argenti primum initium fuit, auctis jam successu rerum opibus, quum ad eam diem æs tantummodo
- Zonaras.*
- Plinius 33, 3.* Romæ in promiscuo pecuniæ usu fuisset, tum autem denarii quinarique ex argento cusi, qui pro libris totidem æris essent; alique minores, qui dupondio & semisse quum æstimarentur, ex re sunt
- Suidas in Μονή-7α.* festertii appellati. *Moneta* dicta quod in æde Iunonis Capitolina cuderetur. Cognomen enim illud inditum Iunoni fuerat, quod bello Pyrrhi & Tarentino consulentes de pecuniarum inopia Romanos monuisset, *pecuniam non desore iustitiam & arma colentibus.* Consules C. Gallus, C. Fabius ad compræhendendum Lollium Samnitum profecti sunt: qui quum obses Romæ fuisset, clam elapsus, castello quodam occupato faciebat latrocinia: populariumque animos vix adhuc certa pace compositos, ad defectionem incitabat. Atque is quidem cum collectitia & maximam partem inermi turba non diu restitit; in Caricinis (ea quoque Samnii
- Zonaras.*
- Ptolemaus*

Samnii pars est, Frentanis prior) laboris periculique plusculum fuit. Dum locus munitus, qui *Zonaras.* prædarum Lollio receptaculum fuerat, expugnatur; ancipiti casu, ex spe magna in timorem, ex timore ad victoriam subito ventum est. Inducti quidam ex propugnatoribus impunitatis pacto, nocte sublustri Romanos intra moenia receperunt. Concurrentibus ad tumultum oppidanis, quum manus conseri cepisset, magna vis nivis repente coelo delapsa conspectum eripuit præliantibus. Ea res Caricinis adversus locorum ignaros ita profuit, ut maximo in discrimine Romana signa versarentur: jamque prope aberat, ut cogerentur referre pedem, quod inter tenebras fieri citra magnum detrimentum nequibat: quum subito cessante nivium casu reddita luna est; cæcoque metu liberatis promptum ad victoriam iter virtute partum. Ex turbæ impedimento videntur fuisse, ne Picentes iis Consulibus perdomarentur. Insequente autem anno P. Sempronius *Anno ab Vrbe Condita 485.*  
So-



*Eutropius*  
*lib. 2.*

*Vellius* 1,  
14.  
*Livius*  
*Epit. 15*  
*Velleius.*

*Livii Epi-*  
*toma.*

*Val. Max.*  
6, 5, 1.

*Pighius in*  
*Ann. 485.*

Sophus, Appius Claudius Cæci F. Crassus consulatu inito bellum illud aggressi, rem ex sententia confecere. Sub eadem ista tempora in Piceno, qui ager Senonum Gallorum fuerat, Ariminum colonis occupari placuit; Maleventum in Samnio: sed nomine, quod ominosum esse videbatur, mutato, *Beneventum* colonia dicta est. Sabinis, qui ante aliquot annos accepti in civitatem fuerant, tum suffragii quoque jus datum. In Umbria res etiam à Claudio gestæ, Camarinumque oppidum captum: incolæ sub corona venditi. sed quia parum liquida fide gestum ab Imperatore bellum videbatur, utilitatem populus Romanus justitiæ posthabuit: *conquisitosque Camertes redimi ab emptoribus, receptisque in civitatem locum ad habitandum in Aventino colle adsignari, & prædia sua restitui* jussit. At Picentinæ victoriæ majus gaudium fuit: resque digna visa, quæ denariis argenteis nuper cudi ceptis impressa, & pluribus statim innotesceret, & ad memoriam servaretur

retur posteritatis. Nummos Picum repræsentantes, Saturni filium (nam is gentis auctor creditur) & ab alia parte dextram à magistratu Romano porrectam supplicanti, ex senatusconsulto cuedendos curavit Q. Cædicius Quinti Filius. Et certe luculentam ea gente pacata virium accessionem factam vel inde constare potest, quod trecenta sexaginta Picentium millia in fidem populi Romani venisse traduntur. Eo bello triumphum Consules meruerunt duxeruntque: insigniore tamen P. Sempronii gloria, quod adversus validiores hostium copias, periculoque & contentione maiore certaverat. Res enim prodigiosa tum accidit, ut instructa utrimque acie, sub ipsum committendi prælii tempus, terra subito moveret. Sed Consul apta temporis oratione territos militum animos confirmavit: *haud minus hostes religione non necessaria perturbatos dictitans, ejusque victoriam fore, qui excusso inani metu adversarium sui non bene compotem prior invasisset.*

Plinius  
33, 13.

Columna  
Triumphales.

Eutropius

Frontinus  
Strategematum I,  
12.

- Florus* 1.  
19. *plo* deinde *Telluri* dea voto, si *populo Romano* victoriam dedisset; impetum in hostes fecit. Neque hi segnius excepere certamen, cædesque tam atrox fuit, ut etiam victoris exercitus pars minor evasisse dicatur. Ab hoc prælio, quum alia Picentium oppida, tum caput gentis Asculum, situ murisque tutissimus locus, Sempronio se dederunt. Hujus deinceps exemplo Picentium omne nomen imperata facere pollicitum, à Senatu pacem obtinuit. Iam Italia tota, qua Siculum Ioniumque mare spectat perdomita, soli restabant Sallentini, qui ad extremas Italiæ oras colunt, qua mare superum Ionio committitur. ad hos igitur à Picentibus bellum, veluti contagione quadam pervasit: iisque M. Atilio Regulo, L. Iulio Libone Consulibus indictum est. Crimine datum, quod Pyrrhum ex Epiro venientem, portubus oppidisque suis recepissent. Ceterum commoditas portus Brundusini, qui eodem vento spirante & dimittere naves potest, & accipere, faci-
- Orosius*  
4, 4.
- Florus.*
- Strabo lib.*  
6.
- Livii Epitoma.*
- Florus, 1.*  
20.
- Entropius*  
*Anno ab*  
*Urbe Cond.*  
486.
- Ennius*  
*lib. 6.*
- Zonaras.*

facilisque inde in Illyricum & Epirum trajectus, quodque opportunius videbatur ipsis Italiae finibus imperium terminare, veriores belli causae putabantur. Triumpharunt ex his ambo Consules una die, quae fuit octava Kalend. Februar. Fusis acie Sallentinis, nobilissimum eo tractu oppidum Brundusinum ceperant: aliaque prospere gesserant: adjuti, ut ferebant, à Pale pastorum dea, quae premium victoria petiisse ultro dicitur, ut ades sibi Romae dedicaretur. Majori parte Sallentorum ab his subacta, victoriam sequentis anni Consules absolverunt. Numerius Fabius C. F. M. N. & D. Iunius D. F. D. Nepos Pera fuere. Ab his Umbri simul atque Sallentini in deditionem accepti. Sic universa jam Italia perpacata qua maribus & amne Pado finitur, è vestigio per insulas propinquas, & adsitam Ionio Adriaticoque pelago continentem, aliorum spe, aliorum formidine celebrari Romana magnitudo coepta est. Nam quibus studium erat per-

*Columnae  
Triumphales.*

*Florus 1,  
20.*

*Anno ab  
Urbe Con-  
dita 487.*

*Livii E-  
pitoma.*

*Strabo  
lib. 7.*

*Livii. Epi-  
toma.*

*Dio apud  
Valesium.*

*Zonaras.*

injurias vicinorum crescendi, suis consiliis impedimentum à Romano metuebant: aliis ex diverso præsidium istud adversus impotentiam adversariorum, tamquam divinitus oblatum amplexantibus. Primi omnium Apolloniatae missis Romam legatis in amicitiam recipi petierunt. Urbs illa sexaginta stadiis à mari recedit, à Corinthiis & Corcyraeis condita, commodumque portum habet, qua proximus in Græciam à Brundisio trajectus est. Illyricæ Macedonicæque circum gentes colunt: igitur inter potentes & cupidos libertatem suam ægre tuebatur. Ab Senatu non tam civitatis ejus opes, quæ tenues erant, quam spem futuri, & apertam ad majora occasionem reputante per quam humaniter accepta est legatio. quo gravior mox vindicta fuit in quosdam ordinis Senatorii juvenes, qui legatos orta contentione pulsaverant. Q. enim Fabium neque magistratus dignitas, ædilitatem enim gerebat, neque generis amplitudo tutata est, quin Apollo-

nia-



niatibus ob eam noxam dedere- *Valerius*  
 tur. Deditus est etiam Cn. Apro- *Maximus*  
 nius itidem ædilis, ejusdemque *6,6,5.*  
 culpæ reus. *Hos igitur per feciales*  
*legatis Apolloniatarum tradi, qua-*  
*storemque cum his Brundisium ire*  
 Senatus censuit, *ne quid in itinere*  
*legatis à deditorum propinquis ami-*  
*cisve noceretur.* Magnum sane fi-  
 dei publicæ documentum; sed non  
 inferius prudentiæ: quum enim  
 opinione justitiæ nationum exte-  
 rarum animos ad amicitiam suam  
 attrahere desiderarent; magnope-  
 re intererat, injurias eorum, qui  
 primi ad societatem jungendam  
 venissent, quam accuratissime vin-  
 dicari. neque enim quidquam de-  
 stinatis eorum tam inimicum fieri  
 potuisset, quam si commissum es-  
 set, ut & Apolloniatas facti sui,  
 & alios exempli pœniteret. Atque  
 ab hac utilitate receptum, con-  
 stanterque sequutis etiam tempo-  
 ribus servatum est, ut qui legatos  
 civitatis liberæ pulsavissent, iis, *L.17. ff. de*  
 quorum erant legati, dederentur. *legatis.*  
 Ceterum Appolloniatae deditis in  
 suum oppidum adductis, plus se

*Zonaras.**Anno ab  
Urbe Con-  
dita 488.**Florus I,  
21.*

commodi ex humanitate quam ex  
vindieta consequuturos prudenter  
arbitrati, domum incolumes re-  
miserunt. Hoc anno ab utroque  
Consule, bini sunt triumphi ducti.  
D. Iunius ante diem quintum Kal.  
Octobres, Numerius Fabius an-  
te diem tertium Nonas ejusdem  
mensis de Sallinatibus Vmbrorum  
populo triumpharunt: Iterum Ka-  
lend. Februariis Fabius; Nonis Iu-  
nius, de Sallentinis & Messapiorum  
gente quæ Sallentinos accolæ au-  
xiliis juverat. Is finis eo tempore  
bellorum Italicorum fuit. Nam  
quod anno sequente, Q. Fabio  
Gurgite tertium, L. Mamilio Vitu-  
lo consulibus, ad Volsinios gestum  
est, non cum justis hostibus bel-  
lum, sed adversum scelestæ servitia  
pro sociis ultio fuit. Etruscorum  
gens opulentissima Volsinii fidem  
populi Romani contra servos  
quondam suos implorabat. Vbi  
enim inepto consilio, siue quod su-  
perioribus bellis attritas vires ita  
recreari posse sperabant; siue deli-  
ciis ipsi diffuentes, armorum labo-  
rem fugiebant: servis libertate &  
civi-

civitate donatis, ea permiserunt. Inde communicatis etiam honoribus in Senatum legi, magistratusque fieri ceperunt. Ita brevi oppressis veteribus civibus, translataque in se republica, datam à dominis libertatem adversus ipsos insolentissime exercuerunt. Matronas honestas virginesque per vim constuprari: maritis parentibusque de injuria conquirentibus pro vindicta legum, contumelias & ludibria rependi: arbitrio petulantissimorum nebulonum rapi, trahi, vexari omnia, Vulsiniis jam in morem venerat. Neve prætercatur insigne monumentum, quem ad finem servilium animorum belluina impudentia possit procedere, si nacta potentiam fuerit; lege lata sanxerunt, *uti libertinis in patronorum filias ac uxores stupri jus esset: floremque virginis ingenuo nuptura primum aliquis ex suo ordine delibaret.* Vulsinienses igitur veteres, quum neque ferre diutius miseras istas, neque propulsare viribus suis possent; consilio clam inter se habito, legatos Romam mittere decreverunt.

*Ioannes Antiochensis apud Valesium.*

*Florus.*

*Val. Max. 9, 1, 2. ext.*

*Zonaras.*

*Auctor de Viris Illustribus, cap. 26.*

*Zonaras.*

runt. Si secretis precibus impetrato uti privatis in ædibus Senatus cogeretur, perniciem enim sibi, si res emanasset, impendentem prospiciebant: oratione flebili calamitates urbis suæ exposuerunt. quæ moti Patres, opem miseris ad recuperanda pristina jura promiserunt. Sed hæc quum acta secreto putarentur, iis qui fuerant accusati per Samnitem quendam indicata sunt. Is, quum in ædibus ubi Senatus convenerat, hospes domini ægrotaret, per oblivionem eo in loco relictus exceperat dicta prodideratque. Quæstiones igitur de legatis Roma reversis habitæ sunt; compertoque negotio, & ipsi & principes alii civitatis crudeliter interfecti. Eo justior inferendi belli causa visa: missusque cum exercitu Q. Fabius Cos. occurrere aulos in fugam vertit, magnumque fugientium numerum cecidit: ceteros qui intra munimenta se receperant, actis operibus oppugnare instituit. Sed illis non segnius resistentibus, quum levia ut solet certamina crebro fierent, Con-

*Julius*  
*Obsequens*  
*de prodigiis cap.*  
 27.



Consul, dum incautius inter tela versatur, vulnus accepit, & in ejus deinde curatione decessit. Obsessi, casu eo cognito, eruptionem summis viribus fecere, sperantes exercitum interitu ducis turbatum, si subito invaderetur, à mœnibus submoveri posse. Verumtamen eventus proclii contra dedit: excepti ferociter à militibus Romanis, & in urbem iterum cum clade compulsi sunt. Huic ego pugnae Decium Murem præfuisse crediderim: hic enim legatus esse Fabio, & post necem ejus donec successor veniret, bellum administrare potuit, atque inde esse reor, quod apud negligentiores historicos, Vulsiniensis belli coepti finitique titulus Decio Muri adscriptus est. Censores eo anno creati Cn. Cornelius L. F. Cn. N. Blasio, & C. Marcius, qui quum antea quoque censuram gessisset, in hoc honore Censorinus appellatus est. Memorabilis hujus Marcii moderatio fuit, qui accepta potestate, quam non ambiverat, populum ad concionem vocatum

*Auctor de  
Viris illustrib. cap.  
36.*

*Capitolina  
Marmora.*

*Val. Max.  
4, 1, 3.*



*Plutarch.*  
*Coriolano*  
*cap. I.*  
*Livii E-*  
*pit. 15.*

*Tacitus*  
*II, 22, 6.*

*Anno ab*  
*Vrbe Cond.*  
*489.*

*Agellius*  
*17, 21.*

gravissima oratione increpuit, quod magistratum illum bis eidem mandavisset, cuius tempora, non aliam ob causam, quam quia nimia potestas ejus esset, coarctanda sibi majores judicassent. Inde profecta lex est, qua cautum ne quis Censor iterum fieret. Eodem anno Quæstorum numerus ampliatum est. Quatuor hactenus successerant: Urbani duo: totidem ad bellum exeuntibus Consulibus adjungebantur. Sed proximis aliquot annis, aucta majorem in modum republica, vectigalibusque ac portoriis multis accedentibus, duplicari numerum istum necesse fuit. Appius deinde Claudius, qui in magistratu Caudex cognominatus est, & M. Fulvius Flaccus Consules sequuntur; annus cœpto primum adversus Pœnos in Sicilia bello memorabilis. Tum enim inter duas potentissimas civitates inimicitiae primum erupere, quæ multos post annos, illatasque & acceptas horrendas clades, non nisi alterius excidio finiri potuerunt. Sed prius  
de

de Carthagine quædam altius repetenda sunt , quam ad bellorum istorum expositionem accedamus. erunt enim his in rebus enarrandis multa intellectu judicatuque difficiliora , nisi primum origo urbis & incrementa cognoscantur.

I. FREINSHEMII  
SUPPLEMENTORVM  
LIVIANORVM  
LIBER SEXTVS.

*Loco Libri Sextidecimi Liviani.*

**C**arthaginem à Tyriis  
Phœnicibus conditam ef-  
se, præter veteris histo-  
riæ fidem, etiam perpe-  
tua civitatum istarum,  
donec floruerunt, amicitia; præ-  
terea linguæ nunc quoque ma-  
nentis manifesta similitudine cer-  
tum atque testatum est. Ex ea gen-  
te ferunt Elisam, quæ & Dido  
cognominata est, filiam Agenoris  
Belo geniti, quod Pygmalionem  
iisdem parentibus ortum, ob in-  
justam mariti sui Sichæi cædem  
odisset, patria profugam; cum  
Africæ sinum, peninsulamque in  
qua post condita Carthago fuit,  
tenuisse: parvis admodum rei tan-  
tæ initiis, ac potentiæ, quæ deinceps  
consequuta est, spem nullam  
ostendantibus. Quippe non plus  
ter-

*Justinus*  
18, 5.

*Appian.*  
*Libyc.*

*Strabo l.*  
17.

terræ ab incolis emisse Elisa creditur, quam corio bovis amplecti posset: hoc in tenuissima lora dissecto majus aliquanto spatium, quam venditores intelligebant petiti, compræhendit; arcique struendæ suffecit locus, quam ex eo *Byrsam* appellatam putant. Inde multis, commerciorum gratia cum advenis colendorum sedes juxta statuentibus, quum jam instar civitatis effectum esset; Afrique mansuetos homines & divites secum retinere cuperent, facile adfensi sunt venientibus ab Utica legatis, qui *suo exemplo* (nam & Utica colonia Tyriorum erat) *ad condendam iis locis urbem* hortabantur. Ita convenit, ut Afri sedem oppidi Phœnicibus concederent: hi annum eo nomine vectigal penderent Afri. Operi perfecto Elisa lingua sua nomen imposuit *Carthadas*, quod urbem novam significat; Græci Carchedona, Romani aberrante, ut fit, pronuntiatione Carthaginem vocaverunt. Ea quum & vicinos faventes, & populum industrium, &, quod maximum

*Livius*  
34, 61.

*Iustinus.*

*Strabo.*

*Iustinus.*

*Velleius*  
I, 2, 6.

*Cato apud*  
*Solin.*

קרת  
חדשה

*Berneggerus ad Iustinum 18, 6, 9.*

*Iustinus.*

ximum est, sapientem Reginam haberet; admirandis incrementis brevi convaluit. Hæc ante Romanam urbem conditam anno circiter septuagesimo acta videntur: nam inter auctores, ut in re tam antiqua parum convenit. Sed Eliæ quemadmodum vita casuum varietate nobilis, sic etiam memoranda mors fuit. Iarbas Africanæ cujusdam gentis regulus nuptias ejus ambibat, ni adsequeretur, bellum minitans. Sed illa castitate insigni, & mariti prioris amore, nuptias averfabatur: bellum rebus adhuc nascentibus & teneris exitiosum fore intelligebat. Igitur tempore ad deliberandum sumpto, quasi tandem vicisset animum, & ad nuptias Africanas adduxisset; in extrema tum urbis parte rogam exstrui iussit, priusquam novum matrimonium ingrederetur, Sichæo suo inferias daturam præferens. tum hostiis multis immolatis, ad ultimum ipsa conscendit pyram, & gladio quem secum attulerat sibi mortem conscivit; charitate viri & civium propriæ



priæ incolumitatis curam superante. Retulerunt Carthaginienses quam potuere gratiam; & admiratione virtutum ejus, donec res publica salva fuit, pro dea venerati sunt. ædes in loco ubi vitam exuerat structa: ipsa *Dido* (sic sermone suo viraginem Pœni vocant) appellata. Quum deinde nemo unus successionem regni post Elisam dignus haberetur, mixta optimatum & populi potestate gubernari civitas cepit. Regia tamen appellatio manebat, sed ii Lacedæmoniis Regibus similes erant; nisi quod nulli certæ domui addictus honos, ut quisque nobilitatem divitiis & virtute ceteros anteibat, mandabatur. Hi foris bellorum administrationem habebant; unde *Prætores* atque *Dictatores* à Romanis, potestatem eorum cum sua republica comparantibus appellari solent: domi principes consilii publici erant: cum eo de negotiis civitatis statuebant: de majoribus rebus, referebatur ad populum; ejus judicium in dissenſu Regum atque Senatorum vale-

*Silius Ital. lib. 1.*

*Servius Fuldenſis in Virg. Æn. 1, 344.*

*Aristotelis Politicorum 2, 11.*

*Bongarsius ad Justinum 22, 7.*

*Aristoteles*

*Polybius*  
6,49.

*Livius*  
30,6.

*Cornelius*  
*Nepos. Ita-*  
*miliare*  
cap. 3.

*Iustinus*  
19,1.

valebat. eidem jus erat etiam ad-  
versus placita Regibus & Consilio  
sciscendi, si forte contra rempu-  
blicam esse (id autem licebat cui-  
vis coarguere) viderentur. Quæ  
nimia populi potestas, quum ad-  
sentatorum studiis, ut fieri amat,  
in immensum augeretur, sequenti-  
bus temporibus Carthaginensium  
rebus vehementer nocuit: In Sena-  
tu porro Seniores triginta quasi  
sanctius consilium erat: & horum  
in ordine universo plurima vis. De-  
coris publici disciplinæque custo-  
diam censoria potestate Præfe-  
ctus morum exercebat. Successu  
temporum, majoribus jam po-  
puli Carthaginensis opibus, plu-  
res ad bellum imperatores deligi  
ceperunt. Ex quibus præcipuæ vir-  
tutis & felicitatis Mago, quum  
duos filios, suis artibus instructos  
reliquisset, atque easdem illi quo-  
que numerosiori jam suboli veluti  
per manus traderent, evenit, ut  
ejus familiæ nimia potentia no-  
vis remediis coërcenda videretur:  
creatique centumviri, penes quos  
de ipsis quoque ducibus judicia  
fo-

forent; formidabilis potestas, vel  
 amplitudine juris, vel diuturni-  
 tate temporis, perpetui enim erant: *Aristote-  
 les.*  
 quum jam Reges ipsi non in per-  
 petuum, neque longum adeo ad *Corn Nepos.*  
 tempus, sed annui crearentur: **שופט**  
 quos domi frequentius *Suffetes*,  
 id est iudices nominabant, Con-  
 sulibus Romanorum similes. Sed *Livius*  
 centum viros insolentius se geren- *30, 7.*  
 tes lex Annibalis in ordinem coë- *Livius*  
 git, sancito, ut in singulos annos *33, 32.*  
 iudices legerentur, ne quis bien-  
 nium continuum iudex esset. Sa-  
 cra maxime Tyro advecta cole-  
 bant; quædam etiam post adsum-  
 pta. Iunonis cultus præcipuus: *Virgil.*  
 neque levis AEsculapii; cui magni- *lib. 1.*  
 ficum templum in ipsa urbe stru- *Strabo lib.*  
 xerunt. Apollinis etiam locuples *17.*  
 ædes fuit, laminis aureis tecta, *Appian.*  
 cum celebri simulacro, quod ex- *Punicis.*  
 cisa Carthagine Romani ave- *Plutarch.*  
 ctum, juxta circum Maximum *Flaminio*  
 collocaverunt. Ad Herculem vero *cap. 1.*  
 Tyrium quotannis magna cura *Polybii le-*  
 delectam navem, cum decimis *gat. 114, 3.*  
 annuorum proventuum, aut par- *Diodorus*  
 tarum bello manubiarum, mit- *20, 14.*  
 tebant.

*Iustinus*  
18, 7.

*Hieron. in*  
*Esai. c.*  
46.

*Plinius*  
36, 5, 37.  
*Freinshe-*  
*mii Com-*  
*mentarius*  
*in Cur-*  
*tium* 4, 3,  
23.

*Aristot.*  
*Polit. 2,*  
*11.*  
*Cicero con-*  
*tra Rul-*  
*lum* 2, 35.

*Polybius*  
6, 49.

tebant. Ab iisdem conditoribus suis, alium etiam ritum horrendæ religionis hauserant, ut Saturno, quem ipsi *Belum* vocant, quotannis victima humana facerent: cujus immanitatis reliquæ ne cum ipsa quidem urbe tolli penitus abolerique potuerunt. Ceteros civitatis mores plerumque commerciorum utilitas moderabatur: quibus gens natura & majorum instituto deditissima, prudens imprudens omnes suas rationes consiliaque accommodabat. Hinc inevitabili malo, divitiarum admiratio honosque comitia corripit magistratum: virtutem pecuniæ subjectam debilitavit: populum inflammavit opum cupiditate, fraudumque & mendaciorum servili consuetudine infecit: remque publicam harum rerum se studio totam tradere compulit. Inde enim processit, ut neque fidei multum in Punicis fœderibus, & virium publicarum longe maxima pars in classibus esset; pedestris militia, robur atque firmamentum omnis imperii, nul-



nullo, equestris, modico in honore usque: quoties terra bellandum, mercenariis copiis res geretur; quarum neque charitas ulla in rempublicam, & fides venalis, & discordia molesta, & conspiratio terribilis esset. adeo capitali errore, ut non alius hostis, ante ultimum excidium, rem Punicam tam prope ad extremam desperationem adduxerit. Neque minor ex eo malorum seges, quod qui in magistratibus & curationibus erant, mutua dissimulatione peculatum impune exercebant: ut sic quoque minus mirandum esse videatur, si bello inter has civitates exorto, superiores Romani fuerunt; quorum Senatores duris temporibus suam pecuniam in publicum conferebant, quum Carthaginenses rempublicam haberent quæstui. Sed hæc vitia cum ipsa urbe adoleverunt: quare primum quidem, ut infirma & modica, non ægre tolerabantur: post aliquamdiu sustinere potuit imperii magnitudo, & quidam singulari virtute duces, quorum maxime

*Polybius*  
1, 67.

*Polybius*  
1, 65.

*Livius*  
33, 32.



*Iustinus*  
19, 1.

*Iustinus*  
19, 2.

*Iustinus*  
4, 3.

*Herodotus*  
1, 165.

me opera quidquid felicitatis Carthago habuit, comparatum stabilitumque comperio. Sed ab initio quidem adversus Afros vectigal pro solo urbis reposcentes dimicatum est: idque jus non nisi repetitis bellum extortum. Inde prolatum etiam imperium: Africaeque pars cultissima sub ditionem populi Carthaginensis redacta. In Sardiniam autem, deinde Siciliam, ut trajiceretur, maris opportunitas; & illius insulae rudis ad resistendum barbaries, hujus ob discordias perpetuas potentiorum injuriis exposita pulchritudo invitavit. In Corsicam ex Sardinia facilis transitus, & insulae non opulentissimae promptior occupatio fuit. At in Sicilia diutissime varia fortuna dimicatum est: maximasque & victorias ex iis bellis, & clades, Poeni retulerunt. Et Amilcar quidem Hannonis F. quum trecenta hominum millia in Siciliam deportasset, à Gelone victus, interiit. qua calamitate perculsi Carthaginenses abstinuere Sicilia, donec ab AEgestanis, quos Seli-

Selinuntii premebant, exorati, Annibalem Amilcaris filio Gescone natum emisserunt. Is Selinunte ac Himera excisis, magnam iterum potentiam Pœnis in Sicilia comparavit. Imilco Leptinem Dionysii majoris fratrem ducemque in Siculo mari vicit, navesque cepit aut depressit centum, viro-*Diodorus*  
13, 43.

rum interfecit plusquam viginti millia: multas Siciliae civitates obtinuit; partem quoque Syracusarum cepit: sed orta repente pestilentia, toto ferme absumpto exercitu, cum paucis cum Carthaginem redire compulit. Neque tamen spem Siciliae occupandae abjecerunt Pœni, sed paucis post annis cum alia classe Hannonem adversus Dionysium bellare juss-*Diodorus*  
14, 60.

runt. Postea Magonem ab Iceta vocatum, & in ipsa jam Syracusana urbe castra cum peditum sexaginta millibus habentem Timoleon eiecit. Mox Annibalem & Amilcarem septuaginta millia militum adducentes idem Timoleon pugna magna vicit, castrisque exuit. Sed haud temere velocior iis ullo*Iustinus*  
20, 5.

versus Dionysium bellare juss- runt. Postea Magonem ab Iceta vocatum, & in ipsa jam Syracusana urbe castra cum peditum sexaginta millibus habentem Timoleon eiecit. Mox Annibalem & Amilcarem septuaginta millia militum adducentes idem Timoleon pugna magna vicit, castrisque exuit. Sed haud temere velocior iis ullo*Plutarch.*  
*Tim. leon-*  
*te cap. 24.*  
*& 30.*

versus Dionysium bellare juss- runt. Postea Magonem ab Iceta vocatum, & in ipsa jam Syracusana urbe castra cum peditum sexaginta millibus habentem Timoleon eiecit. Mox Annibalem & Amilcarem septuaginta millia militum adducentes idem Timoleon pugna magna vicit, castrisque exuit. Sed haud temere velocior iis ullo*Ibidem.*  
*cap. 37.*  
*& 42.*

versus Dionysium bellare juss- runt. Postea Magonem ab Iceta vocatum, & in ipsa jam Syracusana urbe castra cum peditum sexaginta millibus habentem Timoleon eiecit. Mox Annibalem & Amilcarem septuaginta millia militum adducentes idem Timoleon pugna magna vicit, castrisque exuit. Sed haud temere velocior iis ullo  
bel-

*Iustinus*  
22, 4.

*Iustinus*  
22, 8.

*Iustin. 44,*  
5.

*Curtius 4,*  
4.

*Polybius*  
1, 10.

bello majorve conversio fortunæ, quam adversus Agathoclem fuit: qui victus in Sicilia, obsessus Syracusis, nulla evidente spe salutis, ultro transduxit in Africam bellum, Carthaginensesque multis proeliis victos, desciscientibus passim Libybus, in maximum periculum metumque conjecit: domum deinde reversus, Sicilia tota expulit, donec mors regis, & ex ea turbæ, spem iterum occasionemque repetendæ possessionis aperuerunt. Exinde, ut diximus, vario Marte cum Pyrrho bellavere, ad extremum superiores. Interim etiam in Hispania civitates quædam stipendiariæ factæ, quum Gaditanis opem adversus accolæ petentibus, cognato populo (nam & Gades Tyrii condiderant) auxilium Carthagine missum, vicinas aliquot Hispaniæ regiones Punici juris fecit. Is ferme Carthaginis status erat, quo tempore bellum adversus Romanos sumpserunt. Siciliam vero, qua Punicæ ditioni subiecta non erat, majori ex parte Syracusani, & Rex eorum Hiero poss.

possidebat : reliqua Mamertino-  
rum armis tenebantur. Ii donec *Polybius*  
Romanorum qui Rhegium occu- 1,8.  
paverant societate uti potuerunt, sua  
defendisse non contenti, etiam  
Punicos Syracusanosque fines in-  
cursabant: denique oppida Siciliae  
multa, quo vastationem agrorum,  
& alia incommoda redimerent,  
vectigal pendere coegerunt. Sed  
expugnata urbe Rhegina, defecto-  
ribusque supplicio affectis, nudati  
hoc subsidio Mamertini priores  
opes tueri nequiverunt: & amissis  
ferme quae extra Messanam te-  
nuerant, de urbe ipsa cum Hiero-  
ne Syracusano dimicabant. De quo  
Rege, quoniam ipse quoque tem-  
poribus eisdem hostis populi Ro-  
mani, mox per annos sane multos  
socius & amicus fidelissimus, &  
ingens ad res constituendas mo-  
mentum fuit; paulo copiosius ex-  
ponendum puto. Nam & in eo  
rara felicitas, & magna virtus, &  
prudentiae vis eximia fuit: eaque  
tempestate Syracusanorum opes  
& floruerunt cum Hierone, &  
concciderunt. Hic igitur nullo ne-  
que



*Polybius*  
*lib. 7. apud*  
*Valesium,*

*Liv. 24,*  
*4, 4.*  
*Polybius.*

que divitiarum, neque gloriæ  
 majoribus relictæ, neque alio ali  
 quo tali præsidio adjutus, omnem  
 fortunam suam sibi debuit: non  
 ut plerique ad magnam poten  
 tiam ex tenui loco criminationi  
 bus meliorum, aut nece fugave  
 adversantium provectus; sed mo  
 destia & in parandis opibus, & in  
 habendis, singulari: recte conj  
 ciens, nullum esse regnum stabi  
 lius, quam quod ita exercetur, ut  
 magis hoc timeant amittere qui  
 bus imperatur, quam qui imperat.  
 Itaque quum annos quatuor &  
 quinquaginta præfuisset, idque iis  
 temporibus, quibus collisæ duæ  
 potentissimæ civitates de princi  
 patu terrarum summa contentio  
 ne pugnabant, ipse nullo foris bel  
 lo, si primos annos excipias, nullis  
 domi insidiis petitus, nonagena  
 rio major; quum ad eam ætatem,  
 certo temperantiæ argumento,  
 sensus integros corpusque firmum  
 pertulisset, obiit: non suis modo  
 charus, sed etiam apud Romanos  
 pariter Græcosque magna fama.  
 Quem & principatum deponere  
 sæpe



sæpe volentem cives sui publice prohibuerunt: & filius Gelon, qui natus annos plus quinquaginta ante Hieronem decessit, rara inter mortales moderatione, regno quam patre carere perpetuo maluit, cumque ad extremum usque vitæ tempus constanti fide atque pietate percoluit. Is igitur Hieron ab Hierocle genitore, qui stirpem suam ad Gelonem veterem Siciliæ tyrannum referebat, expositus est: quod virum nobilem susceptam ex ancilla prolem pudebat tollere. Sed omni humana ope destitutum apes, in os jacentis ingesto melle, per complures dies aluerunt. Eo prodigio, responsisque aruspicum, qui Regiam puero potentiam portendi confirmabant, permotus Hierocles, infantem recolligit, adgnoscit, & in spem futuræ magnitudinis diligenter institutum curat. tum igitur inter æquales discenti, à lupo in turba puerorum repente conspecto tabulam ablatam esse ajunt: & mox militiæ tirocinium auspicanti aquilam in clypeo, noctuam in hasta con-

*Iustinus*  
23, 4.

*Ioannes*  
*Sarisberien-  
sis de*  
*nugis Cu-  
rialium* 1.  
13.

*Iustinus*

K

sc-

sedisse. Consilii viriumque indicium id fuisse creditum est, summi-  
 mique, ob Regiam alitem, fasti-  
 gii. Sed certiora signa mox ipse  
 dedit, forma & robore corporis  
 eximio: verum ingenti, temperan-  
 tiæ, comitatis, justitiæ, modera-  
 tionis nomine charior atque illu-  
 striore. Sæpe in acie, sæpe adver-  
 sum provocantes singulari certa-  
 mine congressus, semper victor,  
 à Pyrrho multis militaribus donis  
 virtutis causa donatus est. Cujus  
 postea ex genere Gelon Hieronis  
 filius Nereidem in matrimonio  
 habuit. Pyrrho ex Sicilia fugato,  
 quum inter Syracusanum exerci-  
 tum & urbanos, solenni tempo-  
 rum istorum morbo, iterum orta  
 esset dissensio, in castris circa Mer-  
 ganam Artemidorus & Hiero mi-  
 litaribus suffragiis duces creati;  
 consiliis Hieronis, & amicorum  
 ejus opera, clam intromissis mi-  
 litibus urbem in potestatem rede-  
 gerunt. Ibi Hiero excelsum se vi-  
 rum & quanticumque imperii  
 capacein ostendit. Nam ex diver-  
 sis partibus occidit aut ejecit ne-  
 mi-

*Tausan.*  
*lib. 6*  
*Justinus*  
*28, 3.*

*Polybius*  
*1, 8.*

minem; sed clementia, modera-  
ne, rectisque consiliis ita compo-  
suit motus, ut non minoribus stu-  
diis eorum adversus quos vene-  
rat, quàm à quibus adductus fue-  
rat, prætor Syracusis crearetur.  
Hic vero reipublicæ curam ut suæ  
toto animo complexus, quum à  
longo jam tempore vitium istud  
in Sicilia inolevisse cerneret, ut  
quoties magistratus copias edu-  
xissent, vel in exercitu turbaretur  
aliquid; vel domi novarum rerum  
motus orirentur: circumspicere  
aliquem cepit cui res urbanas tuto  
crederet, si quando ipse ad bellum  
exire cogeretur. Vxorem igitur  
duxit filiam Leptinis, qui magna  
inter cives auctoritate, vir etiam  
cum primis honestus fideique te-  
nax habebatur. Ita provisus do-  
mesticis rebus, adversus mercena-  
riorum insolentiam, remedium  
necessarium magis quam usque-  
quaque laudabile commentus est.  
Nam educto contra Mamertinos  
exercitu, quum illi juxta Centu-  
ripas occurrissent, aciem ad Cya-  
mosorum amnem hoc dolo in-

*Iustinus*

23, 4.

*Polybius.*

struxit, ut inter cives mercenariosque intervallo relicto, hos committere proelium juberet, tamquam ipse cum urbanis signis alia parte impeditum & districtum hostem invasurus. Ita conductitii majore Mamertinorum numero circumventi cadunt: ipse dum horum cæde distinentur hostes, otiose tutoque Syracusanas copias in urbem reducit. Ad hunc modum repurgato, quidquid in exercitu ægrum, & ad seditiones pronum fuerat; urbanum militem studiose exercet: novas mercenariorum copias conducit: atque ita benevolentia multorum comparata, remoto audacissimo quoque, reliquis adversus armatum & intentum mutire non ausis, principatum arbitrato suo administrat. Interea Mamertini recenti victoria ferociores contemptim atque temere Syracusanorum fines populabantur. Adversus hos Hiero jam civibus & militi fidens, incontanter egressus, ad ipsam hostium urbem, dimissis passim globis fere vacuum, castra

po-

*Diodori  
Eclog. lib.  
22.*



posuit. Cujus intellectio discrimi-  
ne Mamertini ad ferendam suis  
opem expedito cum agmine im-  
pigre accurrerunt. Hiero motis  
ex agro Mamertino castris Mylas  
urbem, & in ea milites mille quin-  
gentos capit: inde castellis ali-  
quot aliis raptim potitus, Amese-  
lum procedit, medio inter Agy-  
rium & Centuripas loco situm.  
Id quoque, licet munitionibus &  
præsidio firmum esset, expugna-  
tum diruit; præsidarios in fidem  
acceptos sibi militare cogit: agrum  
Ameselanum Centuripinis Agyri-  
nisque dividit. Hoc successu rerum  
alacrior denuo in fines Mamerti-  
norum inruit; Alesum oppidum  
deditione capit: Abacæninus atq;  
Tyndaritas ipsorum voluntate ad-  
jungit. Sic ab utroque mari proxi-  
mis Messanæ urbibus Hieroni pa-  
rentibus (nam ad Etruscum mare  
Tyndaritani habitant; Siculum  
Tauromenii accolunt, & ipsi Sy-  
racusanorum eo tempore socii)  
Mamertini in arctum coacti, Cio  
quodam prætore copias opponunt  
hosti, ad Longanum amnem in



*Polybius*  
*1,9.*  
*Diodorus*

Mylæo campo castra habenti. Pugna commissa, quum dubio Marte certaretur; subito in latera Mamertinorum recens impacta cohors, haud dubiam Hieroni victoriam tradidit. Nam ante prælium Hiero ducentos Messeniorum exsules, fortitudine & Mamertinorum odio præstantes viros, additis de suo exercitu delectorum quadringentis, vicinum collem; cui *Thorax* nomen est, circumire, hostemque incautum improvise incursum turbare jussérat. Ii mandata graviter exsequuti effecerunt, ut universus Mamertinorum exercitus interneccione caderetur. Cios re desperata jam nihil aliud quam mortem mereri manu cupiens, multis vulneribus affectus capitur, & in hostium castra deductus, fidem extorum aruspicumque prædictionem, alio quam speraverat eventu, comprobat. Nam ante pugnam immolanti vates inspectis extis promiserant, fore ut in castris hostilibus pernoctaret. Id ille in spem victoriæ trahens, sero se ambigua prædictionis inter-

terpretatione deceptum agnovit. Hac ægritudine confectus, quum postridie inter equos captivos cum videret, quo filius in prælio usus fuerat, hunc etiam occubuisse conjectans, fasciis fomentisque vulnerum revulsis spiritum indignantem effudit. Mamertinos clade comperta desperantes, jamque victori cum insulis supplicum occursum, ex inopinato fortuna servavit. Forte sub idem tempus Hannibal Carthaginensium prætor, in Liparæorum agebat insulis, quæ Siciliae adjacent. Is audita Hieronis victoria, metuens ne Mamertinis penitus excisis Syracusana potentia Carthagini gravis & intoleranda fieret, specie gratulantis ad Hieronem ocyus venit: eumque moratus ne statim ad Messanam duceret, urbem ingressus est prior, Mamertinosque deditionem facere volentes non modo verbis ad spem retinendæ libertatis revocavit, sed etiam præsidium suorum militum introduxit. Hieron astutia Poeni se de-

*Strabo  
lib. 6.  
Diodorus*

K 4 , lusum

*Polybius*  
I, 9.

lusum intelligens, quum ad obsidionem jam difficiliorem futuram haud satis paratus esset, Syracusas rediit: exceptusque magna omnium lætitia, & ab universis copiis Rex acclamatus, postea quoque nomen istud civium externorumque consensu retinuit. Hierone digresso, Mamertini, quum fiduciam paulisper resumpsissent, de rebus præsentibus deliberantes, duas in factiones scindebantur. Alii non esse dubitandum autumabant, quin Carthaginensium tutelæ se permetterent: quum hoc non modo plures ob causas conducibile, sed etiam, admissio jam præsidio, necessitati proximum videretur. Contra dicebatur: non minus infensos Mamertinis Pænos quam Hieronem fuisse: neque dubitandum quin illi non benevolentia, sed cupidine dominandi Messanam defendere statuerint: à multis jam ætatis eos imperium adfectare Siciliae, non exercituum, non classium damno, ne suarum quidem rerum metu & Africis bellis, ab improba spe deterritos. His igitur si se committant, clas-

*Polybius*  
I, 8.

classem validam, & ipsius Sicilia  
 pleramque partem jam obtinentibus,  
 sine exceptione ulla servituros esse.  
 Minime igitur expedire vocari au-  
 xilio Carthaginienses, populum impo-  
 tentem, infidum, graviusque jugum  
 impositurum, quam à Syracusanis  
 timuissent. Praesidium Punicum, si  
 eo tantum consilio venisset, ne in ma-  
 nus Hieronis Mamertina civitas in-  
 cideret; re jam perfecta dimitti bona  
 cum gratia posse: si qua vero clande-  
 stina subesset molitio; etiam inten-  
 tiore studio ancipitis amicitie falla-  
 cias preveniri oportere. Romanos igitur  
 potius implorarent, armis invi-  
 ctos, fide praestantes, neque causam  
 retinendae sub sua ditione Messanae,  
 neque facultatem habituros: quibus  
 in Sicilia ne vestigium quidem soli,  
 neque navalium rerum usus, aut  
 adeo cura esset. Hos satis habi-  
 turos, si Carthaginensibus & Hie-  
 roni Messana urbe tamquam obice  
 quodam & freno cupiditatis objecta,  
 securam ab his Italiam retinere pos-  
 sint. Perseverarent igitur Romano-  
 rum potius fidem, quam cuiusquam  
 alterius gentis experiri: neque ho-

*neſte ipſos & parum opportune priora conſilia mutaturos eſſe miſſis jam legatis , & auxilii ſpe impetrata.*

*Zonaras.*

*Polybius.*

Quippe ante poſtremum cum Hierone prælium, diffidere jam rebus ſuis incipientes Mamertini, Romanorum opem uti conſanguineorum, imploraverant : & Conſulibus belli gerendi cupiditate plebem incitantibus , populus auxilium ferri Mamertinis juſſerat, ſed Senatus auctor fieri pudore contabatur. Qui enim modo ſuos ob Rhegium per ſcelus captum ſevero ſupplicio adſecerant , ii , ſi jam Mamertinis pari perfidia Meſſana potitis opitularentur, deſtrui videbant gloriam juſtitiae ac fidei quam priore facto late quaſiſſent. Ceterum clade Mamertinorum mox audita, quum jam dubium eſſe non

*Zonaras.*

*Polybius.*

poſſet , quin relictæ à Romanis , Poenorum opes reſpecturi eſſent; prævaluit ſententia juvandos eſſe cenſentium. nam & in Senatu plures eodem inclinare ceperant, proſpicientes ni fieret , Meſſanam ſtatim , & paulo poſt ceteram Siciliam totam Carthaginenſium fore.

quod



quod si evenisset, populum Romanum cum Poeno de Italiae possessione certaturum. Nam istud periculum inevitabile, tum cupiditas imperii potentibus insita, tum ipse locorum situs efficiebat. Quippe Italiam à Liguribus & Venetis inter duo maria longo tractu procedentem, qua Bruttiorum ager est, à contactu Siciliae tenue fretum dividit. Neque dubitatur continentes olim has regiones fuisse; mox intercurrentibus aquis diremptas, sive humiliora ea parte loca mare acceperunt; sive major aliqua vis terræmotus aut incumbentium undarum, angustias Isthmi perripuit. à quo eventu *Rhegium* nominatum putant: tali enim aliquo vocabulo quæ rupta sunt, à Græcis appellantur. Itaque primos Siciliae cultores ex Italia venisse credibile est; etiam ipso nomine confirmante conjecturam. Messanam enim ex adverso litoris Italici sitam civitatem Opici condidisse traduntur: quam quia in sinu falcis referente figuram est posita, *Siciliam* credo appellarunt;

*Sallustii  
Fragmenta.*

*Cassiodorus  
Variarum  
12, 14.*

*Cassianus  
bonus in  
Strabonem.*

*Strabo lib.*  
*6.*

*Macrobius*

*Diodori*  
*Ecloga*  
*lib. 13.*

*Florus 2,*  
*2.*

*L. Ampel-*  
*lius c. 46.*

quod advenientes postea Græci *Zancle* sunt interpretati, utraque illa voce diversos apud populos falcem significante. Inde, ut solet, toti insulæ hæc appellatio hæsit, ut, ipsa quoque & Zancle, & à pluribus Sicilia vocaretur. Insula vero ista quum magnitudine, tum etiam fertilitate omnes, quæ in mediterraneo mari sunt, longe antecellit: olei, vini, frumenti optimi supra fidem ferax: populo frequens, multisque & maximis urbibus ad miraculum exculta: portuum autem situsque totius commoditate vix alius magnum imperium constituere cupientibus æque idoneus locus est. Nam Italiæ conjuncta ex diversa parte Africam respicit; alio ex latere Sardiniam: ab Oriente Peloponnesum & Græciam Ionio mari discretas habet: quaquaversum navigatione brevi, & ad emittendas accipiendasque classes facilima. Neque dubium est cupiditatem hac insula potiundi, quam eodem tempore & Romanus populus & Carthaginensis affectabat,

bat, causam bello dedisse, licet alia dicerentur. Nam Romani *Tarentinos contra fœdus adjutos arguebant: Pœni societatem cum Hierone, ut adversus se initam, criminabantur.* Ceterum eo jam potentia civitas utraque pervenerat, ut evitari non potuerit, quin aliquando quacunque de causa colliderentur. Quemadmodum enim arbores non magno intervallo constitæ, aliquam quidem diu non impediunt invicem magnopere; auctæ vero, alimentum atque succum mutuo intercipiunt; quum grandiores fieri cæpere, radicibus & ramis commissæ atteruntur: ita surgentibus imperiis vix per naturam diutius fida manere potest concordia, quam donec extrito quod medium fuerat, conjunctis jam finibus concurrentia urgeant inter se trudentque, neque priorem intra modum standi impetrabili voluntate; neque libero, nisi remotis obsistentibus, ad majorem amplitudinem procursu. Accedebat ad has causas in utraque civitate magna plebis & potentia,  
&

*Aristoteles Politic.*  
2, 11.

*Zonaras.*

*Polybius*  
1, 11.

*Livii Epit.* 16.

*Zonaras.*

*Auctor de Viris Illustrib. cap.*  
37.

& suscipiendi bellum cupiditas. Nam in Carthaginensi republica vulgus valebat plurimum: quod auctis civitatis opibus, variis & ipsum commodis locupletari solitum, quæstus dulcedine bella ex bellis feri non invitum patiebatur. Neque multum diversa conditio Romanæ multitudinis erat; quædamna rei familiaris, superiori bello illata, Sicularum divitiis facile reparari posse sperans, pro jure nuper Patribus extorto, sententiam bellum suadentium plebiscito confirmavit. Quo armatus Consul Appius; quum alioquin victis antiquæ sectæ viris major Senatus pars adfensa esset, sine mora C. Claudium tribunum militum cum paucis navibus præmittens, *observare occasionem, & si qua obvenisset, in Siciliam transire jussit.* Ille quum Rhegium venisset, in casum dare triremes non ausus, quod longe majori Pœnorum classe fretum obsidebatur, piscatoria navi conscensa Messanam vectus est. ibi cum Mamertinis, ita ut præsens usus postulabat, colloquutus; quum



quum Pœnis reclamantibus parum proficeret, infecto negotio rediit. Sed paulo post cognito *Zonaras.* Messanæ discordiam esse, multis Romanos advocandos esse negantibus, magna parte Carthaginiense præsidium haud quaquam æquis oculis adspiciente, rursus transinisso freto, quum alia temporis apta differuit; tum hoc maxime interjecit, *se non nisi ad liberandam civitatem venisse: hoc ubi perfecisset, è vestigio discessurum esse.* Quum ad hæc Pœni responderent, non esse Romanis laborem ullum suscipiendum in liberanda civitate, quæ sui juris esset: jam beneficio Carthaginiensium provisum, ne Mamertini servire Syracusanis cogerentur: facesseret igitur Romanus; aut si quam aliam justam haberet causam cur esset Messanæ, exponeret. negavit Claudius liberam videri civitatem, in qua præsidium alienæ gentis, non sponte oppidanorum ageret, Ad ea quum responderet nemo, Pœnis præsuperbia, Mamertinis metu tacentibus, vir vafer & promptus, *adparet, inquit, ex hoc*



hoc ipso silentio vestro, Carthagen-  
 sium causam injustam, & Mamert-  
 inos libertatis avidos esse: nam ni  
 ita foret, & illi de jure suo differere  
 non gravarentur, & isti, nulla, si  
 cum Carthagenensibus sentirent, dis-  
 simulandi causa, palam & aperte  
 palam & aperte institutum illorum  
 approbarent. Ad hæc verba fremitu  
 Mamertinorum orto, multisque  
 orationem illam ut veram & in-  
 timis sensibus suis congruentem  
 laudantibus, satis in præsentia  
 promotum esse putans Romanus,  
 quod habitus tamen animorum  
 exploravisset, Rhegium regressus  
 est. Neque multo post adornatis  
 quas habebat triremibus, tenta-  
 vit transitum. Sed Pœnorum præ-  
 fectis & multitudine navium, &  
 in maritimis rebus solertia longe  
 inferior, adhæc fluctuum illorum  
 violentia, quos orta subito tem-  
 pestas præter solitum exasperave-  
 rat, repulsus, amissis aliquot trire-  
 mibus, ceteris ægre servatis, in  
 portum, unde exierat, rediit. Ne-  
 que deterritus hoc incommodo,  
 ut meliori alia opportunitate for-  
 tu-

tunam iterum experiri posset, na-  
ves reficiebat: quum ab Hannone  
(is Mamertino præsidio fretique  
custodiæ præerat.) venerunt nun-  
cii, quidquid triremium homi-  
numve superiore certamine Pœni  
ceperant, adducentes. Cupiens  
enim fœderum ruptorum infamiam Romanis impingere, consi-  
lium hoc amplexus erat Hanno,  
quæstusque possessi Carthaginensibus  
*freti per vim tentatam navigationem*  
*esse*, ad pacem & fœdera majori  
deinceps cura servanda provoca-  
bat. sed audito, Claudium nullas  
conditiones admittere, nisi Messa-  
na præsidium deduceretur; freti-  
que trajectionem iterum moliri:  
exclamavit, *se vero non esse passu-*  
*rum, ut Romani vel manus in isto*  
*mari abluerent.* Neque tamen pro-  
hibere potuit, quin Claudius ob-  
servata freti natura, captatoque  
tempore quum refluxum ejus  
etiam ortus commode ventus ad-  
juvaret, priusquam occurri posset,  
Siciliam teneret. Ibi Mamertino-  
rum in portu repertorum coacta  
concione, persuasit, *ut Hannonem*  
ad-

*advocarent , tamquam de præfenti negotio cum eo deliberaturi.* Hanno enim oppidanorum discordibus animis parum confusus, arcem cum suis occupaverat : neque concioni Mamertinorum se audebat credere. tamen veritus , ne hoc ipsum querelas eorum accenderet, si diffidere videretur ; & per suam absentiam se Romanis protinus adjungerent ; in colloquium venit. quo per disceptationes & jurgia diu extracto , ad ultimum injectæ à Romanis Hannoni manus sunt, isque in carcerem conditus , Mamertinis factum comprobantibus. Ita partim dolo , partim terrore circumventus , quum alia conditio nulla esset , arce Mamertinis reddita , præsidium deducere coactus est. Pœni re comperta supra modum exacerbati, quum alioqui duces suos ob mala consilia quantumvis prospero eventu punire solerent , simul stultitiam Hannonis, simul ignaviam accusantes, in crucem miserum sustulerunt : & continuo navales terrestresque copias Messanam pergere præceperunt;

*Tolybius*  
I, 10.

*Val. Max.*  
2, 7, I, ext.

*Tolybius,*

runt; alio Hannone, qui Hanni-  
balis erat filius, ad res gerendas *Diodori*  
in Siciliam misso. Ille coactis ad *Eclog. li-*  
Lilybæum copiis Selinuntem pro- *ber 23.*  
gressus, castrisque ibi factis, pe-  
destrem exercitum reliquit: ipse  
processit Agrigentum, & arce  
communita, populum Carthagi-  
nensibus amicum, ad societatem  
armorum contra Romanos im-  
pulit. Hinc in castra reversum re-  
pererunt ab Hierone legati, qui  
& ipse Romanorum in Siciliam  
transitu minime lætus, hoc maxi-  
me opportunum tempus judica- *Polybius :*  
bat, quo conjunctis Punicis viri- *I, II.*  
bus, & ipsi & Messanam obtinen-  
tes barbari penitus ex insula ex-  
terminarentur. Itaque colloquio  
cum Carthaginensi duce habito,  
quum utrique Messanæ occupan- *Diodori*  
dæ spe excidissent, facile adversus *Eclog. lib.*  
Romanum, utrorumque pari da- *22.*  
mno supervenientem, societatem  
instituerunt. ut Messanam com-  
muniter obsiderent: neque quem-  
quam in Sicilia, nisi aut Sy-  
racusani, aut Punici jûris esse pa-  
terentur. Ita Pœnus imperator,  
præ-

**Zonaras.** præmisso caduceatore, qui Romanos, si Carthaginiensium amici esse vellent, relinquere Messanam, & intra præstitutum diem excedere Sicilia juberet; totis viribus adversus Mamertinos movit. Naves circa Pelorum stationem agere jussæ: pedester exercitus ad Cubilia (*Eunæ* Græci vocant) haud procul urbe Messana distans locum castra communivit. Venit & ex pacto cum Syracusano milite Hiero, & ab altera urbis parte, circum

**Diodori Eclog. lib. 23.** montem Chalcidicum nomine, confedit. Ita urbs undique circumdata, neque terra neque mari commeatum aut auxilia accipere tuto poterat. Sub idem tempus quum Punicus caduceator nihil à Messana pacati retulisset; Carthaginienses partim ira, partim diffidentia permoti, omnes qui apud ipsos militabant Italici generis conductitios crudeliter occiderunt. Quæ postquam Romæ comperta sunt, è vestigio cum valido exercitu profectus Consul Appius Rhegium venit: inde præmissis qui cum Pœnis & Hierone de obsidione

**Polybius.** confedit. Ita urbs undique circumdata, neque terra neque mari commeatum aut auxilia accipere

**Zonaras.** tuto poterat. Sub idem tempus quum Punicus caduceator nihil à Messana pacati retulisset; Carthaginienses partim ira, partim diffidentia permoti, omnes qui apud ipsos militabant Italici generis conductitios crudeliter occiderunt. Quæ postquam Romæ comperta sunt, è vestigio cum valido exercitu profectus Consul Appius Rhegium venit: inde præmissis qui cum Pœnis & Hierone de obsidione

**Diodori Eclog.** confedit. Ita urbs undique circumdata, neque terra neque mari commeatum aut auxilia accipere

**Polybius.** confedit. Ita urbs undique circumdata, neque terra neque mari commeatum aut auxilia accipere

ne



ne solvenda agerent, ipse fretum  
acri custodia septum sciens, solici-  
tus intentusque rationem minore  
cum periculo trajiciundi circum-  
spiciebat. Legati Consulis neque à  
Pœnis amicum responsum retule-  
runt, & ab Hierone accurata ora-  
tione sunt increpiti, qui comme-  
moratis in populum Romanum  
officiis suis, *Ambigo*, inquit,  
*meamne vicem doleam magis, an ve-*  
*stram, Romani. Nam ego quidem*  
*amicos aliquanto quam existimave-*  
*ram deteriores; vos autem opinionem*  
*justitiæ ac fidei, quæ apud omnes clari-*  
*eratis, amisistis. Adversus Mamert-*  
*inos nulla vobis umquam societas*  
*aut amicitia fuit: fœdera cum Pœnis*  
*olim, mecum etiam nuper icistis. Hæc*  
*in gratiam aliorum nihil ad vos at-*  
*inentium dissolvere cupientes, pote-*  
*stis dicere, quæ vel injuria nostra,*  
*vel merito Mamertinorum hoc fa-*  
*ciatis? sed quia Carthaginensibus*  
*quod pro se dicant, non deerit: illo-*  
*rum omiſſa cauſſa, quæ me tangunt*  
*unum, in præſentia memorabo. Ma-*  
*mertini, boni populares veſtri, quum*  
*apud Syracuſanos, uti non ignoratis,*

Diodori  
Eclog.

Diodori  
Eclog. lib.  
21.

ſtipen-

*stipendia fecissent ; ut in Italiam redirent dimissi, Messana, postquam à miseris & crudelis Messenis tamquam amici & sociis recepti sunt, facinus post hominum memoriam longe fœdissimum ediderunt: interemptis noctu hospitibus suis, eorumque bonis, uxoribus, liberis, & urbe ipsa in potestate retenta. Quod nisi vos ipsi etiam eodem quo ceteri mortales omnes sensu nefandum & intolerabile scelus esse judicavissetis, profecto in iis qui Mamertinorum imitatione idem in Rheginos ausi sunt, illud ipsum tam severe non fuissetis vindicaturi. Qua igitur indignitate vos moti pœnas ab nefariis hominibus repetendas esse putavistis, eadem & ego moveor, ne Mamertinos impunitos pati possim. præsertim quum postea quoque latrocinis per universam Siciliam exercendis, primi sceleris memoriam novis subinde facinoribus propemodum obruerint. Nam, ut alia taceam Camarina Gelaque urbes ab his excise, quum in fide Syracusanorum essent, satis mihi graves causse videntur, cur hominum importunissimorum nefariam audaciam*

Diodori  
 Eclog lib.  
 23.

ciam justo pioque bello prosequamur.  
 Quod si vero tuendos vobis esse pro-  
 pterea simulatis, quod eadem in Ita-  
 lia nati, quodammodo consanguinei  
 vestri esse videantur: quanto justius  
 fuit Rhegiensibus Italis parci, qui ci-  
 ves vestri fuerunt? Qua in urbe re-  
 cuperanda quum ego vos auxiliis &  
 commeatu juvarem, divinare debui  
 futurum ut aliquando me non levio-  
 res ob causas Messanam obsidentem  
 prohiberetis? sed quid ego multis ago,  
 Romani! nam profecto si penes vos,  
 aliqua adhuc fidei famaue cura, si  
 quis honesti intellectus, si denique  
 pudor superest; dubitare non debeo,  
 quin me tam justa tenentem arma  
 vestris viribus adjuturi potius, quam  
 impedituri sitis: sin vero hac vobis  
 levia videri ceperunt; eventus qui-  
 dem armorum incertus est: sed hoc  
 longe certissimum, omnes ubique,  
 mortales apertissime cognituros esse,  
 non ulla juris aut æqui specie, non ob  
 acceptas injurias, quod ne ipsi qui-  
 dem audetis prætendere, nulla etiam  
 Mamertinorum misericordia, sed sola  
 ambitione & nobilis insula vestro  
 imperio adjungenda improba cupi-  
 dine,

Frontinus  
Strategem.  
I, 4.

dine, Romanos ad bellum nobis inferendum concitari. Quum renuntiata ista essent, Appius olim animadverso, excubantibus in trajectu validis classibus, sine manifesto periculo transfretari non posse; consilium inquit calliditatis & astutiae plenum: placere sibi negat Hieronem ab Romanis alienari: neque adversus ipsum decretum bellum esse; neque injussu populi suscipi posse. die igitur praedicta socios navales praesto esse jubet, ac navigia ad cursum instructa haberi, tamquam domum abnavigaturus. Sciebat autem multos ex Syracusanis atque etiam Punicis castris milites, per speciem negotiatorum, Rhegino in portu versari, per quos famam illam celeriter ad eos, quibus maxime persuasum hoc cuperet, perventuram esse judicabat. Sic igitur accidit, ut providerat. quippe quum die claro navibus conscensis juxta litus Italicum vela facere cepisset; Carthaginenses, quibus freti claudendi negotium datum fuerat, restatim per suos nuntiata, nullum jam hostilis transgressus periculum esse

esse reliquum existimantes, transitum incustoditum dimisere, quo quemque ferebat animus dilapsi. Consul qui futurum hoc conjectaverat, converso sub noctem cursu, cum omni classe, nemine per tenebras venientem observante, ne dum prohibente, in Siciliam vectus est. Audax id ceptum & periculosa alca plenum fuit: quum ignarus maris exercitus per freta, etiam si hostis & tenebrae abessent, suo ingenio metuenda, cum rudibus & imperite fabricatis navigiis noctu rueret; dignaque res visa, quae etiam novi cognominis monumento posteris innotesceret. Quod enim caudicariis navibus multis in transvehendo milite usus esset, ad admiratione facti *Caudicem* istius aevi simplicitas appellavit. Haftenus enim rerum maritimarum adeo nullus Romanis usus fuerat, ut ad hoc tanti momenti negotium, neque rectam navem, neque longam, ne lembum quidem unum haberent, sed triremibus quas Tarentini Locrique cum Eleatis & Neapolitanis commodato dederant,

*Zonaras,*

*Polybius*  
I, II.

*Seneca de*  
*brevitate*  
*vita cap.*  
13.

*Polybius*  
I, 20.

L

rant,



Zonaras,

Polybius

lib. II.

Zonaras,

Florus 2,

2.

Diodori  
Eclog. lib.

23

Polybius

1, 12.

Zonaras,

rant, & actuariolis, quæ quinquaginta remorum essent, uterentur. Ceterum Appius, quam forte non longe ab eo loco, ubi castra erant Syracusanorum, appulisset; cohortatus suos, *certamque victoriam ostentans, si tale nihil suspicantes opprimerent*, protinus ad hostium oppugnanda castra pergit. Hiero subito tumultu excitus, & ipse contra educit copias pro tempore instructas. fit aliquamdiu certamen acre; pelluntur Romani equites: sed legionibus fortissime præliantibus vincitur Hiero, seque cum suis trepidus intra vallum recipit. Appius spoliari corporibus hostium jussis, Messanam intrat, Marmertinosque præsentia sua ex timore magno recreatos spei melioris implet. Hiero victum se videns priusquam vidisset hostem (sicut ipse postea confessus est) freti- que transitum à Carthaginensibus proditum suspicatus, quum ambigua mente multa secum agita- ret, de summa rerum vereri cepit: proximæque noctis silentio copias eduxit castris, & contento itinere Syra-

Syracusas refugit. Eo submoto *Polybius.*  
Appius, quum terrore victoriæ recentis ad Pœnos quoque debellandos uti vellet, militibus ut cibum tempori capiant imperat. deinde albescente jam die progressus, castra Pœnorum oppugnare instituit. Erant hæc loco satis tuto *Zonaras.*  
posita, & natura manuque diligenter permunita. hinc mare, inde profundæ paludes, in peninsulæ ferme speciem ambibant. inter has angustum spatium, quo uno adiri poterat, ductus adversum irrupturos murus obsepiebat. Hic ubi vim fecissent Romani milites, neque locorum simul iniquitatem, & propugnantium multitudinem vincere possent, missilibus maxime sicut in urbium oppugnatione solet, rem gerentibus Pœnis, irrito incepto desistere coacti recesserunt. Sæpe in bellis meliori fortunæ locum sors durior, & adversi ab initio casus fecere: dum his affecti, consiliis animisque majoribus acceptum detrimentum sarcire student; hostes felicitatis opinione blanda fascinati, neque

satis adversum fortuita providentes, in temeritatem auferuntur.

Quod illq tempore Carthaginiensibus usu venit. Qui repulisse hostem non contenti, tamquam fugientem eruptione ex castris facta persequiebantur: suæ virtuti non munitioni locorum Romanos cessisse existimantes. Itaque post-

quam ex angustiis quibus defensi fuerant processere, mutata cum loco fortuna proelii, magnusque eorum numerus cæsus est: reliqui ad castra, pars, ut cuique maxime

*Polybius.*

*Zonaras.*

promptum erat, in urbes circumjectas diffugere, neque deinceps quam diu Messanæ Claudius fuit, castris suis excedere sunt ausi. Consul etiam cum natura loci & difficultate situs iterato pugnare minime consultum arbitratus, quum tempus ibi frustra terere videret; præsidio Messanæ relicto in Syracusanorum sociorumque fines impressionem fecit: iisque impune vastatis, tantum concepit fiducia, ut jam ad ipsas Syracusas exercitum auderet admove-  
*Polybius.* fortuna certatum est; semel etiam

Con-

Consul magno in periculo fuit: Zonaras  
circumventusque foret, nisi ma-  
ture capto consilio mississet ad  
Hieronem, quasi de conditionibus  
pacis acturus. Misit & ille certum  
hominem ex amicis: cum hoc  
cepto colloquio & de industria  
producto; sensim ex iniquo loco  
se subtraxit in tutum. Syracusani  
quoque sequuti, sermones de pace  
cum diversis Romanis institue-  
runt, conventumque foret; ni Hie-  
ro auctor fieri noluisset. His rebus  
gerendis major anni pars consum-  
pta, tum Messanam rediit Consul,  
& inde cohortibus aliquot relictis  
ad tuendos Mamertinos, cum ce-  
teris Rhegium trajecit: mox Ro-  
mam decessit ad triumphum; quem  
de Pœnis & Rege Siciliae Hierone,  
quod primus ille de transmarinis  
populis ageretur; magna omnium  
gratulatione duxit. Hoc initium  
Romanis tentandi maria, & hic  
successus ceptorum in Sicilia fuit.  
Ceterum & ista & sequentium  
temporum gesta Scriptorum am-  
bitione corrupta sunt, quum eo-  
rum præcipui, Philinus Agrigen-

*Silius lib.  
6.  
Eutropius  
l. 2.*

*Polybius.*

tinus, & ex Romanis Fabius Pictor, dum ille Carthagenensium gloriæ, hic domesticæ nimium studet, officium & fidem insuper habuerunt. Quorum levitatem merito Polybius arguit. quippe quum etiam privatorum minimis incaussi s falso testimonio circumvenire quemlibet execrabile crimen habeatur; quanto scœdiore perfidia conditor historiæ principum atque populorum acta corrumpere censendus est: cui neque mortalium commodorum quidquam, neque spiritus ipse pulchra veritate debebat esse antiquior, tanto minori spe veniæ, quod ne prætextum quidem mentiendi allegare idoneum ullum potest; cui, si libere quæ vera sciebat quacumque de causa non licuisset tradere, tacere certe licuisset. Porro, dum in Sicilia Claudius Hieronem & Pœnos vincit obsidionem Volfiniensium ad exitum deduxit alter Consul M. Fulvius. qui homines adversus vim desperatione validos, inopia rerum necessariarum & fame domuit. Facta deditione in-

*Livii Epit. 16.*

*Zonaras.*



ingratum illud & insolens liber-  
tinorum vulgus cum cruciatu in-  
teremptum est: urbs etiam ipsa di-  
ruta: reliqui Volsiniensium & quod  
servorum fidem atque reveren-  
tiam erga dominos non exuerat,  
in attributas alibi sedes migrave-  
runt. hoc quoque bellum dignum  
triumpho visum est: eumque Con-  
sul A. D. Kalendas Novembres  
tamquam de Volsiniensibus egit.  
Iisdem Consulibus à Cn. Corne-  
lio, C. Marcio Censoribus lu-  
strum conditum: censa sunt ci-  
vium capita ducenta nonaginta  
duo millia, ducenta, viginti qua-  
tuor: numerus sane magnus & pro-  
pemodum incredibilis, tot bello-  
rum à primis ferme Urbis initiis  
nunquam cessantium, continua  
detrimenta; tot ex pestilentia  
morbisque sævissimis non mino-  
res bellicis strages, cogitanti. Ce-  
terum aliis aliisque subinde popu-  
lis in civitatem recipiendis, quod  
institutum à Romuli sapientia pro-  
fectum posterì constanter tenuerunt,  
invieta nullisque cladibus  
superabilis effecta est Respublica;

*Capitolina  
Columna.*

*Epit. Li-  
vii.*

*Entropius  
l. 2.*

*Suidas in  
Ῥωμαίων  
πόλιν.*

*Tacitus  
II, 24.*

L 4                      quam

*Dionysius*  
2, 17.

*Plutarch.*  
*Agésilao*  
c. 49.

*Plutarch.*  
*Cleomene*  
cap. 41.

*Iustinus*  
libro 34.

quam nec à Pyrrho data damna,  
neque naufragia frequentia primo  
Punico bello, neque secundo Tra-  
simenus & Cannæ potuerunt af-  
fligere, quin ex incommodis suis  
identidem alacrior ferociorque  
resurgeret. At in Græcia Lacedæ-  
monii militari laude & ipsi per ce-  
lebres, neque impares Romanæ  
virtuti, quoniam arcebant pere-  
grinos, nec imperium, quod pe-  
pererant diu, neque libertatem  
suam semper tueri potuerunt. Sed  
quum Leuctrica pugna mille non  
amplius Spartiatæ cecidissent, pro-  
tinus potentia civitatis corruit:  
Iterum ad Sellasiam, Lacedæmo-  
niorum sex ferme desideratis mil-  
libus, statim amissa libertas est.  
Achæi vero ejusdem Peloponnesi  
incolæ vicinos omnes æquo jure  
complexi, pulcherrimam consti-  
tuerunt rempublicam, & mansu-  
ram, nisi Romanam potentiam  
tum etiam longe lateque impe-  
rantem, insania paucorum in per-  
niciem suam patriæque provocas-  
set. Atqui tam diversus eventus  
instituta tam dissimilia necessario  
se-

sequutus est. Sicut enim naturæ congruit, corpus quod justum ad modum salubri cibo reficitur, robustius & longioris ævi esse; quam si ingenito contentum succo extra se natum alimentum omne aspernaretur: ita florentiores fuere civitates, quæ suum efficere noverunt, quidquid usquam egregii erat; quam quæ inepta quadam arrogantia habentes despiciatui quod in sua gleba natum non esset, semetipsas multis bonisque potentiaæ quærendæ tuendæve adiutoribus spoliarunt. Idem annus rei sane crudeli, sed mox intemperantissime usurpatæ, initium attulit, ut sanguis humanus, in gratiam levissimi cujusque spectatoris affatim fusus, voluptas publica fieret. Barbari moris auctores M. & D. Iunii Bruti, nescio qua pietate defuncti patris cineres honoraturi, gladiatorium munus ediderunt, magno favore civitatis. Sed hanc humanitatis injuriam ulta pestilentia est; quæ per istum & sequentem annum atrocissime sævit. Ob quam, quum Sibyllinos

*Livii Epitoma.*

*Valerius Maximus*  
4, 2, 7.

*Orosius*  
4, 5.

L 5

li.

*Augusti-  
nus de Ci-  
vitate Dei*  
3, 17.  
*Orosius.*

*Zonaras.*

*Anno ab  
Urbe Con-  
dita 490.*

*Tabula  
Romana.*

*Diodori  
Eclg.  
lib. 23.*

libros adiri placuisset, ira deum immissam esse repertum. Ergo religiones profecto parum caste haberi suspicione orta, Pontifices diligentius observando & inquirendo, plurima sacella fanaque à privatis occupata esse invenerunt; & Capparoniam ex Vestalibus incesti crimine teneri. Sed illa dum rea peragitur suspendio prævenit supplicium: in corruptorem ejus consciosq; servos legibus animadversum est. Loca sacra ex privatorum temeritate priscis usibus vindicata. Sic exsoluta religionibus civitate Patres animum rursus ad reipublicæ curam retulerunt; & quoniam Etruria jam pacata, nihil in Italia reliqui motus erat; ambos anni novi Consules in Siciliam cum legionibus transgredi placuit. Fuerunt hi M! Valerius M.F.M.N. Maximus, qui in hoc honore Messalla appellatus est, & M! Octacilius C.F.M! N. Crassus. Ab his transportatas prospere copias eadem in rebus gerendis prosequuta felicitas est. Quum enim Adranitarum urbe post brevem obsidionem



nem per vim capta, Centuripinos  
circumfiderent, venerunt ab Alæ-  
finis legati oppidum suum deden-  
tes. Inde Consules diversas insulæ  
partes obeundo, modo divisis, *Zonaras;*  
modo junctis exercitibus, ut res &  
ratio suadebat, Pœnis Syracusa-  
nisque quoties congredi erant au-  
si profligatis, terrorem famamque  
late sparsere: tantaque fortunam  
sequentium facilitas, tantusque  
impetus fuit; ut paulo post oppi-  
da haud minus septem & sexagin-  
ta numerarentur, quæ Romanæ *Eutropius*  
fidei se permiserant: quo in nume-  
ro Tauromenitani quoque & Ca-  
tinenses fuere. Vnde Consules im-  
peratis, quæ volebant, auxiliis quo-  
tidie validiores, ad ipsas jam Sy-  
racusas castra ponere sunt ausi, ob- *Diodorus;*  
sidionem urbis meditantes. Qui-  
bus rebus animadversis Hierō, *Polybius*  
quum suis atque Carthaginensium *I, 16.*  
viribus diffidere cepisset, præterea  
plus apud Romanos esse fidei cre- *Pausan.*  
deret, amicitiam & ipse cum Ro- *lib. 6.*  
manis inire constituit: legatosque  
cum mandatis de pace componen-  
da ad Consules misit. Neque Ro-



*Diodori  
Eclog. li-  
bri 24.*

*Polybius.*

*Zonaras.*

*Polybius.*

*Diodori  
Eclog. li-  
bri 23.*

*Casaub. in  
Polyb.*

*Tabula  
Messanen-  
sis.*

manis displicebat Hieronem à so-  
cietate Punica disjungere; maxime  
ut res annonaria suis legionibus  
expeditior esset. Nam Carthagi-  
nensibus mare obtinentibus ex Ita-  
lia transvehi commeatus nequi-  
bant; & ab ea re prioris anni Con-  
sul plus propemodum, quam ab  
hostibus incommodi molestiæque  
fenserat. Hierone vero adjuncto  
Syracusarum regnum abundanti  
frugum copia, res necessarias Ro-  
manis affatim erat præbiturum.  
Itaque legibus his transactum: ut  
*Hiero quæ de Romanis sociisve eo-  
rum loca, quosque homines cepisset,  
sine precio restitueret: argentique ta-  
lenta centum penderet. Ipse tuto im-  
peraret Syracusis, ceterisque Syracu-  
sani juris urbibus. ex quibus erant  
præcipuæ Acræ, Leontium, Me-  
gara, Elorus, Netini, Taurome-  
nium. Legatis deinde ab Hierone  
Romam venientibus, eædem con-  
ditiones ratæ fuerunt, pacemque  
cum eo Rege servandam & Sena-  
tus censuit; & post paucos dies Cn.  
Atilio Calatino populum rogante,  
populus jussit. Hoc socius in annos*  
quin-

quindecim pactum, deinceps perpetuo mansit: Hierone magnitudinem Romanam ita colente commiter; hisque vicissim illius studium tam benigne prolixèque remunerantibus, ut neutros eorum societatis institutæ poeniteret. Syracusanæ pacis audita fama, Hannibal Poenus, qui Hieronem obsidione liberaturus cum navalibus copiis jam Xiphoniam accesserat, majori quam venerat festinatione recessit. Romani quum jam Hierone quoque socio & commilitone uterentur, non diu morati, Carthaginensis ditionis oppida complura subegerunt. Et ab Adranone quidem, vico munito, Macellaque post multorum dierum obsidionem discesserunt inriti: ceterum Segestanos, occiso Poenorum præsidio ad se ultro desciscentes, receperunt. Præter alia, cognationis necessitudine se Romanis fratribus favere dictitabant; originem suam & ipsi ad Æneam ex Trojano incendio profugum referentes. Neque multo post Alienæi Romanis accesserunt: ad Hilarum vero,

*Diodorus.*

*Polybius.*

*Diodorus.*

*Polybius.*

*Diodorus.*

*Zonaras.*

*Cicero Ver-  
rin. 4, 33.*

*Zonaras.*

10,

*Diodorus.* ro, Tyritum, & Ascelum, vi & machinis opus fuit; eoque severius in victos consultum. Quo terrore Tyndaritani proximos se periculo, & auxilia longe esse cernentes, quum ipsi quoque de tradenda Romanis urbe consultarent; à Pœnis prohibiti sunt. nam illi ex rebus ipsis conjectura capta quid ageretur, primores civitatis obsidum loco Lilybæum avexerunt: etiam frumento, vino, ceterarumque rerum apparatu absportato. His temporibus Otacilii Crassi Consulis utilis & conveniens Romanæ disciplinæ severitas fuit. qui milites ab Hannibale turpi pacto incolumitatis sub jugum missos, extra vallum tendere jussit, ut hostium incursionibus expositi, neque alibi quam in virtute spem habentes, confirmarentur animis, armisque potius quam loco se tueri discerent. Post hæc & alia non majoris momenti gesta, quum hyems immineret, præfidiis per opportuna loca dispositis, Consules, reliquo exercitu in Italiam reportato, Romam redierunt. Ibi

M. Va-

*Frontinus*  
*Strategem.* 4, 1.

*Zonaras.*

M! Valerio, cujus eo bello felicior  
& utilior opera fuerat, triumphus  
decretus, quem ante diem XVI.  
Kalendas Apriles de Pœnis & Re-  
ge Siculorum Hierone duxit. Præ-  
tervectum inter spolia horolo-  
gium esse ideo adnotatum est, quia  
res ad eam diem incomperta Ro-  
mæ fuerat. id Catina recepta de-  
portatum, deinde in publico se-  
cundum Rostra, in columna Va-  
lerius statuit. Idemque tabulam in  
qua prælium quo Pœnos & Hie-  
ronem vicerat, depictum fuit, in  
latere Curiae Hostiliae proposuit;  
quod ante eum fecit nemo, postea  
plerique. Messallæ cognomen huic  
Valerio ab urbe Messana inditum  
fuisse constat: sed miror ab ea  
capta hæsisse, non contemnendis  
auctoribus credi: quum potius  
ideo impositum ipsæ res eviden-  
ter arguant, quod Messanam à Pœ-  
nis & Hierone discessu Appii  
Claudii acrius infestatam, illis sub-  
motis, hoc reconciliato, libera-  
set. Inter hæc quum adhuc pesti-  
lencia vexaret urbem, Dictatorem  
clavi figendi causa dici placuit.

*Fasti Ca-  
pitolini.*

*Varro ap-  
ud Plé-  
nium 7,  
60.*

*Varro a-  
pud Ma-  
crobiū  
Saturn.*

*Capitolina  
Marmora.*

Di-

Dictus est Cn. Fulvius Cn. F. Cn. N. Maximus Centumalus : is magistrum equitum Q. Marcium Q. F. Q. N. Philippum dixit. Eodem anno AEsernia colonia deducta est : quum superiore Firmum deducta esset , & , ut quidam volunt, Castrum. L. deinde Posthumius L. F. L. N. Megellus , Q. Mamilius Q. F. M. N. Vitulus Consules facti. Sicilia provincia utrique data : legiones vero duæ tantum decretæ. sufficere visæ , postquam in societatem accepto Hierone levius bellum factum erat : & rem frumentariam facilius expediri posse rebantur , si minor exercitus mitteretur. Consules trajectis in Siciliam legionibus , sociorumque contractis auxiliis , minores sibi res prætermittendas rati , ad urbem Agrigentinam totis viribus obsidendam animum adiecerunt. Eam rebus omnibus Poeni largissime instruxerant, belli arcem habituri. Quippe quum Hieronem ab amicitia sua defecisse, Romanos contra non perfunctorie rerum Sicularum curam capesse-

re

*Livii Epit.* 17.

*Velleius*

2, 14.

*Anno ab Urbe Cond.*  
491.

*Polybius*  
1, 17.



re cernerent; diligentiore ad bellum apparatu opus esse rati, primum quidem præsentium virium majorem partem in Sardiniam miserunt, quæ Italiæ littoribus infidiaretur, ut hoc metu Sicilia Romanos abstraherent: aut certe minoribus, quam voluissent, copiis rem ibi gerere cogerent. Mox Romanis ad sua tuenda, Siciliamque novo cum exercitu repetendam pariter sufficientibus, spe ista falsi ex Liguribus Galisque mortales multos, sed plures adhuc ex Hispania mercede conductos, simul rerum ad victum necessariarum magnam copiam, Agrigentum miserunt: ibi horreum annonæ, receptum exercituum suorum esse volentes, loco, & opportunitate situs, & magnitudine oppidi, præ ceteris quæ in Sicilia possiderent, his usibus accommodato. Circum hanc igitur urbem tota belli mole contracta, Consules Pœnis intra munitiones compulsis, ad unum inde milliare castra locant. Erant tum in agris maturæ fruges, & quia diu-

*Zonaras.*

*Polybius.*

diuturnam fore obsidionem apparebat, milites studio demetendi colligendique frumenti, longius & incautius quam hoste tam propinquo par esset, vagabantur. Neque Carthaginenses imperite aut segniter occasione usi, magnam intulissent cladem, nisi tantumdem virtute restituisent Romani milites, quantum negligentia perdidderant. Quum enim frumentatores subitum hostis impetum sustinere non potuissent, Pœni ad ipsa castra Romana perrexerunt, divisoque agmine quidam vallum rescindere parabant; alii cum statione pro castris locata prælium conserebant. Tunc igitur, sicut alias sæpe, militiæ leges & incorruptus disciplinæ rigor, rem ancipitem & exitio Romani exercitus casuram, crexit. Quod enim quacumque de causa stationem deseruisse capitale apud Romanos est; excubitores nihil in fuga spei repositum esse gnari, quamquam numero longe superarentur, pugnam præsentissimis animis sustinere, multis quidem suorum  
amif-

amissis , sed hostium interfectis pluribus : donec armari cohortes laborantibusque succurrere potuerunt. Ita & hic pulsi hostes , & qui vallum jam prope ceperant circumventi. magna ibi cædes fuit, ceteros ad urbem usque Romani persequuti sunt. Ea res in posterum & timidiores ad erumpendum hostes , & cautiores Romanos ad frumentandum fecit. Inde cum segnior esse cepisset contentio, rarius, nec nisi ad levia certamina excurrentibus Poenis, dividi copias placuit , & duabus urbis partibus , hinc ad AEsculapii fanum, inde via quæ Heracleam ducit, castra statui. hæc fossis utrimque permunita: qua urbem spectabant, adversum eruptiones ; foris, quo tutiora contra invasuros essent , iterque subsidiorum in urbem introducendorum precluderetur. Medium inter duo castra spatium , frequentibus præsidiis stationibusque septum est. In his omnibus multum juvabantur opera Siculorum qui recens in fidem venerant : quorum jam una cum  
Ro-

Romanis centum millia facta erant. Ab iisdem commeatus Erbesum usque subvehebantur: ab eo deinceps oppido ( non aberat autem longe ) ipsi Romani sua in castra deportabant. Ita fiebat ut affatim esset magna rerum necessariorum copia. Hoc in statu ad menses ferme quinque hæsit obsidio: quum neutris insigne ad victoriam momentum adeptis ( præter leves enim velitationes tentatum nihil fuerat ) res Punicæ deteriore loco esse ceperunt. Quia enim ingens hominum multitudo, haud minus quinquaginta millia bellatorum, tanto jam tempore idem intra oppidum conclusa annonam fere omnem absumpsisset; sperari vero subvectio nulla posset, aditus omnes Romanis solite custodientibus; propugnatorum animi tam præsentibus malis, quam expectatione instantium haud mediocriter angebantur. Igitur Hannibale Gisgonis filio, ( nam hic rebus Carthaginensibus Agrigenti præerat: ) crebris nunciis opem adversus famem & pericula poscen-

*Zonaras.**Polybius.*

poscente; cum militibus qui postea contracti fuerant, elephantisque, Hanno senior in Siciliam transmittitur. Peditum erant millia quinquaginta, sex equitum, sexaginta elephantum. Cum his copiis Lilybæum vectus, inde versus Heracleam movit: statimque venerunt ad eum qui deditionem Erbesi pollicerentur. Horum opera Erbeso potitus, unde hactenus ad castra Romana deferri comatus consueverat, rem haud minimi momenti perfecisse videbatur, quum exclusos omni prope modum facultate necessariarum rerum Romanos haud levius urgeret, quam ab his Agrigentini premebantur. Iamque de obsidione solvenda deliberatum erat non semel, nihilque propius factum, quam ut negotium istud pro desperato abjiceretur; nisi Rex Syracusanus omnes tentando vias nonnihil frumenti ceterarumque rerum furtim submittens, præsentem inopiam modico subinde levamento recreasset. Hanno quum Romanos & penuria,

*Diodori  
Eclog. libri 23.*

*Polybius,*



& morbis qui sequi famem solent graviter affectos, suas contra copias viribus integris agere perpenderet; propius ad Romanos accedere, præliique, si facultas daretur, fortunam experiri statuit. Elephantis igitur quinquaginta ceteroque toto exercitu adsumptis Heraclea profectus, Numidicum equitatum præmittit, qui hostium castris obequitans, eliceret Romanos equites, & in præparatas insidias deduceret. Numidis, uti mandatum erat, ad castra Consulum contemptim provolantibus, erumpunt Romani, propelluntque resistentes primo, deinde solutis ordinibus via qua venire Hannonem sciebant, refugientes, contento cursu persequuntur. Igitur quanto longius abripi se passi fuerant, tanto difficiliorem ad sua munimenta receptum habuerunt; multique eorum quum & recentes occurrissent copiae, & qui paulo ante fugerant undique circumfunderentur, desiderati sunt. Hoc eventu magis etiam ad spem summæ victoriæ confirmatus Hanno,

col-

collem quendam, Torum nomine,  
mille quingentis passibus à Ro-  
manorum castris distantem inse-  
dit. Serius tamen aliquanto, quam  
inter exercitus tam propinquos spe-  
rari potuisset, commissa pugna est;  
modo Romanis, modo Pœnis  
unius prælii fortunæ spes univer-  
sas committere formidantibus.  
Donec igitur pugnandi avidior  
Hanno fuit, Romani castris suis *Zonaras.*  
se tenuerunt: quod numero, &  
alacritate, ipsi detrimento equi-  
tum suorum percussi & moerentes,  
vincerentur. Postquam autem du-  
bitatione sua sociorum animos  
languescere, hostes in spem erigi,  
duriusque sibi bellum cum inopia,  
quam cum Pœnis futurum arbi-  
trati, certamen detrectare desie-  
runt; Hanno vicissim tergiversari  
cepit, & omnia metuere. Duo *Polybius.*  
menses sic exacti, ut præter levia  
prælia, quæ fiebant quotidie, nihil  
majoris rei gereretur. Ad extre-  
mum frequentibus Hannibalis præ-  
cibus motus, qui & nuncios mit-  
tebat assidue, & facibus accensis  
signa crebra edebat famem am-  
plius

*Zonaras.**Frontinus  
Strategi-  
cat. 2, 1.*

plius obsessis tolerari non posse, multosque ea peste coactos ad hostem transfugere; dimicationi moram ulterius nullam adferre decrevit: eodem tempore Annibale quoque cum suis eruptionem ex urbe facturo. Quæ quum animadvertissent Consules intra sua se castra quieti tenuerunt. eo ferocius Hanno aciem instructam ostentare, & ubi nemo contra exit, sub ipsa Romanorum munimenta suggeredi, ad pugnam audacter provocare, contantibus timorē & ignaviam objicere; illi hostem levibus præliis à vallo repulisse contenti, neque contra manentes struebant aciem; neque recedentes insequabantur. Hoc ubi per aliquot continuos dies factum, Pœnisque jam persuasum esset, nihil ultra ausurum Romanum; L. Postumius Consul contemptum hostium in suam occasionem solerter vertit. Instructis enim silentio copiis omnibus intraque vallum retentis, accedentem pro more Pœnum cum paucis submovens, à prima luce ad horam diei sextam velitando

tando detinuit. tum demum recipientibus se hostibus productas ex castris legiones imminisit. Hanno quamquam contra opinionem suam pugnandum sibi videret, intrepide congressus in serum diei ambiguum certamen extraxit. Sed Romanos curatis bene corporibus ad pugnam præparatos, æstus, sitis, labor, non æque fatigabat: Carthaginensis autem acies ante commissum prælium inedia & stando fessâ, quanto longius protraheretur dimicatio, fatiscentibus corporibus minus ad resistendum virium habebat. Postremo conductitius miles qui in prima fronte pugnabat, diutius sustinere laborem non potuit; neque solum ipse cessit loco, sed in elephantorum agmen, & alios à tergo stantes ordines trepida fuga se inferens, turbavit totam aciem, hostique acriter incumbenti terga dare coëgit. Eadem felicitate tum quoque ab alia parte gesta res: Hannibalque quum eruptione pugnavisset, maiore suo quam hostium detrimento in urbem compulsus

M est.

*Zonarati*

*Diodori  
Eclog. li-  
bri 23.*

*Orosius  
4. 7.*

*Polybius.  
Zonaras.*

*Polybius.*

*Zonaras.*

est. Capta Carthaginensium castra sunt: elephanti vulnerati tres, cæsi triginta, undecim in manus Romanorum venire: similis & hominum fortuna fuit. de tanto exercitu pauci cum ipso duce Hecleam evaserunt. At qui in urbe clausi erant, rebus plane desperatis, nullam salutis viam sibi relictam esse videntes, maximis terroribus affligebantur: quum Hannibal optimi ut in fortuna mala consilii auctor, animadverso Romanos & labore certaminis defatigatos, & lætitia bene gestæ rei solutiores, negligentius solito excubias agere, circa tertiam vigiliam cum mercenariis exit oppido: & cratibus, quas hunc ad usum ante paratas stramento compleverant, in fossas injectis, transgressus, aliquantum itineris præcipit, donec Romani luce jam oriente quid actum esset sentientes, partem extremi agminis depræhenderunt: Hannibal cum reliquis in tuta loca pervenit. At Agrigentini desertos à Pænis se videntes, multos eorum qui in



in urbe remanserant, sive per iram,  
sive ut à victore gratiam inituri,  
concidere. Nec ideo minus dire- *Polybius.*  
ptum est oppidum: homines, am-  
plius quinque & viginti millia li- *Diodorus.*  
berorum capitum, in servitutem  
venditi. Hoc maxime modo cap- *Orosius.*  
tum à Romanis Agrigentum est;  
septimum intra mensem quam  
obsideri ceperat. magna cum uti-  
litate gloriaque populi Romani,  
sed multa quoq; sanguinis impen-  
sa. quippe supra triginta homi- *Diodorus.*  
num millia de Consulum exerci-  
tu, Siculorumque auxiliis inter  
istam obsidionem varia posse per-  
ierunt. Qua de causa, simul quia  
nihil jam magnæ rei ob hyemem  
propinquam suscipi poterat, Mes- *Zonaras.*  
sanam redierunt. Anno deinde  
proximo cum imperio iverunt in *Anno ab*  
Siciliam L. Valerius M. F. M. N. *Urbe Cond.*  
Flaccus, & T. Otacilius C. F. M. N. 492.  
Crassus, Consules; prioribus du-  
cibus ad spem triumphi Romam  
digressis. Carthaginenses quidem *Eutropius*  
classe tamquam ad vastandam Ita- *l. 2.*  
liam missa, novos Consules à Si- *Zonaras.*  
ciliæ cura distinere cupiverant; sed

- ii constitutis circum littora globis militum, qui prædones arcerent, nihilominus in insulam transjece-  
**Polybius.** runt. Tunc quoque multa Siculorum oppida in fidem recepta, recenti cladis Agrigentinae exemplo & metu: neque obliscentibus Pœnis, quos super prælium adversum etiam seditiones mercenariorum militum angebant: Gallis præcipue ob mensium aliquot stipendia non soluta tumultuantibus. Ad quos puniendos fraudem  
**Frontinus** ejusmodi commentus est Hanno. Sermone blando mitigatos *modicum ad tempus quiescere jubet; sibi esse certam & propinquam oppidi cujusdam locupletis occupandi spem ostendit: ex ejus praeda cumulate Gallis etiam pro solutionis mora satisfactum iri confirmat.* Ita sedatis illis, adeoque gratias agentibus, opportuno tempore, cum dispensatore suo quem habebat fidelissimum agit, *ut specie transfuge, tamquam rationibus interversis ad Otacilium Consulem pergeret, indiscaretque nocte proxima Gallorum millia*  
**Diodorus.** *quatuor ad urbem Entellinam proditorum*

torum opera recipiendam venturos,  
locatis insidiis circumveniri posse.

Consul rem non spernendam ar-  
bitratus, licet transfugæ non om-

*Frontinus.*

nino confideret; mittit delectam  
militum manum. veniunt & Galli  
ab Hannone decepti. Consurgen-

tibus ad hos excipiendos Roma-  
nis oritur prælium atrox, in quo  
Galli omnes interfecti, quum in-  
ulti noluisent occumbere duplex  
Hannoni gaudium præbuerunt,  
conductitiorum insolentiam, cum  
hostium haud exiguo detrimen-

to non incallide vindicanti. Ro-  
mæ interim de aqua Anienis in  
urbem deducenda Minucius Præ-

*Frontinus.  
de Aqua-  
ductibus.*

tor in Senatu retulit. Opus illud  
ex manubiis Censor M. Curius lo-  
caverat. sed variis exortis impedi-  
mentis, res nonnum in annum pro-  
lata, tum retractabatur. Creatique  
duumviri Curius & Fulvius Flac-  
cus: sed Curio quintum intra diem  
defuncto, gloria deductæ aquæ  
penes unum Fulvium fuit. Sub id  
tempus Hamilcar in Siciliam Han-

noni successor Carthagine venit.  
Hannonem namque ex mala pu-

*Diodorus.*

M 3

gna

*Zonaras.*  
*Cicero de*  
*Offic.*

*Cornelius*  
*Nepos*  
*Amilcare*  
*cap. I.*

*Polybius*  
*I, 20.*  
*Zonaras.*

gna domum redeuntem, ignominiose exceperant Pœni, multatumq; sex millibus aureorum præfectura dimoverant. Eum Hamilcarem patrem Hannibalis, qui sequens bellum Punicum adversus Romanos duxit, fuisse, quidam similitudine nominum decepti non recte tradiderunt. nam genitor Hannibalis Hamilcar extremis ejus belli temporibus in Siciliam cum imperio adolescens venit; sed celebritas ejus effecit, ut alterius ignotioris Hamilcaris acta, Barcæ Hamilcari, omnium qui hoc nomine fuerunt nobilissimo adscriberentur. Successor igitur Hannonis Hamilcar, pedestri utique exercitu Romanos longe superiores esse cernens, mediterraneas quidem urbes nullas audebat adgredi, neque ex locis montosis & arduis in plana descendere, sed classe validus, qua haud dubie maris imperium tenebat, ea parte virium haud segniter utebatur, missoque iterum Hannibale ad vastandam Italiæ oram, ipse Sicula littora circumvectus, pleraque maritima

ma loca , quæ Romanis sese ad-  
junxerant, facile recuperavit. Qua  
re fiebat , ut Romanis loca pro- *Polybius*  
cul à mari remota, Pœnis littora-  
lia & occupantibus facile, & tuen-  
tibus , æquo utrimque momento  
spes metusque librarentur, neque  
facile penes utrum populum to-  
tius belli victoria esset futura, ju-  
dicari posset.



I. FREINSHEMII  
SUPPLEMENTORVM  
LIVIANORVM  
LIBER SEPTIMVS.

*Loco Libri Septimidecimi Liviani.*

**Q**uartus jam belli Carthaginiensis annus exierat, neque poenitebat virtutis aut fortunæ Romanos: præliis enim omnibus quotiescumque congressi cum Syracusanis, cum Pœnis fuerant, victores discesserant: opulentas urbes oppugnando ceperant: aliæ conditionibus in potestatem venerant: sed quando bellum in insula gerebatur, neque comineatus, neque supplementa quum opus esset, submitti poterant: & naves Carthaginiensium liberis & improvisis adpulsibus non modo Siculas urbes ad mare positas ex tuto vexabant; sed etiam Italiæ oram subinde vastantes, & detrimentum imperio Romanorum; & ignominiam famæ

mæ inferebant; quum interim Afri- *Polybius.*  
ca indemnis, & periculorum ma-  
lorumque omnium hostilium ex-  
fors haberetur. Itaque re diligen-  
ter deliberata Senatui Populoque  
Romano placuit, ut classe com-  
parata, non terra tantum, uti ce-  
perat, dimicaretur cum Poenis, sed  
etiam maritimæ aleæ fortuna ten-  
taretur. Hæc prima Romanæ urbi  
de navâlibus rebus seria cogitatio  
fuit: quam haud minus forti feli-  
cique opera complevit, ac animo  
consilioque fidenti susceperat. ut  
non immerito judicaretur, orbis  
imperium genti Romanæ deberi,  
cui adversus exercitatissimum in re  
nautica populum classibus bellare  
volenti, nec ad rem adgrediun-  
dam audacia, nec ad regendam  
sollertia, nec ad perficiendam con-  
stantia defuisset. Quum enim ad  
eam diem Romani adeo mariti-  
mam militiam non adtigissent, ut  
neque viros qui navale prælium  
vidissent, neque naves ullas belli-  
cas, ne fabricandarum quidem ar-  
tifices idoneos haberent, maxima  
fiducia tantum opus adgressi, bre-  
vissi-

M 5

*Orosius*

4, 7.

*Anno ab**Urbe Con-**stituta* 493.*Auctor de**Viris illu-**stris* c. 37.*Plinius*

16, 39.

*Florus* 2,

2.

villimo tempore & navigare ceperunt, & dimicarunt maritima pugna, & homines à multis ætatibus rerum earum peritissimos superaverunt. Cura classis fabricandæ mandata Cn. Cornelio L. F. Cn. N. Scipioni Asiæ, & C. Duilio M. F. M. N. qui Consulatum recens iniverant. Navis erat una quinquere mis, quam Claudius quo tempore freti transitum meditabatur, cupidine pugnandi propius ad littus perlatam, locisque vadosis & brevibus impeditam pedestri manu ceperat: hujus ad exemplum classem exædificari Consules jussere, tantoque studio institerunt operi, ut sexagesimum intra diem quam cæsa materia fuerat, classis centum sexaginta navium in anchoris staret. Sed nec ingenio minore quam industria Consules expeditionem istam maturarunt, quum enim neque imperitos remiges in prælii discrimen adducere consultum putarent; neque exercendis iis tempus rerum gerendarum coarctare vellent, commenti sunt rem uti prima specie ridi-

ridiculam, ita usu eventoque prolixè commendabilem : ut interea dum naves compinguntur, futuri remiges in littore sedentes officia sua docerentur. Iisdem enim ordinibus dispositi, quos in ipsis navibus servaturi mox erant, hortatore in media turba collocato, ad illius vocem & præcepta, movere & impellere remos, iterumque quiescere, haud aliter, quam navigantes solent, jubebantur. Hac imaginaria exercitatione tantum profectum est, ut postquam paratis jam navibus paucos dies in ipso opere industriam suam probavissent, jam confidere ipsis auderent Consules, suamque & legionum salutem credere. Provincias deinde quum sortirentur, C. Duilio terrestre in Sicilia bellum, Cn. Cornelio classis evenit. Qui adsumptis navibus septemdecim Messanam progressus, quo in adventum classis, quam sequi ut primum posset, jusserrat, necessaria præpararet; priusquam ad fretum illa accederet, in manus hostium incidit. Factum id Boodis astutia, quem

*Polybius.*  
I, 21.

*Zonaras.*

*Polybius.*

quem Annibal Punicæ classis imperator legatum habebat, & credulitate Consulis, qui Liparæis quibusdam ab hoste subornatis fidem habens, Liparæ urbis per proditionem occupandæ spem temere conceperat. Ibi circumventus, à Punicis navibus, conferere tamen manus, & pugnando salutem quærere cogitabat: nisi Boodes altera fraude ipsum & tribunos militum, quasi de conditionibus cum Pœno loquuturos suam in triremem pellexisset. venientibus injectæ sunt catenæ: quo terrore quum ceteri sine certamine se tradidissent; Boodes navibus omnibus potitus captivos Carthaginem misit. Simile mox Pœni ducis peccatum fuit, eoque majoris opprobrii, quod neque Romani Consulis incogitantia tam recenti exemplo ad cautionem profuisset. Didicerat Romanam classem juxta littus Italicum vela facientem, ad fretum tendere; neque procul abesse jam posse. volens igitur eam ex propinquo considerare, ut numerum navium, & quæ  
in

*\*Ολυμπ.**ἀναγρ.**Polybius.**Livii E-**pist. 17.**Zenaras.**Florus.**Orosius**4, 7.**Polybius.*



in novo instituto Romanis agilitas & habitudo esset, accurate cognosceret, cum navibus quinquaginta proficiscitur: securus futuri, & classe, ut in cursu tuto solet, navigiis temere permixtis, parum composita. Igitur in flexu cujusdam promontorii quum in Romanam classem ordine commodo navigantem subito illatus esset; ante victus quam ad pugnam parare se potuisset, amissa meliori parte navium, postquam ipse quoque ad extremum periculi venisset, cum ceteris vix effugit. Victrix classis, cognito Cornelii casu, simul ad C. Duilium misit nuncios, qui suum adventum ei significarent; simul ad proelium se parabat, quod ceteras Carthaginensium naves propinquis locis agere compererat. ibi dum sollicitis animis incommoda suarum navium considerant, easque rudi opere constructas, à Punicis velocitate longe superari reputant; venit cuidam in mentem machinæ ad comprehendendas hostium naves tenendasque utilis, quam postmodum

*Florus 2,  
2.*

*cor-*

*Polybius.*

*corros* vocaverunt. ejus hæc forma fuit. Tignum erat rectum teres, quatuor ulnas longum, crassitie dodrantali, trochleam in summo habens: huic in prora navis defixo aptabatur scala sex ulnas lata, longa pedes quatuor, composita ex transversis tabulis, quas impacti clavi ferrei firmiter continebant, in ea machina foramen relictum erat oblongum, quo tigno inducta complecteretur illud, eique cohæreret, per spatium ulnarum quatuor, quanta ipsius tigni longitudo erat. Scalæ vero reliqua pars & tigno non inserta, quæ ulnarum erat duarum, quibusdam velut articulis ita dependebat, ut facile attolli demittique posset: in extremo scalæ validum affixum erat ferrum, pistilli forma, præacutum, quod in capite annulum habebat, ex quo funis adligatus per trochleam tigni, in ipsam navis proram demittebatur. Tum quoties voluissent attracto fune erigebatur scala, remisso ruebatur, quidquid comprehendisset infesto ferrei styli acumine defigens

gens & vinciens. Inter hæc C. Duilius Consul pedestri exercitu tribunis tradito, ad naves venit: intellectoque Mylaiten regionem ab hoste vastari; cum universa classe ad eam oram proficiscitur. Grata res Carthaginensibus fuit, qui adversum mediterraneos homines & rei nauticæ imperitissimos, certam sibi victoriam pollicebantur: ipsi quoque documento futuri, nullum umquam hostem ita contemni oportere, ut quidquam de cavendi diligentia & disciplina remittatur. Dux classis Hannibal, is qui copias ex Agrigento eduxerat, septireme vehebatur, quæ fuerat regis Pyrrhi, hunc reliquæ naves sequebantur, non tamquam ad prælium, per aciem & distinctos ordines; sed ut cuique pronum erat, hostium contemptu properantes: at postquam propius subgressi suspensos ex proris adversæ partis minantesq; corvos viderunt; rei novitatem admirati paulisper hæsere. tandem ferocissimo quoq; imperitorum hominum rude commentum deridente, pri- Florus.  
mæ

*Polybius.*

mæ quæquæ naves concitato impetu invehuntur. Tum vero demissi repente corvi, ut in quamlibet inciderunt, ita perforato tabulato hærentes invitam retinebant: milites autem Romani siquidem fors tulerat ut ex lateribus naves connecterentur, omni ex parte in hostiles insiliebant: quoties autem proræ tantum commissæ essent, per ipsum tignum adnexusumque pontem armati bini transibant, tanto expeditius, quod utroque à latere scalæ lorica genu

*Frontinus  
Strategemat 2.3.*

*Polybius.*

tenus alta, tutiorem incesum gradumque firmiorem præstabat: primi enim quique projectis ante se scutis frontem adversus hostium tela protegebant; pone sequentes sua scuta loricae utrimque adplicabant; sic etiam lateribus defensis, navem adversam collato gradu oppugnabant. fiebatque pugna non rostrorum, sed ensium virorumque cominus, & statariæ similis. Vnde Romano, qui robore præstabat, adversum homines leviter armatos, naviumque potius agilitate quam manibus confisos,

fa.

facilis victoria fuit : celeriterque sunt expugnatae naves Punicæ triginta: in quibus & prætoria septuaginta remis capta est. Hannibal tamen, quum ex navi, quæ jam capiebatur, in scapham saltu se demississet, captivitatem evasit. rapide-  
que misso Carthaginem amico, qui famam cladis præveniret, imminens ob rem male gestam supplicium astu declinavit. Is enim curiam ingressus, quasi re adhuc integra consilium à Senatu petiit, *congruediendumne cum Romana classe videretur?* omnibus succlamantibus; *ne dubitandum quidem, aut differendum fuisse:* fecit, inquit, & victus est. Ita non audentibus inculcare factum, cuius, antequam fieret, auctores esse pro se quisque voluissent, capitis poena liberatus est, Imperator, præfectura navium adempta. Ceterum post fugam ducis è prælio reliquæ Carthaginensium naves (supererat autem pars multo maxima) impedito consilio, quid faciundum esset, ambigebant: pudebat excedere pugna, nullo dum accepto incom-

*Val. Max.*  
*7,3,7. ext.*

*Zonaras.*

*Auctor de*  
*Viris illustribus*  
*138.*

*Zonaras.*



*Eutropius*  
*l. 21**Orosius*  
*4. 7.**Florus 1,*  
*2.**Zonaras.**Polybius.*

commodo, ne hoste quidem urgente: rursus Romanas naves aggredi corvorum metu contabantur: ad postremum undique circumvecti, & nauticas artes omnes experti, ubi omni ex parte opponi sibi rostra & objici formidabiles illas machinas vident; desperata victoria discessere. Mersæ traduntur eo proelio naves Punicæ quatuordecim, captæ una & triginta, cum septem hominum millibus, postquam pugnando tria millia periissent. Hoc eventu C. Duilio Consule adversus Pœnos juxta Liparæorum insulas certatum est: unde magnus Romanis etiam prædæ fructus, sed longe amplissimus gloriæ famæque fuit. Consul adsumpto terrestri exercitu Segestam profectus, urbem à Pœnis ad extremum spei adauctam, periculo exemit: inde Macellam pugnando cepit, Hamilcare nusquam occurrere auso: confirmatisque civitatum amicarum animis, æstate jam circumacta, Romam rediit. Cujus discessu res Punicæ rursus efflorescere ceperunt. Primum enim ab ob-

obsidione Mutistrati, post septimum mensem multis suorum desideratis, discesserunt Romani: deinde quum inter ipsos & auxiliares dissensione orta, scorsim à legionibus inter Paropum & Thermas castrametati socii essent; illorum vœcordia utendum ratus Hamilcar, improvisa irruptione supra millia quatuor occidit: neque multum abfuit quin totus Romanorum exercitus eadem clade involveretur. Tum igitur multa iterum oppida, partim expugnata sunt ab Hannibale, partim proditione capta. Quæ licet Romæ haudquaquam lætis auribus acciperentur, levia tamen damna præ gaudio navalis victoriæ reputabantur. Quum enim hætenus Romana virtus terrestribus bellis invictam se præstitisset, non abs re lætabantur isto prælio maritarum quoque virium non contemnendam opinionem quæsitam esse. unde ad spem totius belli mirifice confirmatis animis, auctorem decoris inusitati novis etiam honoribus dignum judicaverunt.

Pri-

*Diodorus  
in Eclog.  
l. 23.*

*Polybius.*

*Diodorus.*

*Eutropius  
l. 2.*

*Tacitus*

2, 49.

*Columna**Triumph.**Cic. Cat.*

cap. 13.

*Livii E-**pit. 17.**Plinius*

34, 5.

*Silius fin.*

l. 6.

*Pighii**Annales.**Anno ab**Urbe Cond.*

494.

Primus itaque Duilius navalem triumphum de Siculis & classe Pœnica egit Kalendis Intercalariibus. tulitque civitas, quod honore isto non contentus, alium sibi nullo exemplo privatus sumpsit, ut à cœna redeunti tibicinis inter cantum funale præluceret. Columna quoque rostrata Senatusconsulto posita in foro est, ex Pario marmore candido, quæ mersarum captarumque navium, numerum, & summam pondusque pecuniæ captæ complexa adhuc vilitur, sed extritis vetustate vocabulis pluribus: auri tamen nummos captos esse ter mille septingentos, æreque supra centum millia; æris gravis vicies septies centena millia pondo, satis agnoscitur. Triumpho peracto comitia C. Duilius habuit, L. Cornelius L. F. Cn. N. Scipio, C. Aquilius M. F. C. N. Florus consules facti. Provincias Consulares Senatus decrevit Siciliam, & classem. Cui classis obveneret, ei in Sardiniam & Corsicam transjicere, si è republica videretur, permissum. Hæc fors Cn. Cornelio

nelio quum evenisset, instructa classe profectus est. Hæc prima Romanorum in Sardiniam & Corsicam expeditio fuit. Insulæ sunt locis ita conjunctæ, ut eadem videri possint: cœli tamen solique natura, & quod sequitur, hominum ingenio, multum dissimili. Sardiniam ut imaginem humani vestigii referentem *Ichnusam* veteres; itemque *Sandaliotin* dixerunt. *Inde Sardum Hercule Libyco genitum* ajunt frequentatæ ab se insula nomen quo hodie noscitur imposuisse. Græcos etiam ad ea loca venisse cum Aristæo fabulis antiquis decantatum est; itemque post Iliaca bella, Troianos. Terra neque spatium soli maximis ejusdem maris insularum, neque bonitate fertilissimis multum cedit. parens optima pecudum, frumenti optimi feracissima, metallorumque, sed præsertim argenti, dives. Cœlo tamen haud æque salubri utitur, laudemque fecunditatis apud externos pestilentioris aëris infamia corrumpit: per æstatem enim morbosa est, & in locis fertilioribus, magis.

*Sallust.*

*Hist. 2. 1.*

*Plinius 3.*

*Silius lib. 7.*

*12.*

*Sallustii*

*Fragment.*

*Pausanias*

*lib. 10.*

*Ælian.*

*Hist. Anim. 16.*

*34.*

*Solinus*

*cap. 10.*

*Pomp Mel.*

*la 2. 7.*

*Strabo*

*lib. 5.*

*Plinius*  
20, 11.

*Matthiol.*  
*in Diosco-*  
*ridem 6,*  
14.

*Solinus.*

*Plinius*  
29, 4.  
*Lucanus*  
9, 837.

*Strabo.*

*Ælianus.*

magis. Herbam præterea producit  
vehementis veneni apiastro per-  
similem, quæ in cibo sumpta men-  
tem adimit, nervisque violenter  
attractis labia distorquet in riden-  
tium speciem; exitiali succo, nisi  
post vomitum lac aut aqua mulsa  
copiose bibatur: ita vis istius mali  
præsens diluitur, ceteris deinde  
incommodis ea medentur, quæ in  
convulsionibus nervorum usui  
sunt. Etiam minimum animalcu-  
lum per imprudentiam superse-  
dentibus mortiferum est. *Solpugam*  
vocant, formicarum genus, tanto  
periculosioris malitiæ, quod &  
latet facile propter exiguitatem,  
& ab ignaris naturæ ejus, etiam  
adnimadversum non timetur. Sar-  
di variis ex barbaris mixta natio,  
quum ingenio suo permittitur, lu-  
bentius latrocinio quam agri cul-  
tura victitant: pelta & brevi ense  
armantur: thoraces ex pelle mus-  
monum consuunt; arietes ita vo-  
cant, quos insula gignit, non la-  
nam ut alii, sed pro ea pilum ca-  
prorum more gestantes. Urbium  
celeberrima Caralis est, Africam  
spe-



spectans, & inde condita; cum pulcherrimo portu. Corsica nec amplitudine nec opibus Sardiniae comparanda, tertium tamen inter has insulas magnitudinis locum obtinere creditur. nomen à Corſa, muliere quadam, accepisse incolae tradunt; cujus ab armento taurus in hanc insulam ex Liguria transjecerit: Græcis *Cyrrus* vocatur. Montosa est & aspera, & plerisque locis penitus invia, quare populum etiam terræ suæ similem alit, nullo humano cultu feris propemodum ipsis intractabiliorem. Capti in servitutem vix mansuescunt: sed aut impatientia laboris & jugi vitam exuunt; aut contumacia & stupiditate molesti sunt heris. Mel in insula copiosum est, sed amari saporis, quale fit ex flore buxi, quam Corsica multam & crassissimam profert. Idem tamen saluberrimum putatur; & sunt qui longævus in Corsica homines fieri opinentur, quod mel istud suum in continuo usu habeant. Oppida nec magna nec frequentia populo, sed tamen supra triginta numeran-

*Claudian.*  
*de Bello*  
*Gildonico.*

*Eustath.*  
*in Dionysii*  
*Σεινήνη-*  
*σιν.*

*Salustius*  
*Hist. 2, 1.*

*Strabo.*

*Plinius*  
*16, 16.*

*Lycus*  
*apud A-*  
*thenæum*  
*l. 2.*

*Martian.*  
*Capella.*  
*Diodorus*  
 5, 13.  
*Seneca*  
*Consola-*  
*tione ad*  
*Helviam*  
*cap. 8.*

*Aristotel.*  
*ὡς ἰαυ-*  
*μασίαν*  
*ἀκρο-*  
*ματών.*

*Freinsh.*  
*ad Flor. 2,*  
*2, 16.*

merantur : ex quibus facile principes sunt urbes Aleria Phocæensium Colonia; & Etruscorum Nicæa. Hic quoque grave cœlum est, & præterea importuosum mare. Cum his igitur gentibus diu Carthaginenses bella gessere, & utriusque insulæ dominatione, præter inaccessa loca potiti sunt. Sed quia facilius erat rudes & feros homines vincere, quam domare; tum alia quibus eos continerent, excogitarunt, tum etiam quo res vitæ necessarias ex Africa petere cogerentur, quidquid ubivis frugum fructuumve erat, corruperant, etiam supplicio mortis indigenis proposito, si quis tale quid serere aut plantare instituisset: donec longa consuetudine facti mitiores imperium æquioribus animis pati didicerunt. Hæc ad insulas navigationem eo tempore Cn Cornelius Consul instituit, & prius quidem in Corsica urbem expugnavit Aleriam, quo facto ceteras facile & citra laborem aut periculum adjunxit. Inde Sardiniam petenti classis occurrit hostium, quam aggressus

gressus Consul, antequam ad ma- *Zonaras.*

nus ventum esset, in fugam con-  
jecit. Mox ad Olbiam profectus,  
quum in portu multas Carthagi-  
nensium naves stare vidisset, ne-  
que se satis à pedestri robore in-  
structum ad oppugnationem ur-  
bis situ & defensorum multitudi-  
ne validæ crederet, omisso in præ-  
sens negotio, domum ad plures  
milites adsumendos abnavigavit.

Per idem tempus servilis in urbe  
motus inter ipsa initia feliciter  
compressus, magna rempublicam  
solicitudine simul adfecit & libe-  
ravit. Ad classem instruendam ex  
gentibus recens devictis navales  
socii frequentes cogeantur: eo-  
rumque tum ad quatuor millia  
Romæ convenerant, Samnites ple-  
rique. ii quod à mari abhorrent,  
conditionem suam secretis sermo-  
nibus miserati, eo usque exarse-  
runt, ut urbem incendere atque  
diripere agitayerint. jamque ad  
tria servorum millia in eandem  
sententiam pertraxerant, quoti-  
die sumente vires conspiratione,  
quum Erius Potilius præfectus

*Orosius*  
47.

N

auxi-

*Zenaras.*

auxiliorum prudenti consilio periculum omne discussit. Simulato enim ejusdem factionis studio, machinationes eorum omnes exacte perdidicit: genus, numerum, nomina singulorum qui in ea conjuratione essent, cognovit: loca, tempora, quibus ausuri quodque forent, exploravit. Nihil jam deerat ei quo minus rem ad Senatum deferret, præter facultatem Curiam adeundi; nam voluntas supererat: sed Samnitibus nusquam incomitatum sinentibus, perficere institutum nequibat. donec excogitato dolo persuasit eis, uti quo die *Senatus haberetur in forum agminatim progressi, fraudem sibi in dimetiendo frumento factam esse vociferarentur: inde nascituram occasionem dicens aut exsequendi consilii sui, aut certe speculandi quid adversus subitos ejusmodi motus animi consiliiq; Patribus esset quoque plus fidei faceret, ipse processit una, neque comitem modo se tumultus ejus, sed principem ducemque præbuit. Vnde vocatus ad Senatum, conspiracy occultæ pericu-*

riculum commentique sui causas exposuit. Patres dissimulata facti conscientia, miserunt qui turbam illam blandis verbis delinitam domos abscedere juberent; *daturos operam Patres ut, injuria quæ facta diceretur sublata, juris sui cuique copia fieret.* Ita conjurati latere adhuc consilium suum existimantes digressi sunt: nocte vero proxima suos quisque servos; quos indicio Potilii sceleris esse participes cognoverant, vinxit: Samnitium quoque plerique in hospitibus suis compræhensi. Nescio an hæc cura, an vero aliud negotiorum aut valetudinis impedimentum C. Florum tenuerit, ne citius in Siciliam proficisceretur. in qua Hamilcar post proximam victoriam res Carthaginentium magnis profectibus restituebat. Quippe Camarina & Enna proditione receptis, Drepanum ubi portus egregius erat, communivit, & in oppidi formam auxit, transductis illuc Erycinis, quorum urbem ne Romanis usui foret, præter templum Veneris, everterat. Multa deinceps alia lo-

*Diodori  
Eclog. li-  
bri 23.*

*Zonaras.*



*Orosius*  
4, 7.

*Val. Max.*  
5, 1, 1.  
*Silius lib.*  
6.

*Frontinus*  
3, 9. & 3.  
10.

ca dolo aut armis in potestatem redegerat, totaque Sicilia potiturus videbatur, nisi Florus ob res istas ne sub hyemem quidem insulam relinquere ausus obstitisset. Facilius alteri Consuli bellum cum Sardis & Carthaginensibus ad Olbiam fuit. Quo reversus cum auctioribus copiis, Hannonem invenit, quem Hannibale remoto Carthaginenses rebus maritimis præfecerant. Pugna vehementi facta, Hanno fortius me dimicans, quum vinci suos videret, in confertissimos hostes irruens interfectus est, sequutaque oppidi deditio. Consul victoriæ famam etiam humanitatis adversus hostem insigni documento decoravit. Nam e tabernaculo suo corpus Hannonis efferendum curavit, amplasque ipsi fecit exsequias, cessantibus post mortem odiis, virtutem etiam in hoste honorandam esse recte judicans. Inde recentis victoriæ terrorem exolescere non passus, multas & alias Sardiniaë urbes cepit, consilio doloque virtutem adjuvans. Solebat enim noctu adpulsa littori

tori classe, delectos ex cohortibus  
haud procul oppidis, quæ adoriri  
constituerat, exponere: qui locum  
insidiis opportunum occupantes  
expectabant, donec ad ipsas urbes  
subgressus Consul oppidanos in  
arma compulsos, simulatione fu-  
gæ longius à mœnibus elicuisset:  
tum illi advenientes cursu vacuas  
defensoribus urbes capiebant. eo  
astu complures in potestatem ve-  
nere: tantumque vincendo pro-  
cessum est, ut neque in Corsica  
neque in Sardinia Pœnorum exer- *Florus 2.*  
citus consistere possent. Qua de *2.*  
caussa minime dubitatum est, quin  
Romam reverso triumphus am-  
plissimus decerneretur. Trium-  
phavit de Pœnis & Sardinia & *Fasti Ca-*  
Corsica ante diem V. Idus Mar- *pitolini.*  
tias quum magnam ex insulis istis *Eutropius*  
prædam, & multa millia captivo- *l. 2.*  
rum adduxisset. At in Sicilia C. *Zonaras.*  
Florus Proconsule Mytistratum *Diodorus.*  
obsidebat, locum munitum, & se-  
mel iterumque frustra tentatum.  
Ne tum quidem prius expugnari  
potuit, quam novus Consul A. Ati- *Anno ab*  
lius A. F. C. N. Calatinus veniret. *Urbe Cond.*  
495.

N 3

huic

*Polybius*  
1, 24.

huic enim Sicilia provincia; collegæ ejus C. Sulpicio Q. F. Q. N. Paterculo classis evenerat. li, quod Panormi Carthaginiensium hyberna erant, cum omnibus copiis eo profecti acie instructa fecere pugnandi copiam hostibus. Sed nemine contra prodeunte, Hippa-  
nam petierunt: quæ urbs ex itinere oppugnata statimque capta est.

*Zonaras.*

Inde Mytistratum perrexerit Atilius, quam acriter defensam ad extremum fatigati lamentis mulierum atque puerorum propugnatores deseruerunt. Ita præsidio Carthaginiensium noctu digresso, prima luce portas oppidani aperuerunt. Sed Romani, malorum quæ in obsidione pertulerant nimium memores, obvios sine discrimine sexus ætatisve cædebant: donec A. Atilius proclamari jussit, *prædam & homines capiendum fore*. Tum demum crudelitatem avaritia vicit; servatique My-

*Diodorus.*

tistratensium reliqui sub corona venierunt: urbs direpta est & di-

*Zonaras.*

ruta. Camarinam inde ductus exercitus, ob regionem parum dili-  
gen-

genter exploratam, maximum in discrimen incidit. Pœnus enim imperator obviam profectus loca superiora prior occupaverat: Romanasque copias in vallem iniquam temere demissas circumlidebat. Certum ante oculos omnium exitium, & Caudinæ cladis imago versabatur: nisi consilium & virtus M. Calpurnii Flammæ, qui tribunus militum eodem in exercitu agebat, rebus pene desperatis subvenisset. Nam is P. Decii sequutus exemplum, qui tribunus militum idem in Samnio fecerat, adsumptis militibus trecentis ad tumulum quemdam occupandum ivit: nulla spe evadendi, sed amore laudis & servandi exercitus cupiditate ipse militesque ejus accensi. Ferunt, quum eo duceret, ita suos adloquutum esse: *moriāmur milites, & morte nostra eripiamus ex obsidione circumventas legiones.* Atque ita factum est. hostibus enim in hos conversis dum acerrima pugna quantumvis multos morituri detinent, Consul evolvere scellocis infestis potuit: Carthaginienses

Agellius  
3, 7  
Frontinus  
Strategemat. 4, 5,  
10.

Livii Epit. 17.

Livius 7,  
34.

Florus.

Livius  
22, 60.

*Orosius*  
4:8.

*Auctor de*  
*Viris illu-*  
*stris* c.32.

*M. Cato*  
*apud A-*  
*gellium.*  
*Plinius*  
22, 6.

*Frontinus.*

*Agellius.*

interfectis qui se objecerant, nihil in detectis jam insidiis ponentes spei discesserunt. Itaque Calpurnii miraculo proxima fortuna fuit. Qui repertus inter suorum hostiliumq; cadaverum cumulos, quum solus omnium adhuc spiraret, sublatu atque diligenti cura resectus, quum inter multa vulnera lethale nullum accepisset, diu postea fortem fidelemque operam Reipublicæ præstitit: magnoque terrori hostibus fuit. Qui si apud Græcos tantum virtutis specimen edidisset, neque præmiorum, neque monumentorum satis potuisset decerni. nunc homini Romano tanti facinoris merces corona ex gramine fuit: memoria vero facti adeo negligens, ut vix de nomine fortissimi viri constet. eundem enim *Calpurnium Flammam* plerique, sed *M. Cato Q. Ceditium*, *Claudius Quadrigarius Laberium* vocatum esse tradiderunt. Ceterum emersus ex his angustiis Consul quum & error pudorem, & periculum vigilantiam acuisset, majoribus iterum viribus & intentione



tiore cura oppugnare urbem ad-  
 gressus, postquam sine machinis  
 parum proficiebat, ab Hierone pe- *Diodorus.*  
 titas accepit. Earum violentiæ ces- *Polybius*  
 sit murus, redactosque in potesta- *I, 24.*  
 tem Camarinenses majori ex par- *Diodorus.*  
 te sub hasta Consul vendidit. Tum  
 ad Ennam itum: ea quoque pro- *Polybius.*  
 ditione recepta: præsidarii partim  
 à Romanis in oppidum admissis  
 interfecti sunt, alii fuga dilapsi ad  
 suarum partium loca se recepe-  
 runt. Sittanæ possessionem non *Diodorus.*  
 dolus sed virtus dedit: magna vi  
 pulsus, qui defenderant, & urbe  
 expugnata. Neque moram fece- *Polybius.*  
 runt minora quædam in ea Siciliae *Zonaras.*  
 parte oppida, quin protinus missis  
 legatis Consuli se traderent. Qui *Diodorus.*  
 præsidiis per commoda loca dis-  
 positis, in Agrigentinum agrum *Florus 2.*  
 signa promovit, ibique Camicum *2.*  
 castellum opera proditorum rece-  
 pit. Vnde perculsi qui Erbesum  
 tenebant, oppido relicto fugerunt.  
 Sic Erbesus quoque ad Romanos  
 rediit. Hoc successu Consul anima-  
 tus, & quod Liparæorum haud  
 paucos sibi favere putabat, ad illo-

*Polybius.*

N 5

rum

**Zonaras.**

rum urbem admovit exercitum. Ibi non pro cetera felicitate res processit. Hamilcar enim Romani ducis consilio sagaciter depræhensio, Liparam clam intraverat, intentusque tempus bene gerendæ rei expectabat. Quod Romanus quum ignoraret, audacius & incautius subiens muros, repentina Pœnorum eruptione turbatur. vulnerati sunt in eo conflictu permulti, cæsorum quoque non exiguus numerus fuit. Interea C. Sulpicius Consul in Sardinia cum Pœnis aliquoties prospere dimicavit. tantumq; hinc accessit animi, ut Africam versus vela facere auderet. Id vero minime ferendū esse Carthaginenses arbitrati, Hannibalem qui ex Sicula fuga Carthagine adhuc agebat, iterum navibus suis præponunt, multisque & præstantissimis præfectorum navalium adjunctis, *classē hostilem à patriis littoribus repellere jubent.* Solvit is quidem ut pugnaturus: Ceterum quo minus concurreretur, intercessit tempestas; quæ utrisque gravis incumbens, ad loca tranquilliora

**Orosius.****Polybius.****Zonaras.**

litora submovit invitos. Sardiniaë tamen portus ambo duces tenuerunt. Ibi quum in anchoris haberent naves, Sulpicius quo Pœnum in apertum mare perliceret, quosdam subornat qui transfugarum specie persuaderent Hannibali Romanos iterum in *Africam* navigare. Deceptus ille hoc vaframento celeriter educta classe, in Consulem idoneo loco præstolantem impetratus incidit: multæque naves Punicae depressæ sunt, priusquam scire possent quid ageretur; quum insidias Consulis tempestatis favor & opportune orta caligo texisset. Tandem re intellecta reliquæ repetiverunt portum, aut in littus se ejecerunt; ibi profugientibus remigibus pleræque inanes captæ sunt. Hannibal enim desperato teneri portum posse, in oppidum Sulcos se contulerat: ubi seditione orta compræhensus à Carthaginensibus, qui eodem ex pugna confugerant, quod *ejus temeritatem & stultitiam cladis suæ causam fuisse* dicerent, crucique adfixus periit. Sed hæc victoria Romanis

*Polybius.*

*Zonaras.*

*Livii Epist.* 17.  
*Zonaras.*

paulo post detrimenti nonnullius causa fuit. quum enim sublato classis Punicæ metu in vastatione agrorum contemptius & securius versarentur, improvise Pœnorum Sardorumque incursum, Hannone quodam duce, fusi sunt. Censuram

*Capitol. Magistr.*  
*Tacitus*  
*An* 2, 49.  
*Capitolina Marmora.*

hoc anno C. Duilius gessit, Ianique templum apud forum olitorium struxit. Triumphus dehinc duo spectati: prior C. Aquilii Flori proconsule de Pœnis A. D. IV. Nonas Octobres; alter C. Sulpicii Consulis de Pœnis & Sardis, A. D. III. Nonas. Quum deinde C.

*Anno ab Urbe Condita* 496.

Atilius M. F. M. N. Regulus, & Cn. Cornelius L. F. Cn. N. Blasio iterum Consules essent, sacra quædam procurandis prodigiis fieri

*Zonaras.*

solita Senatus faciunda censuit; quod in Albano monte, locisque aliis pluribus, atque adeo in Urbe ipsa, lapides frequentes grandinis instar deciderant. Latinas ferias instaurati, causaque eorum Dictatorem dici visum est. Q. Ogulnius L. F. A. N. Gallus Dictator, M. Lætorius M. F. M. N. Planicianus magister equitum fuerunt.

*Fragmenta Capitolina.*

C. Ati-

C. Atilius, qui classi præerat, ad *Polybium.*  
Tyndaridem Siciliae quum appu-  
lisset, classem Punicam ordine pa-  
rum composito præternavigan-  
tem conspicatus, ejus oppugnan-  
dæ consilium subito cepit. Iussis-  
que sequi ceteris navibus, ipse cum  
decem quæ primæ parari potue-  
runt, evolat; & ad Pœnos jam  
longius evectos summa velorum  
remorumque contentione pergit.  
Hamilcar in ea classe vehebatur, *Zonaras.*  
non contemnendus Imperator:  
qui paucas sibi naves instare vi- *Polybium.*  
dens, alias portu vix egressas esse,  
magnam partem etiamnum in an-  
choris hærere, converso cursu C.  
Atilium ejusque naves tota classe  
circumvenit. deprimuntur celeri-  
ter naves novem, impari adversum  
tanto plures certamine nequid-  
quam omnia expertæ. Prætoria  
tamen meliori quam ceteræ fue-  
rant remigio instructa, sociisque  
navalibus præsentia Consulis ani-  
matis vi perripit, salutemque in-  
venit. jam enim aderant Roma-  
norum aliæ naves, quarum super-  
ventu mutatur fortuna pugnae.  
mer-



*Zonaras.*

*Orosius*  
4. 8.

*Capit. Co-*  
*lumna.*  
*Auct. de*  
*Vir. Illust.*  
c. 39.  
*Columna*  
*Capitolin.*

merguntur Punicæ naves octo, capiuntur cum ipsis remigibus decem : reliquæ ad Liparæorum insulas intendunt cursum. Hæc marigesta. terrestrium copiarum segnius bellum fuit, urbe Lipara sine successu oppugnata. sed in apertorum locorum vastationem desæviit hostilis ira ; eademque calamitas etiam Meliten insulam haud longe disitam compræhendit. Ob hæc gesta C. Atilius Consul triumphum navalem de Pœnis egit. Eodem anno etiam A. Atilius Proconsule ex Sicilia de Pœnis triumphavit A. D. XIV. Kalendas Februarias. lætæque tum Romanis res erant, qui non terrestribus modo præliis, sed etiam maritimis superiores, non jam de Sicilia annexisque insulis, quarum imperium satis sibi certum esse putabant ; sed de Africa invadenda, bellicque terrore Carthagini ipsius portis impingendo incipiebant consultare.

I. FREINSHEMII  
SUPPLEMENTORVM  
LIVIANORVM  
LIBER OCTAVVS.

*Loco Libri Duodevicesimi Liviani.*

**C**onsulatum deinde L. Manlius A. F. P. N. Vulgo Longus inivit, & Q. Cædicius Q. F. Q. N. cui in magistratu mortuo successus est M. Atilius M. F. L. N. Regulus, qui semel Consul fuerat. Hoc anno demum Africa quæ hætenus cladium hostilium exsors egerat, sentire bellum cepit, Romanis in eam ingressis, postquam Carthaginensium classem magna pugna vicissent. Quæ uti gesta sint ipsiusque Reguli utramque fortunam, & indignum viri virtute exitum, hoc libro exponemus. Anno superiore cum C. Atilio Consule Carthaginenses ita prælio navali contenderant ut quamquam ipsi pluribus amissis navibus pugna priores excessissent, tamen quia Roma-

*Anno ab  
Urbe Cond.  
497.*

*Capitolina  
Tabula.*

Romanas etiam aliquot submer-  
 serant, se non inferiores fuisse in-  
 terpretarentur: Romani contra  
 eventum eum pro victoria haud  
 dubia computabant. Ita fiebat, ut  
 spe & fiducia pari populus uter-  
 que studium maritimarum rerum  
 per æmulationem summam pro-  
 sequeretur. Igitur & Consules in  
 Africam transferre bellum iussi,  
 cum trecentarum triginta navium  
 classe Messaniam adpulsi; atque in-  
 de littus Siciliae dextrum legentes  
 præter Pachynum ad recipiendas  
 pedestres copias, tum castra circa  
 Ecnomum collem habentes, per-  
 gebant: & sub idem tempus Ha-  
 milcar Imperator Pœnorum, &  
 Præfectus classis Hanno, trecen-  
 tarum sexaginta navium duces,  
 Carthagine Lilybæum, & inde He-  
 racleam Minoam transgressi, eo  
 in portu stationem agitabant: con-  
 silia Romanorum observantes, &  
 si versus Africam instituire cursum  
 auderent, prohibitori. Quod edo-  
 cti Consules ad utrumque casum  
 studiose cuncta comparant, ut sive  
 navalis prælii tentandæ spes fo-  
 rent,

*Polybius*  
 I, 25.

*Orosius*  
 4, 8.

*Polybius.*

rent, siue alicubi exscensionem fieri oporteret, consilium in expedito haberent. Itaque pugnacissimis quibusque militum in naues impositis, quatuor classes, tamquam ejusdem universæ partes totidem, faciunt. Legionem primam in prima classe, duas sequentes ordine suo constituunt: in quarta collocant triarios. Has copias ita disponunt, ut singulis navibus treceni remiges, milites vero centeni viceni vehantur: ita numerus hominum in universa classe ad millia centum quadraginta accedebat. Hunc numerum aliquanto superabant Pœni, plus centum quinquaginta millibus hominum adducentes. Et militum quidem genus præ suis parvi faciebant Consules; major ea deliberatio erat, quum in alto mari pugnandum fore appareret; ubi celeritas navium & gubernatorum artes plurimum valent, quo ordine adversus istud discrimen aptissime componi acies posset. postremo rationem instruendæ classis talem incunt. Hexeres duas quibus Con-  
sules

fules ipsi vehebantur pariter in  
 fronte statunt: utrique harum  
 hinc primam inde secundam clas-  
 sem longa & simplici serie adne-  
 ctunt, ita conlocatis navibus, ut  
 omnium proræ foras obversæ es-  
 sent: hexeresque propemodum  
 conjunctæ irent, proximæ his lon-  
 gius inter se digrederentur, atque  
 ita deinceps spatium inter duas  
 oppositas naves relictum cum  
 ipsis ordinibus cresceret. Sic mi-  
 nimo inter primas naves, maxi-  
 mo inter postremas intervallo,  
 quum ex duabus istis classibus for-  
 ma cuneatæ aciei effecta esset,  
 tertiam deinde legionem admo-  
 verunt: quæ simplici navium or-  
 dine spatium istud inter priores  
 duas apertum prætexens, trique-  
 tram totius aciei faciem exhi-  
 beret. Pone hanc; à tergo ter-  
 tiæ classis, hippagines funibus  
 tractoriis ad naves tertianorum  
 pertingentibus remulco traheban-  
 tur. Postremi omnium triarii na-  
 vibus unam in seriem, sed semi-  
 circularem exporrectis ita priores  
 ambibant, ut ab utroque cornu  
 pro-



prominerent. Ita totum corpus fronte cava, postremis partibus solidis, rostri navalis similitudinem præferebat: non minus ad sustinendam impressionem firmum: quam ad inferendam habile. Sed Carthaginiensium duces Romanæ classis adventu per exploratores cognito, quum urbem suam aditu facilem, imbellem vulgus, accolæ leves & ad mutandam fidem pronos cogitarent; obviam ire decernunt, omnia prius experiri certi, quam tutum in Africam cursum Romanis navibus permetterent. Igitur suos paucis cohortati, *ut memores non de presentibus modo, sed omnibus, quos domi quisque charissimos haberent, pugnandum esse; obfirmatis & alacris animis, prælium capefferent, naves conscendunt: bonaque cum spe sua & navalium sociorum ex portu evadunt.* Neque longe Romana classis aberat; itaque haud procul Heraclea pari utrimque robore concurritur. Pœni duces inter se ita comparaverant, ut in dextro cornu Hanno curaret (erat autem idem

*Zonaras.*

*Polybius*  
1,27.

idem ille , qui apud Agrigentum infelicitè pugnaverat) ceteris præ-  
 esset Hamilcar. naves autem suas animadversa Romanorum acie quadripartito & ipsi dividerant: Harum quæ totius aciei sinistra erat in figuram arcus sinuata , terram versus inclinabat: ceteræ simplicibus ordinibus extentæ, prioris navium in hostem versis. ex his dextrum cornu in quo rostratarum & quinqueremium celerrimæ erant , Hanno versus altum mare quantum poterat exporrexit , si pugna aliunde commissâ esset, circumdaturus hostem. Neque diu morati Consules in medias Pœnorum naves cum duabus classibus suis se intulerunt. Hamilcar, quo Romanorum aciem distraheret, suis præceperat , ut commissâ pugna fugam continuo capefferent. Quod quum factum esset, Romanique cedentes avide persequerentur; illis quidem ob celeritatem navium innoxia fuga fuit; at Romanorum acies uti voluerat Hamilcar prævideratque divulsa est, triariis & tertia classe suo adhuc  
 loco

loco se tenentibus. Quod ubi perfectum esse vidit, subito dat è navi sua signum, ut converſis proris pugnam cum inſequentibus incant: certatur ambiguo Marte. Pœnis velocitate & peritia nauticæ rei, Romanis robore militum longe ſuperioribus. Itaque quamdiu navium potius quam hominum pugna eſſe potuit, Punica res haud dubie meliori loco erat: ſed quoties corvorum jactu colligatis navibus cominus pugnari ceperat, penes Romanum erat certa victoria; quum miles manu fidens, & in conſpectu Conſulum pugnans, inſignitiore opera virtutem ſuam his adprobare contenderet. Dum in ea parte ſic dimicatur, Hanno cum dextro cornu, quod hætenus immotum habuerat, in triariorum naves inſectus à mari fecit impetum, magnasque in anguſtias reſectis moleſtum omnino negotium exhibuit. Eodem ferme tempore ſiniſtra quoque Carthaginienſium acies, mutata priore forma, & æquata fronte roſtris infeſtis tertiam Romanorum claſſem, quæ  
hip-

*Zonaras.**Polybius*

1,28.

hippagines remulco trahebat, invadit. Romani dimissis funibus ad resistendum se parant: hic quoque fortiter configitur. ita tribus locis, totidem navalia prœlia, magno intervallo divisa nascuntur. Quum ita satis diu dubia victoria certatum esset, tandem evenit, quod necessum est, ubi simul pluribus locis æquali virium robore pugnatur, ut quæ pars prima pulsa fuit, totius certaminis victoriam daret. Quum enim Hamilcar vim hostium ulterius ferre non posset, ipsius fuga ceteras etiam Punicæ classis partes statim profligavit. Nam ex Consulibus L. Manlio in captivis navibus conquirendis, & ad suas adligandis occupato, M. Regulus commissum alibi certamen videns auxilium suis ferre festinavit, adsumptis secundæ classis navibus, quotquot ex priorē pugna integræ illæ sæque evaserant. Celeriter opem istam sensere triarii, receptisque animis quos prope ad extremum periculum adducti desponderant, strenue dimicare cum adversariis ceperunt.

Han-

Hanno quum & hos acrius resistere sibi, & à tergo se premi videret à recentibus, velis in altum datis imminens exitium prævenire flu-  
duit. Quum inter hæc L. Manlius quoque tertiam Romanorum classem à Carthaginiensium sinistro cornu ad terram urgeri conspici-  
tus, cursum eo intendisset, super-  
venit & M. Regulus, qui jam hip-  
pazines & triarios in tuto locave-  
rat, ita subito facies rerum verti-  
tur, claudunturque & cinguntur,  
qui paulo ante Romanos circum-  
dederant. quos equidem in arctum  
constipatos & velut obsessos olim  
pessumdedissent, nisi metu cor-  
vorum accedere veriti, spatium  
dedissent Consulibus, ut & suos  
eriperent incolumes, & Carthagi-  
nensibus subito accursu circumfu-  
si, naves quinquaginta cum vecto-  
ribus omnibus, velut indagine ca-  
perent: pauca reliquæ juxta littus  
ipsum se subducentes effugere. Fuit  
hoc prælium quum varietate ca-  
sum, & contentione pugnandi,  
tum etiam amissarum utrimque  
navium multitudine inter pauca  
me-



Orosius  
4.8.

Zonaras.

Polybius.

Zonaras.

memorandum. Tres & sexaginta  
Pœnorum naves captæ; supra tri-  
ginta depressæ sunt: victores qua-  
tuor & viginti naves amiserunt  
fluctibus haustas; at in potestatem  
hostium nulla pervenit. Post hanc  
victoriam Mellanæ reversi pau-  
cos dies navibus hominibusque  
reficiendis, & ampliori commea-  
tui parando dederunt. Inter quos  
Hamilcar quum Africam ab Ro-  
manis adiri vehementer nollet,  
prohibere vero vi & armis non  
posset, ad dolos se contulit; misso-  
que ad eos per causam petendæ  
pacis Hannone tempus extrahere  
sategit, donec copiæ, quas Car-  
thagine sibi mitti sperabat, adve-  
nissent. Hanno quum ad Consules  
adcessisset, audiretque voces *idem*  
*in illum statuendum esse clamita-*  
*tium, quod quinto ante anno in Cn.*  
*Cornelium Asinam Consulem Pœni*  
*designavissent*; astuto responso pe-  
riculum intentatum elusit: *hoc ve-*  
*ro*, inquit, *si feceritis, jam nihilo*  
*eritis Afris meliores.* statimque  
Consules excepere sermonem, ta-  
cere jussis, qui vincendum dixe-  
rant,

rant,conveniensque Romanæ gen- *Valerius*  
tis gravitate vox audita est: *Isto te Max.6,6.*  
*metu, Hanno, fides civitatis nostræ*  
*liberat.* De pace, quia neque Pœ-  
nus serio agebat, Consulesque vi-  
ctoriam quam pacem malebant;  
frustra agitatum est. Africanam  
igitur expeditionem diutius differ-  
ri non placuit. Neque Pœni duces *Zonaras.*  
obstiterere, quamquam inter se con-  
stituissent, quietum iter hosti non  
concedere, sed diversis ex partibus  
carpere morarique. Ceterum Han-  
none ad præmuniendam Cartha-  
ginem festinante, Hamilcar nihil *Polybius.*  
movere ausus, Heracleæ se conti-  
nuit: naves Romanæ & ab hosti- *Zonaras.*  
bus & à tempestate pacatum iter  
habuerunt. Neque defuerant, qui  
longinquam navigationem, & ho-  
stile littus, ipsumque Africæ no- *Florus 2,*  
men exhorrescerent; ante ceteros *2.*  
imperium detrectante tribuno mi-  
litum Mannio: sed adversus hunc  
ita exarsit Regulus, ut virgas secu-  
rimque minitaretur, ni paruisset.  
ita demum præstitum est obse-  
quium Consuli formidinemque  
navigandi propior & major me-  
tus

- Polybius.* tus expulit. Hermæum promontorio nomen est, quod à sinu Carthagini in mare Siculum late procurret: eam oram primæ Romanorum naves tenuerunt. ibi paulisper expectato donec tota classis convenisset, littus Africæ prætervecti Consules ad Clupeam urbem pervenere. hic legiones expositæ sunt, navibusque in portum subductis, vallum ac fossa quo tutiores essent, circumdata: urbs quia deditionem abnuebat, obsessa, statimque metu civium sive dedita sive deserta (nam utrumque traditur) in potestatem Romanorum concessit. At Carthaginenses quamquam sane dura & insueta paterentur, tamen gratulabantur sibi, quod aliquanto mitiora formidatis accidissent. Metuerunt enim audito pugnae navalis exitu, ne protinus ad ipsam Carthaginem victores copiae ducerentur. Itaque nonnihil ex priorē metu respirantes in contrahendas copias urbemque & suburbanam regionem tuendam intenti erant. Consules interea missis Ro-

Romam nunciis, qui & res hactenus gestas docerent, & de instantibus sententiam Patrum exquirerent, Clupeam muniunt, ut ea sede belli uterentur: præsidioque ad urbis & agri custodiam imposito, cum ceteris omnibus copiis longius progressi, cultissimam regionem, utpote quæ post Agathoclis tempora ferrum hostile non viderat, perpopulantur: villas magnificas multas destruunt: magnam quadrupedum prædam; hominum præterea supra viginti millia abducunt: nemine prohibere auso. oppida quoque multa vi aut deditione capiunt: in his perfugarum aliquem numerum depræhendunt: magnamque vim captorum proximis bellis civium Romanorum liberant: quos inter & Cn. Cornelium fuisse crediderim, qui proximo post biennio Consul iterum factus est. Dum hæc aguntur, qui Romam à Consulibus missi fuerant, cum mandatis Senatus revertuntur. jubebatur autem alter eorum in *Africa manere cum ea parte virium, quam retineri ex Republi-*

*Zonaras.*

*Polybius.*

*Zonaras.*

*Polybius.*

*ca judicassent; alter ceteram classem  
& copias Romam reducere. Sic im-*  
*Zonaras.* minente jam hyeme, mansit M.  
*Polybius.* Regulus cum quindecim ferme pe-  
 ditum millibus, equitibus quin-  
 gentis, & navibus quadraginta:  
*Zonaras.* classem reliquam mancipiis & præ-  
 da onustam L. Manlius Siciliae lit-  
*Orosius* tora tuto prætervectus in urbem  
*4. 8.* reportavit. Septem & viginti mil-  
*Capitolin.* lia captivorum ab hoc Romam  
*Columna.* deducta reperio: navalemque de  
 Pœnis decretum ei triumphum  
 esse. Posthæc Ser. Fulvius M. F. M.  
*Anno ab* N. Patinus Nobilior, & M. Ai-  
*Vrbe Cond.* milius M. F. L. N. Paullus Con-  
*498.* sules facti. His Sicilia & classis pro-  
 vinciae decretæ; Regulum res in  
 Africa prosperrime gerentem ex  
 medio cursu victoriarum revocari  
 non placuit: jussusque Proconsule  
 bellum in Africa administrare. Id  
 Senatusconsultum nemo acce-  
 pit ægrius, quam idem ille, cujus  
 in honorem factum fuerat. Igi-  
*Livii E-* tur literis ad Senatum missis ea  
*pit. 18.* de re questus est, interque causas  
*Frontinus* petendi successoris posuit, *villici*  
*Stratego-* *sui morte* (is agellum heri quem  
*mat 4. 3. 3.* habe-



habebat in Pupinia , jugerum septem coluerat) mercenarium occasionem nactum , amoto inde in- *Val. Max.*  
strumento discessisse. quare necessaria- *4, 4, 6.*  
riam esse praesentiam suam , ne rure deserto non esset unde uxor liberique sui alerentur. Decrevitque Senatus, *Seneca ad*  
ut ager M. Reguli publice coleretur, *Helv.*  
res amissa redimerentur , uxori liberisque ejus alimenta praerentur. *Dio apud Valerium*  
Ii tum mores fuere! Sed ego quoties hæc atque talia lego tradove, temperare non possum, quin cum animo meo recogitem, quanto sit virtuti firmior à laude , quam ex pecunia merces. quippe tam multis post ætatibus gloria M. Reguli manet : aliorum opes cum dominis, & sæpe ante ipsos perierunt. Carthaginenses interea duobus domi *Polybius.*  
constitutis ducibus Asdrubale Hannonis F. & Bostare, tertium etiam Hamilcarem ex Sicilia accivere. qui cum peditum quinque millibus , equitibus quingentis Heraclea Carthaginem propere venit. Hi communicato inter se consilio statuerunt, non moribus, *Zonaras.*  
ut ad eam diem factum fuerat , con-

- tinendum exercitum ; neque Romanos impune quidvis agere sinendos esse. sic animis ad bellum gerendum incitatis exercitus educitur. Interea M. Regulus proxima quæque subigendo in loca pervenerat, per quæ flumen Bagrada labitur : ad quos castra habentes Romanos improvisa pestis & damno non mediocri, & terrore adhuc majore perculit. Magnitudinis enim portentosæ serpens aquatum profectos milites invasit ; territisque & nequidquam repugnantibus multos ingentis oris hiatu subuit: alios spirarum voluminibus & caudæ verbere obtrivit : nonnullos ipso pestilentis halitus adflatu exanimavit : tantumque negotii M. Regulo facessere potuit, ut totis viribus cum eo de possessione amnis fuerit dimicandum. Quod ubi cum jactura militum fiebat, neque vinci aut vulnerari draco poterat, durissima squamarum lorica, quidquid telorum ingereretur, facile repellente ; confugiendum ad machinas, advectisque ballistis & catapultis velut arx quæ-
- Florus* 2, 2.
- Livii Epitoma.*
- Valerius Maximus* 2, 8, 19.
- Orosius* 4, 8.
- Tubero apud Agellium* 6, 3.
- Plinius* 8, 14.

quædam munita, dejiciendus ho- *Orosius.*  
 stis fuit. Post aliquot jactus in va-  
 num emissos ingens saxum spina *Silius lib.*  
 dorsi perfracta, vigorem impetum- *6.*  
 que formidabilis monstri resolvit.  
 Sic quoque difficulter confectum  
 est. tanto cum horrore legionum *Valerius*  
 & cohortium, ut se oppugnare Car- *Max.*  
*thaginem, quam alteram talem be-*  
*stiam malle faterentur.* Neque diu-  
 tius ibi morari castra potuerunt,  
 quin tabo infectas aquas, &  
 omnem circa regionem foetore ja-  
 centis pestifero adflatam fugerent.  
 non sine rubore aliquo humanæ  
 superbiæ, quæ non raro viribus  
 suis nihil negatum esse, stolide pu-  
 tat. Exercitum certe Romanum,  
 Imperatore M. Regulo, terra ma-  
 rique victorem unus anguis & vi-  
 vus exercuit, & interfectus sub-  
 movit. Quare nec puduit Procon-  
 sulem, hujus etiam hostis spolia  
 Romam mittere, timorisque sui  
 magnitudinem & victoriæ gan-  
 dium publico monumento fateri.  
 Corium enim belluæ detractum  
 in Urbem devehendum curavit:  
 quod centum viginti pedes lon-

*Zonaras.*

- Plinius.* gum fuisse dicitur : & in templo quodam suspensum , ad Numiantini usque belli tempora duravisse. Motis à Bagrada castris, versus urbem Adin exercitum duxit Consul. obiter expugnatis vastatisque oppidis & castellis quæ in itinere occurrerant. Ad Adin vero quam capere majoris erat operæ , vineis machinisque adhibitis iusta instituta est obsidio. Ad quam prohibendam Pœni duces quum celeriter adcurrissent , in colle quodam castris quidem Romanis imminente , sed impedito sylvoſoque confederunt. M. Regulus ingenio situs & genere copiarum hostilium æſtimato, quum illis peditem suo neutiquam comparandum, sed in elephantis & equitibus spei plurimum esse videret , ceterum eam virium partem in aperto campo formidabilem futuram, iniquitate locorum excludi , inutilemque reddi ; stultitia hostium sapienter usus , priusquam errorem suum animadvertere ac corrigere possent, in suis castris eos oppugnare statuit. Quapropter hortatus milites,

lites, & cetera quæ suggererat ratio diligenter exsequutus, nondum certa luce castris egreditur, aciemque in adversum collem, ubi Carthaginiensium erant castra, erigit. Pœnos ipsa primo Romanorum audacia territabat, quod numero pauciores ex inferiore loco tantas copias in munimentis suis adgrediebantur: deinde major inde tumultus fuit, quod equites & elephanti, unde plurimum auxilii speravissent, non modo nullam utilitatem, sed ultro perturbationem & impedimentum adferebant. Ipsum quoque tempus augebat trepidationem, quod inopinantes & magnam partem adhuc sopitos Romanus invaserat. Itaque multi suis in cubilibus trucidati sunt: alios trepida fuga palantes & quo se reciperent nescios insidiæ secundum vias conlocatæ exceperunt. Mercenariis tamen Pœnorum Hispanis Gallisque raptim instructis, & extra vallum alacriter certantibus in ancipiti aliquamdiu victoria fuit; fugiente jam legione prima, totusque

*Zonaras*

*Polybins.*

O 5

Ro-



Romanorum exercitus impulsus foret, ni cohortes alia ex parte circumgredi jussæ, hostem cedentibus instantem opportune à tergo adgressæ forent. tum etiam qui paulo ante locum deseruerant, recolligi, & ad repetendam pugnam animari potuere. Sic utrimque impetitus hostis, quum aliquamdiu fortissime restitisset; cedere coactus est. Quod ubi fieri Carthaginenses videre, continuo se ejiciunt castris, & contento studio fugiunt. Et elephantis quidem equitibusque postquam planiora loca adtingere, facilis & tutus receptus fuit: peditatum paulo longius persequuti victores, ad castra diripienda redierunt. Hac pugna Pœnorum septemdecim millia cæsa, quinque capta referuntur, cum elephantis duodeviginti. Eventus hujus prælii non modo totam circa regionem, sed etiam longius distitos populos Romanis conciliavit; diebusque non ita multis oppida circiter octoginta in fidem venerunt. Vnde Pœnos in magnas angustias redactos propemodum

exa-

*Orosius.*

*Eutropius  
lib. 2.*

*Zonaras.*

*Orosius.*

exanimavit capti à Regulo Tune-  
tis nuncium, urbis tam munitæ, &  
quæ ad duodecimum à Carthagi- *Livius*  
ne lapidem posita, ne occultum 30, 9.  
quidem hostibus sineret esse, quid-  
quid ibi fieret, tum ad ipsam ur-  
bem, tum ad mare propinquum  
patente prospectu. Neque solum  
Romani belli terror circumstete-  
rat, sed Numidæ quoque veteri-  
bus odiis, occasione nova stimu-  
lati arma moverant; vastandoque  
& urendo Punicos agros plus etiam  
terroris & cladis quam Romanus  
hostis inferebant. & in urbem un-  
dique confugientes rustici non  
consternationem modo maxi-  
mam, sed jam famem quoque fa-  
ciebant: absumente magnam an-  
nonæ vim tanta mortalium mul-  
titudine, & reliquam adhuc co-  
piam avaritia dominorum occul-  
tante, qui ex calamitate publica  
quæstum aucupantes, cum ipsa re-  
rum necessariarum penuria pre-  
cium eorundem auctum iri quo-  
tidie sperabant. Vnde factum est  
ut pronis auribus legatio M. Re-  
guli acciperetur, qui belli confecti

Zonaras.

Dio apud  
Fulvium  
Ursinum.Diodori  
Eclog. li-  
bri 23.Polybius  
1, 31.

titulum ambiens, timensque ne quis Roma successor missus eum interciperet, Pœnos ad pacem hortabatur. Itaque missi sunt ad eum quidam ex principibus; sed quum à M. Regulo qui se certam in manu habere victoriam putabat, intolerabiles conditiones ferri viderent, infecto negotio discesserunt. Sicilia enim & Sardinia tota cedere, Romanis captivos gratis reddere, suos pecunia redimere, belli sumptus omnes restituere, prætereaque vectigal annuum pendere jubebantur. His alia, neque minus molesta addebantur: ut eosdem cum Populo Romano hostes amicosque haberent: ne navibus longis, præterquam una uterentur: Romanos autem quotiescumque significatum esset, triremibus instructis quinquaginta juvarent. Obstupefactis ad hæc legatis, & ut mitiora imperaret orantibus; vincendum, aut vincentibus obtemperandum esse respondit. Quibus in urbem relatis exacerbatî Pœni, quamquam rebus admodum accisis uterentur; omnia tamen prius pati decreverunt, quam eas admit-

mittere conditiones, quas nihil aliud nisi captivitatem civitatis suæ *Dio.* servitutemque esse arbitrabantur. In eo statu rerum naves quæ ad *Polybius.* conducendam militem in Græciam missæ fuerant, collecta mercenariorum haud exigua manu redierunt. In his Xanthippus quidam erat genere Lacedæmonius, qui patriæ disciplinæ quam edoctus à pueritia excellenter fuerat, usum rei militaris haud inferiorem adjunxerat. Ille rebus quæ consueque gestæ erant intellectis; & reliquo Punicarum copiarum, elephantorum, equitum apparatu cognito; non dubitavit jactare palam, *Carthaginenses non à Romanis, sed à semetipsis victos esse, per imperitiam ducum, qui viribus suis uti nescivissent.* Hoc sermone celeriter vulgato, vocatus à magistratibus Xanthippus, rationes sententiæ suæ promit tam evidentes, ut prope manibus contrectari possint; *in faciundis itineribus, in castris ponendis, in præliis committendis, loca prorsus incommoda deligi consuevisse docet. si suum consilium*

*Florus 2, 2.*

*Polybius,*

ali-



*audiant, non incolumitatem modo. sed etiam victoriam promittit. Pro-*

*Zonaras.* bant hanc sententiam quum ceteri civitatis principes, tum ipsi duces: & laudabili modestia patriæ saluti suam existimationem posthabentes, homini peregrino deferendum imperium exercitus sui consentiunt consciscuntque: Xanthippus accepta potestate quotidie milites ex urbe educens, campestribus exercitiis ad servandos permutandosve ordines, ducumque jussa celeriter exsequenda adsu-  
*Polybius.* facit: copias hanc disciplinam cum priore comparantes admiratione sui, fiduciaque melioris deinde successus implet: tota civitas recreata ex rebus fere desperatis ad expectationem futuri erigitur. Hanc alacritatem omnium, ubi duces vident, animo & ipsi recepto in hostem iterum ducere constituunt: suosque uti tempus postulabat adhortati, cum duodecim fere millibus peditum, quatuor equitum, & elephantis non multo paucioribus centum adversus Romanos progrediuntur. Ro-  
 ma-



manos unum illud movebat, quod  
instituto priote mutato Pœnos,  
vitatis • editioribus asperisque lo-  
cis, per plana camporum vide-  
bant incedere: sed perpetua feli-  
citate in superbiam elati, vinci so-  
litas copias ductoremque Græcu- *Zonaras.*  
lum despiciebant. Neque Regulus  
intactus erat hoc fortunæ obse-  
quentis blando veneno: igitur  
quum se maritimas Pœnorum vi-  
res, quum pedestres fregisse, op-  
pida ferme ducenta, hominum ad *Auctor de*  
ducenta millia cepisse, urbemque *Viris illu-*  
ipsam Punicam variis incommo- *strib c. 40.*  
dis laborantem cogi ad deditio-  
nem posse reputaret; pacem tole-  
rabili conditione petentibus nega-  
vit, scripsitque Romam, portas *Zonaras.*  
*Carthaginis à se metu obsignatas te-*  
*neri.* Ita magnos etiam animos  
sæpius in secundis rebus modera-  
tio, quam in adversis constantia  
deseruit. Ceterum Pœnis castra  
loco æquo habentibus, M. Regu-  
lus cui in peditatu plus roboris,  
eoque montosa & ardua loca se-  
ctanda erant, nihil referre virtutis  
putans, ubi dimicaret, non timuit  
&

*Appian.*

& ipse campo se credere, etiam ad maiorem ostentationem fiducia, fluvio, qui medius fuerat, transmissio: passuumque fere mille ducentorum intervallo ab hoste con-

*Zonaras.*

stitit. Xanthippus Romani ducis imprudentiam conspicatus, hoc illud tempus esse, quo promissa sua Carthaginensibus exsolveret, testabatur. quod enim Romanos ex itineris labore defatigatos, qualibus optavisset locis, nactus erat: suam fore victoriam non dubitabat. tempus etiam opportunissimum ad pugnam videbatur; quod præcipiti jam in vesperam die, Afris locorum gnaris, siue vincerentur, effugium per noctem facilius erat futurum; siue vincerent, nihil ad victoriam persequendam impedi-

*Polybius.*

menti. Consultantibus ergo Pœnis quid agendum esset, deorum hominumque fidem invocans, ne tam præclaram occasionem perderent, ad proelium capeffendum omnes impulit, eo facilius, quod ipsi milites Xanthippi nomen inclamantes, insolita alacritate hostem ultro poscebant. Summa igitur rei Sparta-

no

no permiffa, educit ille exercitum, inſtruitque hoc modo: phalanx Carthaginenſium, in qua robur erat peditatus, in ſubſidiis conſtituitur: huic, ſpatio relicto conueniente, prætexuntur elephanti, ſimplici ſerie latitudinem phalangis exæquantes. in utroque cornu expediti cum equitibus, poſt hos in dextro, mercenariorum gravis armatura collocatur. Acie ſic ordinata velitibus imperat, uti telis emiſſis ſe recipiant in apertos ad hunc uſum ſuorum ordines: & hoſte jam à validioribus excepto ruſum erumperent à cornibus, Romanorumque cum aduerſa phalange pugnantium latera repente incurſarent. Regulus contra copiis ex more inſtructis, quum elephantos in prima Pœnorum acie ſtantes conſpexiſſet, conſilium celeriter capit: leviter armatos in frontem adducit, in ſubſidiis locat denſos legionum ordines, equites in cornua diffunduntur. fit acies in altitudinem firma, ſed multo quam fuerat anguſtior. Ita quum & ab elephantis

*Frontinus*  
*Strategem.* 2, 2.

*Polybius.*

*Frontinus.*  
2, 3.

*Polybius.*

&

& ab equitibus hostium periculum esset; adversus belluarum quidem irruptionem recte provisum, sed in locis patentibus spatium equitatu hostium datum, ut circumfundi contractis ordinibus posset. Proelium ab elephantis cepit, quos in adversum agmen agi Xanthippus iussit: confestimque Romani clamore sublato arma pulsantes contulerunt gradum. Ab equitibus etiam utrimque in cornibus pugna commissa. sed longe hic minore Romanorum numero, quum sustineri vis hostium non posset, cito fuga facta est. At è pedibus qui sinistri adstiterant, sive elephantorum occursum vitaturi, sive faciliorem sperantes de mercenariis victoriam, horum in aciem irruunt, versosque in fugam ad vallum usque castrorum hostilium persequuntur. Non æque facile reliquis adversus elephantos certamen fuit: quorum intolerabili mole dissipabantur ordines, proterebantur armati, agmina tota tamquam ruina sternebantur. Sustinebat tamen incumbentes ipsa

*Frontinus*  
*Strategem.*  
*mat. 2, 2.*

*Polybius.*

ipsa aciei densitas, aliisque alii substituti ordines : donec simul locis omnibus laborari ceptum : dum extremi quique ab equitibus circumventi ; priores quotquot jam elephantorum aciem perruperant, ab integra & instructa phalange hostium, & adsultantibus utrimque velitibus excepti, passim trucidantur. Neque minus cædis in ipsa fuga fuit. per aperta loca & plana effusos elephantum Numidæque equites immissi straverunt. M. Regulus cum militibus fere quingentis vivus in manus hostium venit. ex toto exercitu non amplius duo millia hominum qui mercenarios loco pepulerant, festinato abitu Clupeam incolumes præter spem evaserunt. Romanorum sociorumque millia circiter triginta sunt interfecta. De Punico exercitu ceciderunt non multi, præter octingentos ex mercenariorum agmine, quod adversus sinistrum hostis cornu dimicaverat. Tanta re perfecta quum exercitus spoliis cæsorum, & imperatore Romanorum capto superbus Carthage.

*Frontinus.*

*Polybius.*

*Frontinus.*

*Florus 2.  
2.*

*Polybius.*

*Ὀλυμπ.*

*ἀναγρ.*

*Eutropius.*

*Polybius.*



*Diodorus  
lib. 23.  
apud Va-  
lesium.*

thaginem reverteretur ; obviam effusa urbanorum multitudo , alii in vicis aut domibus consistentes incredibili cum voluptate , spectaculo quale paulo ante vix optare ausi essent, fruebantur : vix tantæ felicitatis vel gaudium , vel etiam fidem capientibus animis. Qui enim modo proxime desperationem adducti non regionem tantum suam sed urbem ipsam , aras, focos amittere timuerant : ii tantam rerum commutationem subito factam esse , quamquam viderent, vix audebant credere. Sed maxime in ipsos duces intenti omnium oculi animique erant : quum modo Xanthippum , modo Regulum intuentes , hujus æstimatione magnitudinem sui imperatoris metirentur extollerentque. *quantum illum esse virum oportere , qui ducem acerrimum , fortunatum bellatorem , victorem superbum , hostem implacabilem , terrorem pestemque magnæ Carthaginis , exercitum florentissimum , existimatione amplissima , libertate denique ipsa tam facile tamque celeriter exuisset ?*

Au-

Augebat admirationem habitus viri, quod sub exiguis membris, *Silius lib. 6.* adspectuque non nimis decoro, ingentem virtutem occultaverat. Quibus ex rebus multum Xanthippo gloriæ, sed nec minus invidiæ *Polybius,* nascebatur. Quo in monstro profligando non minore prudentia, quam in bello conficiundo usus, quamquam diuturnus ipsi factorum suorum fructus Carthagine deberetur, relinquere spes ancipites & insidiarum plenas, & ante mutationem animorum aut fortunæ domum regredi statuit. Hoc enim plerumque ingenio homines agunt, ut patriæ studium in ore, privatum in animo magis habeant: igitur quamdiu quidem honores & divitias incolumi civitate quærere tuerique possunt, amorem illius ardentissimum præferunt: ubi periculum est ne ad alios ob magnam virtutem & eximia merita hæc concedant, longe malunt deesse qui publicæ rei profint, quam esse qui obsint suæ. Donec autem alios æquiparare posse putant, occultius atque remissius in-

*Orosius*  
4,9.

in-

invident : quum vero longissime relictī , comparatione propinqua se premi sentiunt , opesque & magistratus quos ipsi sinebant , penes alios esse : quod virtute desperarunt , per calumniam & criminationes meliorum consequi student. Ita fit ut optimo cuique plures inimici sint , pluresque insidiæ struantur : sed adversum has homini indigenæ in propinquis & amicis suis præsidium est : peregrinus hoc auxilio destitutus, malitiam degenerum animorum acuit ipsa facilitate nocendi , quod insidiantibus magis expositus , vel everti citra maximum laborem potest , vel citra periculum offendi. Xanthippum igitur hæc sagacissime perpendisse , quæ sequuta sunt, evidenter adfirmarunt. *Ab-*

*Tolybius.* *navigantem enim per quosdam à*

*Appian.* *Carthaginensibus immisos submersum ferunt, post acceptum beneficium illius auctorem gravatis exosisque ,*

*Zonaras.* *quo extincto famam etiam peregrina virtute servata civitatis expiraturam crediderint. Alii de fato Xanthippi non eadem ; sed Punicam*

tamen perfidiam arguunt. datam enim discessuro navem veterem & rimarum plenam, sed ad speciem firmitudinis recens picatam: ceterum virum nequaquam decipientibus facilem, animadversu fraude, dissimulanter aliud navigium consensisse, ereptumque periculo esse. Non minoris perfidiæ, sed ob numerum peremptorum crudelitatis odio superior, iisdem temporibus perpetrata res traditur. Mercenarios enim ob navatam insigniter operam præmia paulo tumultuosius efflagitantes, in naves imposuerunt, facta spe alio quodam loco tributum ipsis iri quod peterent. Sed à præfectis navium, quibus id negotii datum clam fuerat, in deserta quadam insula expositi relictique, quum omnis humanæ opis egenos, sine alimentis, sine navibus, neque manere fames, neque abire pelagus sineret, fœdo horrendoque genere mortis, extabuerunt. Apud alios auctores facinus hoc ad superiora tempora referri reperio, quibus Syracusani bellum cum

*Livius*

28, 12.

*Zonaras.*

*Diodorus.*

5, 11,

*Pæ-*

Pœnis habuere : nomenque mansisse infami deinceps insulæ , ut Ostodes ( ossuariam possemus dicere ) vocaretur. Ea post Liparam, occidentem versus in alto mari sita est. Quæ facta quomodocumque aut quocumque tempore evenerint , à cetera Pœnorum immanitate nihil æbhorrens habent. Neque igitur mirandum est , qui in socios adjuutoresque suos hoc animo fuerunt , si adversum hostes iidem se gesserunt inclementius. Quamquam profecto ceteros captivorum satis tolerabiliter habuisse feruntur : quod & ipsi multos ex suis in potestate Romanorum esse sciebant , quos permutatione instituta cupiebant recipere. Sed adversus M. Regulum neque abscondere iram neque moderari potuere , quin omnibus modis vexarent virum angerentque. cibum enim præbebant , non qui vel voluptatis aliquid adferre sensibus , vel vigoris corpori posset ; sed qui tenuissima refectio spiritum infelicis ad producendas ejus misérias detineret ; at acerbiores erant con-

*Zenayas,*



contumeliæ perpetuæ, inter quas consueverant creberrime elephantum aliquem adducere, cujus barritu exteritus, & invisa specie tortus, nec animo nec corpore posset requiescere. postremo ita maceratum exagitatumque in carcerem publicum conjecerunt. Quæ postquam audita sunt Romæ, non dolore modo ingenti, sed etiam metu, civitatem perculerunt. Timebatur enim ne Carthaginenses acerbitate calamitatum suarum, & victoriæ fiducia stimulati, reddere vicem hostibus, & quid malorum perpeffa Carthago foret, Romanæ urbi persentiscendum dare cuperent, auderentque. Quare Consulibus mandavit Senatus, *ut Italiam quam possent diligentissime munirent præsidii; ipsi cum navibus quamplurimis Siciliam, inde, si videretur, Africam adeuntes, Pœnos ab Italia petenda propiore metu distinerent.* Ceterum Carthaginensibus antiquior cura fuit civitates à Romanis occupatas recipere, Afros qui à se hostes desciverant mulctare, in rebellionem persistentes ad ob-

*Polybius*  
1, 36.

*Zonaras.*

*Strabo*  
*lib. 17.*

*Zonaras.*

*Polybius.*

sequium armis cogere. Sed Clupea quidem ab Romanis strenue defensa est: in Numidia, aliisque populis Africæ, magnum magis bellum, quam difficilis victoria fuit. Interea quum in Italia validam adornari classem comperissent, ommissa quam obsederant Utica, naves veteres reficere, novas exædificare, ad prohibendos Africo litore Romanos omnia studiose parare ceperunt. At Consules incredibili diligentia tantum effecerant, ut æstatis initio naves jam trecentas quinquaginta instructas ornatasque haberent. Quibus cum in Siciliam profecti, postquam ibi satis tuta omnia, nihilque mali, præterquam quod in expectatione & metu fuerat, reperissent, præsidiiis ubi maxime opus erat relictis, cum cetero exercitu protinus Africam versus contenderunt. Sed tempestate Colluram delati, (inter Africam & Siciliam, qua Lilybæum promontorium est, posita est insula) vastatis agris, & urbe ejusdem nominis capta, præsidium imposuerunt. Inde ad Hermæum promon-

montorium perrexerunt , quod  
medio inter Carthaginem & Clu- *Strabo.*  
peam situ , alterum Carthaginen-  
sis sinus cornu claudit. Eo loco  
quum Pœnorum naves occurrif-  
sent acrique certamine duas inter  
classes dimicaretur , auxilio venire  
suis à Clupea Romani , momen-  
tumque hoc paribus eousque re-  
bus , ad victoriam fuit. Pœni na-  
ves quatuor supra centum submer-  
sas , triginta captas ab hostibus , mi-  
litum ad millia quindecim amise-  
runt : ex Romanis mille centum *Eutropius.*  
periere milites , cum navibus no-  
vem. Tum Vticam profecta clas- *Orosius.*  
sis , expositusque miles juxta ipsam  
civitatem castra munivit : venci- *Polvbius.*  
runt eodem Carthaginenses co-  
piæ , quas Hannones duo duce- *Orosius.*  
bant : ita pedestri quoque prælio  
res gesta , deteriore Pœnorum for-  
tuna qui hic quoque circiter millia  
militum novem perdiderunt. Ca-  
pti sunt inter hos aliquot viri no-  
biles , servatique à Consulibus , ut *Zonaras.*  
per hos M. Regulus , & qui cum  
eo similem casum subierant redi-  
merentur. Deliberatum inde est de

- præsentibus : magnaue spes fuerat Africam retineri posse. verum-
- Polybius.* tamen regione quaquaaversum vastata , quum fames timeretur , abduci Romanos qui Clupeam tutati fuerant , Siciliamque repeti placuit.
- Eutropius.* Avecta est una ingens præda , quam in urbem Clupeam M. Reguli rebus adhuc prosperis comportatam victoriæ recentes cummulaverant. Perventum erat in Siciliam tuta navigatione, nimiumque felices fuissent Consules, si felicitati suæ modum statuere didicissent. Sed quia, dum in Italiam revehuntur, eadem opera quasdam urbes Siciliae maritimas recipi posse putabant : nequidquam obstantibus navium gubernatoribus, *ne inter Orionis & Canis exortum, quæ infestissima navigantibus sunt sidera, obversum Africa litus, intutum & importuorum præterveherentur*: tantam tempestate cladem perpeSSI sunt, ut vix aliud in hoc genere proditum sit exemplum illustrius. denique de navibus tre-
- Eutropius.* centis sexaginta quatuor, vix octoginta, oncium jactura facta, ser-
- vari



vari potuerunt. hippaginum quoque ceterorumque variæ formæ *Diodorus lib. 23.* navigiorum numerus haud minor periit: ut ita cadaveribus hominum animaliumque & fractis navium tabulis, à Camarinensium *Polybius.* ora, ubi pestis illa classem invaserat, Pachynum usque littus omne compleretur. Tam dura in sorte non leve solatium adflētis humanitas Hieronis regis adtulit: qui benigne exceptos, vestibus, cibo, naviumque armamentis adjuvando, Messanam usque deduxit incolumes. Sed Carthaginienses hoc fortunæ beneficio non segniter usi, *Diodorus.* Cossuram insulam urbemque receperunt: & sine mora in Siciliam transjicientes, Agrigentum duce *Diodorus.* Carthalone circumfessum, quia non subveniebatur, exciderunt, dirueruntque. multi hic mortales interfecti captive: ceteri quibus per mediterranea loca in ditionem Syracusanorum effugium fuit, in vico juxta fanum Iovis, Olympium vocant, confedere. Neque longe aberant à spe totius Insulæ recuperandæ Pœnorum duces, nisi *Zonaras.*



*Polybius.**Anno ab  
Urbe Con-  
dita 499.**Valerius  
Maximus  
6, 2, 11.*

audito Romanorum in reparanda classe studio confirmati socii fortibus animis præsentem metum tolerassent. Tanta enim diligentia huc incubuerant Consules, ut vix credibili celeritate, intra unum trimestre naves novæ centum viginti compingerentur. Cum his Cn. Cornelius L. F. C. N. Scipio Asina, & A. Atilius A. F. C. N. Calatinus iterum Consules, impositis ex novo delectu strenuis militibus, primo quoque tempore solvere jussi. Magnum inconstantis fortunæ documentum Cn. iste Cornelius fuit: utili ad fortiter tolerandas adversitates exemplo. quippe quum septimo ante anno Consul insidiis Pœnorum circumventus, captivitatem, vincula, carcerem, quidquid in humanis rebus aut sordidissimum, aut miserrimum habetur, pertulisset; non cetera modo suæ dignitatis ornamenta, sed etiam ipsum illud Consulare fastigium, fascesque non sponte relictos, tanto majore gaudio recepit, quanto acerbior casu perdididerat. Consules Messanam transgressi

gressi adsumptis quas ibi repere- *Polybius.*  
rant navibus, eæ superioris ferme  
naufragii reliquiæ erant, cum na-  
vibus ducentis quinquaginta ad *Diodorus.*  
ostium amnis Himera accesserunt,  
oppidumque Cephalædium ad *Cluverius*  
duodevicesimum inde milliare in *Sicilie*  
eodem litore situm, prodentibus *Ant. quæ*  
quibusdam receperunt. A Drepa- *2,4.*  
no, nam illuc cursum flexerant, *Diodorus.*  
quum neque statim potiri loco po-  
tuisent, & obsidionem agitantibus  
Carthalo suppetias urbi veni-  
ret, proposito frustrati recesserunt.  
Nec ideo segniores ad audendum  
facti majorem aliquanto rem feli-  
citer confecere. Panormum enim *Polybius.*  
directo cursu, Punicæ ditionis *Diodorus.*  
principem urbem, & occupato  
portu, juxta ipsos oppidi muros  
fecerunt exscensionem, recusantesque  
deditionem Panormitanos  
fossa valloque circumdare institue-  
runt. Favebat labori natura regio-  
nis materiem copiosam arboribus  
passim enatis subministrans. Ita-  
que cito perfectis operibus, quum  
oppugnationem strenue urgerent, *Polybius.*  
machinarum ope turtim ad mare  
sitam

*Zonaras.**Diodorus.*

sitam dejecerunt : milesque per  
 ruinas irrumpens multa cum ho-  
 stium cæde urbem exteriorem,  
 quæ nova dicebatur, expugnavit.  
 Neque vetus urbs diu morata est:  
 quum enim magna in eam mul-  
 titudo confugiens, plus ex urbe  
 nova terroris quam commeatus  
 intulisset; brevi dejectis periculi  
 cogitatione animis, & fame jam  
 imminente, legati venerunt ad  
 Consules, corporibus exceptis  
 omnia dedituri. Non accepere  
 Consules, gnari res obsessis angu-  
 stas esse, nisi precio statuto redi-  
 merentur. Pactæ sunt in capita mi-  
 næ duæ: redempta caput millia  
 quatuordecim. cetera multitudo,  
 millia ferme tredecim, cum reliqua  
 præda venierunt. Clara ea victoria  
 fuit, magnæque & subitæ utilitatis.  
 multa enim ejus oræ oppida, quæ-  
 dam etiam longius distita, Pœno-  
 rum ejectis præsidiis, societatem  
 Romanam complexa sunt. princi-  
 pio ab Ietinis orto, sequutisque sta-  
 tim Soluntinis, Petrinis, Tyndarita-  
 nis, aliisque. Rebus ita gestis præsi-  
 dioque Panormi relicto Messanam  
 Con-

Consules, deinde Romam redierunt. Poeni abeuntibus insidiati, naves aliquot onerarias, cum pecunia quam vehebant, abstraxere. Romæ deinde continui triumphus duo spectati. Duxerunt prioris anni Consules, prorogato imperio, de Cossurensibus & Poenis, navalem utrumque. Prior Ser. Fulvius A. D. XIII. Kal. Febr. triumphavit: M. Aimilius postridie. Annus quem ab Vrbe Condita quingentesimum numerant, Africanam expeditionem habuit, sed inanem & sine fructu. Cn. Servilius Cn. F. Cn. N. Cæpio, C. Sempronius Ti. F. Ti. N. Blæsus Consules in Siciliam trajecere. ubi tentato frustra Lilybæo, in Africam direxere cursum, ducentis sexaginta navibus instructi. Littus hi legentes Africæ, multisque locis exscensionem facientes, oppidâ multa ceperunt, prædaque magna potiti sunt. Majoris tamen rei nihil geri potuit, quod commodissimorum quorumque locorum aditu prohiberentur, occurrentibus ubique Poenis, qui minus jam impedi-

*Polybius.*

*Zonaras.*

*Marmora  
Capitolina.*

*Anno ab  
Vrbe Cond.  
500.*

*Polybius.*

*Zonaras.*

*Orosius  
4,9.*



*Orosius.**Appianus  
apud Ful-  
vium Vr-  
sinum.**Polybius.**Solinus  
cap. 30.**Diodorus.*

torum & plus animi habebant, receptis quæ M. Regulus tenuerat, punitisque defectoribus. Amilcar enim Numidiam Mauritaniamque pervagatus, tractum cum omnem perpacaverat, imperatis poenæ loco mille talentis argenti, & viginti millibus boum, punitisque principibus, qui favisse Romanis arguebantur, quorum ad millia tria patibulo adfixi sunt. Neque tamen hostium occursum, quam ignorantia locorum, & cœcæ sub aquis insidiæ, formidabilior Romanæ classi fuit. Subvectos ad Menin- gem, Lotophagorum insulam, quæ minori Syrti vicina est, recedente maris æstu vadosa loca tenere: donec jactura levatas naves, & extrema omnia metuentes, præter spem reversi fluctus explicuerunt. Ita non impune pestem evidentissimam elapsi, & loca tam infesta horrentes, sine mora fugientium in speciem vela fecerunt: ignari non minus ipsis superare periculum quod adirent, quam quod evitaverant. Et Panormum quidem redeuntibus in-

no-



noxium iter fuit. Ceterum Italia- *Orosius.*  
liam petitu-ros, dum Palinuri pro-  
montorium flectunt, quod à Lu-  
canis montibus in mare procur-  
rit, magna tempestatis vis ador-  
ta, longas naves supra centum *Diodorus.*  
sexaginta, cum hippaginibus &  
onerariis multis, profundo mer-  
sit. Quare continuis hoc genus  
cladibus mœsta civitate, quum *Zonaras.*  
imperium maris ipsæ etiam undæ  
ipsique venti Romano negare vi-  
derentur, decrevere patres, ne am- *Eutropius.*  
plius sexaginta navium classis, ad  
præsidium Italiæ, commeatusque *Polybius.*  
exercitui qui in Sicilia esset subve-  
hendos haberetur. Alteri tamen  
Consulum C. Sempronio calami-  
tas ista non obstitit, quin trium- *Capitolini*  
phum de Pœnis ageret Kalendis *Fasti.*  
Aprilibus: decimo post die quam  
de iisdem Cn. Cornelius Procos.  
triumphasset. Censores eo anno  
Romæ fuerunt: sed mortuo in ma-  
gistratu L. Postumio L. F. L. N.  
Megello, qui idem præturam tum  
gesserat, etiam D. Iunius D. F. D.  
N. Pera, censura se abdicavit. *Anno ab*  
Æstate vero proxima C. Aurelius *Urbe Cond.*  
*501.*

**Zonaras.** L. F. C. N. Cotta, P. Servilius C. F. Cn. N. Geminus, Consules, in Siciliam profecti, inter alia quædam oppida, etiam Himeram fluvio, cui adjacet, cognominem obsidione receperunt; sed vacuam incolis, quos noctu Carthaginenses eduxerant. Iuvit tamen loci non ignobilis possessio, quodque deleta sic esset ignominia, quam Romani nuper ad eam urbem incurrerant, occupandarum Thermarum (nam & hoc ejusdem urbis nomen celebratur) certa spe per militarem avaritiam excidendo.

**Diodorus.** Quidam enim ex captivis, cui Thermis custodia portæ cujusdā commissa fuerat, ut proditione urbis libertatem redimeret pactus dimissusque, hora constituta missis ad recipiendam urbem militibus portam aperuerat. Horum præcipui quum ingressi essent, prædæque potiore partem avertere cuperent, portam obsideri jubent, neminique præterea suorum aditum dari. Quod ubi factum est, Thermitanique strepitu exciti ad arma concurrerunt; neque resistere ob-

pau-

paucitatem suam, neque adjuvari  
à suis quos arcuerant valentes,  
dignum stultitia sua exitum fece-  
re, ad unum omnes interfecti.  
Thermis Himerensibus in potē-  
statem redactis, C. Aurelius Con-  
sul, Liparam, quæ jam aliquoties  
à prioribus ducibus tentata irritò  
conatu fuerat, obsidere cogitans,  
ex Romanis copiis, quæ per uni-  
versam Siciliam erant, plurimos  
fortissimosque milites delegit: eos-  
que acceptis ab Hierone navibus,  
in Liparæorum insulam trajecit.  
Vnde quum ad auspicia repeten-  
da Messanam rediturus esset, P.  
Aurelium Pecuniolam adgnatum  
suum (apud alios Q. Cassium tri-  
bunum militum lego) obsidioni  
præfecit, opera tueri diligenter,  
de cetero abstinere pugna iussum.  
Sed is posthabito Consulis man-  
dato, suæ gloriæ cessurum ratus, si  
per absentiam illius capta Lipara  
foret, ad oppugnanda mœnia du-  
xit: non impunita temeritate, nam  
neque expugnare urbem potuit,  
& multis amissis, eruptione in re-  
cedentem facta, aggere præterea  
in-

*Zonaras.*

*Frontinus  
Strategem.  
mat. 4. 1.*

*Valerius  
Maximus  
2, 7, 4.  
Zonaras,*

*Val. Max.*

incenso, castra ægre tutatus est. Sed reditu C. Aurelii quum mutata fortuna esset, magna hominum cædes in urbe capta est edita: deinde ad tribuni pœnas itum, quem adempto militiæ gradu, virgis cædi Consul, & stipendia inter gregarios pedites facere coëgit; memorabili severitate, cujus & alia quædam exempla in eodem illo Consulatu C. Aurelius edidit. Recepta Lipara, Timasitheci, qui locis istis quondam profuerat, posteris datum, ut immunes à tributis & vectigalibus essent. adeo ne tempore quidem intercidere sinebat gratissimus populus veteris beneficii memoriam, quod Timasitheus craterem aureum Delphico Apollini dono à Romanis missum, quem piratæ Liparæi ceperant, legatosque qui cum deferebant, salvos & in Græciam & deinde Romam reducendos curaverat. Erectam deinde castellum munitissimum, Romani cum peditum quadraginta millibus, & equitibus mille obsidere adgressi, neque capere potuerunt, neque cum Pœ-

nis

*Ὀλυμπ.  
ἀναγρ.*

*Livius  
5,28,*

*Diodorus.*



nis ausi sunt collatis signis con-  
figere. Nam ex M. Reguli casu *Polybius.*  
tantus elephantorum terror Ro-  
manas legiones inceserat, ut ex  
eo tempore præliorum aleam fu-  
gerent. sæpe in Lilybætano agro,  
sæpe in Selinuntio instructis ad-  
versum hostes ordinibus steterunt,  
vix aliquando passuum sexcento-  
rum intervallo dirempti: sed ne-  
que pro solita prius alacritate  
proelium incipere, neque omnino  
in plana se demittere tutum rati,  
loca ardua & inaccessa sectaban-  
tur. Vnde Carthaginenses mayo-  
rem in modum confirmati, quum  
& pedestri exercitu jam confide-  
rent, & mari quoque majores à  
tempestate Romanis, quam ex  
adversis præliis sibi accidisse cla-  
des judicarent, etiam decreto Se-  
natus, de classe omittenda, cogni-  
to: recipi Siciliam posse sperave-  
runt, si novæ eo terrestres mariti-  
mæque vires mitterentur. Sed ma-  
xime pecuniarum inopia præme-  
bat: impensis belli tam diuturni  
omnes & olim reconditas, & quæ  
quotidie cogeantur opes hau-  
rien-

*Zonaras.*



*Appianus  
apud Ful-  
vium.*

*Epitome  
Livii 18.*

*Tabula  
Romana.*

*Val. Max.  
2, 2, 7.*

rientibus. Ergo legatis ad Ptole-  
mæum Ægypti regem, quocum  
amicitia ipsis erat, missis, duo mil-  
lia talenta pecuniæ mutuæ petive-  
runt. Rex qui Romanos, & ipsos  
amicos sociosque suos, offendere  
nollet, pacis auctorem atque pa-  
rarium utrisque sese obtulit. Sed  
re frustra tentata, petitionem suam  
Pœnis denegavit, *amicos adversum  
hostes, non adversum alios amicos  
sibi adjuvandos videri prefatus.*  
Sub ea tempora Romæ Tib. Co-  
runcanus primus ex plebe Ponti-  
fex Max. factus est. Censores is  
quoque annus habuit, quod mu-  
nia magistratus ejus, altero cen-  
fore mortuo, altero abdicante,  
peragi anno superiore non potue-  
rant. M. Valerius M. F. M. N. Ma-  
ximus Messalla, P. Sempronius P.  
F. P. N. Sophus Lustrum septi-  
mum atque tricesimum condide-  
runt. eo censa sunt capita civium  
ducenta nonaginta septem millia,  
septingenta nonaginta septē. Tri-  
stis hæc & severa censura fuit: in Se-  
natu recensendo, tredecim moti:  
juvenes quadringenti ademptis e-  
quis

quis publicis ærarii facti. hoc quidem C. Aurelii Consulis querela effecerat, coram Censoribus arguentis, *quod in Sicilia, quum necessitas postularet, ad opus iussi accedere, imperium detrectavissent.* Consul ne hac quidem spretæ disciplinæ ultione contentus, etiam apud Patres obtinuit, ne eis emerita jam stipendia solverentur. Neque minus, ut illa fuerunt tempora ob vigorem disciplinæ intente custoditum, quam ob res gestas decretum ei triumphum opino, quem de Pœnis & Siculis A. D. Idus Apriles egit. Proximus deinde annus plus minarum quam eventuum habuit. nam ex magnis utrimque apparatibus quum mutuo metu tenerentur, æstas nullo majore negotio memoranda transiit. L. Cæcilius L. F. C. N. Metellus, C. Furius C. F. C. N. Pacilus, Consules, legionibus in Siciliam deportatis, neque laceſſiverunt ipsi hostem magnopere, nec ab eo laceſſiti sunt, quamquam novus Pœnorum Imperator Asdrubal cum ducentis navibus, elephantis

*Frontinus  
Strategem.  
4, 1.*

*Columnæ  
Capitolinæ.*

*Anno ab  
Urbe Cond.  
502.*

*Orosius  
4, 9.*

*Polybius.* tis centum quadraginta, peditum-  
*Eutropius* que & equitum millibus viginti  
 recens advenisset. Ea res Senatum  
 denuo de classe paranda consul-  
 tare coëgit: quippe trahendo in  
 longum bello rempublicam ex-  
 hauriri sumptibus, neque post M.  
 Reguli cladem suis legionibus pri-  
 stinum vigorem mansisse; & ut  
 terra prosperrime res succederet,  
 tamen prohiberi Sicilia Pœnos  
 non posse, donec imperium maris  
 penes illos esset, haud obscure vi-  
 debant. Ergo rursus ad priora con-  
 silia revoluti, victoriæ spem in  
 navibus habere, illasque summa  
 curareficere, aut ædificare cepe-  
 runt. Interea quum L. Metello  
 Panormi relicto, C. Furius ex Si-  
 cilia domum reversus comitia  
 Consularia habuisset, C. Atilius M.  
 F. M. N. Regulus, L. Manlius A.  
 F. P. N. Vulso, facti: uterque ite-  
 rum. His mandata classis instru-  
 endæ conscribendorumque socio-  
 rum navalium cura; L. Metello  
 prorogatum imperium, isque pro-  
 consule bellum in Sicilia admini-  
 strare jussus. Asdrubal alterum ex  
 Ro-

*Anno ab*  
*Urbe Cond.*  
 503.

*Polybius*  
 1,32.

Romanis ducibus , cum dimidia parte virium abivisse cernens , secumq; reputans jam à longo tempore, quamquam instructæ ex adverso acies essent, Romanos metu contatos fuisse ; quum jam neque voces suorum , qui segnitiam ejus *Diodorus.* increpabant , diutius ferre posset; omnibus cum copiis Lilybæo egressis, difficili per Selinuntiorum fines itinere , Panormitanum agrum attigit , ibique castra metatus est. Forte Panormi cum exercitu reliquo Procos. agebat , ut æstate jam adulta, sociis ad demetendas fruges condendasque præsidio esset. Hic audito hostium *Zonaras.* speculatores occultos Panormi degere , universos qui in urbe essent procedere in concionem iussit. deinde præcipiens ut sese mutuo præhenderent rogando ignotiores quemque , *quis esset , aut cujus rei causa Panormi ageret,* exploratores depræhendit. Ex quibus ubi didicit , quid apud hostes ageretur , animadverso plus temeritatis quam consilii in expeditione Pœnorum esse , quo magis ad in-



*Polybius.**Tazellus  
de reb. Si-  
culis 2. 4.**Frontinus  
Stratege-  
mat. 3, 17.*

ineptiam fiduciam incautos pro-  
liceret, simulavit metum & intra  
munimenta urbis se continuit. Fe-  
rocior ergo factus Asdrubal, pro-  
motis castris agrum Panormita-  
num vastat, urit, fruges corrup-  
pit, ad ipsos usque urbis muros  
populationem profert. neque mo-  
veri hoc vel damno, vel pudore,  
proconsul: ratus, si paululum su-  
stinuisset, utrumvis in Pœnos cum  
ingenti fœnore derivatum iri. ma-  
xime vero ut flumen Orethū, quod  
meridiem versus urbem præterla-  
bitur, transirent hostes, expecta-  
bat. hoc enim si factum esset, præ-  
meditatam expeditamque victo-  
riæ viam habere rebatur. Id ut ad-  
sequeretur, quum rebus ceteris in  
speciem timide administratis, tum  
propugnatores in muris raros  
conlocando, & animum suorum  
& numerum ab hoste despici cu-  
piebat. Hoc consilium, quum &  
Prætor hostium audacia sua, &  
improviso casu fors juvisset, ex sen-  
tentia proconsulis cessit. Nec enim  
defuit Asdrubal tum copias pede-  
stres, tum equitatum & elephan-  
tos



tos omnes transducere , positis  
juxta muros oppidi castris , tanto  
cum contemptu confessæ , ut pu- *Diodorus.*  
tabant, hostium formidinis, ut ne-

que vallo sibi neque fossa opus es-  
se judicantes , nullis defensa mu-  
nimentis tentoria figerent. Eo  
quum lixæ mercatoresque ingen-  
tem annonam plurimumque vini  
convexissent , mercenarii Cartha-  
ginensium avide hausto mero, cla-  
moribus dissonis tumultuque &  
strepitu , qualis ebrietatem se-  
qui solet, omnia complevere. Tum

vero tempestivum proconsuli vi- *Polybius.*  
sum , emissis expeditis hostes ad  
pugnam prolicere , processitque  
res ita feliciter , ut aliis aliisque  
subinde prorumpentibus , tandem  
totus Asdrubalis exercitus è castris  
educeretur. Ibi L. Cæcilius pro-  
consule partem velitum ante fos-  
sam urbis disponit. his imperat,  
*siquidem elephanti propius subgressi*  
*essent , densa in eos tela conjiciant:*  
*si urgeantur ipsi , refugiant in fossas,*  
*atque rursum inde conentur.* sordi-  
dos opifices & forensem turbam  
comportare missilia jubet, & extra  
mu-

muros projicere, ne copia horum  
 velitibus desit: sagittarios in mu-  
 ris locat: ipse cum cohortibus gra-  
 vioris armaturæ intra portam,  
 dextro hostium cornu obversam,  
 instructus paratusque consistit. In-  
 terea qui prælium commiserunt,  
 modo multitudine hostium pressi,  
 servatis ordinibus referebant pe-  
 dem, modo recentibus suorum  
 auxiliis confirmati, quæ procon-  
 sul idemtidem submittebat labo-  
 rantibus, pugnam sustinebant:  
 quum rectores elephantorum  
 æmulatione incensi, quo ipsi po-  
 tius quam Asdrubal auctores vi-  
 ctoriæ fuisse viderentur, concita-  
 tis belluis proturbant adversarios:  
 & ad urbem se recipientibus in-  
 caute instantes, ad ipsam usque  
 fossam progrediuntur. Ibi vero,  
 quum & à mœnibus sagittarum  
 nimbus rueret, & à recentibus  
 qui ante fossam steterant, hastæ  
 velitares confertim jacerentur,  
 confecti vulneribus elephanti sæ-  
 vire, conversique quo dolor & ira  
 ferebat incumbere suis, proterere  
 obvios, perturbare & dissolvere or-  
 dines

*Frontinus*  
*Strategie-*  
*mat. 2, 5.*

dines armatorum cepere. quo animadverso proconsul *hoc illud esse tempus provise diu victoria clami-* Polybius.  
tans, aperta porta prorumpit: neque difficile certamen instructis & compositis adversus trepidantes & turbatos fuit: magna cædes pugnantium, magna fugientium Diodorus.  
facta, casu quodam, qui præsidium adfluctis adferre debuerat, ultro calamitatem augente. Quippe Zenaras.  
pe sub idem illud tempus Punica classis comparuit: ad quam, veluti salutis unicam spem, quum trepida multitudo metuque cæca promiscue rueret, multi invicem aut ab elephantis conculcati sunt; alii à persequentibus interempti: magnus etiam numerus inter natandum, aut dum naves tumultuose conscenduntur excussus, in mari periit. neque vel ad ea tempora, vel deinceps ulla populo Romano inter tot res prosperas victoria clarior cessit: qua & ad priorem fiduciam erecti sunt animi, & tantus hosti metus incussus, ut non modo spem in posterum pedestris militiæ, quamdiu id bellum

- Florus 2,** lum fuit, sed etiam cogitationem  
**2.** deponeret. Viginti millia Cartha-  
**Orosius 3,** ginensium eo prælio cæsa referun-  
**9.** tur: elephantis sex & viginti statim,  
**Zonaras.** ceteri postea omnes capti. Procon-  
 sul enim efferatas palantesque bel-  
 luas ab ignavis haud facile adduci  
 posse cogitans, præconis voce *in-*  
*columitatem & libertatem captivis*  
*promiserat, quorum opera compræ-*  
*hensi elephantis esse viderentur.* Ita  
 primum captis mansuetioribus  
 sibi que notis, ceteros horum ope  
 haud difficulter adduxerunt. L.  
 Metellus omnes Romam misit,  
 haud indigno quod memoretur  
 invento per fretum transportatos.
- Frontinus** Quod enim naves ad eam rem  
**Strate-** idoneas nullas habebat, doliis  
**gem. I. 7.** coactis multis vinctisque, ita ut  
 inter bina quæque dolia tignum  
**Zonaras.** unum immissum, neque conlidi  
 inter sese, neque divelli sineret;  
 rates compactæ sunt, quæ deinde  
**Plinius 8,** tabulato constratæ, materia ter-  
**6.** raque ingesta, & lateribus undi-  
**Zonaras.** que præseptis in stabuli formam  
 ingressas intrepide belluas, sine  
 sensu navigationis, cujus valde  
 im-



impatientes sunt, in Rhegino lit-  
tore exposuerunt. Asdrubal ex cla-  
de Lilybæum evasit, sed Cartha- *Orosius.*  
gine damnatus absens, quumque  
rediisset compræhensus & suppli-  
cio adfectus est. Interea Pœni cæ-  
sos exercitus suos, abactos ele-  
phantos, totam Siciliam præter  
Lilybæum & Drepanum amissum,  
Romanosq; iterum classe confecta,  
mari terraq; validos esse reputan-  
tes, ad pacis consilia se retulerunt:  
gratanter accepturi si lenioribus  
paulo conditionibus transigi pos-  
set. Quæ res quum eos M. Reguli,  
legumque pacis ab ipso quondam  
dictarum admonuisset, in eam co-  
gitationem venerunt, ut per illum  
ipsum maxime crederent, vel pa-  
cem, vel quod secundum pacem  
gratissimum erant habituri, per-  
mutationem captivorum impetra-  
ri posse. Neque dubitabant quin  
promptissimam operam in eo ne-  
gotio vel sua causa navaturus es-  
set. *quem enim tanta duritie animi*  
*cogitari posse, quin exire miserias*  
*carceris, revisere charissima pigno-*  
*ra, sui libertate, patria, dignitate,*  
*Q* *hono-*



Zonaras.

Appianus  
apud Ful-  
vium Vr-  
sinum.Dio apud  
Fulvium  
Vrsinum.Cicero de  
Officiis 3,  
27.Dio apud  
Fulv. Vr-  
sinum.Livii E-  
pit. 18.

honoribus cupiat? Esse M. Regulo uxorem Romæ, esse liberos: propinquos ejus adfinesque in Senatu & magistratibus, fratrem etiam patruelem consulari imperio agere: ipsum Senati populoque Romano & ob res prosperas charissimum, & ob adversas miserabilem esse: sive se amaret, sive à suis amaretur; neminem neque agenda causæ diligentiores patronum, neque impetranda gratiosiores fore. Non abnuit ille, nulla spe aut cupiditate suæ utilitatis, ut postea adparuit, sed ut Senatum ad publica tuenda commoda præsens auctor efficacius permoveret. Ita Carthaginiensium legatis additus quum ad urbem venisset, ingredi, quavis rogatus à Romanis, noluit: hostium legatis ex disciplina patriæ Senatum extra urbem dari causatus. Coactis ergo Patribus inter legatos Carthaginiensium verba fecit, se quoque, ut qui jure belli servus Pænorum esset, mandata dominorum adtulisse, maxime quidem bellum uti finiretur conditionibus quibus utriq; populo visum esset: sin vero, ut saltem captivorum esset permutatio. Digressos mox

mox legatos & ipse sequutus est, neque deliberationi Senatus hoc ipsum instanter petentis prius inter esse voluit, quam Carthaginienses adfentirentur. tum adsedit tacitus, donec rogatus sententiam Patres, inquit, conscripti, ego tamen Romanus sum! & corpus quidem, ut fortuna voluit, penes hostes est; animus fortunæ non subiectus, qui fuit, manet. quare huic potius obsequutus quem meum esse reor, quam corpori quod alienum est, neque captivos permutandi, neque ineunda pacis auctor sum. Bello manente captivos reddi, prorsus est inutile: nam illi pro me uno duces multos, pro sene adolescentes repetunt; in quibus esse novi quos non spernatis: finire vero bellum, nisi luculentissimis conditionibus, aut universa victoria, quum indignum esset sapientia vestra, tum rei Romane damnosissimum. Scio vobis etiam in gerendo bello difficilia multa accidere, neque enim res magna citra magnum laborem magnosque sumptus confieri possunt: sed si Carthaginiensium fortunam contuleritis, omnia quæ momentum ad victoriam faciunt, penes vos meliora sunt.

Zenaras.

Silius  
lib. 6.

Cicero de  
Officiis 3,  
27.

sunt. Magna pugna superati sumus semel, sive culpa ista mea sive fortuna fuit: sed exercitus eorum toties cecidimus, & animos mea clade rursus erectos victoria Panormitana infra priorem desperationem deiecit adflixitque. Siciliam excepta una alteraque urbe amiserunt. in ceteris insulis res ipsorum male sunt. Classem habetis, cui Punica non optet occurrere: hac quoque parte belli perpetuo superiores. neque accepta tempestatibus damna tantum vobis virium detraxerunt, quantum adiecerunt cautionis. Pecunia fortassis par utrobique inopia: sed obsequentiores tamen vobis Itali, quam Afri Pœnis, quos quum amassent numquam, nuper etiam impensius odisse didicerunt. Qui enim nulla dum tam atroci injuria laesi certatim ad me deserunt, eos post vastatam à prioribus dominis regionem, abacta armenta, extortas pecunias, interfectos principes, quid aliud expectare creditis, quam ut novus exercitus hinc in Africam veniat? Quod vero deletus vobis facilis & copiosus est, miles bonus, concors, lingua, moribus, sacris

sacris, civitate, cognatione junctus, id tantum esse reor, ut hac una re ancipitem facere possetis Carthaginensibus totius belli victoriam, si ceteris omnibus vinceremini. Quid enim adversus ejusmodi copias momenti sit in mercenaria manu? Et tamen si quod erat, sua crudelitate jam aboleverunt Pœni, sibi que non minus difficilem effecerunt peregrini militis conducendi rationem, quam conducti custodiam. Xanthippus, cui forte Carthago debet, quidquid ab eo tempore potuit amittere, tam ingrate perfideque tractatus documento erit aliis, ne temere locent operam ei populo, qui maxima merita non nisi maximis injuriis novit remunerari. vulgus etiam barbarorum, stolidum et vanale genus, nihilominus absterrebit in sui generis homines sæpius exercita sævitia, quum modo carnificum aut commilitonum manu perempti, modo in desertis insulis expositi, pro stipendiis emeritis, ne simplicem quidem mortem, et humani moris supplicia pertulerunt. Habetis P. C. rationes meæ sententiæ, quæ neque pacem Carthaginensibus dan-

Q 3

dam.

Taanii  
metaphra-  
sis in Eu-  
tropium.

dam, neque commutationem capti-  
vorum recipiundam censeo. Non  
displicebat consilium Senatui, si  
auctore salvo accipi posset, sed hu-  
jus eo magis miserabantur, quo  
ipse ut reipublicæ consulcretur,  
magis se neglexerat: apparebat-  
que huc inclinari, ut qualibet con-  
ditione vir animi tam generosi pa-  
triæ redderetur. jamque voces ja-  
ctabantur dicentium, postquam ad  
suos postliminio revertisset, suo jam  
jure manere in civitate, aut retineri  
posse: Pontifex etiā Maximus adfir-  
mabat, si remansisset in civitate, citra  
perjurium facturum videri. quum  
ille spiritu vultuque quem etiam  
iste Senatus stupefceret: Quin, ait,  
dubitationem istam semel tollitis Ro-  
mani, sequiminiq; sententiam meam,  
& audetis me contemnere! Frustra  
tenditis obtinere, quod neque jucun-  
dum vobis, neque utile patriæ neque  
mibi honestum sit futurum. Fortasse  
dum nova res esset, alacres, & gra-  
tantes vobiscum me versari videretis:  
sed simulatque primi istius gaudii  
brevis impetus evanisset, odiosiore  
me vobis redderet reditus mei turpi-  
tudo,



tudo, quam absentia mea desiderandum effecisset. Mihi quidem certum est in ea civitate non degere, ubi post *Eutropius*  
servitutem Africanam civis honesti *lib. 2.*  
dignitatem tueri non potero: & si  
maxime vellem, prohiberet fides,  
prohiberet juris jurandi sacer hor- *Silius*  
ror, numinumque veneratio, quorum *lib. 6.*  
invocationem & reditus mei ad  
Pœnos pignus feci, & si peierem,  
pœne non à me tantum, sed etiam à  
vobis populoque Romano repetendæ *Zonaras.*  
vindictam timeo. Sunt enim profecto  
aliquid dii, neque perjuriis aut con-  
temptu hominum impune violantur.  
Si quis vero posse me religione exsol-  
vi autumat: esse prodita libris au-  
guralibus hujuscemodi piacula: cari-  
moniis & victimis perfidiam ac per-  
jurium rite procurari: eum ego me-  
minisse velim, majorem esse majesta-  
tem numinum, quam ut peierando  
lasa quibuscumque hominum inventis  
placetur: neque rationi consenta-  
neum, ut macula peccatis hominum  
contracta, pecorum boumve sangui-  
ne ablui credantur. Ad me quod  
adinet, scio mihi Carthagine para-  
tos esse cruciatus magnos, exquisita-

tormenta. Sed his omnibus tristius  
esse puto fidem fallere. Hoc enim mi-  
hi profecto noceret: illa magis ad ea  
que circa M. Atilium sunt, quam  
ad ipsum referuntur. Nolite cala-  
mitatem existimare, quisquis ferre  
calamitatem potest. Servitutem, con-  
temptum, dolorem, inediam, vigilas,  
quum mala numquam putaverim,  
post tanti temporis advetudinem  
etiam molesta credere desii. Tolerabi-  
lia enim esse, tolerando didici: quod  
si supra quam ab homine ferri pos-  
sint, intendantur, non ab illa tan-  
tum, sed ab omni miseria me cita  
mors liberabit. Nihil igitur timen-  
dum esse video mortem non timenti,  
quam etiam occupare licet: & secis-  
sem, nisi viri esset, vincere potius  
dolorem quam effugere. Sed hac  
pauca & confusa ideo dixi, ut vos  
neque dimoveri me posse à sententia  
sciretis; neque vicem meam velut  
hominis infelicitis & calamitosi mise-  
rerimi: mihi vero mei consilii tota ra-  
tio facilis & constans est. nam ut  
Carthaginem revertar, id mihi debet  
esse cura; quid passurus ibi sim, erit  
diis. Ajunt etiam quo efficacius  
mo-

moveret dubitantes, confirmasse, *Tuditanus*  
 priusquam Carthagine dimissus esset, *apud A-*  
 sibi venenum Punica fraude datum, *gellium*  
 quod lenta peste spiritus vitales exe- *6. 4.*  
 dens, facta permutatione restitutum  
 suis consumeret. Horribilem vero  
 in hoc viro virtutis constantiam.  
 qui, dum ab honesto non discede-  
 ret, contumelias, cruciatus, mor-  
 tem, quidquid denique abominan-  
 tur homines, majori prope con-  
 tentione sequutus est, quam alii  
 vitaverant. Vtili mortalibus do-  
 cumento, eas tantum animas qui-  
 busvis terroribus pares, honesti-  
 que propositi ad extremum tena-  
 ces esse, quæ nobilitatis suæ sen-  
 sum habent, seque non ad hanc  
 hanc modo vitam natas esse me-  
 minerunt. Nec enim acerbitates  
 tantas M. Regulus sponte pertu-  
 lisset, nisi aut pulchris factis in-  
 gentia post mortem fore præmia,  
 aut sceleratis ingentes pœnas cre-  
 didisset. Igitur in sententiam M.  
 Reguli facto Senatus consulto,  
 quum mœstos & iratos dominos  
 ipse vultu semper eodem sequere- *Silius*  
 tur, repulsæque dolorem appare- *lib. 6.*  
 ret

Q 5

ret

Zonaras.

Silius.

Dio apud

Fulv.

Horatius

Car. 3, 5.

Appianus

Punic.

Livii E-

pit. 18.

Valer Ma-

ximus 2,

1. ext.

Tubero a-

pud Agel-

lium 6, 4.

Auctor de

Viris Il-

lustris.

c 40.

Augustin.

de Civ.

Dei 1. 15.

Silius.

Cicero de-

Offic 3,

27.

ret in suasorem ejus crudeliter vindicatum iri, moti quidam sunt, ut vel nolentem retineri juberent. uxore præterea Reguli Marcia, communibusque liberis, omnia fletu planctuque complentibus, dixere Cónsules, *neque manentem dedituros esse; neque discedentem moraturos*. Sic ille recusato etiam conjugis conloquio, parvorumque filiorum complexu osculisque vitatis, Carthaginem reiectus, atrocissimis suppliciis vexatum corpus exuit. Palpebris enim resectis aliquamdiu in loco plane tenebricoso habuerunt: deinde quum sol esset ardentissimus, repente eductum intueri cœlum coegerunt. postremo conjectum in arcam ligneam, quam ad Solem obvertebant, clavis introrsum versis horrentem, atque ita angustam, ut erectus perpetuo manere cogere-  
tur: dum fessum corpus, quocumque inclinaret, ferreis stimulis confoditur, cruciatu & vigiliis interemerunt. Hic M. Atilii Reguli fuit exitus, ipsa quoque vita, licet maximam per gloriam diu acta,  
cla-

clarior & inlustrior. Fuit vir moribus integerrimis, animo infractus; consilio non spernendus: in quo nihil adcusare neque sua neque sequentia tempora potuerunt, nisi quod fortunam secundam infirmius tulisse visus est, repudiatisque Pœnorum precibus causam fuisse, cur multis deinde annis bellum maneret, ingenti cum civitatis utriusque detrimento. Ceterum M. Regulus peccatum istud aliis virtutibus, sed maxime mortis admirabili constantia delevit; calamitate sic perlata fortunatior, quam si evitare imminentem potuisset. Audito fine Reguli, & barbara Pœnorum feritate, Senatus nobilissimos captivorum Marciae liberisque dedit. quos illi conclusos in armario muricibus præfixo, pari ac Regulus interierat supplicio excruciare constituerunt, alimentis etiam per dies continuos quinque non præbitis. intra quod tempus Bostar Pœnus mœrore fameque extabuit. Hamilcar vero firmior, etiam alios quinque dies cum cadavere Bostaris inclusus, ciboque

*Diodorus  
apud Valesium.*

*Zonaras.*

*Tuditanus  
apud Agellium  
6,4.*

*Diodorus  
lib. 24.  
apud Valesium.*



tantum ad vitam cum miseria pro-  
rogandam dato duravit : donec  
cognito quid fieret, magistratum  
imperio sævitia coërcita est, injun-  
ctumque ut Bostaris cineribus in  
patriam remissis reliqui captivo-  
rum mitius haberentur. morum  
utriusque civitatis memorabili dis-  
crimine; quum altera nec inique  
læsa, nec impune læsura, virtu-  
tem quam venerari debuerat, di-  
ris suppliciis exstingueret : altera  
justissimæ vindictæ poneret mo-  
dum, non quem poscebat irrita-  
tus dolor, sed quem reverentia  
humanitatis, & decora claris im-  
periis moderatio commendabat.

I. FREINS-

I. FREINSHEMII  
SUPPLEMENTORVM  
LIVIANORVM

LIBER NONVS.

*Loco Libri Vndevicesimi Liviani.*

**P**rofectis ab Vrbe Carthaginiensium legatis, Consules Senatusconsulto exercitum in Siciliam deportare iussi, cupide paruerunt, & ira in hostes accensi ob M. Regulum, & æmulatione speque ex L. Metelli proconsule victòria. Nec enim confecti negotii magnitudinem damno tantum Carthaginensis populi metuebantur, quod amisso exercitu, tantoque numero elephantorum, ad reliqua belli factus esset infirmior; sed haud minus eo, quod prospera cum belluis pugna Romani milites animum ex priore formidine receperant: spesque inceserat finiri bellum posse, ni occasione defuissent. Igitur classe navium ducentarum coacta Consules ambo  
cum

*Polybius 1. 41.*

*Etymolo-  
gicus in  
Κερκῶ-  
ς.*

cum legionibus quatuor Panorum appulerunt: adsumptisque reliquis ibi copiis navibusque, præter eas quæ custodiæ locorum necessariae videbantur; cum rostratis ducentis quadraginta, cercuris vero (sic vocant navium quoddam breviorum genus) sexaginta, & aliis cujusque modi navigiis plurimis Lilybæum veniunt: ibique consilio habito adgredi urbem constituunt. Hæc est illa Lilybæ-tani oppidi nobilis obsidio, quæ per solidum decennium, ab ejus belli anno quarto decimo tracta, non expugnatione urbis, aut deditione ab obsessis facta, sed universi belli eventu finem accepit. Quum enim Pœni Romanique intelligerent quantum in ea urbe momentum utrisque foret, vel ad Africae præsidium, vel ad imperium Siciliae, summis utrimque viribus & oppugnata & defensa est. Urbem deinde Romanam ex mœrore quem M. Reguli casus adtulerat, refecit L. Metelli triumphus: non visu modo & memoria rerum prosperrimarum, sed etiam ad-

adversus inhumanam gentem vindictæ dulcedine. Triumphavit de Poënis proconsule A. D. VII. Idus Septembres. Ducti sunt ante cur-  
 rum duces hostium tredecim, & ingens elephantorum agmen, viginti supra centum; sunt & qui plures numerent. Hi deinde producti sunt, quum ludi fierent, & hastis præpilatis per totum circum ab operis acti, quo contemnere disceret belluas populus, quas vehementissime timuerat. Interfectos esse jaculis Verrius Flaccus auctor est, quum neque uti iis placuisset: neque donari regibus tantam adcessionem virium, ex usu reipublicæ videretur. Eodem anno magna vilitas annonæ Romæ fuit: assibus singulis farris modios fuisse, itemque vini congios, ficique siccæ pondo triginta, olei pondo decem, carnis pondo duodecim traditur. quum plus ubivis earum rerum esset, quam pecuniæ, cujus inter belli tam diuturni sumptus magna jam penuria esse ceperat. Dum hæc Romæ geruntur, in Sicilia Lilybæum summis viribus ob-

*Columna  
Trium-  
phales.*

*Livii E-  
pit 19.*

*Dionysius  
lib 2.*

*L. Piso a-  
pud Pli-  
nium 8, 6.*

*M. Varro  
apud Pli-  
nium 18,  
3.*

*Polybius*  
I, 42.

obpugnabant Consules, neque minore pertinacia animorum ab inclusis resistebatur. Prima vis ad-  
mota est turri quæ præ aliis longissime versus Libycum mare pro-  
currebat. Hac dejecta, ad proximam quamque promota sunt ope-  
ra, donec sex omnino turres pro-  
cubuerunt. tum ad ceteras qua-

*Zonaras.*

tiendas fossæ compleri ceptæ, ut  
machinæ transduci admoventique  
possent. quamquam magnus erat  
labor, quippe latitudo fossæ sexa-  
ginta cubitos, altitudo quadra-  
ginta æquabat, tamen impigre ce-  
ptus promotusque est. Contra hæc

*Diodorus*  
lib 24.

*Zonaras.*

Carthaginenses interius aperta  
fossa, egestam humum amolieban-  
tur: sed quum multitudine mate-  
riem adportantium nihilominus

*Diodorus.*

agger cresceret, fossæque compla-  
narentur, relicto isto consilio mu-  
rum alium interiorum exstruxe-  
runt: indefesso ad omnia Himil-

*Polybius.*

cone, qui præter urbanam multi-  
tudinem, mercenariorum decem  
millibus instructus, vim omnem  
dolumque hostium sagacitate, vi-  
gilantia, constantiaque cludebat.

Ille





*Polybius.*

quin suos quisque milites facile inlecturus esset ad probanda quæ agerentur. Itaque nocte quadam clam ex oppido ad castra Romanorum elapsi, statum urbis obsessæ, & quid ipsi pararent, exposuerunt. Agebat tum inter mercenarios qui Lilybæi erant Alexon quidam, Achæus genere, vir neque militarium artium rudis, & eximius fide. Is animadverso proditorum consilio, rem ad Himilconem continuo defert. Himilco, ut in magno & instanti metu nihil contatus, duces mercenariorum, quot eorum adhuc Lilybæi erant, convocat: quid à quibus tentetur exponit, eosque graviter incusat: hortatur præsentibus *ne temeritatis & perfidiæ alienæ participes esse velint: in fide perseverantibus integra apud Carthaginenses omnia, stipendium certum, præmia magna fore: proditionis infami crimine se commaculantes, & diis &*

*Zonaras.* *hominibus adversis acturos esse. Simul pecuniæ quantum cogere istam inter trepidationem potuerat, dividit, de gregariorum stipendiis,*

*diis , ut quam maturrime solvantur, sibi cura futurum esse spondet. Magna vis orationis est in tempore adhibitæ , præsertim si gravitate morum fides sermoni concilietur : adfensi certe sunt universi, Polybius.*  
operamque suam ad continendos in officio milites alacriter obtulerunt. Himilco laudatos & ampliori spe incensos *ire confestim ad suos quemque jubet , operamque dare, ut in fide atque potestate sint:* mittit una Hannibalem filium ejus Hannibalis qui in Sardinia perierat & Achæum Alexonem: illum ad Gallos quibus ex veteri commilitio notus & acceptus erat: Alexonem ad ceteros varii generis mercenarios, omnibus ex æquo charum gratumque. Hi fidem suam interponentes , *rata fore quæ Himilco promississet,* negotium adco ex sententia perfecere , ut paulo post reverbos ad mœnia proditores non modo averfarentur omnes , sed etiam convitiis telisque ultro arcerent. Et hi quidem ad Consules *Zonaras.* re infecta regressi, muneribus tamen quibusdam & agris in Sicilia do-

- Polybius.* donati sunt. Ceterum Poenorum res improvise malo prope desperationem adductas, eo tempore fides Alexonis sustentavit: qui prius servatis itidem Agrigentinis, quibus simili quodam scelere mercenarii Syracusanorum insidiati fuerant, jure suo memoriam laudemque in historia meruit. Creverunt deinde obsessis animi adventu novorum auxiliorum. Carthaginienses enim, licet ignari omnium quæ Lilybæi gesta essent, res non segnibus consiliis indigere judicabant. Igitur Adherbali rei maritimæ profecto negotium dederant, ut classe comparata militem, annonam & pecuniam Lilybæum introduceret. Ab hoc missus Hamilcaris filius Hannibal, ab Ægusis, quas vocant, insulis ventum opportunum nactus, recta fronte Lilybætanum portum petit, instructos in navibus habens milites, & si quis obsisteret vi perempturus. Iam ab obsidionis principio portus aditum obstruxerant Romani, demissis in fundum maris
- Diodorus lib 24.*
- Polybius.*
- Zonaras.*
- Orosius 4, 10.*
- Polybius.*
- Diodorus.*





locis adgreditur Erant & apud hos provisa cuncta, quaque plurimum periculi metuebatur, firmæ stationes obpositæ; cum his itaque confestim acre certamen contrahitur. cadunt utrimq; multi, quum & magna animorum contentione, & numero pugnantium non contemnendo res geretur, haud paucioribus viginti millibus urbe egressis, & majore aliquanto multitudine obsidentium. Quippe Consules contractis ex amica Sicilia auxiliis plusquam centum millia hominum effecerant:

*Diodorus.* ex quibus ad expediendos commeatus aliasque necessitates dimissis ceteris, ad obsidionem urbis millia ferme sexaginta adducta. Sed quum ex omni parte vehementer dimicaretur, maxima circa machinas erat contentio: quas alii ut conrumperent, alii ut defenderent, non magis suæ quam hostis vitæ parcebant. Iacebat ingens agmen occisorum in ea statione, quam tuendam ab initio ceperant: augebat clamorem præliantium & terrificam discriminis faciem

*Polýbius*  
1, 45.

faciem alia turba, quæ facibus tædisque armata, per pericula, per cædes suas alienasque ad incendenda opera ruebat: propriusque factum est nihil, quam ut perviciæ hostium miles Romanus cederet, machinæque defendi nequirent. Sed Himilco multos suorum occumbere cernens, Romanos autem de ardore propugnandi nihil remittere, signum receptui dedit, pugnaque prior excessit, neque Romani institerunt, contenti servatis operibus, quæ propemodum pro amissis jam habuerant. Proxima nocte Hannibal, clam hostibus, dum fessi ex prælio ejus abitum observare negligunt, navibus quibus cum venerat, Drepanum ad Adherbalem vectus est: abductis una equitibus, quos in locis impeditis ad nullam rem obsessis utiles, alibi bonam operam navare posse recte judicaverat. Hi enim à Drepano sæpe excurrentes, intuta faciebant itinera, rerumque necessariorum subvectionem difficilem, multosque pabulatorum, longius à castris  
vagan-

*Diodorus.*

*Zonaras.*

vagantium excipiebant, sociosque Romanorum omni cladum genere vexantes, Consulum rationes non mediocriter conturbabant. Neque mari tutas iis res Adherbal esse patiebatur, qui modo Siculis modo Italicis litoribus improvisus incidens, nihil quo nocere Romanis posset, inausum intentatumque relinquebat. Ita factum, ut magna in castris nata in-

*Diodorus.* opia (nec enim præter carnes pecudum quidquam ferme cibi supererat) magna pars fame, plures etiam morbis, ut solet, obortis morerentur. Hunc ad modum quum aliquot hominum millia desiderata essent, alterum ex Consulibus ad comitia Romam discedere, suasque legiones deportare placuit, quo remanentibus in obsidione expeditior annonæ ratio foret.

*Zonaras.*

*Diodorus.* Iterum deinde majori conatu terra lapidibusque adgestis, aditum portus sepire adgressi sunt, validis trabibus decussatim compactis aggerem communientes, quæ ferreis ancoris revinctæ, totius operis compagem firmiore nexu continerent.

nerent. Sed propter maris altitudinem, ob quam inter descendendum convellebatur, quidquid injectum erat, ingens & inutilis labor fuit: nam oborto vehementiore ventorum flatu, undisque intumescantibus, perfracta omnia ac direpta sunt. Quum tamen ipsa operis fama clausum aliquamdiu portum tenuisset; anxios ea res Pœnorum animos, vehementerque sollicitos habuit; neque enim ulla in promptu erat ratio, qua cognoscere statum suorum possent, neq; quisquam audebat operam suam ad inspiciundas Lilybætanorum res polliceri: donec Hannibal quidam cognomento Rhodius, vir ex illustribus, se ingressurum urbem, & postquam omnia coram perlustrasset, ex fide renunciaturum recepit. Ei promissa gratia primo major apud Pœnos, quam fides fuit: quippe præter moles in mari jactas, aditum portus à Romanis navibus ad ancoras stantibus custodiri sciebant. Sed ille privata, quam habebat, adornata navi, ad insularum quæ

R                      Lily-

*Polybius*  
1, 47.

*Diodorus.*

*Polybius*  
1, 46.

Lilybæo præjacent unam, hinc deinde quum postridie ventum ferentem nactus esset, circa quartam horam diei, palam, inspectantibus universis hostium copiis, hominisque fiduciam stupentibus, portum invectus est. At Romanus Consul, ut regredientem interciperet, selectas ex omni numero naves decem per noctem instrui jubet: eas ab utroque latere portus, quam proxime ad ipsum ejus ostium constituit. Hannibal celeritate navis suæ confusus clara luce procedit: expectabant eum intenti paratique Romani: simulque conatu quanto poterant, in eum ferebantur. Sed ille velocitate tantum vincebat, ut effugisse non contentus, ultro inluderet, modo adnavigans, modo circumvectus, quasi ad pugnam hostes provocaret. Hac audacia quum sæpius uteretur, multum rebus Punicis adjumenti contulit, quod & obsessorum animi nunciis suorum mirifice recreabantur, & quæ postulabat usus Carthagini mature cognosci poterant, & contu-

me-



meliosa istius hominis temeritas Romanos molestia & pudore vexabat. Iuvabatur autem peritia maxime locorum, quod in palustri illa cœnosaque eluvie, per quam Lilybæum aditur, certum fidumque navibus iter accurate observaverat. quoties enim ab alto veniens in conspectu habere urbem ceperat, ita obvertebat navem, ut puppis Italiam respiceret, ex prora turris Lilybætana quæ mari imminebat, ita cerneretur, ut omnium Africam versus sitarum turrium conspectum tegeret: quæ una tutissima est via pleno cursu portum petentibus nautis. Iamque plures esse ceperant, qui audacia & felicitate Hannibalis incitati Lilybæum commearent: donec casu quodam quadriremis celeritatis eximie compræhenderetur. Licet enim aliis partibus moles à Romanis jactas venti ac undæ raptavissent; uno tamen loco, ubi minus profundum mare fuerat, constiterunt. Ei dorso impacta navis quum obhæsisset, capta à Romanis optimoque milite & remigio

*Diodorus*  
24, 1.

instructa, etiam Hannibali exitium adiulit. Quippe noctu forte ingressus urbem, quum in reditu palam solvisset, quadrirememque istam ad omnes suæ navis motus similiter occurrentem videret, animadverso statim periculo fugere, & quum hoc frustra esset, repugnare conatus, in validiorum potestatem venit. Romani hac quoque nave potiti, parique modo ad observandum portus aditum usi, ne quæ deinceps naves Lilybæum penetrare possent, facile prohibuerunt. Acrior inde vis obsidentium esse cepit: adortique munimenta Romani, quæ mari vicina erant, omne defensorum agmen ad tuenda loca quæ oppugnabantur pertraxere. Sic via facta reliquis copiis quæ ex diversa parte occasione huic insidiabantur, ut murum exteriorem caperent. quamquam id frustra fuit. quippe dux Pœnus cum delectis suorum tempestive accurrens, multa cum cæde tenentes locum Romanos rejecit. Alia deinde major fortuna spem obsessis universæ victoriæ dedit.

dedit. Forte ventorum ingens vis *Polybius*  
exorta fuerat, adeo veluti data 1,48.  
opera Romanorum incumbens  
machinis, ut & vineas quateret,  
& ipsas turres in capitibus earum  
structas convelleret. Non fecellit  
ea res oppidanos, deorumque mu-  
nere oblatam sibi opportunita-  
tem credidere, qua toties frustra  
tentatis operibus ignem injicerent.  
Itaque tripartito agmine erum-  
punt, faces & quæ alendo igni pa-  
raverant immittunt. eratque per  
se facilis ad concipiendam flam-  
mam materia machinarum, quam  
diu ante cæsam sol & æstus arefe-  
cerant. Neque segniter ad opem  
ferendam concurrerant Romani;  
sed impar certamen erat, quum  
alii machinis jam incensis ad tela  
certius validiusque conjicienda  
luce ignium & tempestatis impetu  
juvarentur: aliis haud minus ab  
his causis impeditenti periculi-  
que, quam ab hostili ferro esset.  
quippe flatus vehemens & Roma-  
nis prorsus adversus, fumum, fa-  
villam, flammam in ora oculosque  
hominum provolvebat: telaque

- ab hostibus missa majori violentia deferebat in obnoxios, quum interim Romanorum ictus incerti & invalidi, nec dirigi per caliginem possent; & vehementia reflantis ventifrangerentur. Ita factum ut omnes Romanorum vineæ, petrariæ, arietes, & quidquid operum vel agendis cuniculis, vel verberando muro paratum fuerat, eodem incendio absumerentur. Tum vero spes omnis potiundi per vim Lilybæi excidit: desertaque obsidio foret, ni Hiero,
- Diodorus.* magna iterum frumenti copia submissa, uti maneretur evicisset. Ita
- Polybius.* omisso oppugnandi consilio, castrisque ex omni parte communitis, tempori & casui rem permittere decreverunt. Obsessi quoque resecta murorum parte quæ ceciderat, majores in posterum ad tolerandam obsidionem animos haberunt. Hæc nequaquam lætis aut securis animis Romæ audita: neque tamen dubitabatur quin bello accepta detrimenta bello sarcienda essent: adeoque hæc sententia penitus infixæ mentibus fuit,



fuit, ut quidam senator in ipsa curia occisus esse memoretur, quod verba de pace fecisset. Magni de-

Zonaras.

inde apparatus facti, inter quos remigum (nam hujus generis jactura ingens facta erat) millia decem ex novo delectu in Siciliam

Anno ab  
Urbe Con-  
dita 504.

missa. Consules jam erant P. Clodius Ap. F. C. N. Pulcher, L. Iunius C. F. C. N. Pullus. Clodium

Plinius  
15, 1.

illum nepotem cæci fuisse, falso à quibusdam traditum est. Is quum

Diodorus  
lib. 24.

in Siciliam venisset, accepto qui ad Lilybæum erat exercitu, milites in concionem convocat, prioris

apud Va-  
lesium.

annis Consules acriter reprehendit, quod per ignaviam & de-

licias, obsessis quam obsidentibus similiore tempus ad Lilybæum sine

ullo profectu, nec sine magna Romani nominis ignominia damnoque trivis-

sent. Erat enim vir asper & acerbus, & qui violentia ingenii, fa-

stuque ob nobilitatem suam, prolaberetur ad facta dictaque vix sanæ

mentis homini convenientia. Idem in puniendo sævus & immi-

tis nullum delictum venia, levissimum quodque nimia severitate

R 4

pro-



- prosequebatur; quum interim ipse in rebus maximis, non misere tantum, sed etiam prorsus amenter impingeret. Nam & consilium priorum ducum quod acerbe vituperaverat, imitatus est, ut ad Portum obstruendum moles in mare jaceret: & quod capitalioris amentiae fuit, temere Drepanum adgressus, non minus sua imprudentia quam Adherbalis virtute florentissimam classem perdidit. Persuaserat sibi ceterisque hostem ignarum supplementi quod Romana classis accepisset, imparatum Drepani depræhendi posse. nihil enim crediturum minus, quam audaciam & vires Romanis esse, ultro hostem mari lacessendi.
- Polybius*  
*I, 49.* Sic delectis navibus optimis ducentis & viginti, impositoque remige, & fortissimo quoque ex legionibus, nam ut ad certam prædam, minimeque longum laborem
- Diodorus*  
*24, I.* (*Polybius.* Drepanum enim Lilybæo abest millia passuum non amplius quindecim) certatim sese offerebant; circa tertiam vigiliam silentio solvit, cursu per noctem prospero, & hostes
- Polybius*  
*I, 46.*
- Polybius*  
*I, 49.*

hostes fallente. Lux orta, primis jam navibus à Drepano haud procul conspectis, ad miraculum insolitæ rei excivit Adherbalem, neque dubitare poterat, quin hostis adesset. duarum rerum erat proposita optio, ut aut confestim prælio congredieretur; aut aditu hosti concesso cingi se obsiderique sinneret. quod postremum, quum haud minus flagitii quam molestiæ discriminisque plenum videretur, averfatus; socios navales subito in litore coëgit: mercenarios autem milites voce præconis in concionem advocatos brevi sed efficaci oratione monuit, quanta spes esset prælium prompte capessentibus: quantus, si illud refugissent, ex obsidione metus. Alacriter succlamantibus omnibus, Adherbal collaudatos naves sine mora conscendere jubet, prætoriamque (hac ipse vehebatur) oculis & remigio sequi. Hæc ubi præcepta dedit, primus ipse altum petit, sub ipsas portui inpendentes petras egressus, quum eodem tempore ex adverso latere Romanæ naves por-

tum intrarent. P. Clodius, non uti speraverat territo hoste præliumq; detrectante, sed ad defensionem sui strenue converso, perturbatus ipse, naves suas propere revocat, in aperto mari structurus aciem. Sed illæ nullo ordine, ut unaquæque præcucurrerat, aliæ intra portum jam penetraverant, aliæ petebant aditum; quædam in ipsis faucibus versabantur. inde factum ut dum magno nisu retrocedere omnes tendunt, aliæ in alias incurrentes turbarent mutuo, remosque invicem detergerent: donec ut potuerunt evolutæ portuque egressæ, quoniam spatium temporis nullum supererat, continuo juxta litus ipsum in ordinem aciei adstiterent. Ipse Consul qui prius agmen coëgerat, tum converso cursu ante omnes evectus sinistro classis suæ lateri se adplicuit. At Pœnus interea lævum hostilis aciei cornu prætervectus, cum navibus rostratis quinque, tot enim secum habebat, Romanis obvertere frontem cepit, altum patensque mare à tergo habens.

simul

simul alios suorum , ut quisque advenerat , adungere se iusto intervallo prioribus navibus jubet , & postquam omnes eadem serie directæ sunt , servatis ordinibus in hostem mover. Iamque sublatum utrimque ex prætoria pugnae signum erat, quum omni ex parte acriter concurritur , pari primo spe , sed subinde meliore Carthaginensium fortuna. Quanquam enim numero navium vincebantur , armatis tantum nonaginta , longe tamen rebus aliis superiores erant. nam & navibus melioribus , & exercitatissimo remige utebantur : locum autem pugnae sortiti erant commodissimum, ut quotiesurgerentur , liberum in mare receptum haberent , velocitate sua ex facili vel elusuri hostem instantem , vel etiam si longius prosequeretur , circumventuri. Romanis contra ad litus adpressis in arcto omnia : non procurrare libero impetu , non inhibere tuto poterant : sed quoties urgente hoste retrocedebant , aut puppe in sabulo desidente hærebant,

*Diodorus*  
24, I.  
*Polybius*  
I, 51.



*Eutropius*  
*lib. 2.*

*Cicero de*  
*natura*  
*deorum 2,*

*3.*

*Florus 2,*  
*2, 29.*

*Valerius*  
*Max. 1, 4,*

*5.*

*Sueton Ti-*  
*ber. cap. 2.*

*Polybius.*

bant, aut impacti litoribus periclitabantur. Ita quum neque percurrere hostium ordinem, & rursus à tergo invadere possent, ob tarditatem navium, remigumque imperitiam: neque ob angustias locorum, intra quæ conclusi erant, laborantibus suis opem à puppi ferre, impune à Carthaginensibus vexabantur. Ad has difficultates accesserat & alia desperationis ex religione causa: iraque deorum se premi rebantur ob temeritatem Consul, qui contra auspicia pugnare sustinuisset, ad neglectum religionum etiam contumelia addita. Pullos enim, quoniam non pascebantur, in mari præcipitari jusserrat, *ut biberent, quando esse nolent*: ea res, tamquam invitis iratisque diis præliantes, ad omnia segniores timidioreque fecerat. Sed ipsi cladis auctori, quum cetera perdidisset; ad se conservandum, nec ingeniū, nec audacia defuit. Quippe quum naves suas passim deprimi capique videret, adsumptis triginta quæ proximæ constiterant, inter litus & hostilem classem clapsus est:



est: & quo tutior ad Lilybætanum exercitum receptus foret, præternaviganda enim Pœnorum erant præsidia, naves in speciem victricium ornari jussit. Ita Pœnis victoriam penes Consulem fuisse, reliquasque naves ejus mox sequuturas putantibus, non modo tutus ei reditus, sed etiam hostibus terribilis Lilybæum fuit. relictas à Consule naves tres & nonaginta cepit hostis una cum propugnatoribus & remige, præter eos qui navibus magna vi in litus impactis, ejecerunt se in terram, fugeruntque. Sed & in ipso proelio magnus navium numerus depresus est: nam plures ducentis Lilybæo P. Clodius advexerat. Tanta victoria minimo impendio Carthaginensibus stetit: non modo navem sed ne hominem quidem ullum interiisse, vulneratos oppido paucos traditur: quum de Romana classe octo millia hominum cæsa, capta millia viginti referantur. Sub idem tempus etiam à Panormo naves frumento onustas rapuere Pœni, Drepanumque avexere. & vicissim ex agro

Frontinus  
Strategemat. 2, 13.

Polybius  
1, 51.

Eutropius,

Diodorus  
24, 1.

Orosius  
4, 10.

Diodorus,

*Polybius*  
I, 52.

agro Drepanitano commeatus Lilybæum importantes, omni genere bonorum obseclos large refecerunt. Neque hic substitit ejus anni fortuna, quin alio quoque magno incommodo mactaret Romanos, nec possessione modo maris sed etiam spe potiundi depelleret. Alter enim Consul L. Iunius, cum onerariis multis quibus annonam ad exercitum deferret, rostratisque sexaginta ex Italia profectus, ubi Messaniam adpulit, obviam aliarum navium multitudinem habuit, quæ tum ab exercitu, tum aliis Siciliæ partibus eo convenerant. His adsumptis, & classe facta navium longarum C X X. onerariarum prope D C C C. Syracusas provehitur. Quo postquam venit, Quæstoribus partem navium Lilybæum ducendam tradit: ipse subsistit Syraculis, expectans eos qui Messana proficiscentem consequi non potuerant, simul annonam cogens, quam ex locis mediterraneis socii subvehebant. Interim Adherbal missis Carthaginem navibus, hominibusque captivis, fortuna gloriaque

riaque ad res gerendas incitante, *Diodorus.*  
Carthalonī qui suas septuaginta  
naves cum totidem ferme onera-  
riis ex Africa adduxerat, triginta  
alias addidit, misitque hominem *Polybius.*  
ad naves Romanorum quæ in  
portu ad Lilybæum stabant abstra-  
hendas, aut corrumpendas. Ille  
sub primam lucem magno terrore  
invectus, quum aliis navium ma-  
nus, aliis ignem injiceret, & in  
Romanos ad defensionem navium  
adcurrentes, præfectus urbis Hi-  
milco mercenarios eruptionem  
facere jussisset, magna in castris  
trepidatio fuit. ad extremum Car-  
thalo confractis non ita multis, *Diodorus.*  
abreptis quinque, Heracleam ver-  
sus cursum direxit. his locis excu-  
banti, ne quis Romanorum im- *Polybius.*  
pune Lilybæum navigaret, nun-  
ciatur, navium omnis generis  
classem haud poenitendam adven-  
tare. Iam ille præfectos alios ad se  
pertrahendo naves bonas ad cen-  
tum viginti effecerat: confusus igi-  
tur viribus, & superiore victoria, *Polybius.*  
confestim egreditur portu, venien-  
tibusque occurrit. Iuxta Geloum *Diodorus.*  
Ius

- Polybius.* litus in conspectum classes venerere: sed Romani Quæstores impar certamen veriti, ad Phintiadem, quod in amicitia Romanorum erat oppidum, deflexerunt. Portus ad Phintiadem nullus est: tantum procurrentes in mare petraë stationem navibus haud usquequaque incommodam præbent. Hic exscensione facta Romani hostium adventum instructi expectabant, catapultis atque ballistis ex oppido advectis, & pro litore ad tutelam navium dispositis. Carthaginensibus initio consilium fuerat obsidendi hostem, quem putabant metu perculsum statim refugituum in oppidum esse, navesque ad prædam relicturum. Sed ubi Romanis gnaviter se defendentibus, certamen periculi plenum experiebantur, prætereaque loco multa habenti incommoda parum fidebant, destiterunt: paucisque navibus ex earum numero quæ commearum vehebant, abductis,
- Diodorus.* ad Halycum fluvium, qui haud procul inde aberat, discesserunt:
- Polybius.* ibi dum saucios reficiunt, hostium abi-



abitu ex commodo suo observaturi. Alii scriptores, credo Phili- *Diodorus,*  
num sequuti, haudquaquam levi  
damno defunctos esse Romanos vo-  
lunt: sed primo statim adpectu ho-  
stium perculsos Quæstores, dum Phin-  
tiadem cursu petunt, onerarias naves,  
aliasque præter bellicas, deseruisse.  
in ipso vero prælio rotunda Romano-  
rum navigia quinquaginta, longas  
vero naves sexaginta depressas, tre-  
decim ita percussas quassatasque, ut  
deinceps usui esse nequiverint. Non  
longo post tempore, Pœnis adhuc  
stationem ad Halycum amnem  
habentibus, L. Iunius Cos. rebus, *Polybius*  
quarum gratia Syracusis substitute- *I, 54.*  
rat, perfectis, præter Pachynum  
promontorium, vela Lilybæum  
versus faciens, à speculatoribus  
Carthalonis conspectus est. Car-  
thalo, re nunciata, quanta potest  
celeritate obviam Consuli profi-  
ciscitur, ignaro eorum quæ ad  
Phintiadem gesta essent: quo lon-  
gissime à Quæstorum classe cum  
illo dimicaret, neque juvari ille  
facile à suis posset. Consul eminus  
visa Pœnorum classe, quum neque  
con-



*Diodorus.* conflare auderet, neque hostem instantem effugere posset, juxta

*Polybius.* Camarinam in locum asperum & importuosum naves adigit; metum

hunc vincente alio majore metu, ne aliter universus exercitus in potestatem hostium deveniret. Car-

thalo eadem loca intrare non ausus, ad promontorium quoddam

stationi locum capit, ita situm, ut inde pariter in utramque Roma-

norum classem intentus esse posset. Neque multo post ventis violenter

flantibus, quum ingentis tempestatis signa Carthaginensium gubernatores rerum istarum periti

vidissent, Carthaloni persuaserunt, uti relicta quam ceperat statione,

Pachynum flecteret. ita nec sine magno labore vim tempestatis Pu-

nica classis effugit. at Romanorum utraque classis inter saxa cautesque

*Orosius 4, 10.* deprehensa funditus interiit, uti

*Polybius.* ne tabula quidem ulla ullius usus ex naufragio reliqua fuisse creda-

*Diodorus.* tur; duabus exceptis navibus, quibus postea Consul, reliquos ex

ea clade milites remigesque secum ducens, Lilybæum pervenit. Hoc

nau-

naufragio naves quæ annonam portabant omnes , longas supra centum periisse traditum. exercitus tamen servata pars est, multis in vicina litora enatantibus ejectisque. At Senatus , qui paulo ante P. Clodium Consulem ob rem male gestam ex Sicilia revocaverat , quum insuper tristis de Iuniana clade nuncius advenisset; in classe quidē spem habere desuit: ceterum ad bellum terrestri Marte prosequendum , animum consiliumque strenue advertit. Et Lilybæi quidem obsidionem solvi non est visum : sed datum idoneis hominibus negotium , ut necessaria exercitui iusto tempore subveherentur. Spem faciebat , quod uti mari Pœnus , ita Romanus terra plus poterat , totamque ferme Siciliam ditione aut fœderibus complectebatur. Sed neque Consules ejus anni placebant: neque Consulari imperio , quod isti contemptu religionum profanassent ( nam & L. Iulius contra auspicia navigasse dicebatur ) res putabatur feliciter geri posse. Igitur ad rem novam & in-

*Eutropius lib. 2.*

*Livii Epit. tom. 19.*

*Polybius.*

*Cicero de nat. deorum 2,3.*

*Livii  
Epi.*

*Suetonius  
Tiberio  
cap. 2.*

*Fasti Ca-  
pitolini.*

*Polybius  
I, 52.*

*Cicer. de  
nat. deo-  
rum.*

*Valerius  
Maximus  
8, 1, 4.*

*Livii Epi.  
toma.*

& inusitatam ventum, uti Dictator diceretur, qui in Siciliam iret; quum ad eam diem extra Italiam nemo ea potestate præditus exercitum duxisset. Mira eo tempore & prope incredibilis P. Claudii Consulis insolentia fuit. iussus à Senatu Dictatorem dicere, tamquam parum in patriam deliquisset tantæ cladis auctor, nisi dignitatem etiam imperii contumelia & derisu macularet, M. Claudium Glyciam dixit, scribam aut viatorem suum. Tum vero coorta merito in eum indignatione omnium, coactus abdicare, ac in populi iudicium adductus est. Condemnatum auctores quos Cicero vidit, retulere; sed apud alios adnotatum est, illum haud dubia jam populi voluntate, casu ereptum esse eminenti damnationi, quum subito coortus imber comitia diremisset: tum enim velut questionem interpellantibus diis, aliam deinceps institui non placuisse. Ceterum Glycias, quod ultimæ fortis hominem in maximo imperio conspici pudor civitatis non ferebat, coactus abdicare, ludos ta-

tamen postea prætexatus spectavit.  
 In ejus locum Dictator creatus est  
 A. Atilius A. F. C. N. Calatinus, *Tassi Ca-*  
 dixitque magistrum equitum L. *pitolini.*  
 Cæcilium L. F. C. N. Metellum,  
 qui de Pœnis triumphaverat. Hi *Plinius 7,*  
 profecti quidem sunt in Siciliam, *43.*  
 sed rem memorabilem nullam *Dio lib.*  
 gesserunt. Interea L. Junius anxius *3.*  
 rerum suarum, & naufragii cul- *Zonaras.*  
 pam egregio facinore abolere stu-  
 dens, quum in omnes occasiones *Polybius*  
 intentus esset, Erycis occupandi *1,55.*  
 viam, proditione nocturna quo- *Diodorus*  
 rundam, quos donis & promissis *24, 1.*  
 suos fecerat, invenit. Eryx mons  
 est Siciliæ post AERNAM editissi- *Polybius.*  
 mus, in ea parte insulæ, quæ Ita-  
 liam respicit, medio ferme inter  
 Drepana & Panormum situ: sed ab  
 illa parte asperior. In vertice pla-  
 niciem habet cum templo Vene-  
 ris, quam ex loco *Erycinam* vo-  
 cant, longe omnium, quæ in Sici-  
 lia sunt opulentissimo. Sub ipsum  
 deinde cacumen in medio montis  
 urbs est cognominis, accessu valde  
 difficili, qui à radicibus montis  
 per longas & angustas semitas,

**NON**



*Diodorus.*

*Zonaras.*

*Cicero de  
nat. deo-  
rum.*

*Livius &  
Valerius  
Antias a-  
pud Censo-  
rinum de  
die natali  
cap. 14.*

*Augusti-  
nus de civ.  
Dei, 3, 18.*

non citra laborem expeditur. Igitur L. Iunius loci natura perspecta, tum in summo montis jugo, tum in faucibus quæ Drepana spectant, præsidia constituit, tutus loco, & si incesceretur, vim hostium levi negotio propulsaturus. Sed & Ægithallum muro cinxit, firmavitque præsidaria manu militum octingentorum. Ceterum Carthalo noctu expositis ibi copiis castellum expugnavit. præsidarii partim occisi captive: partim ad Erycem perfugerunt. Cetera de L. Iunii rebus incerta sunt apud scriptores: quidam enim à Carthalone captum Ægithalli; alii metu accusationis ob classem amissam, sibi necem conscivisse prodiderunt. Neque minus de sæcularibus ludis ambigitur, tumne potius tertium celebrati fuerint, an quartodecimo post anno, P. Cornelio Lentulo, C. Licinio Varo Consulibus. Credibilis tamen arbitror, hoc anno factos, incitante etiam ex tot cladibus metu, & spe meliorum temporum, si religiones diligentius colerentur. Fertilis hic annus fuit,



fuit, oleique libræ duodenæ singulis assibus venire. Interea quum *Plinius 15, 1.*

dictaturæ vel tempus effluxisset, vel abdicata per Calatinum potestas esset; magistratum inierunt C.

Aurelius L. F. C. N. Cotta, P. *Anno ab Urbe Condita 505.*

Servilius Q. F. Cn. N. Geminus, iterum uterque Consules. Hi res in *Fasti Capitolini.*

Sicilia satis prospere gesserunt, citra tamen magnæ aut victoriæ, aut

utilitatis gloriam. Coërcuerunt

sane Pœnos Lilybæum & Drepanum tenentes, ne tam aut frequen-

ter, aut late auderent excurrere:

& quæ in locis à mari remotiori-

bus præsidia habuerant, recepe-

runt. Adversus hos Carthalo cum

multa conatus frustra esset, consi-

lium Italicæ oræ vastandæ cepit:

ut hoc tumultu Consules à rebus

Siculis distraheret: aut si auxilio

venire suis neglexissent, occasione

temporum ad populandos agros,

urbesque capiendas uteretur. Cete-

rum ne hic quidem fortuna ceptis

adfuit. Missus enim ad prohibendas

sociorum injurias cum urbano mi-

lite Prætor, de successu consilii sui

desperantem redire in Siciliam

com-

com-

compulit. Vbi quum mercenarius miles seditionem excitasset, quod stipendia non solvebantur; multos ex eo numero in desertis insulis exposuit, multos ad poenam remisit Carthaginem. Quam rem ægre ferentibus reliquis, adeo sunt exasperati animi, ut manifesta defectio omnium, & ex eo novi belli materia timeretur. Sed in tempore Hamilcar, successor Carthalonius, advenit: tumultuantesque noctu adortus, alios occidit, alios demersit mari: ceteros veniam petentes, in gratiam concordiamque recepit. Hic est ille Barcæ cognomento notus Hamilcar, quo meliorem ducem Carthago non habuit, futurus incomparabilis, nisi Hannibalem genuisset. Ex eo tempore durius Romanis bellum fieri cepit. Statim enim sedato mercenariorum motu, cum classe ad Italiam devastandam profectus Hamilcar, Locrensiū & Bruttiorum agros late populatus est. At Romani, quum Hieronis Syracusani Regis in eos constans fides & magna exstarent merita, remisso

tri-

*Diodorus*  
*lib. 23. &*  
*24. apud*  
*Henr. Valesium.*

*Orosius 4,*  
*10*  
*Polybius*  
*1,56.*

*Zenarar.*

tributo annuo quod priori foedere pepigerant, perpetuam cum eo societatem amicitiamque sanciverunt. Interim Hamilcar ex Italia reversus in finibus Panormitanis exscensione facta, inter Panormum & Erycem castris locum cepit natura munitissimum. Epiercte vocatur mons omni ex parte abruptus, qui ex circumfusa regione in magnam altitudinem se erigit, non tenui fastigio, sed spatium centum plus minus stadiorum complexo: quæ tota regio pecori alendo frugibusque serendis aptissima est, ut quæ marinis flatibus opportune adversa, pestiferis animalibus omnibus vacat. Ibidem verruca quædam adsurgit, quæ & arcis vicem, & speculæ in circumjectos campos obtinere queat. Adjacet portus perquam aptus Drepano aut Lilybæo Italiam petituris: cum aqua dulci copiosa. Tribus omnino viis iste mons adiri potest: à terra duo sunt aditus, unus à mari, sed omnes impediti & perdifficiles. Hic castra locavit Hamilcar

*Appianus  
apud Fulvium  
Vrsinum.  
Polybius.*

*Barclai.  
Arg. lib.  
2. à pr.*

- Polybius.** audaci plane consilio, quum urbem sociam habens omnino nullam in medios hostes se demitteret: sed munitione loci suaque virtute & peritia rei militaris confusus, plurimum negotii Romanis exhibuit, Carthaginiensiumque res valde confirmavit, quæ jam etiam domi satis prospere ire ceperant. Namque Pœnorum alius dux Hanno, cui cum Hamilcare virtutis erat æmulatio, gloriæ parandæ causa, simul ut militem citra sumptum civitatis ex hostico aleret, belloque exerceret, Libyæ parti quæ circa Hecatonpylon est, arma intulerat; & urbe potitus, obsidum tria millia Carthaginem deduxerat. Neque tamen usquequaque res eis lætæ eo tempore fuere. Quippe L. Cæcilio L. F. C. N. Metello secundum, Num. Fabio M. F. M. N. Butrone Coss. privatorum opibus parata classis Africam vastavit. Quamquam enim Senatus iterum abstinere mari decreverat, civibus tamen id postulantis navigandi potestatem fecit: ea condicione, ut naves ex publi-
- Diodorus lib. 24. apud Valesium.**
- Polybius 1, 73.**
- Diodorus.**
- Annab Vrbe Condita 506.**
- Zonaras.**

publico acceptas restituerent; prædam servarent sibi. Sic facta classis non contemnenda, litoribus Africanis multum terroris damni-que intulit: sed & Hipponem Regium, urbem non è vilissimis adorti, naves Hipponensium & ædificia multa igne consumserunt. Regressuri deinde, quum exitum portus catenis clausum reperissent, ex magno periculo salutem sibi arte & consilio pepererunt. Incitatis enim navibus, quum pro-  
ræ catenam prope jam contingerent, universi in puppes navium recesserunt: sic levatæ onere pro-  
ræ catenas facile superarunt. hoc facto contulerunt se omnes in proras, hisque depressis effecerunt, ut puppes itidem supra catenas lapsæ, liberi cursus facultatem periclitantibus redderent. Sic ingenti metu liberati, paulo post apud Panormum cum Punicis navibus prosperam pugnam fecere. Consules autem Romani divisis belli muniis, L. Metellus Lilybæum, Num. Fabius Drepanum obsidebant. Adjacet Drepano Au-



*Cluverius*  
*Sicilia an-*  
*tiqua 2, 1.*  
*Zonaras.*

strum versus insula, sive scopu-  
 lus verius est, quem Pelhiadem in-  
 sulam Græci, nos Columbariam  
 appellamus. Hanc occiso præ-  
 sidio Punico per suos milites no-  
 ctu Consul occupavit. Neque  
 distulit Hamilcar, qui ad defen-  
 dendum Drepanum adcurrerat,  
 orta luce ad locum recuperan-  
 dum egredi. Quo animadverso  
 Consul, quum suis opem ferre non  
 posset, tota vi Drepanum obpu-  
 gnare instituit. Sic retracto Hamil-  
 care, tenuit insulam, eaque dein-  
 cept ad obsessos acrius infestan-  
 dos usus est. Iactis enim molibus  
 continenti eam adnexuit: & quo-  
 niam illa parte infirmiora urbis  
 erant mœnia, operibus excitatis  
 obpugnationem inde estorsus. Sed  
 pugnas Hamilcari cum his & se-  
 quentium annorum Consulibus  
 pugnatas, neque ob frequentiam  
 posse describi, neque ob similitudi-  
 nem casuum debere Polybius cen-  
 suit: quum triennio fere continuo  
 Epierctæ castra habens cum Ro-  
 manis ducibus, maxime postquam  
 illi castris ante Panormum locatis,

*Polybius*  
*I, 57.*

vix quinque-stadiorum interval-  
lum inter se & hostem reliquissent,  
propemodum quotidiana proelia  
fecerit. neque enim aut quietæ res  
esse poterant, quum collata castris  
castra essent; neque rursus ad uni-  
versæ dimicationis discrimen ven-  
tum est. multa enim prohibebant:  
præcipue, quod pari copiarum  
firmitudine, locorumque muni-  
tionibus, etiam qui in proelio in-  
feriores fuerant, vicinitate castro-  
rum protegerentur. Ita fiebat, ut  
inter pugnandum semper aliqui  
caderent: acie semel inclinata, tu-  
tus ad munimenta receptus esset.

*Zonaras.*

Ceterum eodem anno quo Dre-  
pana obsessa sunt, non Sicula mo-  
do, sed etiam Italica litora Car-  
thaginensium classes infestarunt. &  
ipse Hamilcar, deprædando quid-  
quid adiri poterat, maritimam Ita-  
liæ oram ad Cumanos usque fines  
pervastavit. His incursionibus, &  
Siculis pugnis quum multi Roma-  
norum civium in servitute apud  
hostes essent, duces Romani cum  
Pœnis pacti sunt, ut captivi per-  
mutarentur: utra pars plures acce-

*Polybius*  
1, 56.

*Livius*  
22, 23, 6.

*Zonaras.**Velleius**1, 14.**Fasti Ca-  
pitolini.**Livii Epi-  
tomi, 19.**Anno ab  
Urbe Con-  
dita 507.*

pisset, argenti pondo bina & seli-  
 bras in capita daret. Plures quum  
 recepissent Poeni quam reddidif-  
 sent, pecuniam ex pacto pepen-  
 derunt. Duas hoc anno colonias  
 in Italia deductas invenio, AEsu-  
 lum & Alsium. Lustrum item Ro-  
 mæ conditum duodequadragesi-  
 mum, ab A. Atilio A. F. C. N. Ca-  
 latino, A. Manlio T. F. T. N. Attico,  
 Censoribus. Censa sunt civium ca-  
 pita ducenta quinquaginta unum  
 millia, ducenta viginti duo: quum  
 superiore lustro paulo minus tre-  
 centa millia censa fuissent. tantam  
 civium multitudinem eo tempore  
 bellum & naufragia consumpse-  
 runt. Nec ideo segnius subpleti ex-  
 ercitus Siculi, M. Octacilio C. F. M.  
 N. Crasso iterum, M. Fabio C. F. M.  
 N. Licino Consulibus deducen-  
 tibus. Hi laboriosam quidem & ex-  
 ercitam militiam habuere; verum-  
 tamen, quia locorum quæ præ-  
 ceperat opportunitatibus emove-  
 re Hamilcarem nequiverant, nihil  
 memoria dignum gessere. quod  
 sequentibus etiam aliquot Roma-  
 nis Consulibus accidit, ob idem in-

incommodum: & quia repentini Zonaras.  
duces adversus perpetuum vetē-  
renique delecti, plus propemo-  
dum temporis in apparatibus, &  
locorum situ, militum voluntate  
statuque belli cognoscendo con-  
sumere cogeabantur, quam ad res  
gerendas superabat. Quo etiam  
consilio factum videtur illo anno,  
ut quum instaret comitiorum  
tempus, Dictatorem potius dici  
placeret, quam Consulum alter-  
utrum ex Sicilia evocari. Dictus  
est Ti. Coruncanius Ti. F. Ti. N.  
Comitiorum habendorum causa:  
is magistrum equitum M. Fulvium  
Q. F. M. N. Flaccum dixit. Interea  
duo Tribuni plebis C. Fundanius  
& Ti. Sempronius Claudiae Appii  
Cæci filiae diem ad populum dixe-  
runt, quod à ludis rediens, quum  
turba premeretur, in conferta  
multitudine ægre procedente car-  
pento, vocem miserat impii voti;  
*utinam frater meus revivisceret ite-  
rumque classem duceret!* Nulla fere  
nobilis Romæ domus erat, quin  
Claudiam gentem propinqua co-  
gnatione aut adfinitate continge-

*Fasti Ca-  
pitolini.*

*Agellius  
10 6.*

*Epit. Li-  
vii.*

*Suetonius,  
in Tiberio  
cap. 2.*

*Valerius  
Max. 8, 10  
Epitome  
Livii.*



ret. Itaque non decrant qui ream  
 tuerentur, claritatem familiae, patris  
 Appii merita, fragilitatem sexus  
 obtendentes. inauditum esse femi-  
 nas ad iudicium populi vocari. neque  
 Suetonius. satis gravem causam, cur à Clodia  
 mos novus inciperet, quæ nullo aut  
 consilio aut facto maiestate populi  
 Romani diminuta, tantum intra ver-  
 ba peccavisset. Adversum quæ duo  
 tribuni plebis ita disseruere: Quam  
 impiam, quamque detestabilem vo-  
 cem Claudia jecerit, non ignoratis  
 Quirites. neque enim testimoniis opus  
 est, confitente rea: neque etiam illa  
 negare, si vellet, posset; quod palam  
 in publico, non Iovem, quum sub dio  
 hæc diceret, non multitudinem ipsam  
 civium, quam incusabat, reverita,  
 effudit. Quorsum igitur, quum de  
 crimine constet, de pœna dubitamus?  
 parumne diligenter legibus cautum  
 est? an nos verba legum numeran-  
 tes, mentem earum circumveniri pa-  
 timur? Feminam hoc iudicio peti no-  
 vum esse contendunt. esto: novum  
 enim etiam est, feminam hoc pacto  
 delinquere: nec dum enim ullam tan-  
 ta improbitate mulierem urbs nostra  
 tule-

L. 29. &  
 seq. ff. de  
 legibus.



tulerat. Atque utinam ne nunc quidem novum exemplum statui opus esset, mallems profecto nullis delictis quietam ac veluti conditam legum aciem pati, quam adversus nocentes, utili quidem, sed tamen acerbo rigore distringere. Ceterum civitati stare volenti necessaria legum est custodia: quas utique minime deberent subvertere, qui Reipub. nostra principes & columnina haberi volunt. Quos profecto juris omnis peritissimos latere non potest, quum pluribus in legibus nulla sit expressa mulierum mentio, verbo si quis, & similibus, non minus illum sexum, quam masculinum contineri. Quid igitur mirum, si leges, quæ de majestate latae sunt, ad utrumvis sexum pertinere credimus, quum exemplo sit isthæc Claudia, ab utrovis in eos peccari posse. Sed elevant illi rem, parvumque videri delictum volunt, quod ultra verba non processisset. Hoc enim restabat, ut conatum, studium, facta conjungeret, cum Pœnis consilia sociaret, centuriaret homines, armaret servitia, occuparet Capitolium, & pestem quam civibus verbo voverat, opere quoque

L. I. ff. de  
V. S.

Seneca de  
beneficiis  
6. 38.

ipso & manu inferret? Atqui legibus profecto non facta magis, quam consilium & animus patrantis prouidentur. neque enim si quid furiosus aut infans nocuit, jure adversus eum prodita est actio: animi vero cujusque multis in causis non minus certa ex verbis, quam ex operibus indicia petuntur. Quae sic optat, quid faceret, si facere quod optet, in ejus manu esset? Quod si aliorum quoque hominum judicia non contemnimus (cur autem contemnamus?) etiam alibi pro scelere habitum vindicatumque est impium votum. Athenis, quae Graeciae civitas praeceteris sapientiae laudibus clara habetur, damnatus est qui magnum lucrum optaverat, quum necessaria funeribus curandis venderet, quod consequi posse non videbatur, nisi multi mortales interissent. Et tamen illis in verbis locum habere poterat mitior interpretatio: haec non ambigue neque perplexe, exitium civibus, cladem exercitui, calamitatem Reipublicae optavit. Utinam frater meus revivisceret! votum improbum, etiam si fratris causa sic optavisset. Cur enim illi reddenda vita esset,

esset, cujus opera tot civium millibus erepta est? qui Rempublicam non minus per superbiam despexit, quam per temeritatem adflixerat? qui prædamnatus omnium hominum sententiis, non infamiam ejus judicii, sed pœnam casu effugit? Hunc tu, si sciperes, optares reviviscere! cujus si memoriam eodem tumultu potuisses obruere, quo cineres ejus teguntur, nihil antiquius habere debuisses. Quemadmodum enim fratrum egregiorum fama aliæ matronæ non inepte gloriantur: ita tibi hic pudori esset; si quidquam apud te pudoris remaneret. Sed ignoscamus feminæ nobili, si fratrem stulte fortassis, sed tamen pie desideravit. imo absolvite eam, si tam insolens ineptumque votum, quam causa optandi abominabilis fuit. Cur enim voluisti fratrem reviviscere! ut adspectus propinqui hominis te recrearet? ut opera ejus utilitati, auctoritas præsidio, honores ornamento essent? nihil horum. quid igitur? ut iterum classem duceret? Hoc enim erat ô scelestissimum caput, cur quantum in te fuit, suscitare mortuos, naturam in ordinem co-

gere, inferorum refringere claustra cupivisti, ut reperires, per quem periremus! Hæc est, Quirites, cuius misereri vos jubent, qui, dum bonos se propinquos probant, vix satis cavent, ne mali cives habeantur. Et tamen intercedit nemo, quin ipsorum arbitrata misereamini, si cuiusquam vestrum illa misera est. Sin vero aliis interitum, aliis luctum et orbitatem, omnibus calamitatem, cladem, pestem imprecata est; tam inepta mansuetudine quisquam erit, ut animum tam hostilem, tam insensum, tam inhumanum ulla misericordia dignum existimet. Nuper quum lustro confecto civium numerum Censores edidissent, qui gemitus hominum, quanta mæstitia fuit? quamquam multa prospere per annos istos evenerant, vix tamen bonis viris satis salva videbatur Respublica, quam minus nunc civium numeraret, quam superiore lustro habuisset. At hæc illorum iactura qui periere nihil movetur: hoc dolet, quod aliqui superfuerunt! nimiam Romæ turbam esse queritur, reviviscere optat cum ipsum cuius maxime culpa superioris census

sus



*sus rationes decrevere. Sed ipsa quidem mulier indigna est misericordia vestra, ceterum si quid peccavit, majoribus ejus & patri condonabitis! Hoc igitur jus in civitate nostra statuemus, ut si quis patriæ quoquo modo profuisse dicatur, ejus posteri possint eandem illam patriam impunè ledere? Minime profecto sic sentire majores nostri, qui M. Manlium de saxo dejecerunt, quum Capitolium, ultimam tum spem Romani generis, non pater ipsius aut avus aut progenitorum aliquis, sed ipse servavisset. Non debebat quidem adjuta Reipublicæ premium uberius quæri, quam facti conscientia: sed tamen si qua bonam ei operam Sp. Claudius præstitit, mercedem abunde recepit, locupletatus opibus, satiatu honoribus, quibus ad ultimam usque senectutem perviguit. Quamquam fortasse satius fuisset Appii & superiorum Claudiorum mentionem prætermittere, quam admonere vos injuriarum, quas domus illa ab extrema origine minime popularis, atroces vobis sæpe & acerbæ intulit. Quem enim Appium vos meminisse*



volunt? aliumne, quam illum qui  
 semper commodis vestris inimico ani-  
 mo adversatus est; qui potius cum  
 exercitu perire voluit, quam à ple-  
 beio Consule, collega suo, servari.  
 qui Censuram ultra legitimum tem-  
 pus gerere invitis ordinibus omni-  
 bus perseveravit. Si jam placet, ul-  
 terius merita Claudia gentis populo  
 Romano exprobrent, & ad decem-  
 viralia usque tempora procedant:  
 vel ad ultimam usque generis istius  
 originem: reperiant profecto potius,  
 quomodo superbia & contumacia  
 mulierem istam majoribus suis simi-  
 lem esse ostendant; quam ut illorum  
 in gratiam huic parcendum esse de-  
 monstrant. Quid igitur causæ, cur  
 hac mulier impune peccare debeat,  
 vel isti adulterunt, vel adferre quis-  
 quam potest? nisi forte metuitur, ne  
 tam salutaris exempli feminam ex  
 civitate nostra amittamus. Quod si  
 vos etiam veremini, Quirites, reti-  
 nete, retinete hanc Claudiam, ut,  
 quum matronæ nostræ dubiis Reipub.  
 temporibus ad pulvinaria deorum  
 supplicatum ibunt: illarum pia vota  
 contrariis votis hæc moretur: ut,  
 quum

quum illa salutem militibus vestris;  
hac exitium optet: illa incolumes vi-  
dere; hac audire oppressos, concisos,  
trucidatos voveat: illa sollicitent deos,  
ne multi in bello pereant; hac incu-  
set, si multi revertantur! Retinete  
mulierem, quæ sicut alia matrone  
clarorum virorum emulatione libe-  
ros propinquosque solent ad virtu-  
tem, ad amorem patriæ, ad carita-  
tem civium incendere; suos exemplo  
P. Claudii pugnare temere, fugere  
turpiter, cives scelestæ perdere, Rem-  
publicam contumeliose despicere do-  
ceat. hac ab infantia meditanda pro-  
ponat nobilibus pueris; hac imitan-  
da adolescentibus; sic imbuantur,  
quibus classes vestras, quibus exer-  
citus commissuri estis. Talia quum  
ultra citroque jactata essent, mis-  
sus in suffragium populus damna-  
vit ream, multaue ei dicta est  
æris gravis quinque & viginti mil-  
lia. Ex hac aliaque multatitia pe-  
cunia Ti. Sempronius ædilis æ-  
dem libertatis in Aventino fecit,  
dedicavitque. M. deinde Fabius  
M. F. M. N. Buteo, C. Atilius A.  
F. A. N. Bulbus; Consulatum in-  
cunt.

*Agellius*

10, 6.

*Livius*

24, 14,

17.

*Anno ab*

*Vrb. Cond.*

508.

*Fasti Ca-*

*pitolini.**Livii Epit.*  
19.*Velleius I,*  
14, 18.*Florus 2,*  
2, 30.

eunt. Coloniū tum deducti Frege-  
nas, urbem Etruriæ maritimam,  
ad nonum lapidem ab Alsio, co-  
lonia ante biennium deducta. Pu-  
gnatum his Consulibus est nava-  
li prælio magno apud Aegimu-  
rum, neutris læto exitu. quippe  
magnum & hominum & navium  
numerum perdidere Pœni; victrix  
Romanorum classis ex hoste par-  
ta ingentia spolia, vi tempestatum  
amisit. In Sicilia pari & consilio  
& fortuna res gestæ, quam supe-  
riore anno factum fuerat: difficili  
Consulibus bello non magis ob  
asperitatem locorum, quam ob Ha-  
milcaris ingenium. qui sicut in au-  
daciam promptus, ita ad artes bel-  
li callidissimus erat. Quibus rebus  
illo tempore Romanos ita sustinuit,  
ut non modo loca, quæ ceperat,  
tutaretur; hostiumque socios in Si-  
cilia Italiæque ora incursaret; sed  
etiam in alia intentus, ruentem  
rem Punicam ubique fulciret, in-  
dustrius idem, & cum animi fir-  
mitudine consilii ex tempore ca-  
piendi artifex. Itaque Lilybæta-  
nos, qui terra maxime premeban-  
tur,

*Frontinus**Strategie-**mat. 3, 10.*

tur, inopia & metu liberare cupiens, partem classis, ut Lilybæum petentem, in alto iussit obversari. cuius ad conspectum quum Romani evolassent, ipse cum navibus quas ad hoc in loco unde conspici nequiverant, occultas habuerat, portum occupavit, obsessosque præsentia sua & rerum necessariorum inuenta copia, magnam in spem alacritatemque crexit. Quum ad hunc modum tempus in Sicilia bellando extraheretur, Consules A. Manlius T. F. T. N. Torquatus Atticus, C. Sempronius Ti. F. Ti. N. Blæsus iterum, ad exercitus venerunt. Sub id tempus non tam commutata, quam magis adstricta ejus belli ratio est. Romani, uti paulo ante narravimus, supra Erycem urbem in summo monte præsidium collocaverant: aliud itidem infra urbem in radice montis. munitione præterea situsque loci, quum custodiæ tales accederent, facile efficiebant, ne quid ei urbi metuum videretur. Sed audacia Hamilcaris, nihil homini in pervium esse passa, quod adgredi libuisset, rem

*Anno ab  
Urb. Cond.  
509.  
Fasti Ca-  
pitolini.*

*Polybius  
I, 58.*



*Diodorus*  
24, 2.

rem tantam brevissimo tempore perfecit. Ille enim noctu cum copiis adpulsus, & adscensum stadiorum triginta silentio emensus, quum ipse ante agmen suorum princeps incederet, nec opinantes oppressit. maiorique parte eorum qui in urbe reperti fuerant interfecta, ceteros Drepanum amandavit. Ex eo tempore mira facies rerum & valde severa militia fuit.

*Polybius.*

Nam Hamilcar inter duo praesidia hostium medius, ab inferiore obsidebatur, quum ipse vicissim superius obsideret. Romanique pariter Poenique toleratis laboribus & periculis incredibilibus, quum in tanta vicinia castrorum nulla non dies modo sed ne hora quidem aut discrimine proelii aut metu vacaret; fortissimorum virorum opera per proximum ferme biennium ediderunt. non fessi cedentesque invicem, neque sua aut victoria aut clade dirempti, sed ad extremum pares invictique, & navali interim pugna decreto bello. Iisdem Consulibus Brundisium in agro Salentino colonia deducta est.

*Velleius*  
1, 14, 8.



est. vicesimum post annum. quam in deditionem regiones istæ venerant. Sub idem tempus Ti. Coruncanio, qui primus ex plebe Pontificatum maximum gesserat, in extrema senectâ mortuo, L. Cæcilius Metellus in locum ejus factus est. Interea Consularis Romæ C. Fundanio C. F. Q. N. Fundulo, C. Sulpicio C. F. Ser. N. Gallo mandatur. Tum quoque pari forma & fortuna, ut hætenus, bellum cum Hamilcare gestum est. nisi quod Gallorum mercenaria manus, alii- que nonnulli qui Pœnis militaverant, ob stipendia non soluta injuriasque alias, Erycinam urbem Romanis conati prodere (ibi enim præsidium agitabant) postquam consilium irritum fuit, ad Consules transfugerunt: primique exterorum ab Romanis in commilitium adsciti sunt. Sic auctis viribus, tamen pedestri exercitu finem bello imponere non poterant, ob- sistente cum primis Hamilcaris audacia, qui neque decipi dolis, ne- que domari viribus patiebatur. Er- go denuo reditum est ad classis in-  
statu-

*Livii E-  
pit. 19.  
, Ολυμπ.  
ανὰ γρ.  
Pighius in  
Annal.  
Rom. ex  
Ciceronis  
Cat. Ma-  
jore.  
Anno ab  
Vrb. Cond.  
510.*

*Zonaras.*

*Polybius  
2, 7.*

*Polybius  
1, 77.*

*Zonaras.*

*Polybius  
1, 59.*

staurandæ consilia, marisque repetundi. Nec enim aliter posse Carthaginenses prohiberi Sicilia, quam si maris usum perdidissent, spemque non vulgarem fecerant res superioribus annis privatorum ausu bene gestæ. Sed pecunia deerat, inani dudum ærario, & sumptus tam diuturni belli male sustinente. Tum vero Romani mores laboranti reipublicæ tempestivo auxilio subvenere. Quippe tanta fuit Senatorum eo tempore generositas, ut in publico discrimine privatis opibus puderet parcere, plusque statim pecuniæ reperiretur, quam ad inpensam classis opus esset. nam ex ditissimis singuli, aliorum bini, ternive, ut facultates erant, quinquerehem unam cum armamentis omnibus iustoque remigio præstandam suscipiebant, ea lege, ut republica meliorem in statum reversa, sua cuique pecunia restitueretur. Hac cura consilioque quinquerehemes ducentæ comparatæ sunt, quas ad exemplum navis quæ Hannibalis Rhodii fuerat, fabricandas curaverunt. Magna

gna inde expectatio fuit, certis hominum animis, quod ad extrema remedia ventum esset, hac classe de summa belli necessario decretum iri. Dum hæc ita fiunt, Consulatum C. Lutatius C. F. C. N. Catulus, A. Postumius A. F. L. N. Albinus, inivere. Flaminium Martiale A. Postumius habebat; eoque provinciam sortiri cupientem L. Cæcilius Metellus Pontifex Maximus dicta multa prohibuit, negans fas esse flamini à sacris recedere. cujus facti posterioribus quoque temporibus probata ratio est. aliud in tuenda religione patria exemplum iisdem temporibus Senatus edidit, vetito C. Lutatio Consule Prænestinas sortes consulere, peregrinisve auspiciis in administranda Republica uti. Tum ad belli curam converſis animis, quia neque salvis religionibus ambo Consules proficisci posse, neque unus tanto oneri suffecturus videbatur; alterum ex Prætoribus, quum eo primum anno creari duo cepissent, cum C. Lutatio proficisci placuit. ea provincia

*Anno ab  
Vrb. Cond.  
511.  
Livii E-  
pit. 19.  
Tacitus 3,  
71, 5  
Val. Max.  
1, 1, 2.  
Cicer. Phi-  
lip. 11, 8.  
Tacitus.  
Val. Max.  
1, 3, 1.*

*Livii E-  
pit.*

*Eutropius*  
*lib. 2.**Liodorus*

24, 3.

*Polybius*

3, 59.

*Zonaras.*

cia Q. Valerio Faltoni obvenit. Hi quum omnes & publicas & privatorum naves studiose collegissent, numero circiter trecentarum expleto, cum pontonibus aliisque navigiis septingentis, Siciliam statim atque remisit hiems, petivere Venientibus confestim Lilybætanus Drepanitanusq; portus patuerunt. quippe hostes nulla suspicione classis ex Italia venturæ cum omnibus suis navibus in Africam regressi fuerant. Hoc tam prospero rerum initio Consul animatus, quum & suopte ingenio impiger, & ad res gerendas incitatus esset, Drepana operibus factis obsedit: neque eo segnius, ad prælium navale, quod instare prævidebat, classarios milites quotidie exercuit, eo successu, ut quos rudes fere maritimorum casuum adduxerat, ii satis jam ad quodlibet discrimen eruditi paratique viderentur. Inter hæc quum urbs Drepanitana terra marique obpugnaretur; jamque muri parte dejecta res Pœnorum in summo periculo esset, Consul dum inter pri-



primores strenue pugnam ciet, grave vulnus in femore accepit. ejusque periculo perterrefacti milites, & ad saucium concurrentes, locum jam pæne captum omisere. Nondum usum pedis receperat, quum maxima Pœnorum classis adesse nunciatur. Naves erant quadringentæ, refertæ commeatu quem ad exercitum portabant, copiis præterea militum permagnis, armorumque & pecuniæ amplissimo numero. Summæ rerum Hanno præerat, nobilis Pœnus. hic magno studio id agebat, ut Erycem adpulsus, onere levatas naves, acceptis ab Hamilcare strenuis viris compleret, atque sic deinde cum Romana classe confligeret. Ceterum conceptum optime consilium C. Lutatii Consulis circumspecta prudentia fregit. Is enim victoriam in eo consistere reputans si cum classe gravi suisque adparatibus impedita congrederetur, Ante Diem VII. Idus Martias, adsumpto in naves optimo quoque militum, AEgates insulas, contra Lilybæum jacentes, pro-

*Orosius* 4, 10.

*Eutropius,*

*Florus* 2, 2, 34.

*Polybius* 1, 60.

*Livius* 22, 14, 15.

*Eutropius,*



- Diodorus.* progressus, Hannonem ab Hieron-  
neso venientem conspexit. Tum
- Livius.* gubernatores militesque hortatus,  
pugnam in diem sequentem indi-  
xit. Ceterū orta luce, rursus am-  
bigua consultatio fuit: quod ventus  
hosti favens, Romanis adversus  
surrexerat. Quare jactatis utrimq;  
momentis rationum, cum ventis  
& Hannone solo pugnare, classem  
onustam habente satius visum:  
quam permittere, ut ille navibus  
onere levatis, florem pedestris  
militiæ, ipsumque adeo Hamilca-  
rem, quo nihil eo tempore for-  
midabilius habebatur, in certa-  
men adduceret. Itaque conspe-  
ctis hostium navibus, quæ pleno  
cursu iter suum prosequerentur,  
è portu progreditur, & quo  
suis animum adderet, ipse licet  
uti pede non posset, in prætoriam  
se deportandum curat. Pœni quo-  
que viam sibi interclusam cernen-  
tes, aciem instruunt, vi perruptu-  
ri. Sic utrimque signo dato acriter  
concurritur; per valetudinem C.  
Lutatii, quæ vicibus cum suis fun-  
gi prohibebat, omnia Imperato-  
ris
- Valerius  
Maximus  
2, 8, 2.*

ris munia obeunte Q. Valerio. Neque diu pugnatum est, quin appareret, utra ex parte futura esset victoria. Quippe graves & prope- *Florus.*  
modum immobiles Pœnorum na-  
ves arbitrio suo Romanæ leves &  
expeditæ adsultabant: ceteris etiam  
rebus omnibus longe superiores.  
quidquid enim hætenus infestum *Polybius*  
incommodumq; fuerat, experien- *I, 61.*  
tia docti mutaverant correxerant-  
que naves ad optimū exemplar fa-  
bricatæ: onera pugnae inutilia dili-  
genter amota: remiges exercitati  
validiq;, robur legionum haud qua-  
quam spernenda ad victoriam mo-  
menta aderant. Contra Pœnis gra-  
via oneribus navigia, recens delecti  
remiges, & ut in magna securitate,  
negligenter: neque enim Roma-  
nos mare retentaturos esse spera-  
verant. Ergo uti necessum erat, in  
tam impari certamine, non longa *Florus.*  
victoriæ mora fuit. Centum & vi-  
ginti navibus amissis, quarum *Polybius.*  
septuaginta cum ipsis hominibus  
(millia ferme decem erant) captæ  
sunt, ceteri percommode mutato *Diodorus*  
inter pugnae tempus vento, Hic- *lib. 24.*  
ron-

T

ron-

ronnesum fuga evaserunt. Hæc est illa nobilis Pœnorum ad AEGætes insulas clades, quemadmodum à Polybio maxime descripta est.

*Eutropius.* nam alii scriptores captas naves tres & septuaginta, centum vigin-

*Orosius 4, 10.* ti quinque demersas, duo & triginta millia hominum capta, tredecim millia cæsa retulerunt. Præ-

*Eutropius.* da fuit ingens, non in commeatu modo & armis, sed etiam auro argentoque. Ex Romana classe na-

*Zonaras.* ves interiere duodecim. Ferunt ab initio pugnae conspectam in cælo supra Romanas naves facem, Punicæ classi velut infesta cuspide minitantem, præsagium eventus mox consequuti fuisse. Hanno

*Orosius.* cum reliquis ex prælio navibus, præter eas quæ Lilybæum evaserant, Carthaginem revectus, pœ-

*Zonaras.* nas infelicitaris suæ supplicio capitis luit. At C. Lutatius Cos. ad Lilybætanum exercitum profectus, donec percuratur vulnus, recensendis navibus hominibusque captivis, imperandoque quid de singulis fieri vellet, tempus inpendit. Inde profectus ad Erycem  
cum

cum Hamilcare prælium secundum fecit, duobus occisis Pœnorum millibus. At Carthaginenses cognita cladis suæ magnitudine nondum quidem animi ad instaurandum bellum, sed jam vires & facultates deficiebant. neque enim Erycino exercitui subministrare necessaria poterant, mare tenentibus Romanis: neque si hunc amississent, alium aut militem aut ducem habebant, cui auderent confidere. Hac necessitate ad desperationem acti, miserunt ad Hamilcarem, potestatem ei deferentes agendi, quidquid è Republica videretur. Neque ipse quum hactenus optimi ducis officium fecisset, deteriore patriæ civem præstitit. Liberatis enim rationibus omnibus quum videret omnia se expertum nullam amplius ad salutem civitatis suæ viam, nisi per pacem, reperire; legatos ea de re ad Consulem misit. Neque huic ingrata accidit pacis mentio: exeunte enim jam magistratu suo, nullam ampliorem sperare gloriam, quam finiti per se belli qua-

*Orosius.*

*Polybius.*

*Cornelius  
Nepos a-  
milcare  
1, 3.  
Polybius.*

*Cornelius  
Nepos.*

*Zonaras.*



Polybius.

vis ratione poterat: eam vero gloriam ad successorem transmittere, quum sui operis esse videretur, inportunum inconsultumque iudicabat. Movebatur etiam notis Romanæ rei angustiis, & post labores continuos tot annorum aliquando Rempublicam quiete refoveri oportere sentiebat. Itaque condicionibus ultro citroque jactatis, convenit, ut universa Sicilia Pæni excederent: bellum cum Hierone, Syracusanisque & sociis eorum ne gererent: captivos omnes sine pretio confestim redderent itemque transjugas: argenti puri talenta Euboica bis mille & ducenta per annos viginti aquis pensionibus penderent: socii utriusque populi ab utroque tuti forent: neutri in alterius ditione quidquam imperandi publice in ædificandi, militisve inde conducendi jus esset: neque alterius populi socios alter in amicitiam & societatem admitteret. Additum est hæc ita rata fore si populus Romanus jussisset. At, ut arma qui Erycem tenebant, traderent, quamquam à Consule postulatum fuerat, obtineri non

Appianus  
apud Fulvium  
Vrsinum.

Polybius  
3, 27. &  
29.

Polybius  
3, 29.  
Cornel.  
Nepos.

po-



potuit: quum Hamilcar prius & patriam & se oblaturum exitio diceret, quam tantam adiret ignominiam. Illam tamen conditionem, ut in *Livius* 21, 41, 6. capita duodevicens denariis praestitis, ab Eryce emitteretur, accepit. Missi deinde Romam & à Consule *Zonaras.* & à Pœnis legati, qui de pacis initæ legibus Senatum populumque Romanum edocerent. Non probavit pacem populus: sed decem *Polybius* 1, 63. legatos ad res inspiciendas mitti iussit: iisque reversis intendit conditiones; ut mille talenta statim, deinde *Zonaras.* de proximo decennio duo millia ducenta penderentur: ut prater Siciliam, omnibus insulis, quæ inter hanc & Italiam essent, excederetur: neve *Polybius.* longis navibus in Italiam aut Romani *Auctor de* juris insulas navigarent Pœni; *Viris Illustr. cap.* neque militem mercenarium ex iis *12.* *Zonaras.* conducerent. Carthaginenses dum pace potirentur, nihil recusavere. *Livii Epit.* Hamilcar statim deposito imperio, priusquam iurejurando pacta *19.* sancirentur, Lilybæum, atque inde *Polybius* 1, 66. Carthaginem transmisit. quum *Zonaras.* & consiliis & armis ducum omnium qui res eo bello gesserunt, *Polybius* 1, 64.

*Polybius*

1, 61.

*Appianus  
apud Ful-  
vium Vr-  
sin.**Polybius.**Anno ab  
Urb Cond.  
512.**Fasti Ca-  
pitolini.  
Zonaras.*

haud dubie præstantissimum se exhibuisset. Hoc maxime modo & gestum & confectum est bellum illud Carthaginense primum; quod in quartum & vicesimum annum traxere varii casus, & atrocitas utrimque damna, sed majora eorum, qui ad extremum vicerunt. Nam Punicas quidem quinquereemes circiter quingentas eo bello periisse tradunt, qui singularum cladum rationem inivere; Romanarum ad sepringentas. quo maxime argumento Romanæ constantiæ robur apparuit, quod nullis neque præliorum adversis, neque temporum casibus fractum, vim hostium, impetum fortunæ, tædium laboris, paupertatem ærarii pari patientia sustinuit vicitque. Post hæc ad res Siciliæ constituendas C. Lutatio Catulo, cuius annus jam exierat, prorogatum imperium est. ex novis Consulibus eodem missus Q. Lutatius C. F. C. N. Cerco, Catuli frater, A. Manlii T. F. T. N. collega. Hi provinciam ordinarunt, quietamque reddiderunt, omnibus turbarum

rum caussis, quæ ut ex tanto motu non paucae supererant, abolitis resectisque. Nam & Siculis qui cum Hamilcare senserant; & Gal- *Polybius*  
 lis, qui ab eo desciverant, arma 2,7.  
 adempta: Galli navibus impositi,  
 & extra Populi Romani ditionem  
 abire jussi; quod præter alia faci-  
 nora, quum in præsidio montis  
 Erycis essent, templum Veneris  
 spoliaverant. Siciliae vero urbibus *Appian.*  
 tributa & portoria sunt imposita;  
 pro facultatibus singularum: fa-  
 ctaque provincia, quo Prætor cum  
 imperio annuo Roma mitteretur.  
 Adfuere interea Romæ Pœnorum *Eutropius*  
 legati petentes, ut sibi captivos suos lib.2.  
 redimere liceret. redditique sunt  
 Senatusconsulto gratis, quotquot  
 custodia publica adrinebantur; qui  
 in privatorum manu essent, eos  
 certa pecunia redimi placuit: cu-  
 jus pars major jussu Senatus ex  
 ærario soluta est. At Romani po- *Orosius* 4.  
 puli lætitiā valde imminuerunt 10.  
 graves in urbe casus. Iamprimum *Augusti-*  
 Tiberis amnis ultra solitum au- nus de ci-  
 ctus, late stagnantibus aquis, o- vis. Lei.3.  
 mnia inferiora Urbis loca replevit. 18.

T 4

Mul-

Multa tum ædificia primo adlabentis impetu prostrata sunt : & quibus ista pestis pepercerat , rex-  
 elis sensim fundamentis ( per mul-  
 tos enim dies isthæc inundatiote-  
 nuit ) recedente jam aqua vitium  
 fecere. Sequutum est hanc cala-  
 mitatem gravius ex igne damnam  
*Val. Max.* qui noctu temere ortus, multasque  
*1, 4, 4.* urbis regiones pervagatus, domo-  
*Orosius.* rum hominumque incredibilem  
 numerum hausit : neque privatis  
 cladibus contentus omnia in cir-  
 cuitu fori devastavit. Ad extre-  
 mum ipsa quoque ædes Vestæ ar-  
 dere cepit. Tum vero L. Cæcilius  
*Valerius*  
*Maximus.* Pontifex Maximus sacra populi  
 Romani & arcana imperii pigno-  
 ra periclitari videns, dignum loco  
 suo animum gessit. Nam in medios  
*Livii E-*  
*pit. 19.* ignes insiliens, nulla sui cura, dum  
*Augustin,*  
*Dionysius*  
*2, 67.* divinæ res salvæ essent, deserta à  
*Orosius.* virginibus sacra ex incendio ra-  
*Plinius 7,*  
*63.* puit. Ipse brachio semiustulatus, &  
 exusta flammis oculorum acie,  
 præter solatium facti sui, præ-  
 mium à populo Romano pulcer-  
 rimum accepit, ut quoties in Se-  
 natum iret, curru veheretur ad  
 cu-



curiam : Quod ab condita Vrbe  
tributum nemini fuerat. Interea  
Q. Lutatius Consul cum fratre Ca-  
tulo & Q. Valerio propræto-  
re, rebus in Sicilia constitutis, exercitu-  
que deportato, ad Urbem redie-  
rant : decretasque sibi triumphos  
navales C. Lutatius Catulus A. D.  
4. Nonas Octobres, Q. Valerius  
A. D. Prid. easdem Nonas, duxe-  
rant. Memorabile certamen inter  
duces istos de Triumpho Q. Va-  
lerii fuit. Quum enim C. Lutatio  
haud dubie decretus triumphus  
esset, Q. Valerius haud levio-  
rem in eo negotio suam operam fuisse  
contendens, honore quoq; pari ha-  
beri postulabat, quemadmodum  
societate periculi curæque fuisset.  
Pugnabat contra Catulus, ne mi-  
nor potestas majori in tribuendis  
honoribus æquaretur. Quum in-  
caluisset certamen, sponsione Ca-  
tulum provocavit Q. Valerius, *ni  
suo ductu Punica classis oppressa es-  
set*; nec ille dubitavit restipulari.  
Delectus est arbiter Atilius Cala-  
tinus : qui interrogato Valerio,  
*utrum in consultatione de pugna in-*

*Triumphus  
Capitolini.*

*Val. Max.  
2, 8, 2.*



Agellius  
13, 14.

Val Max.

Pighii  
Annales.  
Eusebius  
num. 772.

Livii E-  
pit. 19.

eunda, si dissensissent, Consulis an  
Prætoris major futura fuisset auto-  
ritas? itemque si diversa habuissent  
auspicia, utra potius sequenda fuisset?  
quum utrobique majus Consu-  
lis quam Prætoris jus futurum, Q.  
Valerius respondisset; non exspe-  
ctato Catuli sermone, litem se-  
cundum illum dedit: quod contro-  
versia de imperio & auspicio inter  
eos fuisse videretur. Sed Q. Va-  
lerius, quamquam arbitri senten-  
tia victus, quum nota & celebris  
eo bello virtus ejus fuisset, nihilo  
secius triumphandi jus obtinuit.  
Censores eo anno C. Aurelius  
Cotta, M. Fabius Buteo, lustrum  
undequadragesimum fecere. Cen-  
sa sunt civium millia ducenta se-  
xaginta. duabus adjectis tribubus,  
Velina & Quirina, numerus quin-  
que & triginta tribuum, quem de-  
inde retinuerunt, expletus est.  
Quum jam perdomita Sicilia qua  
Pœnorum fuerat, & pace cum  
Carthaginensibus facta, non quie-  
ta modo omnia, sed etiam tuta  
viderentur; repentinum unde mi-  
nime timebatur bellum paucis die-  
bus

bus & terrore motus intestini sollicitam, & admiratione celerrimi exitus stupentem Italiam habuit. Falisci nescio quibus causis ad insaniam conciti, arma Romana provocare sustinuerunt. Sed missi cum legionibus Consules, sextum intra diem confecere bellum, gente in potestatem populi Romani redacta. Priore tamen proelio, nam duo facta traduntur, ambiguum victoriam fecere, peditatu superiores, quum equestri proelio vincerentur. Sed posterius certamen minime dubio Marte pugnatum, Faliscos ad pacem petendam compulit, quum suæ juventutis ad millia quindecim amisissent. Facta deditione armis, equis, suppellectile, servitiis, & agri semisse multati sunt: urbs cujus munitionibus confisi bellum ceperant ex arduo & prærupto loco in planum translata. Severius in deditos consulturus populus Romanus fuerat; odio civitatis, quæ toties rebellaverat, acrem vindictam meditans, sed imperavit iræ, edoctus à Papirio (qui jussu Consulum sua ma-

*Eutropius*  
*lib. 2.*

*Livii Epitome.*

*Polybius*  
*1. 65.*

*Zonaras.*

*Orosius 4.*  
*11.*

*Eutropius.*  
*Zonaras.*

*Val. Max.*  
*6, 5, 1.*

*Fasti Ca-  
pitolini.*

nu deditionis formulam scripse-  
rat ) *Faliscos non potestati sed fidei*  
*se Romanorum commisisse.* tantum-  
que apud omnes Sacrosanctum  
*Fidei* nomen valuit, ut hoc inter-  
posito nihil inclementius in victos  
statuendum esse judicarent. Id bel-  
lum effecit ut triumphis Consu-  
lum annus iste clauderetur. Q. Lu-  
tati<sup>us</sup> A. D. Kalendas Martias de  
Faliscis triumphavit: A. D. 4. Non.  
Mart. de iisdem A. Manlius.

I. FREINS-

I. FREINSHEMII  
 SUPPLEMENTORVM  
 LIVIANORVM  
 LIBER DECIMVS.

*Loco Libri Vicesimi Liviani.*

**P**Acata rursus Italia, cum  
 securitate & imperio, et-  
 jam voluptates publicæ  
 crevere. L. Livius Andro-  
 nicus scenæ spectacula,  
 quæ hætenus ultra Satyram, non  
 processerant, Comœdiam Trage-  
 diamque Græcorum imitatus, ad  
 fabulas transduxit, C. Claudio  
 A. P. F. C. N. Centhone, M. Sem-  
 pronio C. F. M. N. Tuditano Con-  
 sulibus, quum ludi Romani cele-  
 brarentur. Idem annus alii quoq;  
 generi ludorum initium adtulit.  
 A. D. IV. Kalendas Majas Floralia  
 sunt instituta ex Sibyllinis libris,  
 ad avertendam pestem frugum  
 aliorumque terra nascentium, quæ  
 illa parte anni florere solent. Lu-  
 dos edidit L. & M. Publicii Mal-  
 leoli fratres, iidemque ædiles ple-  
 bis.

*Agellius*  
 17, 21.  
*Livius* 7,  
 2, 6.  
*Cic. Bruto*  
 cap 18. &  
*Cat. c. 14.*  
*& Tuscul.*  
 1, 2.  
*Anno ab*  
*V. C. 513.*  
*Cassiod.*  
*Chron.*  
*Velleius* 1,  
 14, 8.  
*Plinius*  
 18, 29.

*Ovid.*  
*Fast. lib. 5.*

*Festus vo-*  
*ce Publi-*  
*cus cli-*  
*vus.*

*Ovidius.*

*Varro de*  
*Ling Lat.*  
*lib. 4.*

*Ovidius.*

*Tacitus 2,*  
*49, 2.*

*Livii E-*  
*pit 20.*  
*Velleius 1,*  
*14, 8.*

bis, ex pecunia multaticia, condemnatis pecuariis, qui in publico paverant. Magistratus horum fratrum alio quoque nomine celebris est, quod clivum, qui exinde Publicius vocatus est, sternendum locaverunt: quo commodius in Aventinum iter vehiculis esset; quum antea rupes ibi difficilis & aspera fuisset. quodque ædem Floræ, juxta Circum maximum, construxere. Hæc domi acta, foris fere quietæ res fuerunt, nisi quod in Gallis & Liguribus consilia belli agitari suspicio tenuit. Has igitur provincias Consulibus fuisse, jamque tum bellari, cum Gallis utique cepisse, conjecturæ potius, quam historiæ est, nullis qui gesta ea satis accurate doceant ex vetustate reliquis scriptoribus. id unum constat in Umbria Spoletium Coloniam Latinam esse deductam. De proximo quoque anno proclivius est dicere, pacem non fuisse, quod Iani templum clausum non est, quam indicare quibus in locis, quave fortuna bellarum sit. neque ulla ferme re notior est. C. Mamili Q.

F. Q.



F. Q. N. Turini, Q. Valerii Q. F. P. N. Faltonis Consularatus, quam quod anno eo natus est Ennius, primus apud Romanos poëticarum elegantiarum conditor. Sed anno sequente, quum Ti. Sempronius Ti. F. Cn. N. Gracchus, P. Valerius Q. F. P. N. Falto, Consules essent, & Gallica bella recruderunt, & novus hostis Ligures tum primum exercitu petiti sunt. Ti. Sempronio hæc obvenit provincia. P. Valerius Gallos adgressus primum inprospere pugnavit, amissis militum tribus millibus quingentis. Repetita pugna inlustrem victoriam dedit, qua Gallorum millia quatuordecim cæsa sunt, duo millia capta. Sed ob prioris prælii detrimenta, negatus est Consuli triumphus. præsertim quum etiam alioqui res bene gesta non tam ad rationem consiliumque Consulis, quam ad fortunam publicam referenda videretur. Ille enim audito post primum certamen auxilia sibi ab Vrbe adduci, confirmavit se malle cum suis interneccione deleri, quam alie-

*Anno ab Vrbe Condita 514. Fasti Capitolini. M. Varro apud Cicer. Bruto c. 18. Anno ab Urb. Cond. 515. Fasti Capitolini. Livii Epitome. Orosius 4. 11.*

*Zonaras.*

Sinnius  
Capito a-  
pud Fe-  
stum voce  
Sardi  
venales.

Polybius  
I, 65.

*aliena ope vincere:* atque hoc œstro instigatus, seque & exercitum populi Romani in discrimen dedit. Melior feliciorque Ti. Graccho in Liguribus administratio belli fuit. Profligatis enim prælio hostibus, magnam Liguriæ partem victor populatus est. Ex Liguria deinde transmisit in Sardiniam & Corsicam, magnaue inde captivorum multitudine reportata, locum proverbio dedit, quo *Sardi Venales* dicuntur, in fastidiosa rerum vilium copia. Ceterum, ut vera fateamur, occupandæ Sardiniae Corsicæque bona magis occasio temporibus istis, quam justa causa adfuit. Carthaginenses post pacem Siculam gravi bello cum mercenariis suis implicati, ad extrema pericula venerant. Vnde sumtis animis conductitii eorum aliqui per Sardiniam in præsidiis erant, Bostarem Pœnorum ducem cum suis interfecere: Hannonem alium ducem ad vindicandum facinus Carthagine missum, pertracto in societatem rebellionis exercitu ejus comprehensum in crucem ege-

egere: totaque passim insula Pū-  
 nici sanguinis hominibus inter-  
 emptis ipsi munita loca obtinue-  
 runt: donec discordia inter ipsos  
 & Sārdos orta, pulsi ab his, in Ita-  
 liam se recepere. Tum igitur per-  
 fecerunt, quod aliquanto prius,  
 quum adhuc in Sardinia essent, ne-  
 quiverant: nam eo quoque tem-  
 pore Romanos ad insulæ domi-  
 nium occupandum invitaverant.  
 Sed præsentes sive precibus, sive  
 occasione crescendi apertius de-  
 monstrata, ut in Sardiniam navi-  
 gatio susciperetur, obtinuere. Nec  
 enim vulgatæ virtutis est abstinere  
 rebus alienis, quarum prompta sit  
 possessio: neque hic animus apud  
 cupidos & ambitiosos aut bene  
 aut diu simulatur. Sed hæc paulo  
 supra repeti non alienum videtur.  
 Nam Romani ut humanitatis lau-  
 dem consequerentur, ab initio  
 belli istius magno animo Cartha-  
 ginensium causam foverant. Et  
 copias quidem auxiliares, uti pe-  
 tiverant Pœni, nullas misere: sed  
 neque Vticenses, neq; quemquam  
 ad se deficientium receperunt: mer-

*Polybius*  
 I, 83.

*Polybius*  
 I, 88.

*Zonaras.*  
*Polybius*  
 I, 83.  
*Corn. Nepos in Ham-  
 milcare.*  
*Appianus*  
*apud Ful.*  
*Ursinum.*  
*Zonaras.*

ca=

- Appian.*  
*Polybius.*  
*Zonaras.*  
*Appian.*  
*Zonaras.*  
*Appian.*  
*Polybius.*  
*Zonaras.*  
*Polybius.*  
*Appianus*  
*Punici &*  
*Hispan.*  
*Polybius*  
*3, 28.*  
*Zonaras.*
- catores suos ex Italia & Sicilia res  
 necessarias ad Carthaginienses de-  
 ferre iusserunt, cum hostibus Car-  
 thaginensis populi commercium  
 vetuerunt: militis ex Italia in istud  
 saltem bellum conscribendi fece-  
 runt potestatem. Missis quin etiam  
 legatis bellum componere, quam-  
 quam inrito conatu, studuerunt.  
 Et inciderat quidem paulo ante  
 controversia, quod homines Ita-  
 licos forum rerum venalium ad  
 hostem deportantes capiebant  
 Pœni, carceribusque publicis in-  
 cludebant. Iamque ad quingentos  
 ejus generis habebant in vinculis;  
 neque pauci dicebantur occisi, &  
 ad regendam latrocinii famam in  
 mare præcipitari esse: quum Ro-  
 mani rem eam graviter ferentes,  
 belli minas ostentare ceperunt. Sed  
 Pœni legatis missis, qui omnes  
 quotquot detenti Carthagine fue-  
 rant, reducerent restituerentque,  
 adeo placarunt populum Roma-  
 num, ut reliqui ex Siciliensi bello  
 captivi Punici omnes sine precio  
 restituerentur. Sed postremo vicit  
 ambitio, premendique populi stu-  
 dium,



dium, quocum per annos quatuor  
& viginti anticipi fortuna pugna-  
tum meminerant, & nisi in tem-  
pore occurreretur, etiam postea  
pugnandum sibi prospiciebant.  
Quare quum Sardiniam inviti di-  
mitterent Pœni, jamque bello  
contra mercenarios defuncti, ar-  
ma defectionis auctoribus inferre  
meditarentur, arrepta hæc à Ro-  
manis est occasio, bellumque Pœnis  
decretum, *ni armis, quæ in speciem  
adversus rebelles suos, re autem vera  
contra Romanos sumfissent, abstine-  
retur.* Ita Carthaginenses alieno  
tempore bellum gravissimum sus-  
cipere nolentes, non modo cesse-  
re Sardinia, sed etiam postulanti-  
bus Romanis ad priorem sum-  
mam adjecerunt argenti talenta  
mille ducenta; quæ maxime in-  
juria ægros habuisse Carthaginen-  
sium animos, neque ulla magis  
caussa bellum mox Hannibalicum  
exarsisse creditur. Hamilcaris enim  
perpetuum adversus Romanos  
odium, cui bellum Punicum secun-  
dum non inepte inputatur, non  
aliunde aut stimulum acriorem,  
aut

*Appianus  
apud Ful-  
vium Vr-  
sin.*

*Polybius  
1, 88.*

*Zonaras.*

*Polybius.*

*Polybius  
3, 10.*

*Cornelius  
Nepos fin.  
Hamilc.*



aut fomentum certius habuit. Ce-  
 terum hæc postea evenerunt. Tum  
*Anno ab* vero novis Consulibus L. Corne-  
*Urbe Cond.* lio L. F. Ti. N. Lentulo Caudi-  
 516. no, Q. Fulvio M. F. Q. N. Flacco,  
*Fasti Ca-* Galli Cispadani provincia data.  
*pitoleni.* Coloniam hoc anno deductam  
*Velleius I,* esse Valentiam, quamquam à qui-  
 14, 8. busdam traditur, haudquaquam  
 constans opinio est: nisi alia Va-  
 lentia præter Vibonem fuit, quam  
*Livius* annis post quinquaginta L. Quin-  
 35, 40, 5. tio Flaminio, Cn. Domitio AEno-  
 barbo Consulibus, colonis occu-  
 patam esse certioribus auctoribus  
*Zonaras.* credam. Ceterum Consulibus in  
 agro Gallico, donec conjunctas  
 legiones habuere, tuta & prospe-  
 ra expeditio fuit: postquam cupi-  
 dine plura vastandi diviserunt ex-  
 ercitus, Q. Fulvii castra noctu  
 obpugnata, & ægre retenta sunt.  
 Galli re infecta digressi, paulo post  
 graviore cum terrore auctisque  
 majorem in modum copiis ad  
 bellum reverterunt. Boiorum enim  
 duces clanculum inter se consiliis  
*Polybius* agitatis, ingentem Transalpino-  
 2, 21. rum manum ad societatem armo-  
 rum

rum contra Romanos exciverunt. Interea L. Lentulus Consul, qui ad Ligusticos fines exercitum abduxerat, cum Liguribus prospere collatis signis dimicavit. Decretus igitur ei triumphus est, quem duxit Idibus Intercalaribus. Auctores habeo illos primum Consules Romana signa trans Padum fluvium promovisse, diversisque præliis Ligurum & Gallorum Insubrium interfecta millia quatuor & viginti, capta quinque fuisse. Sed verius esse putem, tumultu Gallico, qui postea maximus sequutus est, Padum transitum, Insubresque in suis sedibus bello tentatos primum fuisse. Sub idem tempus ad Ptolemæum Aegypti regem legati missi auxilium obtulerunt cum Antiocho & Syris bellanti. gratias egit Rex, ceterum in præsentia sibi opus auxilio esse negavit, quod pactio-  
bus finitum jam bellum esset. Latis deinde Romanis adventus Hieronis fuit, Syracusarum Regis. exceptus omnibus honoribus, sicut Regem amicum, & bene meritum & maximæ victoriæ socium oport-

*Eutropius  
lib. 3.*

*Fasti tri-  
umphales.*

*Eutropius:  
Sanctensis  
M. S. quæ  
vidit Pi-  
ghius.*

*Eutropius  
lib. 3.*

*Fasti Ca-*  
*piol**Anno ab*  
*Urbe Cond.*  
*417.**Zonaras.*

oportuit; populo Romano ducen-  
ta millia modium tritici dono de-  
dit. Venerat ad ludos spectandos,  
qui in sequentem annum adpara-  
bantur. Nam ludi Sæculares ter-  
tii, secundum quosdam, P. Cor-  
nelio L. F. Ti. N. Lentulo Cau-  
dino, C. Licinio P. F. P. N. Varo,  
celebrati sunt: ut supra quoque  
retulimus. Magistri procurando-  
rum ludorum M! AEmilius M! F.  
M. Livius M. F. M. N. Salinator  
creati. Boiorum interea principes,  
elati numerosis Transalpinorum  
auxiliis, ad Consules misere, peti-  
tum, ut *Ariminensis ager cum urbe,*  
*que hunc ambigue Gallici juris es-*  
*sent sibi restituerentur. ni fieret, bel-*  
*lum atrox & internecivum mina-*  
*bantur.* Consules, qui nondum  
contractis copiis, neque casui pau-  
citatem suorum objicere aude-  
bant, neque postulata Gallorum  
concedere poterant *si quid vellent,*  
*ad Senatum mittendos esse legatos*  
responderunt. placuit condicio  
Gallis, & dum ire ac redire legati  
possent, utrimque dierum aliquot  
induciæ constitutæ. Et legati qui-  
dem

dem Romam profecti adversum à  
Senatu responsum accepere. simul  
maiores contra hunc tumultum  
adparatus facti, quorum usus po-  
stea non fuit, quum formidabile  
bellum sine Romano sanguine  
fortuna confecisset. Dum enim le-  
gati redeunt, Boii cum Transal-  
pinis auxiliis acie dimicavere his  
de causis. Ignara plebe Boiorum  
Transalpinus exercitus. Arimi- *Polybius*  
num processerat. Inde suspiciones *2, 21.*  
ortæ, ne ad regionem istam sibi  
retinendam venissent. tantumque  
conflatum est odiorum, ut Regi-  
bus suis Are & Galato, tamquam  
ob proditionem interfectus, ad-  
venarum copias agro suo depel-  
lere vi conarentur. Ita magna cæ-  
de pugnatum: & valde imminu- *Zonaras.*  
tis utrimque viribus, Transalpini  
domos rediere: Boiis adempta pars  
agri pacem à Romanis dedit. Hoc  
bello tam celeriter confecto, Con-  
sules in Liguriam abivere. Ibi P.  
Lentulus profligatis qui occur-  
rerant hostibus, de cetero per il-  
lorum regionem exercitum cir-  
cumducens, castella quædam  
ar-



armis, alia deditioe recepit. C. Licinius in Corsicam transiecturus quum ad universum exercitum una deportandum navigia deessent, M. Claudium Glyciam cum parte copiarum præmisit. Qui vanitate væcors, quum perterritos adventu suo Corsos vidisset, neque Consulis, cujus auspiciis venerat, neque sui juris aut loci memor, certis conditionibus fœdus cum Corsis suo nomine pepigit, tamquam in se tracturus insulæ receptæ gloriam. At Varus cum exercitu reliquo superveniens, frustra Claudianam pacem invocantes, armis urgere non desit, donec in potestatem redacti sunt. Senatus ad liberandam perfidiæ nota Rempublicam, fœdæ pacis auctorem Corsis dedendum censuit. Deinde, quia receptus non erat, in publica custodia necari iussit. Censores is annus habuit L. Cornelium L. F. Ti. N. Lentulum Caudinum, Q. Lutatium C. F. C. N. Cerconem, qui lustrum non condiderunt, Q. Cercone in magistratu mortuo. Quamquam M. Claudius deditus

Cor.

*Dio apud  
Valesium.*

*Zonaras.*

*Marcellin.  
14, 40.  
Val. Max.  
6, 3, 3.  
Fasti Ca-  
pitolini.*



Corſis , deinde ſupplicio adfectus fuerat , non idco perſuaderi barbaris potuit , juſto ſc poſtea bello petitos fuiſſe. Quare ſaucios eo dolore animos , vicinae Sardiniae motus facile impulit , ut ad arma reſumenda proſilirent. Nam Sardoſ Poenorum occulta promiſſa traxerant ad rebellionem ceptandam , proclivibus ad hoc barbaris , qui nec nimium odiſſent veteres dominos , nec amarent novos. Quae Romae audita metu & ira inpleverunt urbem , non ob Sardiniam , quam tanti non faciebant , ſed quia bellum Punicum videbatur renaſci. Quod quia facilis futurum credebant , quanto citius inciperetur , invalidis adhuc à ſuperiore bello Carthagineniſibus ; quamprimum adornandum inferendumque Poenis decreverunt. At Poenos quidlibet potius eo tempore quam bellum Romanum pati certos , ea res nunciata ſic exterruit , ut legatis ſemel iterumque miſſis poſtquam nihil miſſe reſponſum eſſet , decem ex principibus itidem iterato mitterent;

*Z:varas.*

*Oroſius ,  
12.*

*Dio apud  
Fulvium  
Vrsinum.*

*Anno ab  
Urbe Cond.  
518*

*Iassii Ca-  
pitoli.*

*Zonaras  
Liv. 23,  
34, 12.*

*Capitol.  
Columna.*

rent, infimis precibus, ut impetra-  
ta semel pace frui liceret, obtestata-  
turos. Ne sic quidem æqui quid-  
quam obtineri potuit ab iratis &  
metuentibus: donec inter legatos  
ætate minimus Hanno, adolescens,  
intrepidus, & linguæ ut mentis  
liberæ, *Atqui, inquit, si vobis sedet  
denegare pacem, Romani, quam non  
in unum aut alterum annum, sed  
perpetuam à vobis emimus: at pre-  
cium ejus Siciliam & Sardiniam  
reddite. ne privatis quidem contra-  
ctibus viri boni est emptione rescissa  
recipere mercedem, non restituere pe-  
cuniam.* Tunc vero pudore com-  
moti Romani, ne injuste bellum  
inferre viderentur, meliore cum  
responso legatos dimisere. Sic al-  
ter Consul ejus anni C. Atilius  
A. F. A. N. Bulbus, qui magistra-  
tum hunc iterum gerebat, in Ita-  
lia mansit: T. Manlius T. F. T. N.  
Torquatus, cui Sardinia evene-  
rat, profectus est. Hic multis lo-  
cis, cum hoste feliciter congressus,  
universam insulam pacavit, Sar-  
dosque subegit: & de iis ante diem  
Sextum Idus Martias triumphavit.

vit. His rebus perfectis, quum nullo jam usquam hoste, Romana arma quiescerent, insolitum bel-  
latrici Vrbi spectaculum, Iani ædes clausa est, quod indicium pa-  
cis, post Numæ tempora, per an-  
nos ferme quadringentos quadra-  
ginta, visum non fuerat. Quo no-  
mine miseram fuisse civitatem  
Romanam arbitror, quod perpe-  
tuis conflictata laboribus, præ-  
mia laborum adsequi non potuit:  
quum enim nemo sapiens bellum,  
nisi pacis ergo gerat; hæc urbs tot  
maximis bellis prospere confectis,  
nec impetrare tamen pacem sæpe,  
nec retinere diu didicit. Nam tunc  
quoque post menses non ita mul-  
tos, novi terrores nunciati, læti-  
tiam otii vix adhuc animis per-  
ceptam cito discusserunt. Nam &  
Sardi recens subacti, jugum excu-  
tiebant: & Corsorum erumpebant  
confilia: & in ipsa Italia Ligures  
tumultum moverant. Ergo L.  
Postumio A. F. A. N. Albino, SP.  
Carvilio SP. F. C. N. Maximo  
Consulibus negotium datum ut  
exercitus conscriberent. quibus

*Florus* 2,  
3, 1.

*Velleius*

2, 38, 3.

*Livius* 1,

19 3.

*Orosius* 4,

12.

*Florus* 2,

3.

*Anno ab*

*Vrb Cond.*

519.

V 2.

tri-

*Zonaras.*

trifariam divisis, ut hostes ab ope mutuo ferenda distringerentur, L. Postumius Ligures adortus est; SP. Carvilius Corsos; in Sardiniam P. Cornelius ivit. Hujus insulæ cœlum insalubre, morbis & pestilentia tentavit exercitum: multique ex eo mortales cum ipso prætore absumpti. Vnde elatos animo Sardos Consul SP. Car-

*Livii Epit. 20.  
Capitol.  
Columna.*

vilii adventus ingenti prælio coercuit: Corsi quoque ab eodem sunt subacti. Ob eas res triumphus ipsi decretus est, quem A. d. Kalendas Apriles duxit. In Liguribus etiam

*Zonaras.*

ab altero Consule & exercitu Consulari res bene gestæ. At Ro-

*Liv. Epit.  
Marianus  
Scotus.*

mæ Tutia virgo vestalis incesti damnata, eo majore probro, quod consuetudinem stupri cum servo habuerat, sua se manu interemit. Censores deinde C. Atilius A. F. A. N. Bulbus, A. Postumius, A. F. L. N. Albinus, lustrum quadragessimum fecere. Hoc quoque lustro pauciores quam superioribus fuisse censos. (numerus enim non reperio traditum) argumentum est, quod ad augendam homi-  
mini-



minibus civitatem Censores jura- *Agellius*  
 re singulos coegerunt, uxorem se *4,3.*  
 liberorum querendoram gratia ha-  
 bituros. Hoc anno Cn. Nævius *Agellius*  
 Campanus, qui bello Punico sti- *17,21.*  
 pendia fecerat, fabulas primum  
 scenæ dedit. Interea Ligures & *Zonaras.*  
 Sardi denuo rebellantes Consuli-  
 bus novis provinciæ decretæ. Q. *Anno ab*  
 Fabio Q. F. Q. N. Maximo Verru- *Urbe Con-*  
 coso Ligusticum bellum, M. Pom- *dita 520.*  
 ponio M. F. M. N. Mathoni Sar- *Fasti Ca-*  
 doum obvenit. Quum horum mo- *pitolini.*  
 tuum caussa penes Carthaginenses *Zonaras.*  
 esse diceretur, qui barbaros ad defe-  
 ctionem secretis nunciis allicerent,  
 legati missi sunt Carthaginem  
 cum asperis mandatis, quo stipen-  
 dium exigerent, atque in*is*ulis ad  
 Romanas pertinentibus abstineri ju-  
 berent, belli minis additis, ni im-  
 perata fecissent. Iam ex priori cala-  
 mitate vires & animum recepe-  
 rant Pœni, Hamilcaris maxime in-  
 dustria non modo pacatis Africæ  
 populis, qui à Carthaginensibus  
 desciverant, sed etiam latius pro-  
 mota ditione: magnoque jam in  
 Hispania imperio per eundem

*Diodorus*  
*apud Va-*  
*lesium.*

*Polybius*  
*fin lib 1.*  
*Corn. Ne-*  
*pos in Ha-*  
*milcare.*



*Zonaras.**Plutarch.  
Fabio cap.  
3.**Capitolina  
tab.  
Auctor de  
Viris n-  
lustr. cap.  
43.*

ducem parvo. Itaque tum ad cete-  
 ra ferociter legatis responsum est,  
 tum etiam, quum illi, quemad-  
 modum in mandatis habebant, ha-  
 stam caduceumque proposuissent,  
 data Pœnis optione, *utrum mal-*  
*lent eligendi; neutrum se legere suc-*  
*clamatum est, sed utrum mallent*  
*ipsi legati relinquerent, a quo animo*  
*accepturis.* Inde flagrare denuo ce-  
 perunt inter duos populos odia,  
 sed neutro bellum adhuc incipere  
 volente, species amicitiae, magis  
 quia non bellabatur, quam quod  
 fida pax esset, interea tenuit. Am-  
 bo deinde Consules ad Urbem  
 reversi, quum de rebus à se gestis  
 disseruissent, triumphum impe-  
 traverunt. Q. Fabius multos Li-  
 gurum in proelio occiderat, coc-  
 geratque reliquos in Alpestribus  
 locis se continere, tutumque ab  
 illorum latrociniis vicinum Italiae  
 latus reddiderat. Sic ante diem  
 Kalendas Februarias, triumphavit  
 de Liguribus. Idibus deinde Mar-  
 tiis M. Pomponius triumphum  
 duxit, de Sardis, quos vicerat. Ne-  
 que tamen destitit bello Sardi,  
 sed

sed irritati potius damnis suis quam fracti, majori mole rebellio-  
nem instaurarunt. Ambo igitur  
Consules M. Aimilius M. F. M. N.  
Lepidus, M. Publicius L. F. L. N.  
Malleolus in Sardiniam missi,  
magnam ex ea insula prædam coë-  
gere: quam deinde, quum in Cor-  
ticam transmisissent, creptam à  
Corlis amiserunt. Domi quoque  
vehementer eo tempore turba-  
tum: agrariam legem ferente tri-  
buno plebis C. Flaminio, ut *Pice-*  
*nus atque Gallicus ager, qui Seno-*  
*num Gallorum fuerat, populo viri-*  
*tim divideretur.* Resistebat huic  
actioni Senatus, neque precibus  
apud tribunum, neque minis ab-  
stinens, postremo dato magistra-  
tibus negotio, ut exercitum con-  
scriberent, quo Rempublicam tu-  
tarentur: neque dimoveri à sen-  
tentia C. Flaminii potuit, adver-  
sum vim contumax, & precibus  
inexorabilis. Monuerat eum pa-  
ter quoque *ut voluntati Senatus ce-*  
*deret, neque seditionis auctor audire*  
*vellet.* Sed ille persistens in sen-  
tentia, vocata concione, recitare

Anno ab  
Urbe Cond.  
521.  
Zonaras.

Polybius.  
2, 21.

Cicero Bruta  
to cap. 14.  
& Acad.  
Quæst 4,  
5  
Valerius  
Maximus  
5, 4, 5.

*Cicero de  
Inventio-  
ne 2, 17.*

*Val. Max.*

*Cicero ci-  
tatus apud  
Sofipa-  
trum Cha-  
risium.  
Polybius  
2, 23.  
Fasti Ca-  
pitolini.  
Anno ab  
Urbe Cond.  
522.*

legem instituit. tum vero pater Fla-  
minius dolore ardens accessit ad  
Rostra, correptumque manu fi-  
lium detraxit. mirumque est ex-  
emplum editum sive pietatis, sive  
venerationis, qua tum homines  
jus patriæ potestatis prosequaban-  
tur. qui enim universi Senatus in-  
dignationem minasque atroces  
contemserat, in maximo calore  
perficiundi operis, inspectante ple-  
be Romana, apud quam gratio-  
sissima erat ferendæ legis mentio,  
unius senis manu de superiore lo-  
co detrahi passus est. Nec omitten-  
da concionis in hoc negotio mo-  
destia: quæ licet abitu tribuni spes  
suas destitui videret, ne minimo  
quidem murmure factum illius  
inprobavit. Dilata tamen hoc mo-  
do potius quam evitata lex est, C.  
Carvilio tribuno plebis collegam  
adjuvante: quod quidem initium  
fuit, & corrumpendæ plebis, &  
Gallici belli, quod octavo post di-  
visionem agri Gallici anno, gra-  
vissimum exortum est. Tum vero  
M. Pomponius M! F. M! N. Ma-  
tho, C. Papirius C. F. L. N. Maso,  
quum

quum magistratum inivissent, provincias M. Pomponius Sardiniam, C. Papirius Corsicam obtinuerunt. *Zonaras*  
Utrobique cessit hostis, & in sylvas montesque arduos refugiens, locorum potius quam armorum munitionibus se tutatus est. Ergo M. Pomponius quum laboriosius esse videret invenire barbaros, quam vincere, canes sagaces ex Italia curavit advehendos, quorum indicio homines more ferarum in cubilibus suis latentes depræhenderet. C. Papirius Corsos campis pulsos, ad montana loca sequutus est. Ibi labor ingens cum periculo fuit: multique militum siti, aut subito barbarorum incursum periere. donec inventis aquis refectoque exercitu Corsi de exitu reitimentes Consuli ad deditionem hortanti paruerunt. Dum his rebus gerundis adtinentur Consules comitia per Dictatorem ad hoc creatum sunt habita. C. Duilius fuit M. F. M. N. is magistrum equitum dixit C. Aurelius L. F. C. N. Cottam. Censores etiam tum fuere T. Manlius T. F. T. N. Torquatus, Q.

V 5

Ful-

*Capitolina  
Marmora.*



Plutarch.  
Numa c.  
48.

Agellius  
4.3.

Val. Max.  
2, 1, 4.

Dionysius  
2, 26.

Agellius  
17, 21.

Agellius  
4.3.

Servius  
Sulpicius  
in lib de  
dotibus  
apud A-  
gellium.

Fulvius M. F. Q. N. Flaccus, sed vitio facti abdicarunt. Novi moris originem huic anno scriptores adsignant, non indignam quæ referatur. Divortium ab Urbe condita nullum fuerat: primus SP. Carvilius Ruga sterilem uxorem dimisit, jurejurando à Censoribus obstrictus, *se liberorum querendorum causa conjugem habiturum*. Displicuit populo non magis novitas, quam atrocitas rei, quod ad perpetuam vitæ societatem junctas uxores, quacumque de causa repudiari sævum & iniquum putabat: & SP. Carvilius semper deinceps odio habuit, quamquam necessitate coactus, de amicorum sententia, uxorem bene convenientem morumque gratia charissimam demiserat. Ex eo tempore plus in jure nexuum, plus apud prætorem litium fuit, tum primum cautionibus rei uxoriæ re-  
pertis, quarum, nullis antea divortiis, supervacanea fuerat calliditas. Eodem anno alia quoque nova consuetudo in honoribus imperatorum cepit. Sub finem  
Con-



Consulatus sui C. Papirius de Corsis in monte Albano triumphavit, A. D. III. Nonas Martias. Causa ejus Consilii fuerat, quod ipse sibi res triumpho dignas gessisse videbatur, pacata tandem Corsica: neque ab Senatu honorem eum impetrabat. Idque deinceps exemplum multis ad imitationem placuit: ut negato sibi triumpho in Albano monte triumpharent. Spectavit deinde ludos myrto coronatus, delecta hac corona ob memoriam rei gestæ, quod in campis myrteis Corsos superaverat. Sardiniaë Corsicæque motibus compositis, Ligures restabant, adversus quos missi Consules M. Aimilius L. F. Q. N. Barbula, M. Iunius D. F. D. N. Pera, inter proficiscendum comperto, Gallos rebus novis studere, fines illorum cum exercitu intraverunt. Inritatis enim lege Flaminia Gallorum animis, natus erat metus Romæ, ne quid molirentur homines læti bello, & ad iram præcipites. quare nuper edictum fuerat à magistratibus, ne quis homini Gallo aurum vel ar-

*Columna  
Triumphales.*  
*Val. Max.  
3, 6, 5.*  
*Plinius  
15, 29, 10.*  
*Anno ab  
Urbe Cond.  
523.*  
*Zonaras.*  
*V 6                      gen-*

*Polybius*  
2,13.

*Capitolina*  
*Marmora.*

gentum daret, Boii enim ceterique Galli, tum ex aliarum rerum, tum mancipiorum venditione ingentem pecuniam cogebant: incessebatque suspicio, ne ista ad bellum Romanum uterentur. Quare magis etiam incitati, cognito Consulibus Ligusticum bellum esse decretum, occultis consiliis hoc agere dicebantur, ut exercitibus Romanis expeditione longinqua detentis, ipsi Urbem adgrederentur. Ceterum adventu Consulum terri-  
riti, quum ad vim faciundam inparati essent, Romanos in pacis amicitiaeque speciem simulacris obsequiis exceperere. Consules quoque bellum obpressisse contenti, causam cur eo venissent finxere; *ut per Gallicum agrum commodius exercitum in Liguriam ducerent.* Superiore anno Censores vitio facti abdicaverant. itaque his demum Consulibus Q. Fabius Q. F. Q. N. Maximus Verrucosus, M. Sempronius C. F. M. N. Tuditanus, lustrum primum & quadra-

dragesimum condidere. Dum hæc in Italia & Vibe geruntur, novi cum Illyriis belli causæ talibus initiis exsisterunt. Illyrii ferrox & avidum prædæ genus, piraticam faciundo, multos Italicorum negotiatorum, Brundisino portu egressos, ceperant, nonnullos quoque trucidaverant: & primo quidem delatas ob ea querimonias Senatus inter alias curas negligentius auscultaverat: postremo tamen cum prædonum audacia impunitate cresceret, crebrioresque jam querelæ perveniebant, visum est legatos mitti ad res repetendas: simul ut Issæorum, qui nuper in fidem Romanorum concesserant, causam tuerentur. Hos enim lonii maris insulam habitantes, quod à se defecerant, gravibus odiis damnisque Illyrii prosequiebantur. Missi sunt C. & L. Coruncanii. Hi dum in itinere sunt, Illyriorum qui Ardyæi vocantur Rex Agron Pleurati F. ad quem ibant, morbo decessit: filio adhuc inpubere (cui

*Polybius*

2, 8.

*Dio apud*

*Julvium*

*Vrsinum.*

*Polybius.*

*Dio:*

*Zonaras.*

*Appian.*

*Illyr.*

Polybius

2, 4.

Livius

22, 33.

Polybius.

Polybius

2, 8.

Zonaras.

Florus 2,

5, 3.

( cui nomen fuit Pinneus ) relicto : regnumque noverca pueri Teuta , consiliis amicorum administrabat. Hæc inpotens animi , & rebus prosperis elata, legatis Romanorum contemptim auditis, respondit, curæ sibi futurum ne Romani ab Illyriis publice læderentur : vetare vero ne quis suorum privatim lucrum quod posset ex mari captaret , id Regibus Illyriorum nequaquam in more positum esse. Non tenuit ad hæc iram minor Coruncanius , & intempestiva potius quam injusta libertate usus, *At Romanis , inquit, in more positum est , Teuta , privatim factas injurias publice exsequi , lesisque consulere. Conabimur autem diis benejuvantibus te ad instituta Regia cupide & celeriter emendanda cogere.* Quibus verbis supra modum offensa mulier , sed animo interim utcumque dissimulato, legatis jam profectis latrones immisit, à quibus minor Coruncanius cum parte comitum interfectus est ; ceteris in vincula coniectis , præfectisque navium igne combustis. Lega-



gatus etiam Iſſæorum *Calempoæus* Appian.  
 nomine ab iisdem prædonibus oc-  
 cisus est. Quibus rebus Romæ co- Plinius  
 gnitis T. Coruncanio & P. Iunio 34, 6, 2.  
 honoris causa tripodaneæ statuae  
 in foro sunt positæ: Teutæ vero Livii E-  
 & Illyriis bellum indictum. Teu- pit. 20.  
 ta rudis imperandi, & muliebris  
 ingenii vitia neque ratione, neque  
 usu domare docta, sicut ad inri-  
 tanda odia præcipitem, sic ad to- Zonaras.  
 leranda timidam se gerebat. Ita-  
 que comperto bellum adversus se Dio.  
 parari reddituram Romanis vivos  
 pollicita est: *interfectos reddere non*  
*posse, quos injussu suo prædones pere-*  
*missent.* Hæc legatio, quamquam  
 pro magnitudine delicti parum sa-  
 tisfaceret, tamen quia spem præ-  
 bebat, controversias Illyricas ci-  
 tra bellum componi posse, inhi-  
 beri vim placuit, petique ad pœ-  
 nam eos à quibus interfecti legati  
 dicebantur. Mulier arma quæ ti-  
 muerat differri videns, vicissim ex  
 metu ad priorem insolentiam ra-  
 piente animi levitate, *neque dedi-* Zonaras.  
*turam se quemquam* dixit; & ut fa-  
 ctis quoque ferociam ostenderet,  
 quam



- Polybius** 2, 11. quam verbis prætulera, continuo copias ad Issam obsidendam misit. Non ergo diutius contari visum,
- Fest. Capitolini.** quin ambo Consules ( Lucius Postumius A. F. A. N. Albinus iterum, Cn. Fulvius Cn. F. Cn. N. Centumalus jam iniverant ) cum navalibus pedestribusque copiis proficiscerentur. Cn. Fulvius classem ducebat navium ducentarum; L. Postumius legiones. Tum iterum territa Teuta Demetrium Pharium ad Consules pacem petitum misit. Atqui illi pepigerunt inducias, si Corcyra, quam nuper occupaverant, Illyrii decederent. Profectis ad recipiendam Corcyram Romanis, tamquam longissime metus omnis abscessisset, ad priora consilia relabatur Teuta, præfectosque suos ad Dyrrhachium & Apolloniam obsidendas mittit.
- Polybius** 2, 10. Alii non voluntate Teuta deditam Corcyram, sed Demetrii privato consilio tradunt, qui criminibus se apud Teutam peti gnarus, adversus illius iracundiam proditione præsidii cui præerat apud Romanos perfugium sibi quaesiverit. Præsidio Illyriorum tra-
- Anno ab Vrbe Cond.** 524.
- Polybius.**
- Polybius** 2, 11
- Dio apud Fulvium Ursinum.**
- Polybius.**

tradito, Corcyrenses publico consilio Romanis se permittere, nullam sibi reliquam salutis viam esse rati, nisi potentia tam claræ civitatis adversus Illyriorum injurias protegerentur. A Corcyra Consul Apolloniæ cum classe petiit: venitque eodem L. Postumius, qui Brundisio transjecerat, cum pedestribus copiis. peditum ad viginti millia erant, equitum duo. Romanos Apolloniæ cupide recipere, seque fidei illorum tradidere. Ab hac liberata statim ad Dyrrhachium itum. id quoque Romanorum extemplo factum, ad famam advenientis exercitus, dilapsis pavore Illyriis, qui obsidere urbem ceperant. Eodem impetu gens Ardyæorum ad deditiorem coacta est: veneruntque ab ulteriore Illyrico legati variarum nationum, imperata facturos suos polliciti, si in amicitiam recipiantur: ex quibus Parthini fuerunt, & Atintanes. Plurimus ad hæc usus Demetrii Pharii fuit, qui à Consulibus circumductus, robur & fidem Romanorum extollendo, Teu-

*Appianus  
Illyrica.*

*Zonaras.*

*Di.* Teutæque incusando temeritatem  
*Polybius.* & inconstantiam, alios rationibus  
*Zonaras.* & consilio, alios auctoritate sua  
*Di.* ad societatem Romanorum addu-  
*Polybius.* cebat. Post hæc ad Issam cursus  
institutus: & inter navigandum  
multis locis exscensione facta,  
pleraque oppida levi negotio  
capta sunt. Nutria strenue ab Il-  
lyriis defensa est, multoque san-  
guine constitit victoria, tribunis  
etiam quibusdam, & Quæstore de-  
sideratis. Cujus rei levio-rem do-  
lorem fecerunt lembi viginti, quos  
cum præda & pecunia ex Pello-  
ponneso venientes Romani exce-  
pere. Iam ad Issam ventum erat.  
Ibi perinde ut ad Dyrrhachium  
acciderat, adventu Romanæ clas-  
sis obsidio soluta est: diversa in  
loca diffugientibus barbaris, præ-  
ter Pharios, qui in gratiam Deme-  
trii, quod ex eadem insula ortus,  
eique sub Agrone præfectus fue-  
rat, corporibus rebusque salvis in  
fidem accepti sunt. Hæc audita in-  
stabilem Teutæ animum varie mo-  
verunt, alternantibus timoris &  
fiduciæ causis. Nam sicut amissa  
& de-

& deleta oppida, vastatae maritimae regiones, ubi vis fugatae Illyriorum copiae metum ei maximum incusserant; ita vicissim spem dabat Nutrinorum audacia, & hybernium jam mare, cujus formidine rebatur Romanos cito repetituros domum esse. Itaque Rhizonem oppidum cognomini fluvio inpositum cum paucis se contulit, expectatura remedium quod tempus offerret. Alebant vanam opinionem acta Consulum, qui pleraque parte regionum quas occupaverant, Demetrio tradita, Dyrrhachium & classem & exercitum reduxere. Sed postquam L. Postumius cum quadraginta navibus relictus, exercitum ex finitimarum urbium delectu fecit, Ardyæis, & qui præterea Illyriorum ad Societatem Romanam accesserant, præsidio futurus; tum vero desperatis rebus suis Teuta de pace quibuscumque condicionibus redimenda cogitavit. Ideo sub initium veris legatione Romam missa, quæ præterita essent tamquam Agronis imperio facta excusavit, Appian.

cujus

Orosius 4,  
13.

Dio.

Polybius.



cuius acta tueri necessum sibi fuisset. Romani non illi, cuius ea propria potestas non esset, & quæ de Romanis nihil tale meruisset; verum Agronis filio Pinneo pacem dederunt his legibus: *ut stipendia imperata penderet. Illyrico omni, paucis exceptis locis, decederet: neque ultra Lissum pluribus quam binis lembis, & his inermibus, navigaret. Corcyra, Pharos, Issa, Dyrrhachium & Atintanes hac pace Romanis cesserunt: cetera quæ sub Agronis imperio fuerant, Pinneo relicta. Teuta sive pudore & metu, sive iubentibus Romanis, administratione regni abiit, quam tutorio nomine suscepit Demetrius Pharius Sic finita cum Illyriis contentione, finibusque imperii jam ad limites Græciæ promotis, ab alia parte parum secura Respublica erat: meditantibus bellum Gallis, & maximis in Hispania incrementis rei Punicæ, quam sine periculo Romanæ confirmari posse nemo credebat. Hasdrubal gener & successor Hamilcaris, vindicata Soceri morte, multas præ-*

*terea*

**Polybius.****Appianus  
Illyr.****Dio.****Zonaras.****Diodorus  
lib. 25.**



terea nationes partim armis, ple-  
 rumque consilio & facundia qua  
 mire pollebat, Carthaginiensium *Livius 21,*  
 imperio subdidit: etiam altera *2, 5.*  
*Carthagine, quæ nova appellata est, in* *Polybius.*  
*sinu maris juxta portum amplif-* *2, 13.*  
*simum & satis commodum, con-* *Livius*  
*data. Sed propior à Gallis metus,* *26, 42, 6.*  
*durius aliquod contra Pœnos con-* *Polybius.*  
*silium inire vetuit. quod reliquum*  
*erat, fœderibus pactisque cursum*  
*fortunæ eorum sistere studuerunt.*  
*Legatis ergo Carthaginem missis,* *Appianus*  
*aliisque ad Hasdrubalem, pepige-* *Hisp.*  
*runt, ut trans Iberum amnem se con-* *Polybius.*  
*tinerent Pœni, Saguntinis suæ leges* *Florus 2,*  
*& libertas servaretur. Hæc in an-* *6, 4.*  
*num inciderunt, quo SP. Carvilius* *Anno ab*  
*SP. F. Cn. N. Maximus, Q. Fabius* *Urbe Cond.*  
*Q. N. Maximus Verrucosus, uter-* *525.*  
*que iterum, Consules fuere. Sub*  
*idem tempus L. Postumius pro-* *Polybius.*  
*consule, qui in Illyrico hiberna-*  
*verat, legatos ad AEtolorum*  
*Achæorumque populos Corcyra*  
*misit, ad exponendum rei gestæ*  
*ordinem, quibus causis bellum*  
*istud susceptum, qua fortuna gestum,*  
*quibusque conditionibus finitum esset;*  
 Comi-

Comiter excepti studiosque auditi sunt, quod eæ nationes ceterique Græci, vehementer exosum habebant Illyriorum nomen, ob continua latrocinia, quæ sub Agro-ne Teutaque exercuerant. Hæc ubi demum nunciata sunt, Senatus rite atque ordine à Proconsule facta esse censuit, aliamque statim legationem decrevit, quæ publico nomine Corinthios & Athenienses adiret, populique Romani studium erga Græcos, & æquitatem erga omnes commendaret. Ea res magnam in iis terris nomini Romano benevolentiam peperit, confestimque decreto Corinthiorum honor hic populo Romano est habitus, ut *Isthmiorum* (qui ludi inter quatuor celeberrimos sunt Græciæ) *participes haberentur*. Maxime movit eos, præter Apolloniam & alias Græci generis civitates, Corcyra libertati reddita, quæ colonia Corinthiorum fuerat. Athenienses quoque societatem Romanam amplexi, decreverunt, ut Romanis jus civitatis *Atticæ*, *in-*  
*tiorumque Eleusiniorum* esset. In-  
 terea

Zenaras.

Polybius.

Appian.  
Illyr.Thucyd -  
10,8.  
Zenaras.

terea Cn. Fulvius proconsule tri- *Tabula*  
 umphum navalem ex Illyriis egit, *Capitolin.*  
 A. D. Kalendas Quintiles: & prin- *Florus 2,*  
 cipes Illyricos in triumpho ductos *5, 4.*  
 securi percussit. Hic primus de Il- *Eutrop.*  
 lyriis triumphus fuit. Anno se- *lib. 3.*  
 quente P. Valerio L. F. M. N. Flac- *Anno ab*  
 co, M. Atilio M. F. M. N. Regulo *Urbe Con-*  
 Consulatum gerentibus, Praeto- *dicta 526.*  
 rum duplicatus est numerus: qua- *Livii E-*  
 ternosque creari visum, ut essent *pit. 20.*  
 qui in Siciliam Sardiniamque pro- *L. 2. § 32.*  
 vincias cum imperio mitterentur. *de O. I.*  
 ex his M. Valerius Sardiniam, ad- *Solinus 6,*  
 tributamque huic Corsicam, C. *11.*  
 Flaminius Siciliam sortiti sunt In- *Sex. Ruf-*  
 gens eo tempore fuit metus Gal- *fus.*  
 lici belli, de quo Boii Insubresque *Zonaras.*  
 non inter se modo, sed etiam cum  
 Transalpinis populis agitare, ma- *Polybius*  
 gnasque Gæsataram Gallorum co- *2, 22.*  
 pias stipendio conduxisse fereban-  
 tur. Ergo non solita modo reme-  
 dia qua sita sunt, sed etiam iis ra-  
 tionibus malo quod timebatur  
 occursum, quas apud severos ju-  
 dices, præter amorem patriæ, &  
 in ejus gratiam quandoque con-  
 cessa quæ alias negarentur, nihil  
 ex-

*Fasti Ca-  
pitul.*

*Anno ab  
Urbe Con-  
dita 527.*

*Livius*

*22, 57, 6.*

*Orosius 4,  
13.*

*Zenaras,*

*Plinius*

*3, 20.*

*Entrop.  
lib 3.*

*Diodorus*

*lib 25.*

*Orosius 4,*

*13.*

*Liv. Epit.*

*20.*

excusaret. Quum enim præter alios ex diis hominibusque terrores, etiam in Sibyllinis libris repertum esset, *Gallos & Græcos Urbem Romanam occupaturos*, ad prædictionis ejus minas calliditate avertendas, M. Valerio M. F. M. N. Messalla, L. Apustio L. F. C. N. Fullo- ne Coss. ex auctoritate Pontificum homines quatuor; Gallum & Gal- lam, similiterque Græcum & Græ- cam in medio foro boario vivos defoderunt, ut ita quasi partem aliquam Urbis tenentes implevis- se fata viderentur. Ceterum hic annus inter res alias non magnas, adparatu maxime Gallici belli, quod iam instabat, consumptus est. Descriptæ sunt ad id bellum equitum peditumque copiar, in- credibili numero, tota pro Roma- nis Italia consentiente. Q. Fabius historicus, qui rebus gerundis in- ter fuit, *effecta fuisse scribit armato- rum octingenta millia*. Romanorum quidem Campanorumque nume- ro, peditum explete ducenta quadraginta octo millia ducentos; equitum viginti sex millia sexcen-



tos. cetera multitudo reliquorum  
 Italiae populorum fuit. Etiam Ve- *Polybius*  
 neti ac Cenomani auxilia dederunt 2, 24.  
 Romanis, hominum millia vi-  
 ginti, qui jussi sunt finitimos Boios  
 metu & damnis, ad patriam tuen-  
 dam cogere, ne cum ceteris ho-  
 stium copiis conjungi possent:  
 quando à bellandi consilio lega-  
 tionis Romanae studiis avocari  
 nequiverant. Venetis enim &  
 Cenomanis ad instaurandam cum  
 populo Romano amicitiam per-  
 suasis, Insubres Boiique in hostili *Strabo*  
 animo propositoque perstiterunt. Mi- *lib. 5.*  
 nutæ tamen vires eorum sunt, non  
 ausis omnem armatorum multi-  
 tudinem educere Regibus, coactis-  
 que partem juventutis ad fines  
 defendendos relinquere. Ita reli-  
 quis cum copiis ( peditum quin-  
 quaginta millia, equitum viginti  
 numerabantur ) iter per Etruriam  
 tentare ceperunt. Interea L. Aimi- *Anno Vr-*  
 lius Q. F. Cn. N. Papus, C. Ati- *bis Cond.*  
 lius M. F. M. N. Consules Sardi- *528.*  
 niam & Ariminum cum vicina  
 Gallia provincias obtinuerunt. Sardi *Zonaras*  
 enim gravati perpetuam Romani  
 X Præ-



*Polybius*  
2, 23. &  
27.

*Polybius*  
2, 25.

*Polybius*  
2, 23.

*Polybius*  
2, 25.

Prætoris præsentiam, fascesque non ante conspectos, iterum tumultuati fuerant: sed hos C. Atilius Consul haud magno negotio coercuit. Major moles L. Aimilio cum Gallis fuit: perrupta Etruria Romam tendentibus. Eos Prætor, cui Etruria provincia decreta fuerat, quum arcere transitu nequivisset, circa Clusium consequutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæstulas nocturno itinere perveniunt: relictis equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatum, hostesque ex improvviso turbandos apto loco habituros. Ea fraus Romanis inposuit, ut quasi fugientes avidè sequerentur. Ita circa Fæstulas à recentibus & paratis excepti sunt, fessi cursu, & consilio, ut in re nec opinata destituti. Quod unum super-

pererat, pugnando tueri salutem,  
aut vindicare sanguinem statuere.  
Sed præter alia numero quoque  
vincentibus Gallis, plures sex mil-  
libus in loco pugnae concisi sunt,  
ceteri fugerunt. Galli munitum  
quendam collem, quo pleraque  
fugientium turba concesserat, ca-  
pere conati, postquam nocturno  
itinere diurnaue pugna vires ex-  
haustas sensere, ad corpora cu-  
randa abiverunt: relicta parte  
equitum, quæ tumulum obside-  
ret; postridie vi aut deditione haud  
dubie in potestatem redigendum.  
In hoc articulo rerum L. Aimi-  
lius Consul optabili potius quam  
sperato casu supervenit. Nam ad  
famam adventantium Gallorum  
Ariminum missus, defensurus A-  
driatici litoris oram, postquam  
Urbem audivit peti, magnis iti-  
neribus Arimino profectus, ad ea  
loca bona quadam fortuna perve-  
nerat: & parvo ab hostibus inter-  
vallo castra metatus fuerat. Ob-  
sessi ex ignibus ab ea parte con-  
spectis, id quod erat, Romanum  
exercitum venisse conjicientes,

*Diodorus*  
*lib 25.*

*Polybius.*

*Polybius*  
*2, 23.*

*Polybius*  
*2, 26.*

X a quos-

*Polybius*  
2, 23. &  
27.

*Polybius*  
2, 25.

*Polybius*  
2, 23.

*Polybius*  
2, 25.

Prætoris præsentiam, fascesque non ante conspectos, iterum tumultuati fuerant: sed hos C. Attilius Consul haud magno negotio coercuit. Major moles L. Aimilium cum Gallis fuit: perrupta Etruria Romam tendentibus. Eos Prætor, cui Etruria provincia decreta fuerat, quum arcere transitu nequivisset, circa Clusium consequutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæstulas nocturno itinere perveniunt: relictis equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatum, hostesque ex improvise turbandos apto loco habituros. Prætor Romanos inposuit.

pererat, pugnando tueri salutem,  
aut vindicare sanguinem statuere.  
Sed præter alia numero quoque  
vincentibus Gallis, plures sex mil-  
libus in loco pugnae concisi sunt,  
ceteri fugerunt. Galli munitum  
quendam collem, quo pleraque  
fugientium turba concesserat, ca-  
pere conati, postquam nocturno  
itinere diurnaue pugna vires ex-  
haustas sensere, ad corpora cu-  
randa abiverunt: relicta parte  
equitum, quæ tumultum obside-  
ret; postridie vi aut deditioe haud  
dubie in potestatem redigendum.  
In hoc articulo rerum L. Aim-  
lius Consul optabili potius quam  
sperato casu supervenit. Nam ad  
famam adventantium Gallorum  
Ariminum missus, defensurus A-  
driatici litoris oram, postquam  
Urbem audivit peti, magnis iti-

*Diodorus*  
*lib 25.*

*Polybius.*

*Polybius*  
*2, 23.*

*Polybius*  
*2, 26.*

imino prof ad ca

adam f ve-

vo al r-

et d-

s l-

m

s,

of-

*Polybius*  
2, 23. &  
27.

*Polybius*  
2, 25.

*Polybius*  
2, 23.

*Polybius*  
2, 25.

Prætoris præsentiam, fascesque non ante conspectos, iterum tumultuati fuerant: sed hos C. Attilius Consul haud magno negotio coërcuit. Major moles L. Aimilium cum Gallis fuit: perrupta Etruria Romam tendentibus. Eos Prætor, cui Etruria provincia decreta fuerat, quum arcere transitu nequivisset, circa Clusium consequutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæstulas nocturno itinere perveniunt: relictis equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatum, hostesque ex improvviso turbantes in apto loco habituros. inposuit.



pererat, pugnando tueri salutem,  
aut vindicare sanguinem statuere.  
Sed præter alia numero quoque  
vincentibus Gallis, plures sex mil-  
libus in loco pugnae concisi sunt,  
ceteri fugerunt. Galli munitum  
quendam collem, quo pleraque  
fugientium turba concesserat, ca-  
pere conati, postquam nocturno  
itinere diurnaue pugna vires ex-  
haustas sensere, ad corpora cu-  
randa abiverunt: relicta parte  
equitum, quæ tumulum obside-  
ret; postmodum vi aut deditioe haud  
dubie in potestatem redigendum.  
In hoc articulo rerum L. Aimi-  
lius Consul optabili potius quam  
sperato casu supervenit. Nam ad  
famam adventantium Gallorum  
Ariminum missus, defensurus A-  
driatici litoris oram, postquam  
Urbem audivit peti, magnis iti-

*Diodorus*  
*lib 25.*

*Polybius.*

*Polybius*  
*2, 23.*

*Polybius*  
*2, 26.*

imino profectus, ad ca-  
adam ferve-  
vo al ter-  
meta ob-  
us on-  
uor im  
ce es,  
uof-

*Polybius*  
2, 23, &  
27.

*Polybius*  
2, 25.

*Polybius*  
2, 23.

*Polybius*  
2, 25.

Prætoris præsentiam, fascesque non ante conspectos, iterum tumultuati fuerant: sed hos C. Attilius Consul haud magno negotio coercuit. Major moles L. Aimilio cum Gallis fuit: perrupta Etruria Romam tendentibus. Eos Prætor, cui Etruria provincia decreta fuerat, quum arcere transitu nequivisset, circa Clusium consequutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditate dolo, cum omni peditatu ad oppidum Fæstulas nocturno itinere perveniunt: relictis equitibus, quibus imperatum fuerat, ut ortu die conspiciendos se tantum præberent hostibus, deinde statim accipientes se referrent, castra ad recipiendum equitatum, hostesque ex improvise turbandos apto loco habituros. inposuit, & fecerunt.

pererat, pugnando tueri salutem,  
aut vindicare sanguinem statuere.  
Sed præter alia numero quoque  
vincentibus Gallis, plures sex mil-  
libus in loco pugnae concisi sunt,  
ceteri fugerunt. Galli munitum  
quendam collem, quo pleraque  
fugientium turba concesserat, ca-  
pere conati, postquam nocturno  
itinere diurnaque pugna vires ex-  
haustas sensere, ad corpora cu-  
randa abiverunt: relicta parte  
equitum, quæ tumulum obside-  
ret; postmodum vi aut deditione haud  
dubie in potestatem redigendum.  
In hoc articulo rerum L. Aimi-  
lius Consul optabili potius quam  
sperato casu supervenit. Nam ad  
famam adventantium Gallorum  
Ariminum missus, defensurus A-  
driatici litoris oram, postquam  
Urbem audivit peti, magnis iti-

*Theodorus*  
*lib 25.*

*Polybius.*

*Polybius*  
*2, 23.*

*Polybius*  
*2, 26.*

imino profectus, ad ca-  
adam ferve-  
vo aliter-  
met Ob-  
us on-  
uo um  
ve tes,  
uof-

Fasti Ca-  
pitol.

Anno ab  
Urbe Con-  
dita 527.

Livius

22, 57, 6.

Orosius 4,  
13.

Zonaras,

Tlinius

3, 20.

Entrop.  
lib 3.

Diodorus

lib 25.

Orosius 4,

13.

Liv. Epit.

20.

excusaret. Quum enim præter alios  
ex diis hominibusque terrores,  
etiam in Sibyllinis libris repertum  
esset, *Gallos & Græcos Urbem Ro-  
manam occupaturos*, ad prædictio-  
nis ejus minas calliditate averten-  
das, M. Valerio M! F. M. N. Mes-  
salla, L. Apustio L. F. C. N. Fullo-  
ne Coss. ex auctoritate Pontificum  
homines quatuor; Gallum & Gal-  
lam, similiterque Græcum & Græ-  
cam in medio foro boario vivos  
defoderunt, ut ita quasi partem  
aliquam Urbis tenentes implevis-  
se fata viderentur. Ceterum hic  
annus inter res alias non magnas,  
adparatu maxime Gallici belli,  
quod iam instabat, consumptus  
est. Descriptæ sunt ad id bellum  
equitum peditumque copiar, in-  
credibili numero, tota pro Roma-  
nis Italia consentiente. Q. Fabius  
historicus, qui rebus gerundis in-  
terfuit, *effecla fuisse scribit armato-  
rum octingenta millia*. Romanorum  
quidem Campanorumque nume-  
ro, peditum explete ducenta  
quadraginta octo millia ducentos;  
equitum viginti sex millia sexcen-  
tos.

tos. cetera multitudo reliquorum  
Italiæ populorum fuit. Etiam Ve- *Polybius*  
neti ac Cenomani auxilia dederunt 2. 24.  
Romanis, hominum millia vi-  
ginti, qui jussi sunt finitimos Boios  
metu & damnis, ad patriam tuen-  
dam cogere, ne cum ceteris ho-  
stium copiis conjungi possent:  
quando à bellandi consilio lega-  
tionis Romanæ studiis avocari  
nequiverant. Venetis enim &  
Cenomani ad instaurandam cum  
populo Romano amicitiam per-  
suasis, Insubres Boique in hostili *Strabo*  
animo propositoque perstiterunt. Mi- *lib. 5.*  
nutæ tamen vires eorum sunt, non  
ausis omnem armatorum multi-  
tudinem educere Regibus, coactis-  
que partem juventutis ad fines  
defendendos relinquere. Ita reli-  
quis cum copiis ( peditum quin-  
quaginta millia, equitum viginti  
numerabantur ) iter per Etruriam  
tentare ceperunt. Interea L. Aimi- *Anno Vra*  
lius Q. F. Cn. N. Papus, C. Ati- *bis Cond.*  
lius M. F. M. N. Consules Sardi- *528.*  
niam & Ariminum cum vicina  
Gallia provincias obtinuerunt. Sardi *Zonaras*  
enim gravati perpetuam Romani

X

Præ-



*Polybius*  
2, 23. &  
27.

*Polybius*  
2, 25.

*Polybius*  
2, 23.

*Polybius*  
2, 25.

Prætoris præsentiam, fascesque non ante conspectos, iterum tumultuati fuerant: sed hos C. Attilius Consul haud magno negotio coercuit. Major moles L. Aimilio cum Gallis fuit: perrupta Etruria Romam tendentibus. Eos Prætor, cui Etruria provincia decreta fuerat, quum arcere transitu nequivisset, circa Clusium consequutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæstulas nocturno itinere perveniunt: relictis equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatum, hostesque ex improvviso turbandos apto loco habituros. Ea fraus Romanis inposuit, ut quasi fugientes avidè sequerentur. Ita circa Fæstulas à recentibus & paratis excepti sunt, fessi cursu, & consilio, ut in re nec opinata destituti. Quod unum super-

pererat, pugnando tueri salutem,  
aut vindicare sanguinem statuere.  
Sed præter alia numero quoque  
vincentibus Gallis, plures sex mil-  
libus in loco pugnae concisi sunt,  
ceteri fugerunt. Galli munitum  
quendam collem, quo pleraque  
fugientium turba concesserat, ca-  
pere conati, postquam nocturno  
itinere diurnaue pugna vires ex-  
haustas sensere, ad corpora cu-  
randa abiverunt: relicta parte  
equitum, quæ tumultum obside-  
ret; postridie vi aut deditioe haud  
dubie in potestatem redigendum.  
In hoc articulo rerum L. Aimi-  
lius Consul optabili potius quam  
sperato casu supervenit. Nam ad  
famam adventantium Gallorum  
Ariminum missus, defensurus A-  
driatici litoris oram, postquam  
Urbem audivit peti, magnis iti-  
neribus Arimino profectus, ad ea  
loca bona quadam fortuna perve-  
nerat: & parvo ab hostibus inter-  
vallo castra metatus fuerat. Ob-  
sessi ex ignibus ab ea parte con-  
spectis, id quod erat Romanum  
exercitum venisse conjicientes,

*Diodorus*  
*lib 25.*

*Polybius.*

*Polybius*  
*2, 23.*

*Polybius*  
*2, 26.*

X 2

quos-

quosdam suorum miserunt sine armis, quo facilius hostium excubias fallerent. Ex his cognito rerum statu Consul, citra longiorem deliberationem, quam neque res, neque tempus ferebat, statim orta luce cum equitatu præcessit ad tumulum, tribunis militum cum legionario milite sequi iussis. Gallos jam iidem ignes admonuerant de adventu Romanorum, & ad consilium de præsentibus coëgerant. Ibi Rex Aneroëstus suavit, *ne agmen locupletissima præda onustum objicerent hosti; sed domum digressi, deposita præda, si bellandum ultra videretur, expediti redirent.* Probato ab omnibus consilio ante noctem disceditur, itinere per Etruriam juxta litus maris instituto. L. Amilius receptis qui in tumulum confugerant, & Gallorum profectioe cognita, cum his quidem conlatis signis pugnare volebat: sed insequi tamen statuit, occasione quam tempus obtrulisset usus. In hoc articulo rerum rursus aliquid ex improviso molita fortuna est. Alter Con-

Consul. C. Atilius ex Sardinia cum legionibus Pisas adpulerat, atque ibi militibus expositis pedestri itinere petebat Romam, per eamdem Etrusci maris oram incedens qua Galli veniebant. Circa portum Etruriæ Telamonem primum obviam sibi facti sunt præcursores utriusque exercitus: captivisque nonnullis ad Consulem adductis, ubi de itinere Gallorum, & insequentis eos Collegæ instituto cognovit, miratus casum, & spe impulsus, quod medius inter duos Consulares exercitus hostis tenceretur, tribunis præcepit, ut acie instructa, quantum locorum natura pateretur, quadratum agmen gradu militari ducerent: ipse animadverso colle opportune itineri, qua venire Gallos necessum erat, imminente, ad præoccupandum cum cum equitatu contendit. Festinabat enim cum hoste quamprimum decernere, certus si urgeretur, collegam venturum subsidio; & si inceptum successisset, potior rem bene gestæ rei laudem penes se futuram esse. Galli viso in supe-

*Cluverius  
Italia  
Antiq. 2.  
2.*

*Polybius  
2, 26.*



*Livius*

26, 6, 4.

*Orosius* 4,  
13.

*Polybius.*

rioribus locis hostium agmine,  
noctu circummissos ab L. Aimilio equites rati, suum & ipsi equitatum emittunt, adjuncta levis armaturæ parte, ad iter aperiendum. deinde captivorum indicio Consul alterius adventus cognitus, peditatum continuo instruere coëgit ancipiti acie, quæ ante & retro in hostem versa, interius oppositis invicem tergis cohæreret. Nam videbant à fronte C. Atilium instare, à tergo sequi L. Aimilium noverant. Huic igitur ex Transalpino genere mercede conductos, qui ab armorum nomine Gæsatae vocantur, opposuerunt in prima acie; post hos in subsidiis Insubres: at Taurisci Boiique adversus Atilianas copias locati sunt. essedis deinde carrisque cornu utrumque vallarunt: præda cum idoneo præsidio vicinum in collem seposita est. Iam pugnari ad tumulum ab C. Atilio occupatum ceperat, & ex eo conjiciebat L. Æmilius adesse collegam, cujus de itinere nihil habebat compertum præterquam quod adpulisse Pisas audiverat.



verat. Igitur ex tempore consilio capto equites suos & ipse ad collem ubi pugnabatur iussit adcurrere. Certatum ibi est equestri proelio acerrimo, in quo & C. Atilius *Diodorus lib. 25.* Cos. occisus est, ejusq; caput ad Reges Gallorum relatum. ad extremum tamen connisi totis viribus Romani, loco retento, hostem repulere. Decreta hunc ad modum equestri pugna, pedites concurrere. Ibi vero certamen vidisses quum numero atq; robore virorum, tum ipsa dispositione acierum terribile: quum inter duos Romanos exercitus Gallorum intercepta multitudo, simul in utrosq; obversa dimicaret, ambiguo judicio, plusne prodesset eis ista proelii forma quod cum divisis hostium copiis pugnantes, terga sibi invicem tuta præstabant, etiam amissa spe fugæ ad fortitudinem stimulati; an vero noceret, quod inter duos Consulares exercitus conclusi tenebantur. Ceterum Romanos partim ad spectus virorum terrebat, qui eximia specie & magnitudine corporum, primis in ordinibus stabant; partim

ad pugnandum incitabat, non modo laudis, sed etiam spoliiorum dulcedo, quod inter Gallorum antesignanos erat nemo quin maniacis armillisque aureis fulgeret. Conserto igitur proelio, immissi primum velites maximam hostium edidere cædem, præsertim ubi Gæsatae pugnabant, qui per ferociam & barbaram ostentationem abjectis vestibus, nudi ante prima signa constiterant. Quum enim scutum Gallicum prælongum & angustum, non possit corpus obtegere, tamquam exposita jaculatoribus signa certis ictibus petebantur; cadebantque inulti, quod neque ferire hostem eminus poterant, neque conserta manu pugnari secum levis armatura patiebatur. Qua desperatione pars temere in hostem ruentes, priusquam ad manus venirent, missilibus confossi sternebantur: ceteri sensim referentes gradum suorum perturbabant ordines. Ita Gæsatarum acie per velites disiecta, gravis armaturæ miles Boios Insubresque ac Tauriscos undiquaque adortus, mul-

multos interfecit. Stabant tamen obfirmatis animis, neque ulla re inferiores, nisi quod armorum genere vincebantur, neque ad mun-  
niendum corpus apte instructi, ne-  
que ad hostem percutiendum gla-  
dius enim Gallicus tantum ad rem *Polybius*  
cæsim gerendam accommodatus, 2, 33.  
mucronem idoneum non habet:  
præterea ad primum ictum incur-  
vatur, sequentesque parum effica-  
ces habet, nisi pede pressus iterum  
dirigatur. Eventum prælii, quum *Polybius*  
in meliore spe Romani essent, haud 2, 30.  
dubium fecit equitum reditus, qui *Zonaras.*  
Gallico equitatu in fugam com- *Polybius.*  
pulso, ex colle decurrentes, in la-  
tus hostium inpressionem fece-  
runt, tanto minus tolerabilem,  
quod ex superiore loco ingruerat.  
Hoc maxime modo cum Gallis in  
Etruria pugnatum Polybius tradi-  
dit: à quo parum probaliter alii  
dissentiant. quis enim temere cre-  
dat ita potius rem gestam esse, ut *Zonaras.*  
Gallos noctu ortu tempestas fu-  
gere coëgerit, tamquam deorum  
iram timentes? postremosque eo-  
rum adgressus C. Atilius occubue-  
rit?

*Orosius* 4.  
13.

*Eutropius*  
4.3

*Polybius.*

*Diodorus*  
lib. 25.

*Polybius.*  
*Zonaras.*

*Polybius.*

*Diodorus.*

*Polybius.*

rit? deinde post aliquot dies quum  
interea suo quilibet in colle se con-  
tinuisset, L. Aimilius cum exercitu  
Gallico prospere pugnaverit? Ne-  
que plus merentur fidei, qui pu-  
gnæ locum ex litorali regione, in  
agrum Arretinum transtulerunt.  
Cecidisse tum Gallorum millia  
quadraginta non ambigitur. capta  
sunt haud minus millia decem  
cum uno regum Concolitano:  
alius Aneroëstus, qui plurimum  
opinionem virtutis & potentia va-  
luerat, paucis comitantibus cla-  
psus, in fuga necessarios suos se-  
que ipsum secta gula interemit.  
Recepta est præda ingens, quam  
Consul reddendam iis curavit, qui-  
bus adempta fuerat, suas unoquo-  
que res adgnoscentibus dominis.  
Inde cum suo & Atiliano exercitu  
juxta fines Ligurum in Boicum  
agrum profectus, ut operæ nava-  
tæ mercedem haberet miles, di-  
ripiendam ei regionem dedit; pau-  
cisque diebus satiata præda co-  
pias in urbem reduxit: tanto ma-  
jore omnium lætitia, quanto acrior  
istius belli metus fuerat. Ergo vix  
cujus-



cujusquam triumphus faventium  
 vocibus tam celebratus est : insi-  
 gnis alioquin , & rerum gestarum  
 gloria , & captivorum spoliis-  
 que prælatorum numero precio-  
 que. Multa inter hæc signa mili-  
 taria fuere ; plurimique torques  
 aurci armillæque , virorum for-  
 tium apud Gallos ornamenta. Sed  
 maxime adverterunt oculos ho-  
 minum Britomarus , aliique prin-  
 cipes Gallorum, quos L. Aimilius  
 per ludibrium accinctos in Capi-  
 tolium duxit, tamquam voti sui  
 religionem servaturos, quod *non*  
*prius soluturos se balthæa, quam Ca-*  
*pitoliū adscendissent*, juraverant.  
 A. D. III. Nonas Martias L. Aimi-  
 lius Consul de Gallis triumphavit.  
 Eodem anno lustrum alterum at-  
 que quadragesimum conditum  
 esse reperio, à Censoribus Q. Clau-  
 dio AP. F. C. N. Centhone, M.  
 Junio D. F. D. N. Pera. Depositus  
 jam belli Gallici metus, nondum  
 vindictæ cupiditas erat : ambobus-  
 que proximi anni Consulibus ea  
 provincia data. T. Manlius T. F.  
 T. N. Torquatus, Q. Fulvius M.

Florus 2,  
 4.3.  
 Zonaras.

Florus.  
 Fasti Tri-  
 umphales.

Fasti Ca-  
 pitolini  
 Magistrat-  
 uum.

Anno ab  
 Vrbe Cond.  
 529.

X 6

F. Q.



*Festi Capi-  
tolini.**Polybius  
2, 31.**Zonaras.**Polybius.**Orosius 4,  
13.**Festi Ca-  
pitolini.**Anno ab  
Urbe Cond.  
530.*

F. Q. N. Flaccus erant, uterque iterum. His exercitus, & quæ ad bellum instruendum gerendumque pertinebant alacriter decreta. Spes enim erat, post tantam victoriam, toto circa Padum agro depelli Gallos posse, si nervi intenderentur. Consules cum copiis profecti primo statim terrore Boios ad deditionem compulere: segnior deinde expeditio fuit, ob pestilentiam & continuos imbres. Alii tradunt hos Consules Pado transito collatis signis vicisse Insubres, hominum occidisse tria & viginti millia, cepisse quinque: sed nobis Polybii potior est in his rebus auctoritas. Interea quia Consules è longinquis regionibus, sive rebus gerundis, sive tempestatibus impediti ad Comitia occurrere non potuerant, ejus rei gratia Dictator creatus est L. Cæcilius L. F. C. N. Metellus, isque N. Fabium M. F. M. N. Buteonem magistrum equitum dixit. Comitibus habitis Consules facti sunt C. Flaminius C. F. L. N. P. Furius SP. F. M. N. Philus. Hi, primi Romanorum, ut

cxi-

existimo ; Padum transivere cum exercitu, qua fluvius Padusa Pado committitur, in regionem Insu-  
brum inruptione facta. Multo labore neque nullo sanguine hæc audacia constitit: nam & in trans-  
itu fluminis, & dum castra ponun-  
tur, acriter incurrentes hostes Ro-  
manorum haud paucos occide-  
runt. Ex harum rerum nunciis or-  
tam sollicitudinem inmensum au-  
xere prodigia, quod in *Piceno flu-*  
*men manasse sanguine, in Etruria*  
*cælum ardere visum, Arimini noctu*  
*luxisse, tresque lunas eodem tempore*  
*apparuisse* nunciabatur: & quod  
Romæ in foro vultur per dies  
complures sederat. nam sub idem  
forte tempus Caria motu terræ  
concussa, & collapsus Rhodi colos-  
sus nihil tum ad rem Romanam  
pertinere credebantur. Ceterorum  
caussa consulti augures, *Consules*  
*vitio creatos videri* responderunt,  
sequeutæque sunt Senatus ad eos  
literæ, quibus in Urbem revoca-  
bantur. Illi inter hæc per inducias  
Insubrum agro excesserant, deinde  
in Cenomanorum finibus socio-  
rum

*Liv. Epit.*  
20.

*Zonaras.*  
*Polybius*  
2, 32.

*Zonaras.*

*Orosius.*

*Plutarch.*  
*Marcello*  
*cap. 4.*  
*Zonaras.*

*Marianus*  
*Orosius.*

*Plutarch.*

*Zonaras.*

*Polybius.*

Strabo lib.

5. pag.

149.

Livius

22, 63.

Zenaras.

Polybius.

rum adscitis auxiliis, iterum campos Alpibus subjacentes infestare ceperant; permotique ira Insu-bres, etiam aureis signis ex æde Minervæ depromptis, quæ *immobilia* vocabantur, quod nisi ob extremam necessitatem moveri fas non esset, cum exercitu quinquaginta millium occurrerant, acie dimicaturi. Hoc ad tempus literæ Senatus venire. C. Flaminius sive conjectura earum argumentum adsequutus, sive literis amicorum præmonitus, Collegæ persuasit, *ne ante pugnam commissam aperirentur*. Sic obstinato ad dimicandum animo, de auxiliis Gallorum deliberabant *ne forte neglecta causam nocendi haberent; adhibita, occasionem*. levitas enim gentis timebatur, præsertim adversus cognatum hostem suscipiendo prælio. tandem hoc consilium placuit. Gallos in ulteriorum ripam miserunt: deinde ruperunt pontes. Ita neque lædi ab iis Romanus poterat, & copia fugæ penitus ablata, omnia in virtute erat habiturus. Post acre prælium, victoria Romanis

manis cecidit: majori tribunorum laude, quam Consulium. Nam C. Flaminius aciem ita ripæ fluminis admoberat, ut nihil ad receptum cohortium relinqueret spatii; haud dubie totum exercitum perditurus, si urgentibus hostibus vel minimum recedere coactus fuisset. Tribuni vero, prioribus præliis experti, Gallorum vim omnem in primo impetu esse, hunc acerrimum, sed brevem si quis sustinuisset, nihil postea metuendum habere; primis ordinibus hastas triariorum dividunt, quibus hostium excipiant ictus, deinde abjectis his gladium stringant. Vbi ventum ad certamen est, nastarum objectu Gallici gladii statim ad primum ictum hebetati curvatique sunt: quos donec dirigere student, suggestus stricto mucrone Romanus omnem armorum usum iis ademit. Nam & hoc habent enses Gallici, quia cæsim tantummodo iis pugnari potest, ut ad feriendum aliquantum requirant spatii, quod si quis abstulerit, omnino sunt inutiles. Romani vero etiam  
pun-



Etim ferire ex minimo intervallo  
 poterant, eoque modo ad corpus  
 hostis adpressi faciem ejus atque  
 pectus impune cædebant. Inter-  
*Orosius 4,*fecta dicuntur millia Gallorum  
*13.* novem: quasi duplum ejus nume-  
 ri captum esse. Post victoriam ager  
 hostium longe lateque vastatus  
 est, multumque prædæ partum.  
*Plutarch.* Tum demum literas Senatus legi  
*Marcello* placuit: quibus quum pariturus  
*cap 4.* P. Philus esset; C. Flaminius *invi-*  
*Zonaras.* diam hanc patrum esse testatus, nul-  
 lis auspiciorum vitis, cujus rei nul-  
 lum argumentum certius ipsa illa  
 quam obtinuissent victoria adduci  
 posset, negavit se nisi finito vel bello,  
 vel magistratus tempore decessurum  
 esse. Quin etiam addidit effectum  
 rum, ut populus Romanus augurio-  
 rum aliarumque talium rerum inepta  
 observatione falli desinat. Ceterum  
 in sententia persistente P. Furio,  
 Flaminianus exercitus, metuens  
 ut digresso illo satis in hostili re-  
 gione tutus esset, exoravit eum,  
 ut per dies aliquot remaneret. ni-  
*Livius*hil tamen rerum postea gerere vo-  
*22.6.3.*luit: C. Flaminio interim castella  
 quæ-



quædam, urbemque non incele- *Zonaras.*  
 brem illis genibus recipiente,  
 concessaque militi præda ad in-  
 stans cum Senatu certamen sibi *Livius*  
 conciliante animos. Tanta enim *21,63.*  
 exorta fuerat in Vrbe indignatio,  
 ut redeuntibus Consulibus neque *Plutarch.*  
 obviam ex more iretur; trium-  
 phusque non C. Flaminio modo, *Zonaras.*  
 sed in ejus odium etiam P. Philo  
 negaretur. Ad extremum C. Fla-  
 minii magnus apud plebem favor  
 vicit. isque triumphans Urbem *Capitolina*  
 ingressus est, A. D. VI. Idus Mar- *Columna.*  
 tias. Multa in eo triumpho trans-  
 lata sunt spolia, magna vis armo- *Livius*  
 rum: torques itidem aurei per- *23,14.*  
 multi, ex quibus tropæum Iovi  
 C. Flaminus in Capitolio posuit, *Florus 2,*  
 inverso Gallorum voto, qui de spo- *4,4.*  
 liis Romanorum Marti suo torquem  
 promiserant. Alter mox Consul *Capitolina*  
 de Gallis & Liguribus triumphum *Columna.*  
 egit A. D. IV. Idus Martias. Sic  
 magis accensa quam victa Sena-  
 tus odia non quieverunt, donec  
 Consules statim secundum trium- *Plutarch.*  
 phum abdicare sunt coacti. Pari  
 severitate sub idem fere tempus  
 viri

- Val Max.* viri clarissimi duo sacerdotii honore caruerunt: M. Cornelius Cethegus extis non rite porrectis; *1, 14.*  
*Livius* Q. Sulpicius quod inter sacrificandum apex ei de capite defluxerat. *26, 23, 8.*  
*Plutarch.* Quum magistratu Consules abiissent, Comitia per interregem sunt habita, quibus Consul factus M. Claudius M. F. M. N. Marcellus, qui magistratu inito Collegam adscivit Cn. Cornelium L. F. L. N. Scipionem Calvum. Hi pacem petentibus Insubribus resistere, M. Marcello potissimum cupiditate provinciae triumphique conditiones omnes aspernante: sed & ipsi Galli belli potius quam otii consilia tractare videbantur, quum de integro mercede conducta Gæsatarum triginta millia superatis Alpibus longe majorem Insubrium multitudinem concivissent. Bello sic exorto, profecti primo vere Consules, Acerras (oppidum est inter Padum & Alpes) circumfederunt. Cujus obsidione quum depellere Romanos difficile videretur; Britomarus adsumpta decem millium Gæsatarum manu. Circumpadanam regionem
- Anno ab Vrbe Condita 531.*  
*Plutarch.*
- Polybius* 2, 34.  
*Plutarch.*
- Polybius.*
- Plutarch.*
- Polybius.*
- Plutarch.*

gionem vastare instituit. quo com- *Zonaras,*  
perto Consules ita inter se partiti  
sunt copias, ut Cn. Cornelius cum

exercitu reliquo urgeret obsidio- *Plutarch.*  
nem; M. Marcellus duas partes

equitum & delectos ex levi arma-  
tura ducens, sociis succurreret. De-

legit expeditissimum quemque,  
non ultra sexcentos; cum his &

equitibus suis non die non nocte  
intermisso itinere contendit ad ho-

stes. quos circa Clastidium ade-  
ptus, priusquam reficere suos quie-

te posset, adortus est, non volun-  
tate sua, sed ferocia Gæsatarum,

qui numero potiores & equestris  
militiæ principatum sibi vindican-

tes, audito paucos adduci pedites à  
Consule, protinus ad obterendum

eum, omissa Clastidii obsidione,  
proruperunt. M. Marcellus acie in *Polybius.*

longum porrecta, ne circum-  
veniretur ab hostium multitudi-  
ne, Gallis processit obviam: neque

longe aberant invicem acies, quum  
jam impetum facere molientem  
equus clamore cantuque Gallo-  
rum exterritus abripuit, & retror-  
sum tulit. Ibi Consul veritus ne in  
omen

*Plutarch.*

Frontinus  
Strata-  
gem. 4, 5.  
Plutarch.

omen tractus ille casus animum  
suis minueret , equum circum-  
agendo Solem adoravit, tamquam  
ea de causa convertisset: ex veteri  
more , quo deos adoraturi se cir-  
cumagebant. Ferunt cum ante pri-  
mum congressum, *pulcherrima ho-*  
*stiliū armorum Iovi Feretrio vo-*  
*visse*, mox conspecto Britomaro  
qui suorum agmen præcedebat ar-  
ma ferens auro argentoque & co-  
loribus eximie perornata, hæc ju-  
dicavisse arma esse debere, quæ vo-  
visset. Iam ipse quoque Rex viso  
Romanorum duce, proVectus lon-  
ge ante suos , voce & gestu eum  
ad pugnam provocabat : Neque  
contatus M. Marcellus , perfollo  
Regis thorace , vulneravit eum  
hasta , & equi adacti impetu deje-  
ctum humi, semel iterumque repe-  
titis ictibus occidit. Tum desiliens  
ex equo, manibusque arma tenens  
suspexit in cœlum , *Iupiter* . in-  
quiens , *Feretri*, qui fortium ducum  
in præliis facta præclara adspicis , en  
ego te teste tertius Romanorum , caeso  
hostium Imperatore Imperator, opima  
tibi spolia consecro. Tu vero ad reli-  
qua

Orosius 4,  
13  
Plutarch.



qua etiam belli res nostras prospera  
 fortuna pergere finito! Repente  
 post hæc equum M. Marcello, totis  
 viribus configi ceptum, fortissime  
 pugnantibus Romanis, quos Con-  
 sulis audacia & fortuna non mi-  
 nus ardore pugnandi, quam spe  
 victoriæ inpleverat. Itaque non  
 eques Gallus, non pedes, quam-  
 quam & ille suis subsidio venerat,  
 sustinere vim tantam potuit: raro-  
 que exemplo paucissimi de nume-  
 roso exercitu pulcerrimam victo-  
 riam retulere. Lectis deinde spoliis  
 ad Collegam revertit Consul, qui  
 Aceris occupatis, ubi magnam an-  
 nonæ copiam reperit, circa Medio-  
 lanum caput Insubrium Gallorum  
 adversus hostes ægre se tutabatur:  
 nam illi validissimæ frequentissi-  
 mæq; urbis obsidione implicatum,  
 vicissim quasi obsidebant. Sed ad-  
 ventu M. Marcelli cito commuta-  
 tus est rerum status. Nam & Gæsa-  
 tæ audito Regis fine discesserunt: &  
 ab his relictæ Mediolanenses de-  
 fendere urbem non potuerunt. Sic  
 ingentibus Insubrum copiis cæ-  
 sis, captaque Mediolano, & subinde

*Val Max.*  
3.2.5.

*Zonaras.*

*Polybius*  
52.34.

*Plutarch.*

*Polybius.*

*Orosius* 4.  
13.

*Plutarch.*

*Entropius*  
l.3.

*Zonaras,*

Co-



- Orosius.* Como, ceteræ deinceps urbes, & Insu-  
*Zonaras.* brum tota natio, pecunia &  
*Liv. Epit.* agrorum parte multati, de cetero  
 20. satis æqua pace impetrata, in dedi-  
*Capitoli-* tionem venire. M. Marcellus  
*na Mar-* provincia confecta celeberrimum  
*more.* triumphum de Gallis Insu-  
 bribus & Germanis duxit Kalendis Martiis.  
 Hæc prima Germanorum in histo-  
*Propertius* ria Romana mentio, qui ex trans-  
 4, 10. rhenanis gentibus mercede con-  
*Plutarch.* ducti Virdomaro duce in Italiam  
*Marcello* venerant. Ex his Gallisque captivi  
 cap. 10. forma staturaque corporis ingen-  
 ti, currum victoris inter spolia ma-  
 ximi precii antecedeabant. Seque-  
*Virgil.* batur ipse Consul rarissimo specta-  
*Æn. 6,* culo cæsi ducis arma Iovi Feretrio  
 855. ferens. quem prosequutus à tergo  
*Florus 2,* exercitus splendidis ornatus ar-  
 4, 5. mis, militari adclamatione cantu-  
*Plutarch.* que celebrabat. Hoc ordine quum  
 ad ædem Feretrii perventum ef-  
 set, descendens curru M. Marcel-  
 lus, opima spolia post Romulum  
*Livius 1,* Regem & A. Cornelium Cossu-  
 10, 9. tertius, neque post illum alius sus-  
*Plutarch.* pendit. Hæc arma populus Roma-  
 nus majori cum voluptate specta-  
 vit.

vit , quod Romanorum militum arma hostes Vulcano vovisse dicebantur: Tantaque victoriæ ejus lætitia fuit, ut Senatus populusque Romanus ex manubiis donum Apollini Delphico cratera aureum, & circum amicas sociasque civitates arma de spoliis Gallicis mitteret: ad Hieronem Syracusanum præter spolia, missum etiam frumenti precium est, quo inter bella Gallica rem Romanam juverat. Novi deinceps hostes Istri exorti, qui piratico scelere maria infestantes, Romanorum aliquot naves frumentarias diripuerant. Adversus hos ambo Consules, P. Cornelius, M. Minucius Rufus missi, multos populos vi aut deditione subegerunt. Triumphatum tamen ab his non reperio, credo quia multo etiam Romano sanguine victoria constiterat. Hoc anno infustum multis gentibus urbibusque sidus in Hispania exortum est Hasdrubalis successor Hannibal, de cujus initiis gestisque multa deinceps majori spiritu dicenda erunt. Interea novi Consules L. Verrius

*Florus.*

*Plutarch.  
Marcello  
c. 11.*

*Liv. 24,  
21, 9.  
Diodorus  
lib. 25.*

*Orosius 4,  
13.*

*Euerop.  
lib. 3.*

*Anno ab  
Urbe Cond.  
532.*

*Zonaras.*

*Orosius.*

- Anno ab Urbe Cond. 533.* rius C. Lutatius cum exercitu ad Alpes progressi sunt. sed conditionibus magis, quam armis usi, multos eorum locorum populos voluntate ipsorum ad amicitiam Romanam adduxerunt. Bellum hoc tempore cum Illyriis instauratum est improbitate Demetrii Pharii, adversus quem sub amicitia Romanæ prætextu vicinas civitates arbitrio suo vexantem, omnibus ex partibus querelæ venerunt. Nam fretus potentia, quam à Teuta deficienti Romani circumdederant, tutelaque Regis Pinnei, cuius matrem Tritutam connubio sibi junxerat, Regem & ipse se ferens, popularibus juxta, finitimisque gravis & intolerandus incumbebat. Et Illyrici quidem populos, Romanorum socios & amicos suæ dominationi studebat subjicere: Cycladas autem insulas, contra fœdus cum Iembis armatis quinquaginta ultra Lissum provectus, alias depopulabatur, ab aliis extorquebat pecunias: Iamque & Istriorum partem, quotquot à recenti bello Romanos oderant, &
- Atin-*

Atintanes vi coactos in partes suas traxerat. Neque Romanos reverebatur, quibus Gallico bello implicitis, deinde Punicum metuentibus, neque vires neque otium ad vindicandas sociorum injurias fore censebat: & à Philippo Macedonum Rege quidlibet sperabat, quod bello Cleomenico dux Illyricorum auxiliorum Macedonicas opes adjuvisset. Igitur decretum adversus eum bellum est, adparatusque facti. Lustrum interea tertium & quadragesimum L. Aimi-  
lius, C. Flaminius Censores condiderunt. Censa sunt civium capita ducenta septuaginta millia ducenta tredecim. Libertinorum promiscua multitudo per omnes tribus sparsa, multum haftenus turbarum dederat: eam imitatione Q. Fabii Maximi Censores in quatuor tribus, Esquilinam, Palatinam, Suburanam, Collinamq; redegerunt. C. Flaminius in eadem Censura viam Ariminum usque munivit, & Circum exstruxit. utrique operi nomen ab auctore est inpositum, Circusque Flaminius, & via Fla-

*Polybius*  
3, 16.

*Liv. 23,*  
22, 2.

*Liv Epit.*  
20.

*Livius 9,*  
46, 14.  
*Liv. Epit.*

*Cassiodorus.*  
*Festus ven-*  
*es Circus*  
*Flam.*



**Plinius**  
35, 17.

*Anno ab*  
*Urbe Cond.*  
534.

**Polybius**  
3, 18.

**Polybius**  
3, 16.

**Polybius**  
3, 18.

minia vocata. Iidem Censores L. Metilium de fullonibus ad populum ferendam dedere : ne minorum quidem rerum curam tanti magistratus fastigium dedecere rati. Per idem tempus Illyriorum rebellio Senatum movit ; ut M. Livio M. F. M. N. Salinatori, L. Aimilio M. F. Paulo Consulibus provinciam illam mandaret. Contra Demetrius bellum & ipse haud segniter comparare instituit, valido praesidio Dimalum misso, provisisque omnibus, quorum ad longam sustinendam obsidionem usus est. Quibusdam locis interficiendos curavit principes, de quorum fide dubitabat, aliisque sibi addictis regimen urbium tradidit. ex omni vero regno delectum robur, sex millia virorum, secum ad praesidium Phari retinuit. Dum haec aguntur L. Paulus Consul primo vere profectus, in Illyricum venit; intellectoque magnam esse hostibus spem in munitionibus Dimali, quem locum inexpugnabilem putabant, ratus plurimum inde terroris oriturum, si hunc expugnasset



gnasset, tanta sua militumque alacritate est adgressus, ut septimo quam oppugnare cepta esset die, vi caperetur. Neque falsus fuit animo Consul, sparsaque per vicinam regionem fama confestim ex omnibus urbibus oratores venire, se suaque omnia Romanis dedituri. Quibus in fidem receptis Pharum insulam, ubi Demetrii regia erat, petiit. Quam ubi copiarum omni genere refertam, fortissimorumque virorum praesidio, tum situ operibusque, adhuc praesentia tyranni munitam esse didicisset; moram obsidionis veritus astum excogitavit accelerandae victoriae non inutilem. Partem enim majorem exercitus, noctu trajectis copiis, in sylvis quibusdam callibus occuluit: ipse cum navibus viginti luce clara proximum urbi portum petens, elicit Pharios, inter quos ipse Demetrius ad prohibendam hostium exfensionem adcurrit. Conserato certamine plures subinde, ut fit, suis auxilio venientes, ad extremum omni fere praesidio militarium

Y 2                      rium

rium virorum urbem nudavere. Interea Romani qui noctu exscenderant, itinere per tecta loca facto collem inter oppidum portumque medio ferme spatio situm occupare. quo facto iis qui urbe fuerant egressi, reditus ad eam occludebatur. Demetrius animadverso quid fieret, consilium cepit, ut in tam ancipiti periculo, non spernendum. Omissa enim præfenti certamine, revocatisque suis, *Virī fortes, inquit, apparet virtutem nostram hostibus formidabilem esse, nam ad dolos conversi fatentur se viribus armisque diffidere. Furto noctis usi hanc in terram inrepserunt, unde, si bene vos novi, retinebunt nihil nisi quod corporibus tegent, anima emptum. Vos modo Pharii mei, vosque, omni ex Illyrico delecta juventus, vel patriæ, vel gloriæ vestræ memores, ostendite Romanis, neque suæ fortitudinis, neque nostræ imbecillitatis fuisse, quod semel de Illyriis Romæ triumphatum est. Non Fulvius eo tempore aut Postumius Illyrios consiliis & armis, sed impotentia, sed temeritate sua Tenta vici-*

*cit.*

*cit. Neque ignoratis, ut de aliis taceam, non ita proclivem illis futuram fuisse victoriam, si me defenso-rem potius quam inimicum habere Teuta maluisset. Verum enimvero, & quia vobis preclare confido, & quia facta potius quam verba tempus postulat, abrumpo. Habetis animos, habetis arma, videtis necessitatem, quæ timidissimum quemque posset acuere, vobis pariter urbiq[ue] discrimen extremum imminet, nisi virtute vestra discusseritis. Eamus igitur, & fortuna bene juvante istos è latibulis suis paulo anteprogressos petamus, securi de his; qui exscensionem faciunt. nam illos si ceciderimus, hi majori cum studio naves repetent, quam reliquerunt. Ita suos pro tempore cohortatus, instructis ordinibus ad eos invadendos qui collem tenebant, ducit. qui & ipsi non segnius congressi sustinuerunt hostem, donec advenientes qui exscensionem interea fecerant, & à tergo cum adorti, magno cum terrore detrimentoque disjecere. Paucos in oppidum retulit fuga; ceteri passim per invios cal-*

*Polybius*  
4, 66.

*Polybius*  
*apud Va-*  
*lesium.*

*Polybius*  
3, 19.  
*Appian,*  
*Illyrica.*  
*Livii E-*  
*pit. 20.*  
*Polybius.*

*Zonaras,*  
*Dio apud*  
*Valesium.*

*Zonaras.*  
*Appianus*

les dilapsi. Demetrius, qui solis quibusdam locis paratos lembos in omnem casum habebat, uno eorum consensu ad Philippum Macedoniæ Regem profugit, cuius in amicitiam receptus, mores adolescentis antea laudatos adulatione & tyrannicis consiliis corripit, bellicque Romani & multarum præterea calamitatum suasor & auctor ei existit. Post hanc pugnam Pharos ex itinere capta, iussuq; Imperatoris direpta & diruta est. Illyrici deinde rebus ex sententia ordinatis, ad triumphum petendum, adfecta jam æstate, Consul Romam rediit. In hujus quoque belli narratione Polybium sequi malui, non ignarus apud alios auctores ambobus Consulibus ejus perfecti gloriam communiter tribui, qui evocatum ad se Demetrium; quia non parebat, adgressi primum in Issa Insula, quibus dixi artibus vicerint, deinde Pharo proditione capta, Demetrium expulerint. de cujus fine quoque dissentanea Polybio tradunt, istis & annis & locis proximo, quæ aliud in



in tempus egressa prætermitto. Ceterum Illyriis in Regis Pinnei gratiam, quem innocentem ætate & proposito fuisse constabat, percipit Senatus, foedusque cum eo, adjectis tamen conditionibus quibusdam, renovavit. Interea L. Aemilius Consul splendidissimum de his populis triumphum duxit: sed & M. Livium ex eo bello triumphasse reperio. plures tamen scriptores hunc prætereunt: credo quod majores L. Paulli res fuerunt, quibus collegæ tamam gloriamq; potuerit obscurare. sed nobilius ejusdem M. Livii paulo post judicium & condemnatio fuit. Per invidiam ipse ac L. Paullus accusati, quod prædam militibus non æqualiter divisissent, quodque ex ea multa avertissent, judicium populi subiverunt. L. Paullus ambustus vix evasit, M. Livium omnes tribus excepta Mæcia damnaverunt. Isque contumeliam istam tam indigne tulit, ut Vrbe relicta, cæcus omnes fugeret, donec cum ad instituta vitæ prioris resumenda Reipublicæ tempora retraxe-

*Polybius*

4, 66.

*Auctor de*

*Viris In-*

*lustr.*

cap. 50.

*Iustinus*

29, 2.

*Frontinus*

*Strata-*

*gem* 4, 1.

*Livius*

22, 35, 2.

*Livius*

27, 36, 3.



*Plinius*  
29, 1.

*Livii*  
*Epit. 20.*  
*Livius*  
21, 25, 2.

re. Sed hæc in P. Cornelii Scipionis, Tib. Sempronii Longi Consulatum inciderunt. Anno autem, quo M. Livius & L. Paullus adhuc Consules erant, Archagathus quidam Lysaniæ filius ex Peloponneso Romam venit, qui medicinam professus, jure Quiritium donatus est, eique taberna in compito Acilio emta publice. res ad memoriam minime celebris, nisi tum primum artis medicæ nomen auditum Romæ adgnitumque esset, hætenus ad sanitatem tuendam sufficiente temperantia & inemptis remediis. Eisdem Consulibus coloniæ deductæ sunt in agro Gallico Placentia & Cremona, non postrema causa irarum, quibus commoti Boii Insubresque respicere Annibalem cepere, qui tum Saguntinam urbem summis viribus obpugnans, per ruinas ejus iter ad Romana bella muniebat. sed hi ceterique motus, qui magno numero neque minori mole continuo ingruerunt, ab altiore paulo principio sunt repetendi.

AV-

AVCTORVM OMNIUM  
Quorum fide Supplementum  
hoc nititur,

CATALOGVS.

<b>Æ</b> <i>Lianus.</i>	<i>Cluverius.</i>
<i>Agellius.</i>	<i>Cornelius Nepos.</i>
<i>Ammianus Marcel-</i>	<i>Curtius.</i>
<i>linus.</i>	<i>Dio &amp; ejus Excerpta.</i>
<i>L. Ampelius.</i>	<i>Diodori Excerpta.</i>
<i>Appianus &amp; ejus</i>	<i>Dionysii Excerpta.</i>
<i>Excerpta à Fulvio</i>	<i>Dionysius Periegetes.</i>
<i>Vrsino &amp; Henrico</i>	<i>Ennius.</i>
<i>Valesio edita.</i>	<i>Etymologici Auctor.</i>
<i>Aristoteles.</i>	<i>Eusebius.</i>
<i>Athenæus.</i>	<i>Eustathius.</i>
<i>Auctor de Viris Il-</i>	<i>Eutropius.</i>
<i>lustribus.</i>	<i>Fasti Capitolini.</i>
<i>Augustinus.</i>	<i>Fazellus.</i>
<i>Berneggerus.</i>	<i>Festus.</i>
<i>Bongarsius.</i>	<i>Florus.</i>
<i>Capitolina Marmora.</i>	<i>Frontinus.</i>
<i>Casaubonus.</i>	<i>Gotefridus Viterbien-</i>
<i>Cassiodorus.</i>	<i>sis.</i>
<i>Cato.</i>	<i>Herodotus.</i>
<i>Censorinus.</i>	<i>Hieronimus.</i>
<i>Cicero.</i>	<i>Horatius.</i>
<i>Claudianus.</i>	<i>Ioannes Antiochenus.</i>

<i>Ioannes Sarisberiensis.</i>	<i>Polybius &amp; ejus Excerpta.</i>
<i>Julius Higynus.</i>	<i>Pomponius Mela.</i>
<i>Julius Obsequens.</i>	<i>Ptolemaeus.</i>
<i>Ius Iustinianum.</i>	<i>Quintilianus.</i>
<i>Iustinus.</i>	<i>Sex. Ruffus.</i>
<i>Livius &amp; ejus Epitome.</i>	<i>Sallustius.</i>
<i>Lucanus.</i>	<i>Seneca.</i>
<i>Lycus.</i>	<i>Servius.</i>
<i>Macrobius.</i>	<i>Sigonius.</i>
<i>Marianus Scotus.</i>	<i>Silius.</i>
<i>Martianus Capella.</i>	<i>Sinnius Capito.</i>
<i>Matthiolus.</i>	<i>Solinus.</i>
<i>Ὀλυμπιάδης ἀνα- γρη.</i>	<i>Strabo.</i>
<i>Orosius.</i>	<i>Suetonius.</i>
<i>Otto Frisingensis.</i>	<i>Suidas.</i>
<i>Ovidius.</i>	<i>Ser. Sulpicius.</i>
<i>Peanius.</i>	<i>Tabulae veteres.</i>
<i>Panvinus.</i>	<i>Tubero.</i>
<i>Paulus Diaconus.</i>	<i>Tuditanus.</i>
<i>Pausanias.</i>	<i>Valerius Antias.</i>
<i>Pighius.</i>	<i>Valerius Maximus.</i>
<i>L. Piso.</i>	<i>Varro.</i>
<i>Plinius.</i>	<i>Vegetius.</i>
<i>Plutarchus.</i>	<i>Velleius.</i>
<i>Polyanus.</i>	<i>Virgilius.</i>
	<i>Zonaras.</i>

F I N I S.











30

